

chi l'a pi 'd fil farà pi 'd teila

Ex libris


LUIGI FIRPO


26. 3. 21.

FIRPO


2701

BIBLIOTECA NAZIONALE
TORINO











P R Æ F A T I O

ad illustrissimos potentissimosque

H O L L A N D I Æ

Vest-Frisiæque Ordines.

Inspiciendam vobis, Illustrissimi Ordines, offero rempublicam, qua nulla unquam in terris sanctior, nec bonis exemplis ditior fuit. Hujus initia, & incrementa perdidicisse, omninò vestrum est, quoniam illa hercle non hominem quenquam mortali concretionē statum, sed ipsum Deum immortalem, autorem fundatoremq; habet, cujus vos venerationem, atque intemeratum cultum suscepistis ac tuemini. Videbitis, quid demum illud sit, quod cives Hebraeos diutissimè in quodam vitæ innoxio genere continuerit; quid fortitudinem in

* 2

illis

illis excitaverit, concordiam alue-
rit, cupiditates frana verit. Profectò
habuit is populus regunda reipubli-
e instituta quadam ejusmodi, quæ
omnium essent prudentum praeceptis
potiora. Eorum nos magnam par-
tem posse ex sacris voluminibus erui
ostendimus. Sola est militaris disci-
plina, de quâ admodum nihil tradi-
tum memoria posterorum sit. Om-
ninò tamen virtutem bellicam in
omnibus Hebraeis summam fuisse
fatebitur, qui victorias eorum, atq;
res gestas cum animo suo reputabit.
Quippe homines exules, Ægypti fi-
nibus, quos diu insederant, relictis,
postquam longum fortuitumq; iter
emenſi essent, perq; annos XL incerto
errore in vastissimis Arabum de-
sertis obhaſſent, tandem fortissimis
pugnacissimisq; gentibus pulsas, fe-
liciter eas terras invasere, in qui-
bus oppida eorû & templum dicata
sunt. Hic verò illi in beatissimo solo
mirificè per concordiam mutuam
creverunt. Communibus enim con-
siliis

siliis omnium saluti consulebant. & civitates hercle, quæ plurimæ erāt, non suam singula dominationem stabilire, sed ingenti studio libertatē defendere publicam nitebantur. Ad imperium autem bene atq; utiliter constituendum, ne quid deesset, etiam legibus, magistratibus, senatoribus, iudiciis iisdem utebantur: ad hæc ponderibus, mensuris, ac pecuniâ eadem. Quare profecto, quo minus universa propemodum Palestina iam pro urbe unica posset, censeretur id unum obstabat, quod non iisdem mœnibus omnes ejus incolæ clauderentur. Cetera enim & in commune, & per singulas urbes similia erant atque eadem. Inter oppida tamen urbs una quædam fuit, quæ ex legis edicto ceteris esse omnibus dignior augustiorq; debuit: non hercle, quo dominatū in ceteras urbes teneret, sed ut omnes undique, qui in diffusissimis locis habitabant, quotannis ter illuc ad sacra communia atq; ad religionum caremo-

• *nias convenirent. Quare hac res ci-
vitatum concordiam adeò non di-
vulsit, uti etiam vinculum ejus
fuerit vel arctissimum. Incolebant
• maximam fertilissimamque regio-
nẽ duodecim Israëlitica tribus, quæ
admiranda fœcunditate singula in
magnitudinem gentis excreverant.
Nihil adversus eas vis hostilis, bel-
lorumve tempestates, aut alia id ge-
nus mala valuere. Semper cladibus
suis majores erant, & per cades, ac
per damna animos opesque sume-
bant ab ipso ferro. Atque hunc qui-
dem in modum diutissime Hebræo-
rum respublica stetit: donec tan-
dem, post Salomonis mortem, cum ad
summum felicitatis perventum es-
set, magna rerum conversio incessit.
Hieroboamus enim quispiam, cui
spes opesque omnes in discordiis ci-
vilibus essent posita, seditiosis con-
cionibus populum commovit, totis-
que decem tribubus ad se traductis,
republicam quandam seorsim sibi
constituit, cujus arx atq; caput Sa-
maria*

maria mox fuit. Quare iam haud una profecto, sed duae respublicae erant. Quarum altera, quae Israëlitica & decem tribuum dicebatur, ad breve oppidò tempus duravit. quippe tota illa gens debellata mox est, victoremque secuta abiit in aeternum exilium. Altera verò, quae Iudaeorum fuit, quaeq; imperii sedem Hierosolymam habebat, etsi ante Vespasiani Caesaris tempora penitus deleta non est, tamen vis ejus potentiaq; omnis adeò imminuta erat, ferè ut semper hostibus impar esset. Quorū omnium profectò nihil evenire quidquam potuisset, nisi in contraria studia scissi fuissent, qui antea conjunctis viribus tot gentium terrarumque victores evaserant. Discordia civium sunt, Illustrissimi Ordines, quae hostibus magnarum rerum praebent occasionem. Quare, quae res Hebraeorum imperium tantopere attrivit, haec ea ipsa est, quae aliarum quoque gentium florentissima regna destruxit. Per-

currite cum animis vestris omnium
temporum memoriam. Reperietis
hanc pereundi causam fuisse omni-
bus ferme, quæ magna atque excel-
sa erant. Rarò fortuna invidiam
suam populo uni in alterius perni-
ciem commodat, nisi prius ille, tur-
batis domi rebus, vitia ipse sua
suasque vires regere nesciat. Sane
quidem Romani, versutissimi mor-
tales, quos Marcus Tullius verè ait
sociis defendendis terrarum om-
nium esse dominos factos, præcla-
rè intellexerunt, ad convellendas
aliorum respublicas nihil sibi posse
à divino numine majus præstari,
quàm motus quosdam hujusmodi,
dissensionesque foederatarum gen-
tium. Ita enim, dum aut suppetias
laborantibus ferebant, aut dissidio-
rum erant arbitri, omnia latè sub-
egerunt: &, ubi solitudinem fecis-
sent, pacem appellabant. Erant
olim Achai omnibus terribiles pro-
pter eam societatem, quam sanctis-
simis legibus, summâ juris atque
liber-

libertatis æquabilitate inter sese
inierant Peloponnesi civitates. Res
publica autem ipsorum, ut longè
optima. ita profectò fermè tota simi-
lis vestra erat, Illustrissimi Ordines,
inconcussa ob conjunctionis fi-
dem, immotaque, & suis viribus
subnixa. Quàm sape ille rerum do-
minus, populus Romanus, cum in-
expugnabilem fore Graciam sciret,
quamdiu staret eorum societas, arte
& dolo dissolvere eam conjunctionē
conatus est? Datum id negotii Gallo
proconsuli est. &, cum res non pro-
cederet, callido commento adjuncti
ad eorum societatem Spartani sunt,
sed fœdere inæquali, ut dissidiorum
inter illos contentionumque causa
perpetua forent. Sanè verò ex hac
una re diu postea Achæis fatum ex-
cidii adventavit. Possem id genus
alia exempla, quibus pleni annales
sunt, referre: sed non est hic longa
recitationi locus. Ipsa illa

Terrarum Dea gentiumque Roma,
quam peste totius orbis esse condi-

tam Mithridates agebat, dissidiis
civium, & factionibus procerum
fatiscens, libertatem amisit, acce-
pitque dominum. Sed enim verò, ut
de Hebraeis dicam, ponendum illud
in extremo est, quod caput rei est.
Utique voluntatum illam studio-
rumque disjunctionem, quæ sacrum
populum, Salomone extincto, in
duas partes scidit, dies postea tem-
pusque ipsum, ut sit persæpe, compo-
suisset, sanitatemque aliquam attu-
lisset animis: sed Hieroboamus, ho-
mo improba dominandi flagitia
edoctus, cuius auspiciis facta pri-
mum secessio erat, arte quadam
usus est, quæ effectum fuit, ne un-
quam duodecim tribuum rediret
concordia. Veterem enim rectamque
religionem futili quadam supersti-
tione interpolavit. Ita, cum com-
mentum suum facundâ oratione
populo socordi & curis vacuo ob-
trusisset, iam exhinc non pro liber-
tate opibusve, sed pro sacris & pro
aris facta dimicatio est. Hæc, & id
genus

genus plura in his libris excussimus,
Illustrissimi Ordines, neque profe-
cto infrugiferum existimavimus,
publice hæc spectari. Vos ii estis,
Sanctissimi Patres patriæ, quibus
semper illud animo stetit, concor-
dia res parvas crescere, discordia
maximas dilabi. idque ita verum
esse, exitus tandem comprobavit,
postquam numinis benignitate, &
virtute vestra, atque invictissimi
principis auspiciis, Respublica ve-
stra multis magnisque incrementis
jam constituta tandem in illo fasti-
gio est, ut nihil hostes, nisi de magni-
tudine vestra, querantur. Hæc ve-
stra, quæ tantopere vos auxit, con-
junctio, animorumque conspiratio,
ut perpetua atque stabilis sit, Deum
optimum maximum, qui reipubli-
cæ hujus tutor defensorque est, sup-
plex quaeso & veneror. Equidem
ego, cum prudentiam vestram, sa-
pientiamque, quæ in maximis re-
bus semper eluxit, considero, plane
confido ita fore, uti omnes boni cu-
pimus

pimus. Et tamen profectò nemo glo-
riari nunc potest tam feliciter se
natum esse, uti non interdum con-
vertere cogitationem debeat ad o-
mnis ævi exempla. Iam permulti
cives vestri in partes nescio quas
discessere, sententiisque contrariis
inter sese pugnant, postquam orta
inter eos inutilis dissensio est de reli-
gionum mysteriis, quæ plerique non
intelligunt. Sequitur affectus suos
hinc inde multitudo, & quotidie
plurimum inflammatur ardor. Huic
rei ut tempestiva remedia adhi-
beantur, vestra interesse, vos Illu-
strissimi Ordines intelligitis, qui
jam sedulo in hanc curam incum-
bitis, ne florentissima res vestra da-
mnum capiant aliquod ex hujus-
modi intestinis malis, quæ fuere
eruntque pluribus populis magis exi-
tio, quam bella externa, quam fa-
mes, morbi ve, quæque alia terris
incumbere, tanquam pestes quæ-
dam, solent. Sed supervacuum est
plura de his dicere, cum nihil tam
ex

ex alto reperiri possit, quod vobis cogitantibus in promptu non sit. Illud à vobis peto, Illustrissimi proceres, uti rempublicam hanc Hebraam, sanctissimam omnium, optimamque, quam in his libris descripsimus, etiam atque etiam intueamini. Erunt illic quaedam, quæ reges principesque, & rerumpublicarum moderatores seligere in usum suum queant. Equidem ego tanto facilius animum meum induxi, uti hæc vobis offerrem, quod in illo senatu vestro assidere primarios quosdam seculi viros cogitabam, quorum est eruditio ejusmodi, ut, si quid etiam dictum hæc est, quod antiquitatem & nobilium autorum monumenta illustret, bene de eo præclareque judicare possint.

Illustris. Magnitud. Vestræ
devotus

P. CYNÆVS.

Bene-

*Benevolis lectoribus
salutem dico.*

REPREHENSVS olim Albu-
tius Rhetor est, quod de om-
ni causa dicere cuperet, non
quicquid debebat dici, sed
quicquid poterat. Nos an in his com-
mentationibus executi simus quæ dici
oportebat, aliis judicandum relinqui-
mus. At illud certo scimus, & profiteri
non erubescimus; plurima nos præter-
misisse, quæ dici poterant. Enimvero,
cum ante nos argumentum hoc per-
tractavissent viri duo eruditissimi, Ca-
rolus Sigonius, atq; Cornelius Bertra-
mus, nolebam actum agere, aut quæ ab
illis dicta essent, molestissima iteratio-
ne repetere. Quare hîc nos quædam
aliarum rerum summa fastigia perva-
simus, quæ ad reipublicæ hujus consti-
tutionem pertinerent. Atque adeo,
omissis illis, quæ Sigonius Bertramus-
que vulgaverunt, liberrima scriptione
huc congeessimus, quæ aliunde nobis in
promptu erant. quæ profecto & plu-
rima erant, & omnino digna observa-
tu esse videbantur. Bonam autem par-
tem eorum nobis suggessit Rabbi Mo-
ses Ben Maimon Ægyptius; cuius in-
dustria sagacitasque omni prædicatio-
ne est major. Eum luculentum auto-
rem

rem transmisit ad nos vir amplissimus, Ioannes Borelius, qui potentissimis Zelandiæ Ordinibus à secretis est. Utique quantumcunque est illud, quod nobis monumenta maximi Rab-
bini perlustrantibus mirifice placuit, id omne acceptum ferri ejus viri humanitati debet, à quo eximium illum rerum Iudaicarum scriptorem accepimus. Nos neminem scimus, in quo nunc plus præsidii Hebraismus, quam in Borelio, habeat. Adeo ille ingentem thesaurum ex Oriente eorum voluminum comportavit, quæ nunquam aut raro vidit noster orbis. Vos, qui harum rerum studio tenemini, summam ejus viri eruditionem, propensamque ad literas ornandas voluntatem diligite; colite: & ex locuplete ejus Bibliotheca quondam omnia præclara atque incomparabilia expectate.

INDEX

INDEX CAPITVM LIBRI PRIMI.

CAPVT I.

DE Reipublica Hebrae institutis. De
legislatione. Inanis Gracorum jactan-
tia. Quis primus auctor scripti Iuris
fuerit. Septem praecepta Noachi filiis
data. Quid in republicâ constituendâ,
nominandâ, atque in legibus sancien-
dis Moses spectauerit. Pag. 1.

CAP. II. Hecataei liber singularis de Iu-
daea. Prudens legislatoris consilium de
agrorum assignatione. Non debuisse eos
occupantium esse. De lege agrariâ, deq;
ejus inæstimabili utilitate. Redemptio
agrorum. Beneficium Iubilaei. Restitu-
tio gratuita agrorum. Iuris Talmudi-
ci quaedam sanctiones super ea re. De
Maimonide, ejusq; luculentissimis com-
mentationibus. Quid jubilaorum cele-
britas servis contulerit. Per novem dies
coronati servi. Saturnalium quaedam
imago. 6.

CAP. III. Amplius de duplici causa le-
gis agrariâ dictū. Ex latifundiis quàm
crebra mutationes rerum. De Romanâ
republica. Lex Stolonis. Quibus artibus
veteres Hebraei se sustentaverint. Quàm
cavè legislator providerit ne ea desere-
ren-

rentur. *Leges divina de rusticatione
& re pecuaria.* 11.

CAP. IV. *In quas angustias Iudaos septimus quisque annus detruserit. Alexandri Magni beneficium huic genti concessum ob quandam vaticinationem. Iudaorum rara olim commercia cum exteris gentibus. Quanta in ignoratione rerum Iudaicarum versati sint Græci. Aristotelis commentum de Callanis India sapientibus. Quibus rebus vita moresque civium immutentur. Qui cives optimi. Nullis artificijs Iudaos celebres fuisse; idque in laude positum. De opificibus.* 17.

CAP. V. *Ægyptiorum odium in Hebræos, & vera causa ejus. Ægyptii ignavis artibus curisque dediti. Qua solertia Sesostris eviraverit civium animos. Lex Ægyptiorum de opificum artibus ad hæredes cujusq; transmittendis. De Niliaca plebe, qua in servitute. De sacerdotibus. De pastoribus, qui tertia Ægyptiorum pars, & quam formidati ceteris Ægyptiis semper fuerint. Superstitionem Ægyptiorum nihil fecisse ad pastoritii generis odium: & male id existimari. Plebem Ægyptiam non ita agricolas execratam fuisse, ut pastores. Et causa ejus rei.* 22.

CAP. VI. *Quando Iubilai desierint cele-*
* *

celebrari. Cur illorum habitam esse rationem in annis sabbaticis numerandis dixerit Maimonides. Rejēcta Maimonida opinio. 26.

CAP. VII. Trina consecratio Palaestina & urbium ejus. De jure urbium. Lex de pradiis urbanis. De urbe Ierosolyma, deque ejus privilegiis. Agrippa impium facinus, & super eo Iudaeorū legatio ad Neronem. Quibus ceremoniis proferri urbis Ierosolymae pomœria oportuerit. Ius muniendi à quibus datum. Quando rempub. suam penitus Iudaei amiserint. De oppidis, quae asyli jus habebant. 34.

CAP. VIII. Quid Palaestina prae aliis regionibus habuerit. Non potuisse rempublicam Hebraeam in alias sedes transferri. Explicatum Maimonida dictum de Babyloniensibus Iudaeis. Ampla res eorum, & regnum ab illis Hyrcano oblatum. De sceptro Iudae quid existimandum sit, contra Maimonidem asseritur. Respublica Iudaea ad Palaistinam alligata. Iudaeorum scitum de templis, quae extra Ierosolymam à popularibus condita. 44.

CAP. IX. Criminalia judicia intra Palaestinam stetisse, & Babyloniensibus Iudaeis aliisque negata fuisse. Ad totius commentationis hujus lucem ostensum quam

quam diu respublica fuerit omnium
Hebraeorum, & quando Iudaeorum esse
cœperit. Hinc sciri posse quidnam sit
sceptrum Iuda. Eusebii, & eorum, qui
secuti eum sunt, erudita & plausibilis
sententia confutatur. Quid sit maje-
stas imperii, & quorum sit. 49.

CAP. X. Nunquam duodecim tribus He-
braas de nomine Iudaeorum appellatas
esse. Decem illas tribus, quæ ante Nabu-
chodonozoris tempora aucta à Salma-
nassare sunt, nunquam in Palestinam
rediisse. duas duntaxat tribus, non plu-
res, paruisse Romanis, usque ad Flavii
Iosephi tempora. Passim Eusebii &
aliorum error notatus. 57.

CAP. XI. Hariolatio quorundam, qui
sceptrum Iudaicum esse Davidi datum
ajunt. admodum serò contigisse, quod
dictum multò antè de Iuda sceptro
erat. Quando ablatum Iudæis scep-
trum sit. 65.

CAP. XII. De dictatoribus, iudicibus-
que. de senatu Sanhedrin. de initiatio-
ne senatorum. ñ Ἀποθεῖα. item so-
lenne carmen. qui allecti in id concilium,
qualis jurisdictio eorum. de po-
puli comitiis. de poculo Sutha. Iudæo-
rum delirium de magia usu. de Elea-
zari incantamentis. 67.

CAP. XIII. De duobus aliis conciliis, quæ

Ierosolyme fuere præter senatum Sanhedrin. De senatu XXIII virorum, qui in singulis oppidis. De triumvirorum collegio. Civitatum quis modus esse debeat. De quinquaviris cadis expianda causa creatis. De septemviris & triumviris, qui annis & mensibus intercalandis præerant. Tempora à Rabbi Hillele Babylonio ordinata. Vis concilii Sanhedrin à Gabinio callide imminuta.

77.

CAP. XIV. De regis creatione, & an placuerit ea numini. Cur initio rex malus à numine adscitus. Quas res in illo legendo spectaverit vates. Liber de regni jure in sanctuario positus. Quarum rerum potestas data regibus Hebrais sit. Quis honor illi à Pontif. maximo, à sacerdotibus atq; à vatibus delatus. Locus Samuelis contra quosdā interpretes stabilitus. Sedendi jus in atrio sacerdotum soli regi datum, non ipsis sacerdotibus, nec aliis. Cuiusmodi regibus paruerint primi homines, ex Aristot. Quidnam Hebrais regibus sanctitatem adjecerit. Non eam hinc esse, quia vates fuere. Solos reges & pontifices maximos unctione fuisse initiatos. Unguentum sacrum à Iosia defossam, nec post repertum aut usurpatum fuisse sub templo secundo. Reges Samariae an uncti fuerint. 82.

CAP.

CAP. XV. Quibus artibus Hieroboamus
ad regnum obrepserit. Rerum publica-
rum inclinatio, conversioque. Scipionis
prudencia verecundiaque in lustris con-
dendo. Carmē lustrale pro republica. In-
genium plebis quale. Cui urbem Siebe-
murū tenuerit Hieroboamus. Religionū
sacrorūq; mutatio quoddam flagitio-
se dominationis arcum. Ex decem
tribuum secessione quot mala extiterint.
De Sesostris falsa Herodoti narratio. Re-
gni Samaritici eversio. Transportatio
gentium cur à victoribus facta. Iudae-
orum exilium. Ex Ierosolyma spoliis
templum Beli, & Babylonis munitio.
tam pensilia nemora; mixtūq; hostiles.
Gracorum futilitas, ex Beroso. Redi-
tus Iudeorum in Palaestinam. Inpe-
ritium ad Leuitas devalutum. Contem-
ptiones eorum de imperio.

92.

CAP. XVI. Reipublica regimen apud
pontifices. eorū flagitia, & improba
machinationes. De Eliasibi filiis. Tem-
plum Garizitanum qua impietate ex-
structum sit. Onia detestabile scelus.
Matthias Hasmonaeus, laudatissimus
dux. Principatus Iudae Maccaei.
Alcimo nequissimo bipedum. Iudae
iterum sub regibus. De Herode. de Adu-
maei, & numine eorum Cosa. Samea
vera divinatio. Qua iniquitate Hero-

des imperium exercuerit. Ut Iudaorum leges temeraverit. 100.

C A P. XVII. De Messia, Iudaorum atque gentium omnium rege. Mystica vocis scriptio in verbis Esaie. Bileami vaticinium ex Iudaorum interpretatione. Quid singulare in hoc regno. Rabbi Abrahami animadversiones in Maimonidem. Ezechielis obscurissima oracula de templo, deque sacris in regno Messie. Nimis imprudenter in istac inquire. 106.

C A P. XVIII. Status Iudaorum post Messia adventum. De restitutione Iudaorum, quæ adhuc expectatur. Quæ sit dignitas etiam hodie illius gentis. Quantum Iudæis nostra debeat religio. An sacri libri ab illis interpolati aut corrupti? de Masoritarum diligentia & fide. 111.

LIBRI SECYNDI.

C A P. I. Familia Pontificalis. De Alcimo malè existimatum. Pontificis constitutio penes quos. Chalcedensium regi quid beneficii à Claudio datum. Pontificis munia. Quando nobile officium suum Pontifex obierit. Quem habitum tunc gesserit. Flavii Iosephi error, ex prope-
rantia

rantianatus, qui omnes hactenus decepit. Ejus confutatio. Maimonida recta sententia.

122.

CAP. II. Pontificis sacra vestis modo à Romanis, modo à Iudeis asservata. De Pontificis galero. De sacerdotum pileis. Lapidei Vrim & Tummim, in quibus vis oraculi fuit. Quando ii amissi sint. Cur alii facti, & adhibiti postea sint, cum eorum nulla vis amplius esset. Quis fuerit modus consulendi oraculū Vrim & Tummim. Quibus de rebus responderit Pontifex.

130.

CAP. III. Vestimenti laceratio quatenus Pontifici permissa. Item quatenus sacerdotibus. De Caipha. Lex conjugii alia pontifici, alia sacerdotibus posita. Matrimonium virginis, vidua, vitia-
ta, & per divortium dimissa. Polygamia. Habitatio Pontificis. De Augusto Casare.

133.

CAP. IV. Contra Divum Augustinum, atque contra Carolum Sigonium disceptatur de Pontificis ingressu in Sancta Sanctorum. Locus in epistola ad Hebraeos malè à Sigonio intellectus. Altare suffituum non fuisse in Sancto Sanctorum, contrà quàm Divus Augustinus sensit.

135.

CAP. V. Thilonis Iudei quadam loca excussa, & explicata. Lapsus Thilonis.

nis. item ejus, qui librum I. Macca-
baorum. scripsit. Post reditum Iudaor-
um ex Babylone, legem non planè ser-
vatam fuisse in templi adificatione.
Argumenta quædam dissentientium
rejecta. Quid Mosi præ Pontificibus
concessum fuerit. 140.

C A P. VI. Vicarius Pontificis sub deci-
mum diem mensis Tisri constitutus.
Quot gradus dignitatum inter pontifi-
catum & sacerdotium interpositi fue-
rint. Iusjurandum solenne quotannis
Pontifici delatum sub templo secundo.
& causa ejus. Hæresis orta de suffitu in
adytis adolendo. Hircus in desertum
missus. Mons Hazazel. Iudaorum sci-
ta quædam super ea re. 148.

C A P. VII. Initiatio Pontificis duplex,
& qualis. Quando altera cessaverit.
Quando Pontifex ab juvenci mactatio-
ne, quam lex præscripsit, immunis fue-
rit. 153.

C A P. VIII. Sacerdotum stationes, &
ἐφ' ἑσέῃ. Qui judicaverint de vi-
tiis sacerdotum. Damnati sacerdotes
qua conditione fuerint. Lignile. Anti-
goni in Hyrcanum facinus. 155.

C A P. IX. Sacerdotes Levitæsq; fuisse par-
tem quandā magni concilii Sanhedrin.
Negotia regia atque civilia publice
Levitis commissa. Virtutum insignis
imago

imago in illis. Accessisse eos ad meliorem partem, atque ad æquiores causas, cum scissa olim divisay, Hebræorum respublica fuit. Quotopere degeneraverint mox à recta indole, atque à veteri integritate. Summum reipublicæ regimen occupatum ab illis, atque immodeste usurpatum. 159.

CAP. X. Qui fuerint Anschæ Hammamad. Quali legatione functi sint. Sacrificia pro populo peracta. Legatos hos etiam extra Ierosolymam munus suum in synagogis obisse. De jejuniis eorum. Cur pridie & postridie Sabbati non jejunaverint. 163.

CAP. XI. De Levitis illis, quorum ministerio sacerdotes utebantur. classes eorum, & diversa munia. Nethinæi. Lex annaria de Levitis lata quando cessaverit. Levitas non iidem, ut sacerdotes, reprobatos fuisse. Quantum nefas fuerit, confundi eorum ministeria. 165.

CAP. XII. Templum Ierosolymitanum. Cur intus illic tanta vis auri. De templis veterum, in quæ aurum non inferebatur. non esse id Indæorum institutis contrarium. Confutatus quorundam error. Talmudicorum scitum de iis, qui sacram adem adeunt. Quid sint triæ On in Messia edito. Salomonis industria in templi extruptione. Quam celeri

I N D E X

celeriter consummata ea operis moles. Diana Ephesia ades quibus impensis & quam lente edificata. cur in palustri solo ea posita. Iudaorum commentum de monte Moria. 169.

CAP. XIII. *Admiranda quaedam de templo, deq; sacrificiorum & sacerdotum multitudine. De festo Paschatis singulare quid, & penè supra fidem. Lignorum tres strues in altari. De aternis ignibus. Corban Habitsin, oblatio lignorum, & dies festi ad hanc rem. Talmudicorum & Flavii Iosephi discrepantia. Superstitio eorum, qui intraverint templum, quique exiverint ex illo.* 173.

CAP. XIV. *Addita religionibus majestas. Talmudicorum sententia de muro, qui adyta separabat. & cur is in templo secundo non restitutus. De custodiis templi. An rectè eas Maimonides esse ex lege tradiderit? Morbi crebri sacerdotum unde fuerint?* 177.

CAP. XV. *De Ierosolymæ & templi excidio. Quid Romanos ad rem atrocissimi exempli sollicitaverit. Casus quidam admirabiles à Iudæis notati de excidio templi prioris & posterioris. Titimiseratio & lacrymæ. De tertio templo, quod adhuc expectant Iudæi. Ælia Capitolina in ruinis Ierosolymæ condita,*

ditā, & additum à Casare Hadriano
Iudibrium. 180.

CAP. XVI. De templo Samaritanorum,
quod in monte Garizin. Qui fuerint
Chutai. Vnde aduerti in Samaria sedes
sint. Quanto deteriore conditione fue-
rint quam Iudai. De religione eorum
quadam. Fuisse eos primum idololatrias:
mox, abdicato idolorum cultu, lapsos in
hæresin esse. 185.

XVII. De Hæresibus sectisque Iudeorum.
Quando ea orta sint; & vera causa
earum. Cur ante exilium Babylonienſe
in idololatriam, post illud exilium vero
in hæreses inciderint Iudai. Quare diffi-
cile sit ab idololatria ad hæresin desci-
scere. De Bano, deque Gæulonitis, &
Zeloris, item de impostoribus quibus-
dam, qui in Iudæa religionum prætex-
tu grassati ad res novas sunt. 189.

CAP. XVIII. Virtus bellica Iudeorum.
Quanti ea fuerit apud exteros reges.
Verba Chærii à Flavio Iosepho male
accepta. Qui sint Solymorum montium
habitatores in Chærii carmine. Ton-
sura modus Iudæis vetitus. Quid hoc
sit, quod de Phœnicum sermone Chæ-
rilus ait. 196.

CAP. XIX. De bello, quod lege indictum
fuit, deque eo, quod sponte susceptum
ab Hebræis est. Quales pacis leges oblatæ
hostibus

I N D E X

hostibus sint. Quid illud sit, quod Talmudici de septem praeceptis tradunt, quae servanda omnibus gentibus fuere. Quam citò post orbem conditum, & quam latè animos mortalium pervaserit idololatria. Hebraeorum notabilis sententia de Abramo: & quando is re-
ctum numinis cultum suscepit. 200.

C A P. XX. Feciales pacis offerenda causa missos esse etiam ad septem Cananae populos, contra quam vulgo existimatum est. Cur Gibeonitis dolo atque astu opus fuerit ad petendam pacem. Cur septem Cananae populi ad internecionem occisi. Cur Ammonitis & Moabitibus oblata pax non sit. De sacerdote, qui praelii causa ungebatur. 206.

C A P. XXI. Qui fuerint immunes militiâ. Saulis severitas in cogendo milite. Pœna in eos sancita, qui sacramentum detrectarent. Vnde Flavius scripserit, deos peregrinos in bello non violandos Iudais. Laudabilis Iudaorum religio, cum Beli ades refecta ab Alexandro est. 210.

C A P. XXII. Sabbatorum observatio Iudais saepe noxia in bello. Ea superstitio animis hominum exempta per Matthiam Hassamonæum. Stratonica febriculosa pietas. Auspiciorum atque omnium vis à Mosollamo, acerrimo milite

C A P I T V M.

milite Iudæo, elusa. Ostenta & omnia
esse in potestate mortalium. Lex divi-
na de sexuum distincto habitu non in-
tellecta à Flavio. Adulterarum toga
apud Romanos. Charonda miles sto-
latus. Medoxim. Persuramque mot-
litier. 213.

C A P. XXIII. De Iudæis, qui extra
Palestinam in aliis regnis habitavere.
Gentium plurimum migrationes, & vo-
luntaria exilia. De Iudæis Asiaticis,
dequæ Babylonienfibus, & tunc de A-
gyptiis & Alexandrinis. Pecunia ab
illis. Ierosolymam missa. Quanta opes
in sepulcro Davidis. Darius à Semi-
ramide elusus. Iudæorum Hellenista-
rum, & Palestinorum. insensa emu-
latio. Quo jure, quaque conditione
apud Romanos Iudæi fuerint post e-
versam sacram urbem. De polygamia.
218.

C A P. XXIV. De lege, quam Iudæis Mo-
ses scripsit. Opinio veterum quorun-
dam de sabbato confutata. De amne
Sabbatico quæ Plinius, Rabbi Mai-
mon, & Flavius Iosephus retulere, ex-
cussa. Cur magis suis, quam cæteris
animantibus abstineant Iudæi? Plu-
tarchi rationes rejectæ. De Egyptio-
rum morbus. Iudæos non fuisse Bac-
chi cultores, contra quam Plutarchus
& alii

INDEX

Et alii Romani scriptores senserunt.
229.

LIBRI TERTII.

- C A P. I.** Initia Ecclesiae, & incrementa. Satana stratagemata. Locus in 1. cap. Genes. explicatus. De serpente. Quid sit caput libri. Error Hieronymi. Liber Enochii commentitius. 255.
- C A P. II.** Ecclesia identidem admiranda numinis iudicio intra unam familiam coarctata. Id exemplis ostensum. 268.
- C A P. III.** Sententia nostra de Melchisedeco contra communem receptamque opinionem confirmata. vis praesidiumque ingens additur epistola ad Hebraeos. 274.
- C A P. IV.** Ecclesia fata ab Abrami temporibus usque ad regni Israelitici scissionem, quae post Salomonis mortem contigit. Divinandi vis in merituris. Israelitarum idololatria in Aegypto. Superstitionibus Aegyptiorum saepe postea obnoxii Israelitae in Palaestina. Apis. Serapis. Vitulorum, & serpentis veneratio. An Iudaei asinum coluerint? Cur Aegyptii asinum execrati sint? Cophinus faenumque Iudaorum, qui Roma erant. Res legesque Iudaicae intactae Gracis Romanisque scriptoribus, & quare. De Theo.

Theopompo & Theodeste. Iudaorum
adversus exteros odium. Mendacia de
Iudeis. 295.

CAP. V. De circumcissione. Qua gentes o-
lim fuerint circumcisa. De Aegyptiis,
Ethiopiis, & Colchiis. Verba Ieremia
de Aegyptiis à quorundam interpre-
tatione vindicata. Pauli locus de iis,
qui praputia reducunt, perperam ab
Hieronymo intellectus. Immodicus a-
fusus Hieronymi in libris adversus Iovi-
nianum. Hallucinatio ejusdem in ver-
bis Iosua de repetita circumcissione. Cur
circumcisio octavo die celebrata. 310.

CAP. VI. De religione Iudaorum. Cur
Iudaei nubium & incerti numinis cul-
tores habiti olim sint. Quid illud in
Petronii Cataleſtu sit, coeli auriculas
advocare. Non esse id Caelicolu dictum.
Atheniensium calumnia in Socratem.
Ara ignoti Dei apud Athenienses. Iu-
daorum inexpugnabilis constantia in
unius numinis cultu post templum se-
cundum. 324.

CAP. VII. De vatibus, deque divino af-
flatu. De Elia. An vates furore corre-
pti, & mentis impotes fuerint, cum su-
tara canerent? Montani dogma, & mu-
liercula fanatica, quae instruxit ille. De
Delphicis vatibus, deque impostura, &
artibus, quae illi in usu. Ficta cum nu-
mina

INDEX CAPITVM.

mine colloquia. Hæreticorum veteres
doli: & de Valente Arrianorum dux.
De Esaia, deque Ieremia. Iudaorum
vesana opinio, Daniele vatibus non
esse annumerandum. Inutilis aliorum
contentio super ea re. Crætetis affectata
pauperies. Eliæ & Ioannis Baptista
comparatio. 333.

CAP. VIII. De Cabala, sive, de lege, quæ
scriptis mandata non est. Quo pacto
refecandi sint nodi, qui in locis parallelis
latent. Quam sobriè utendum sic ana-
gogis & mystica interpretatione. De
Iudeis. Karraitis, quorum factio præ
cæteris cordata est, & fugitans inep-
tiarum. De opibus eorum. 343.

CAP. IX. Quid de Messia perceptum
cognitumve habuerint Hebræi in vete-
ri Ecclesia. Tota res illa diligentius ex-
cussa. Quam pravo more omnia ad ar-
tem & ad formulas adstringantur.
353.

PETRI



PETRI CVNÆI
De Republica
HEBRÆORUM

LIBER PRIMUS.

CAPVT I.

De Reipublica Hebrææ institutis. De legislatione. Inanis Græcorum jactantia. Quis primus auctor scripti iuris fuerit. Septem præcepta Noachi filiis data. Quid in reipublicâ constituendâ, nominandâ, atque in legibus sanciendis Moses spectauerit.

NON nos magnopere in his libris delectu aliquo, aut accuratâ conquisitione utemur. Libet enim, quæ sponte se offerunt, è medio arripere, &, ut aliud ex alio in mentem nobis incidit, ita quidque persequi. Condita Hebræorum respublica à divino maximoque viro Mose est, qui primus

A rem

rem in terris est aggressus omnium pulcherrimam. Equidem sic existimo, cum multa extent multorum præclara facta, quæ fama olim pro maximis celebravit, longe nobilissimam fuisse eorum operam, qui conciliis cœtibusque hominum, quæ civitates appellantur, jura atque leges dictaverunt. Nihil est enim præpotenti Deo, qui hunc mundum regit, acceptius. Sed ejus rei ut est magna atque excelsa gloria, ita multæ nationes pridem sibi illam vindicare. Sane Græci quidem, dum ambitiose beneficia sua cunctis nationibus imputant, legum lationem inter prima ponunt. Lycurgos enim, Dracones, Solones, Zaleucos Locros loquuntur, aut si quæ alia sunt vetustiora nomina. Sed vana est ea omnis gloriatio. Gentem enim ventosissimam conticescere Iudæus jussit, Flavius Iosephus, cujus apologia usque ad miraculum erudita est, quæ extat adversus Apionem, hominem Iudæis inimicum quidem, sed tantâ nominis celebritate, atque tanto doctrinæ strepitu viventem, meritò uti *Cymbalum mundi* dictus habitusque sit. *Plin. in præfat. operis.* Ostendit ibi Flavius Græcos legillatores, si cum Mose comparentur, infimæ vetustatis esse, & heri aut nudius-

ma

tertius natos videri. qua enim tempe-
state Homerus Græculorum pater vi-
xit, ignotum illis legum nomen fuisse,
neque extare id usquam in ejus poë-
mate. dicta modò sententiolaſq; quaſ-
dam in omnium ore fuiſſe, quibus
plebs regeretur. aut ſi opuserat, prin-
cipum juſſa interdicitæque acceſſiſſe,
que literis non conſignabantur. Enim-
verò Moſes, quod recte obſervarum à
Flavio eſt, cum Homerum multis ſe-
culis anteceſſerit, propriam ſibi hanc
fecit laudem, quam poſtea concupivê-
re tam multi. Primus enim ille leges
ſcripſit publicavitque, uti diſceret po-
pulus quid juſ faſque aut nefas eſſet,
quibusque ſanctionibus ſtabilienda ea
reſpublica foret, quam conſtitui mox
in Palæſtinâ ſummus Deus juſſerat.
Ante Moſis tempeſtatem ſcripta jura
non agnovit orbis. etſi enim antea
profectò haud plane ſine legibus gens
hominum agitaverat; tamen neque
publicis tabulis eæ, neque ullis monu-
mentiſ erant conſecratæ. Hujus gene-
riſ ſeptem præcepta illa fuêre, quæ Tal-
mudici data eſſe filiis Noachi ajunt. ea
juſtiçiæ regulas quaſdam continebant,
quibus carere hominum vita nequibat.
quare viſ eorum tam latè ad omnes
pertinuit, ut qui nescirent ea, hoſ in-

terficere in bello, atque ex hominum
 communione tollere jussu Israëlitę sint.
 Neque id sine causa fuit. omnibus e-
 nim belluis nocentiores videbantur,
 qui jus nullum accepissent. Vtique,
 quod Aristoteles divinitus dixit, deter-
 rima sævissimaque est injustitia, quę
 instructa armis est. hominem autem
 natura cum armis edidit, ratione at-
 que prudentiâ, quibus insigniter ad
 perniciem valet, jura si demas. Sed di-
 camus de Mosis instituto. Ille rempu-
 blicam conditurus, quę in terris san-
 ctissima foret, summam rerum pote-
 statem numini detulit. & cum alii no-
 mina alia, ut res fert, reperiant, ac mo-
 narchiam modò oligarchiamque &
 interdum democratiam appellent, ni-
 hil ille horum fore pro naturâ atque
 indole intellexit tanti imperii. Igitur
 regiminis quendam modum consti-
 tuit, quem persignificanter Flavius ad-
 versus Apionem vocari posse *θεοκρα-
 τίας* ait, quasi tu ejusmodi civitatem
 dixeris, cujus præses rectorque solus
 Deus sit. Quę enim cunque gereban-
 tur, hujus geri judicio ac numine pro-
 fessus est. Idque ita verum esse, claro
 documento probavit. Etenim, qui om-
 nia ex se uno pendentia videbat, qui-
 que populum oratione flectebat in
 om-

omnem partem, nullam ex tam bellâ occasione potentiam sibi, nullas opes, nullos honores quæsiuit. Id quod profecto vix hominis videtur. Est enim insita mortalibus imperii cupido quædam, eaque vetus hercle admodum, & cunctis affectibus flagrantior: quam, ut ego existimo, nunquam expellere ex pectore suo Moses potuisset, nisi interesse & præstare rebus gerundis Deum vidisset, cum quo in societatem regni venire extrema dementia fuisset. Iam vero, quo firmior respublica foret, ita sanxit edixitque, omnia uti ex legibus fierent. Legum autem non dominos, sed custodes & ministros, esse magistratus voluit. Quæ constituta ab illo rectissimè sunt. cum enim homines etiam optimos ira interdum aut amor transvorsos à recto agat, solæ leges repertæ sunt, quæ cum omnibus semper unâ atque eâdem voce loquerentur. Atque hoc est, quod subtiliter dixisse mihi Aristoteles in libris Polit. videtur, *legem esse mentem quandã sine cupiditate*. Accedit, quod rerum omnium primum est, æterna legum stabilitas, quibus adjicere aliquid aut demere piaculare nefas fuit. non veteres aboleri, non rogari novas contigit. observatio verò earum exacta ab omnibus rigidis-

lime est, etiam inclinantibus reipublicæ fatis. Quod plane contrà aliis in rebus publicis fuit, quæ, legibus fundatæ cum essent, legibus eversæ sunt. nam & dominantium plerique, ut aliquid suum viderentur afferre, etiam recta commutaverunt; & sanctiones multæ per desuetudinem, plures (quod flagitiosius est) contemptu abolitæ securiora vitia fecêre. Sed nos eam diversitatem nunquam mirati sumus. Cæterarum enim gentium leges, cum hominum excogitatæ ingeniis sint, severitas pœnæ tuetur, quæ tempore plerumque, aut dominantium socordiâ cessat. at, quæ Iudæis observantur, æterni numinis scita sunt, quibus nihil longa dies aut iudicum derogat facilitas. manent enim, eademque sunt, &, cum secures ac virgæ non amplius timeantur, terret tamen adhuc animos religio.

CAPUT II.

Hecatai liber singularis de Iudaa. Prudens legislatoris consilium de agrorum assignatione. Non debuisse eos occupantium esse. De lege agrariâ, deque ejus inæstimabili utilitate. Redemptio agrorum. Beneficium Iubilæi. Restitutio gratuita agrorum. Iuris Talmudici quæ-

quadam sanctiones super ea re. De Maimonide, ejusq; luculentissimis commentationibus. Quid jubilaorum celebritas servis contulerit. Per novem dies coronati servi. Saturnaliū quādam imago.

SAepe Flavius Iosephus Hecatæum Abderiten laudat, summa fide atque integritate virum, qui se Alexandro Magno olim expeditionum bellorumque comitem adjunxerat. Is, cum terras multas adiisset omni copiarum genere abundantes, nullam æquē, ut Palæstinam admiratus est. Quare librum de ea singularem scripsit, ex quo, multa pro Iudæis Flavius adversus Apionem recitat. Illud ad rem, de qua dicturi sumus, pertinet, quod regionem optimam, frugumque feracissimam habitari à Iudæis ait, cujus amplitudo continet *τετραγωνίαν πνεύματος ἀγροῦν*, planē ut appareat aptissimas Hebræis fuisse sedes has, in quas ex Ægypto illos transmisit numinis benignitas. Qui enim antea vitam semper in culturā agri, atque in pecudum pastione egissent, hic jam in ubere solo egregie suis se artibus locupletare, atque in rebus esse bonis poterant. Inter initia, cum promissam pridem Palæstinam occupa-

passet armis sacer populus, illico Moſis
juſſa ſecutus ſummus dux Iofua eſt. V-
niverſam enim regionem in duodecim
partes diviſit, atque habitandam toti-
dem tribubus dedit. Mox ſingularum
tribuum familias numeravit, & pro
capitum multitudine certum cuique
modum agri, atque proprios fines de-
dit. Ita proviſum eſt, uti eadem æqua-
litate omnes continerentur. quæ eſſe
prima cura bonis reipublicæ modera-
toribus ſolet. Idem Græci poſtea Ro-
manique, cordatiſſimi mortales fece-
re, colonias cum deducerent. Quod ſi
occupatione ſuum quidque feciſſent ii,
qui primi in vacua veniſſent, jam ne-
ceſſe fuiſſet pugnas motuſque civium
ingentes exiſtere. Quicquid enim ejus-
modi eſt, quod ex communi facere
proprium poſſis, in eo fit plerumque
tanta contentio, ut difficillimum ſit
ſervare ſanctam ſocietatem. Porro,
quoniam ſapientis eſt non præſentia
modo ordinare, ſed ea ſtatueret etiam,
quæ profutura alteri ſeculo ſunt, præ-
claram legem quandam Moſes tulit,
qua effectum eſt, ne paucorum opulen-
tia quandoque cæteros opprimeret,
neu mutatis ſtudiis cives ad novas ar-
tes peregrinaſque ab innoxio labore ſe
converterent. Ea fuit lex agraria, quæ
veteris

vetuit ne quis venditione aut ullo contractu plenum dominium fundi sui transferret in alium. Nam & iis, qui egestate compulsi agrum vendidissent, redimendi jus quovis tempore concessit. & ni redemptus esset, restitui eum gratis in Iubilæi celebritate iussit. Est in admiratione hominū scriptor maximus, Rabbi Moses Ben Maimon, is, qui Talmudicam doctrinam sepositis nugamentis feliciter complexus est divino illo opere, quod ipse משנה תורה appellat. Nunquā ita magnificē quidquam de illo autore dicemus, quin id virtus superet ejus. Fato enim quodam & sorte nascendi primus solusque in illā gente rectē intellexit, quid hoc sit, non ineptire. Sæpe nos in his libris eum luculentissimum testem citabimus. Atque nunc quoque in hac ipsā re, qua de agimus, perutilis erit nobis ejus autoritas. Multa ille de Iubilæi beneficio in Halacha Schemittra Veiohel tradidit, aitque id positum in eo fuisse, quod omnes agri ad veteres dominos redibant, etiamsi centies emtores mutaverant. Nec eos excipit eruditissimus scriptor, quos ex donatione acceperit aliquis. nihilo enim magis retineri eos à possessore potuisse ait. Atque hoc juris Talmudici est: & rectissimum videtur.

cur. Etiam illud prodit ex eodem jure Rabbinus iste, redemptionem fuisse illis modò permissam, qui ex lucro aliquo commodove, quod obvenisset, locupletiores facti erant. Cujus rei ratio in promptu est. Sanè enim, qui pecunias mutuas ad eam rem sumebant, aut agrum unum vendebant, uti venditum alterum redimerent, legi divinæ fraudem fecêre. expectandus enim illis, hæredibusque illorum, Iubilæus fuit, qui venditiones hujusmodi rescinderet. Quamquam poterant gentiles interim agnatique suo ære ea retrahere, quæ sine vorfurâ redimere nequiverat inops dominus. Iubilæorum solennia annus quilibet quinquagesimus reduxit, cujus initium à septimo mense Tisri erat. Nulla tempestas tantum gaudium publicè excitavit. Non enim modò locati rursus in solido sunt, qui prædia sua antè alienaverant, sed libertas quoque data omnibus servis est. Sed horum nihil fieri ante decimam ejus mensis lucem potuit, quæ jejuniis atque expiationum festo sacra erat. Interea temporis per novem intègros dies agitata publicè quædam veluti Saturnalia sunt, de quibus Rabbi Maimonides illud refert, quod scitu dignum judicavimus. Ait ille in Hala-
cha

cha Schemitta Veiohel cap. 10: מראש
 השנה עד יום הכפורים לא היו עבדים
 נפטרים לבתיהן ולא משתעבדים לאדניהם
 ולא השדות חוזרות לבעליהם אלא עבדים
 אוכלין ושותים ושמחים ועטרותיהם בראשיהם:
 כיון שהגיע יום הכפורים תקעו ביר דין
 בשופר נפטרו עבדים לבתיהן וחזרו שדות
 לבעליהן: *Ab initio anni usque ad diem ex-*
piationum neque dimittebantur servi, ne-
que serviebant dominis suis. sed nec agri
restituiebantur. Quid igitur? edebant, bi-
bebantque servi, atque hilares erant, &
coronam quisq; capiti suo imposuit. Mox,
cum dies expiationum venisset, Sena-
tores Sanhedrin tubis clauxere, atque è ve-
stigio liberi abierunt servi, & reddita do-
minis pradia sunt.

CAPVT. III.

Amplius de duplici causa legis agraria
dictum. Ex latifundiis quàm crebræ
mutationes rerum. De Romanâ repu-
blica. Lex Stolonis. Quibus artibus
veteres Hebræi se sustentaverint. Quàm
cautè legislator providerit ne ea desere-
rentur. Leges divinæ de rusticatione
& re pecuaria.

Verùm age, dicamus de legis agrariæ
 utilitate, quam Mosi propositam
 fuisse

fuisse suprà retuli. Sanè quod è duobus prius esse dicebamus, interfuit reipublicæ, ne in possessiones optimè positas divisasque paucorum avaritia irrumperet. Ferimè enim egentio rem quemque ditior aliquis pretio expellit. atq; is, dum rura in immensum spatiis supervacuis extendit, alios necessariis excludit. Ex quâ causâ incessere interdum rerum conversio solet. Ita enim est profectò. plena hostibus eâ respública est, in qua cives plurimi, possessionibus avitis nudati, priscas fortunas votis expetunt. Hi odio rerum suarum mutari omnia student, neque in eâ conditione, cujus eos pœnitet, diutius quàm necesse sit, manent. Ac Romæ quidem, cum primores patrum omnia ad se trahebant, prope ut singuli possiderent trecentorum civium agros, lege Stolonis cautum fuit, ne quis plus quingenta jugera haberet. Sed statim evagata rectum ordinem fraus est. Primus enim ipse Stolo sanctiones suas violavit, damnatusque est quod mille iugerum cum filio tenebat, quem ob hoc emancipaverat. Et postea, quàm plurimi cives diversâ arte callidi sententiam legis circumvenerunt. Aliis enim ad emendum agrum submissis, ipsi possederunt. Vidit istæc, & stabilire

lire legem conatus est C. Lælius, insigni
 sapientiâ vir & Africani Scipionis ma-
 ximus amicus. sed impar adversan-
 tium factioni, cum in contentiones
 discordiasque iretur, ab incepto desti-
 tit. Ita in ævum erupit licentia, neque
 occupandi agros modus fuit. Ac tan-
 dem sanè eò deventum est, ut pauci
 quidam totam Italiam vicinasque pro-
 vincias velut proprium patrimonium
 tenerent. Hujus rei testimonia recita-
 re, quæ plurima ubique extant, nihil
 nunc necesse est. Altera, quam attigi-
 mus, legis agrariæ ratio fuit, quod
 summus Moses relanguescere civium
 animos, eorumque remitti virtutem
 noluit. Etenim, cum de maioribus eo-
 rum illustrissimus quisque pastoritiam
 vitam vixisset, atque in agris versatus
 fuisset in aliquo opere faciundo, om-
 ninò omnium vitiorum atque incom-
 modorum una cautio fuit atque una
 provisio, uti ne posterì aliquando ea
 studia desererent, quæ & multum ho-
 mines locupletant, & principia habent
 eadem quæ mundi sunt. Sanè verò
 nimis citò deserta ea studia neglecta-
 que fuissent, si lex omnia coëmere o-
 mnibus, atque agros adjicere agris
 permisisset. Ita enim fit plerumque;
 qui tot pascua tamque latos fundos
 fine

sine modo tenent, honestissimi laboris munia, aliis quæ committunt, obire ipsi fastidiunt: & ut plurimum, qui operam illis locant, peregrini ignotique coloni sunt, & mancipia ære emptæ. Ipsa plebs civium, aliena rura colere indocilis, ex agris intra muros correpit, urbanas res ut usurpet. Ibi in otium se transdit, corrumpiturque, & arte molli atque illiberali inertem vitam tuetur. Profectò, ex quo tempore Romani procures, iique haud multi, sua rura fecere, quæ plurimum fuerant, ingens rusticationis oblivio non cives modò, sed omnes liberos homines cepit. qui enim agri Curios, Fabriciosque & Catones viderant, vinetis fossoribus colebantur, & compedibus sonuere. Conqueritur Marcus Terentius Varro in libris de re rust. magnanimos Romuli nepotes *non in segetibus amplius & vinetis, sed in theatro & circo manus movere*. Iam enim falcem & aratrum reliquerant, qui olim annum, inquit, *ita dividerant ut nonis modò diebus urbem adirent, reliquis ut rura colerent*. Ita descitum à majorum institutis est; quæ dum servabant, utrumque sunt consecuti, ut & agros fecundissimos haberent, & ipsi essent quàm optimè animati. His malis tantis talibusque,
qua

quæ rempublicam, ceu quædam pestes, invadunt, benè atque sapienter obviam ivit consultissimus rerum divinarum humanarumque Moses, cum redemptionum privilegia, atque insuper jura sancivit Iubilæi. Non habuit autem ullam iniquitatis speciem istæ lex; neque fraus omninò fieri emptoribus potuit. servata enim perfectò semper in agrorum venditionibus ratio Iubilæi fuit, &, ut ille propius longiùsve aberat, ita pretium pendebatur majus minusve. Hoc illud est quod in Levitico capite 25. dicitur: *Cum vendideris aliquid proximo tuo, aut cum emeris à proximo tuo, ne circumvenite alter alterum. Secundum numerum annorum, à Iubilæo eme à proximo tuo, & secundum numerum annorum, quibus fruges provenerint, vendat ille tibi. Pro multitudine annorum auge pretium emptionis, & pro paucitate annorum minue pretium emptionis. Nam numerum proventuum ille vendit tibi. Ne igitur decipite alter alterum. Quod si verò ante Iubilæum redimere fundos suos dominus cuperet, pariter constitutum summâ æquitate fuit, ut de pretio, quod reddendum erat, tantum retineretur, quantum è fructibus emptor percepisset. Quibus quidem rebus*
planè

planè effectum est, ne aut damnum ex possessionū restitutione quisquam sentiret, aut facilè ex civium animis vetera studia, honestissimæque artes exolescerent. Vtrique illud dubitari non potest, qui populus qualisque fuerit, cui disciplinam & instituta Moses præscripsit. Ex tot enim, quas tulit, legibus, cum pleræque ceremonias religionisque & iusti iniusti; præcepta continerent, cæteræ, quæ ad facultates rerum copiasque, atque ad ea opera pertinent, ex quibus aliquid acquiritur, omnes ejusmodi sunt, ut de rusticatione aliquid singulare tradant. Quam sollicitè in Pentateucho docetur populus, quando requiem terræ dare, & intermittere sementem oporteat; quid in messibus, inque vindemiis servandum sit; quoto anno fructum capere ex vinea fas sit? Ad hoc, qua severitate interdicitur, ne diversa semina uni agro mandentur; tum ne admissura animantium fiat, quæ disparis generis sint, neve eæ animantes sub eodem iugo sint? Cætera de fœtu pecudum, de primitiis frugum omnium, deque decimis earum, penè infinita sint. Eorum plenior tractatio in opere Talmudico est, & sextam partem ejus, aut amplius, tenet. Complexus autem omnia Rabbi Mai-

bi Maimonides est illo libro quem
 מ'ע'י' appellat, in quo rerum occulta-
 rum mira secreta sunt.

CAPVT IV.

*In quas angustias Iudæos septimus quisque
 annus detruserit. Alexandri Magni
 beneficium huic genti concessum ob
 quandam vaticinationem. Iudæorum
 rara olim commercia cum exteris gen-
 tibus. Quanta in ignoratione rerum
 Iudaicarum versati sint Græci. Ari-
 stotelis commentum de Callanis Indiæ
 sapientibus. Quibus rebus vita mores-
 que civium immutentur. Qui cives
 optimi. Nullis artificiis Iudæos cele-
 bres fuisse ; idque in laude positum.
 De opificibus.*

TAles leges, atque ejusmodi scita He-
 bræi acceperunt, qui res opesque
 omnes fitas in agris habebant. Ex illis
 vel abundantia eorum, vel egestas pe-
 pendit. Cujus rei ego maxima docu-
 menta hæc habeo, quod quoties pecu-
 nias illis exteri reges imperaverunt,
 septimus quisque annus ita in angu-
 stum oppidò omnes eorum copias
 coëgit, pene ut pendere eas nequive-
 rint. Erat enim edicto legis cautum, ne
 per illam tempestatem terra coleretur,
 B neve

néve quis fruges tunc colligeret, quæ
 omnis pecuniæ fundamentum erant.
 Alexander Macedo, cum Ierosolymæ
 ex Danielis libro didicisset dominatio-
 nem Persarum olim Græco ab homi-
 ne destruendam, latus vaticinio, quasi
 ad se pertineret, ludæos petere ingens
 beneficium aliquod iussit. Ibi illi signi-
 ficavère, nihil sibi posse majus dari,
 quàm uti ne rex septimi anni tributa
 exigeret. idque impetrarunt. Mox id
 Samaritanis, multa pro se cum dice-
 rent, negatum est. Sed omnium eo-
 rum, quæ de hoc genere afferri pos-
 sunt, nihil luculentius est, quàm Apio-
 ni quod Flavius Apolog. 1. respondet
 pro popularibus suis, cum inquit;
 ἡμεῖς ὅτε χῶραν οἰκῶμεν περὶ ἅλιον,
 ὅτε ἐμπορίας καίρομεν, ὁ δὲ ταῖς διὰ
 τούτων πρὸς ἄλλας ἐπιμιξίαις ἄλλ'
 εἰσὶν μὲν ἡμεῶν αἱ πόλεις μακρὰν ἀπὸ
 θαλάσσης ἀνωκισμέναι, χῶραν ᾗ ἀ-
 γαθὴν νεμόμενοι, ταύτῃ ἐκπονεῖμεν.
 Nos neque terram habitamus, qua mari
 vicina est, neque negotiationibus gaudemus,
 neque earum causa nobis consuetudo
 cum aliis gentibus est, sed sunt urbes qui-
 dem nostræ procul à mari sita: ipsi autem
 nos regionem bonam incolentes, hanc cum
 labore exercemus. Enimverò, cum di-
 versas gentes ita negotiatio sociaverit,

ut

ut quod genitum est usquam, id apud omnes natum esse videatur; soli Iudæi intra terræ suæ fines, iis contenti opibus, quas illic natura producebat, vitam procul cōmerciis agitavêre. Non enim maria transibant, neque exteros visebant, & ab his non visebantur. Ex quo illud contigit, ut multa de illis falsa prodiderint Græci, aliique. Perpaucis enim notæ res eorum erant. Vnus Hecatæus comperta scripsit. Cæteri, ut famâ quidque & auditione acceperant, ita literis celebraverunt. Quod quàm periculosum in omni historia condenda sit, vel ex illo potest existimari, quod Ephorus, clarissimus olim scriptor, Iberiam, quam non viderat, unam esse urbem dixit, admodum mediis fidiis ridiculè. Non enim civitas, sed magna Hesperii orbis pars erat, & multis habitata populis est. Portentosum est, & cum summa inscitia conjunctum, quod Aristoteles apud Clearchum autumavit, Iudæos esse ab Indiæ sapientibus propagatos, sed nomen mutavisse. quippe philosophos illos, qui apud Indos Callani appellantur, in cava Syria Iudæos dici. Pudet me anilitatis, adeò hoc nihili est. Sed quod additum ibidem ab Aristotele est, neque supra fidem videtur, & ap-

primè gloriosum sacræ genti est. Venisse enim ad se, in Asiâ cum esset, Iudæum quendam ait, tantâ eruditione atque scientiâ hominem; uti præ illo omnes Græci, qui aderant, trunci esset & stipires viderentur. Vtique hoc longè pluris est, quàm de gentis origine quod imprudenter retulit. satius enim erat, non attigisse eam, propterea quod incognita alienigenæ erat. Ac mihi quidem sanè Flavius etiam gloriari de Iudæorum obscuritate videtur, cum in mediterraneis locis eos agere, & nullum aditum esse ad eos mercatoribus peregrinantibusque ait. Ita enim diutissimè incorruptos mores servavêre, nihilque rerum ad copiam & luxum pertinentium illatum est, quibus perire potentissimi populi solent. Cætera verò sic subjicit idem Flavius; ut penitus superbire eum dicas: *χώραν ἀγαθὴν γεμίζοντες, ταύτης ἐμπονέμεν, terram fertilem habitamus, atque in cultura ejus operam sumimus.* quasi nihil majus esse meliusve possit. Recitat Aristoteles in libris Polit. edicta quædam ab antiquissimis legumlatoribus composita, quæ Mosaicis pene similia sunt. Nam Oxylus quidem, Eliorum rex, prædia agrosque vetuit ad mutuam pecuniam opponi: & Locrensisbus in-

ter.

terdictum fuit, ne avitas possessiones venderent. Quæ illuc pertinere maximus autor naturæ verique ait, uti ne populus cultionem agrorum desereret. Quare toties illud iterat in Politicorum libris, optimam esse rempublicam, cujus cives ex re rusticâ atque ex pastione vivunt. Cujus rei hanc causam reddit, ὅτι πολιτεύονται καὶ νόμους ἔχουσι καὶ ἐργαζόμενοι ζῆν. & δύνανται ὃ χολάζειν. quia ex legibus seque resque suas regunt. habent enim ex opere suo quantum satis ad vivendum sit. Et tamen eis otiosi esse non licet. Cæteras respublicas, quas opificum & mechanico-
 rum multitudo tenet, longè deteriores judicat, cum ignava eorum hominum desesque vita sit, neque ullum opus eorum cum virtute congruat. Ex quo jam fit, uti intelligatur, vanum frigidumque esse, quod Iudæis exprobrari vulgò Flavius ait, τὸ μὴ καμνῶν εὐρεταῖς ἐργῶν παρρηχεῖν, nullos in ea gente autores novorum operum, artificiorumque existisse. Laus equidem Iudæorum hæc maxima, non probum est. Qui enim pulchrum esse potest ea invenisse, quæ exercere illiberale est; Vtique opifices omnes in sordidâ arte versantur: & bene eos Aristoteles servitutem quandam servire, sed limitatam,

ait, propterea quòd manibus eorum
atque operâ non, ut mancipiorum, ad
res omnes, sed ad unam, quandam uti-
mur. Adeò nihil ingenuû officina ha-
bet: in quâ hoc insuper mali in est,
quod corpus animumque virilem ef-
fœminat. Quare in rebus publicis olim
recte constitutis, quod solertissimus
magister ait, opifices civitate donati
non sunt, sed peregrini erant, & cor-
pus veluti sepositum à cæteris ordini-
bus fuère.

C A P. V T V.


*Aegyptiorum odium in Hebraeos, & vera
causa ejus. Aegyptii ignavis artibus
curisque dediti. Qua solertia Sesostris
eviraverit civium animos. Lex Ae-
gyptiorum de opificum artibus ad ha-
redes cujusque transmittendis. De Ni-
liaca plebe, qua in servitute. De sacer-
dotibus. De pastoribus, qui tertia Ae-
gyptiorum pars, & quam formidat
cæteris Aegyptiis semper fuerint. Su-
perstitionem Aegyptiorum nihil fecisse
ad pastoritii generis odium: & male id
existimari. Plebem Aegyptiam non
ita agricolas execratam fuisse, ut pa-
stores. Et causa ejus rei.*

EQuidem illud etiam animadverto,
in expedito jam esse, cur inveni sem-
per

per Ægyptiis Iudæi fuerint, non cum Ægyptum modò hospites incoherent, sed postea quoque, cum suas sibi sedes, atque propriam rempublicam haberent in propinquâ Palæstinâ, quam terram à meridie Ægyptò terminari Cornelius Tacitus refert. Enimverò id odium nulla adeò ex re magis fuit, quàm ex vitæ studiorumque dissimilitudine. Omnis enim Ægyptiorû plebs sellulariis artibus dedita, sub umbra urbium intra mœnia desidebat. Nec deerant, qui officia virilis sexus perverterent, & lanam etiam telamque tractarent. Atque erant quidem illi suoapte ingenio satis ad mollitiem proclives: sed auxit malum postea eneruavitque porrò eorum animos Sesostris rex, qui id studio sibi habuit, solertiamque & consilia, ut ipsi Ægyptiî perhibent, à Mercurio didicit. Accessit lex quoque, quæ modum ingeniis finesque poneret. Nulli enim opifici aliâ artem exercere, nisi paternam, licuit. Iuuenalis quidem, cum Crispinum, hominem malis artibus & gratia Cæsaris ad summa proVectum, verberare grandi convitio vult, *partem Niliacæ plebis* illum, & *vernâ Canopi* appellat. Ita enim existimatum est, sacerdotes illic liberos esse, opifices verò, qui

vulgi erant, servire. Sed ab illo vulgo tamen multum diversa fuit tertia quædam populi pars, quæ seorsim in campestribus Ægypti, ac prope paludes degebat. ii pastores fuere, actiosi illi quidem gnavique, sed cunctis Ægyptiis execrabiles, propterea quod ignaviam eorum semper sollicitam tenebant. Sæpè enim ingentes motus dabant, atque interdum etiam reges sibi creârunt. Quare Romani postea, cum reliquam Ægyptum facile in fide retinerent, præsidium validius in illis locis ponere, ubi id hominum genus erat, coacti sunt. Cum omnia ratione animoque lustrâris, hæc una res ab omni ævo pastoribus infestis Ægyptios fecit, quod vires eorum vegetosque & acres spiritus homines sedentarii opificesque non ferrent. Ipse Parrho, cum crescentem Israëlitarum multitudinem contundere atque deprimere constituisset, tali usus oratione ad suos est: *Isrælitæ robustiores nobis sunt. quare adeste, callido consilio illud agamus, ne augeant, neve orto bello hostibus se nostris iungant, aut ipsi arma in nos capeant.* Id ego rectum verumque existimo. Neque enim illis hercle assentior, qui causam publici odii ex superstitione arcescunt, quasi scilicet Hebræos homines, pecudum
armen-

armentorumque pastores, ferre ea natio nequiverit, cujus pars hæc oves, illa capras, alia alias quadrupedes mactare verita est, queis inesse quiddam divinum credebatur. Sed ea ratio mirè improbabilis est. Quid enim responderunt profectò, cum aut ex Pentateucho discent, Parrhonem immanes pecudum greges habuisse; aut cum tot proferri historiarum monumenta videbunt, ex quibus constat, magnam Aegyptiorum partem, quod jam diximus, in pascuis atque inter pecora vixisse? & tamen celebre illud in sacro codice est, *Omne pastoritium genus Aegyptii horrescunt*. De agricolis non idem proditum est. neque poterat hercle eorum virtus formidari, aut invisa esse, quæ prorsus nulla erat. Omnes enim spes inertissimi mortales non in manibus suis neque in rusticationis industriâ, sed in Nilo posuere. Alebat augēbatque segetes exundans annis, neque fertilitatem modò terrarum, sed ipsas dabat. quippe multo limo turbidus fluens novos agros subinde apposuit prioribus, atque Aegyptum annuo incremento semper ultra tulit. Ita miratus opes suas arvaque recens nata colonus est, quæ sine labore, & inopianti obvenerant.



CAPVT VI.

Quando Iubilæi defierint celebrari. Cur illorum habitam esse rationem in annis sabbaticis numerandis dixerit Maimonides. Rejēcta Maimonide opinio.

DE Aegyptiis, quo ingenio fuerint, & quantum à vicinis Iudæis discrepuerint, dictum satis est. Nunc à diverticulo redeundum est ad Iubilæum, de quo agere cœperamus. Intellegendum est igitur, cum lata à Mose lex agraria de possessionum restitutione sit, observatam eam summâ religione fuisse usque ad sanctuarii prioris desolationem, quæ facta per Assyrios est. Exin deserta incultaque Palæstina jacuit per annos septuaginta. id quod prædictum à vatibus erat. Postquam autem longa dies fatalem illum temporis orbem perfecerat, redierunt quidem in sedes suas Iudæi, extructumque templum de integro est, sed nunquam postea revocata lex agraria fuit, neque celebrata amplius Iubilæorum solennia sunt. Quare nec mancipiis libertatem amplius jam dedit annus quisque quinquagesimus, neque dominis reddidit amissas venditasque possessiones. Hæc solerter animadversa & notata

notata à Talmudistis sunt , & permultum momenti habent. Sed omnino implicatam habere atque involutam rationem videtur, quod Rabbi Maimonides in lib. septimo suæ יד in Halacha Schemitta Vejobel, cap. 10, tradidit, ubi sic inquit ; אף על פי שלא היה יובל בבירת שני כוכין היו אותו כדי לקדש שמיטתו : *Etsi Iubilæi nulli fuere ex quo tempore templum secundum stetit, tamen numerare eos mos fuit propter remissiones, quæ ex lege fiebant.* Nisi hoc enodaverimus, falsum videbitur quod de Iubilæi abolitione dicebamus. Quare explicanda nobis Maimonidæ sententia est. Enimverò maximus Rabbinus Iubilæorum supputationem ac accuratissime semper factam etiam novissimis temporibus ait, non hercle quod aut servi omnes tunc manumitterentur, aut agri redirent ad veteres dominos, sed quod ex numeratione eorum penitus pendit ratio anni cuiusque septimi, in quo alia quædam remissionum jura observari lex jussit, quæ non antè cessavêre, quàm everfa à Tito deletaque Iudæorum republ. esset. Utique earum שמיטות *remissionum* duplex genus fuisse, constat. Nam & terra septimo anno inculta jacuit, & conditio certi non dabatur ex mutuo. Sed qua
ratione

ratione annum septimum pependisse
 ex quinquagesimo dixerit Maimoni-
 des, libet ex ipso audire. Is ita inquit :
 שנת יובל אינה עולה ממנין שני השבוע
 אלא שנת השעה וארבעים שמיטה ושנת
 חמשים יובל ושנת חמשים ואחת החלה
 שש שנים של שבוע וכן בכל יובל ויובל !
 Nos, ne Hebræa vertendo, Romanam
 orationem deformemus, summam
 modò sententiam recitabimus maxi-
 mi Rabbini. Nimirum illud ait, anni
 septimi numerationem non ab anno
 quinquagesimo, sed ab eo, qui post
 hunc primus est, inchoari, atque ean-
 dem sic deinceps nulla intermissione
 fieri donec perventum sit ad quadra-
 gesimum & nonum, qui propterea
 sabbaticus fuit, quod septies septenus
 erat. Mox autem eum, qui sequebatur,
 quinquagesimum, in numero septeno-
 rum non fuisse, sed supputationem eo-
 rum rursus initium à quinquagesimo
 & primo habuisse. Ex quo manifestum
 est, cur doctissimus Iudæorum dixerit
 non numerari quidem quinquagesi-
 mum, sed celebrari tamen. absque illo
 enim foret, continuandam septeno-
 rum numerationem fuisse significat,
 quam nunc interjectio quinquagesimi
 interrumpit. Atque hæc quidem Mai-
 monidæ, & aliorum, qui Talmudicos
 sequun-

sequuntur, sententia est. Quæ quàm vera sit, iis exquirendum relinquimus, qui Chronologiæ subtilissima momenta peruestigant. E quibus sunt profectò quidam summâ doctrinâ atque excellenti ingenio viri, qui Iubilæorum celebritatem incidere in annum quemque quadragesimum & nonum existimant. Ex quo fit, ne duos sabbaticos annos continuari, & septenorum numerationem toties interrumpi necesse sit. Et sunt, qui ex Rabbi Addæ Calendario conficere se, id quod volunt, posse autumant. Sane quod quinquagesimus annus in sacro codice Iubilæus appellatur, id verò in neutram partem aliquid momenti habet. Nam & persæpe popularis usus, quem penes norma visque omnis & arbitrium loquendi est, septimanam octiduum appellat, & olim maximi scriptores passim Olympiadem, quæ quatuor annorum spatium continet, quinquennium vocavêre. Equidem nos nostrâ non magni interessè putamus, utra sententia rectior sit. ostendere enim duntaxat propositum nobis fuit, Iubilæorum solennia nec inutiliter à summo legislatore instituta esse, & post templi prioris excidium nunquam in usu fuisse. Quod tamen ad hanc ipsam rem,

quam

quam in transcurfu attigimus, attinet, planè sic judicamus, multas gravesque causas esse, cur viri hac ætate nostra incomparabiles Iubilæum spacio annorum quadraginta & novem, non quinquaginta absolutorum definierint. Quare opinionem eorum neque improbamus, & profectò admittimus etiam. In Levitici capite vicesimo & quinto tam de Iubilæo, quam de anno septimo agitur, cautumque illic expressis verbis est, ne etiam in Iubilæis tellus coleretur. Quæ profectò sanctio videri supervacanea possit, siquidem Iubilæorum jura annus quisque quadagesimus & nonus recepit, qui per se sabbaticus erat. quippe septies septenus fuit. Et nobis quidem in promptu est quid rectissimè dici contra possit. putamus tamen hanc esse causam, quæ Maimonidem in hallucinationem quandam impulit. Illud certissimum est, Hebræos semper non Iubilæum modò, sed etiam septimum quemque sabbaticum annum à Tifri numerasse, qui anni sacri erat mensis septimus. planè ut septeni omnes Iubilæique iisdem mensibus inchoati finitique sint. Ex quo apparet nullam reperiri mediam viam posse. Necesse enim jam est uti aut quinquagesimus quis-

quisque annus fuerit Iubilæus, aut is hercle, qui quadragessimus & nonus est. Sed nobis posterior sententia pluris est. neque assentiri hic Maimonidæ possumus, cujus tamen scita omnia religiosissimè alibi amplectimur. Est enim is vir profectò, qui paucos quosdam huiusmodi atque exiguos errores magnis divinisque virtutibus ubique, & leuissimarum rerum præceptionibus compensat. Ac Iudæi quidem illi, qui ad agrorum restitutione spatium quinquaginta annorum absolutorum esse opus ajunt, curiosè tradiderunt, quid inter Iubilæum atque inter septimum quemque annum intersit. Ita enim ex eorum sententia Maimonides ait in capite decimo, in Halacha Schemitta Vejobel: יתירה שביעית על היובל שהשביעית משמטת כספים ולא יובל: ויותר יובל על השביעית שהיובל מוציא עבדים ומשמיט קרקע: יובל משמיט קרקע בתחלתו ושביעית אינה משמטת כספים אלא בסופה: *Habet illud septimus annus præ Iubilæo, quod debita remittit; Iubilæus autem illud præ septimo, quod servos è dominorum potestate educit, & restituit agros. Etiam hoc discrimen est, quod quinquagesimus annus in principio restituit agros, septimus vero debita non remittit nisi in fine. Ex his illud quidem, quod conditionem certi*

certi in Iubilæis dari ex mutuo negat, falsum est, siquidem Iubilæi omnes in annum quadragesimum & nonum inciderunt. Cætera probari admittique possunt, & omninò speciem veri habent. Nam & quædam quadragesimus nonus annus propria ex jure Iubilæorum habuit præ cæteris septenis, & ea ipsa paulò aliter usurpata fuere quàm quæ in eundem annum ob hanc causam concurrebant quòd inter septenos esset. Iubilæi celebritas, uti antè dicebamus, exordium ab anno veteri & naturali sumpsit, cujus primus mensis September est, is, qui sacri anni septimus erat. Quare Talmudicis, qui initio anni, decimo die primi mensis restitutionem fieri agrorum ajunt, nihil sacer codex repugnat, qui eum mensem passim septimum appellat. Est enim diversitas ea ex duplicis anni constitutione. Postremò illud Maimonides refert: *דין היובל בשביתת הארץ ודין כל שאכור השכמה אחד הוא לכל דבר: כל שאכור בשביעית מעבודת הארץ אכור בשנת יובל* Eadem ratio usquequaque est tam Iubilæi, quàm septimi anni, quod ad intermissionem agriculturae attinet. Quicquid in terra cultio- nefas aut nefas est anno septimo, id prohibitum quoque aut licitum est in Iubilæo.

NON

Non est hæc Iudæorum conjectura, aut probabilis opinio, sed certa indubitataque veritas, quam legislatoris vox confirmat in Levitici capite vicesimo & quinto. Quod si jam verum foret, quod placuisse Talmudicis diximus, duos annos sabbaticos absque intervallo fuisse celebratos, magna profectò & singularis atque nimis inusitata res hæc esset. Etenim, cum totum hoc sit à præpotente numinis vi profectum, quod in Palæstina sextus quisque annus tam uberes proventus dedit, ut septimus, quem agrorum quieti & sabbatismo lex destinaverat, nullam pareret famem, jam profectò longè majus hoc miraculum fuerit, cum duo hujusmodi anni sabbatarii concurrerent. Neutrò enim seminem facere aut arare fas fuisset. Itaque, quod dicitur in Levitici libro, *Benedictionem meam dabo vobis anno sexto, & faciet fructus trium annorum*, omninò geminari hæc numinis benignitas debuisset, cum duorum annorum, quadagesimi noni & quinquagesimi sabbata ex diversis ambo causis continuarentur. Non enim trium jam, sed quatuor annorum segetibus unum illud annum sextum indui necesse foret. Quorum nihil aliis gentibus ter-

C

risque,

risque, quæ sunt usquam, concessum est. Utique scimus non exiguum esse quod Palæstina cælo debuit: atque adeò fatemur, etiam multa illic contraria naturæ legibus ivisse; sed tamen, cum tanti & tam frequentis miraculi magnitudo nullis vatum testimoniis, neque historiarum prodita monumentis sit, haud committendum profectò nobis est, ut credulitatis vicio temerè quidlibet obstupuisse videamur.

CAPUT VII.

Trina consecratio Palæstina & urbium ejus. De jure urbium. Lex de prædiis urbanis. De urbe Ierosolyma, deque ejus privilegiis. Agrippæ impium facinus, & super eo Iudæorum legatio ad Neronem. Quibus ceremoniis proferri urbis Ierosolymæ pomæria oportuerit. Jus muniendi à quibus datum. Quando rempub. suam penitus Iudæi amisserint. De oppidis, quæ asyli jus habebant.

A Iunt Talmudici, quæ tempestate Iosua Palæstinam intravit, consecratas ab illo omnes urbes fuisse, quæ muris cinctæ erant. Eam ipsi appellant *ביאר ראשונה* *ingressionem primam*. Sed, cum

cum abductus à Babyloniis populus
 facer trans Euphratem est, impurata
 regio ab impiis fuit. Quare mox, re-
 versis in sedes suas Iudæis, Ezras sum-
 mus populi præsul solenni actu sancti-
 moniam urbibus reddidit, eaque erat
 בִּיאָה שְׁנִיָּה *ingressio secunda*. Tandem
 Cæsar Titus, cum penitus res Iudaicas
 afflixisset, omnia rursus prophana-
 vit. Atque hîc Talmudicos suavis er-
 ror ludit. Messiam enim adhuc exspe-
 ctant, qui, ut ipsis placet, regnum Pa-
 læstinæ invadet, sacrabitque urbes.
 Eam fore ajunt בִּיאָה שְׁלִישִׁית *ingressio-*
nem tertiam. Ad hoc, tradunt iidem,
 quibus in rebus posita urbium religio
 ac sanctimonia fuerit; tum & quare
 vicorum villarumque nulla facta con-
 secratio sit. Quæ exequi longum foret.
 Cum oppida Palæstinæ singulis tribu-
 bus assignarentur, etiam Levitæ suas
 urbes accepere, quas incolerent. At
 ipsa regio agrique & possessiones ita
 dividebantur, nulla ut pars data illis
 sit. Decimas enim duntaxat primitias-
 que & victimas cunctas habuere. inde
 vita illis, inde opes copiæque abunde-
 erant. Sed illa in hoc genere præscri-
 ptio cautioq; valet, quam Rabbi Mai-
 monides adjungit, cum sic inquit in
 capite decimo & tertio, in Halacha

יראה לי שאין הדברים
 אמורים אלא בארץ שנכרתה עליה ברית
 לאברהם ליצחק וליעקב וירשור בניהם
 ונתחלקה להם : אבל שאר כל הארצות שכובע
 מלך ממלכי ישראל הרי הכהנים והלוויים
Videtur mihi באותן הארצות ככל ישראל
hoc omne, quod diximus, locum modò ha-
bere in illa terra, quæ ex fœderis religione
Abramo & Isaco atque Iacobo data est,
quaque tenetur à filiis eorum, & divisa
inter illos fuit. At in aliis regionibus, quas
armis subigunt reges quidam Israëliti,
non deterior est sacerdotum & Levitarum
conditio, quàm caterorum Hebræorum.
 De ædibus urbanis lex ejusmodi lata
 fuit, uti, qui domum vendidisset, re-
 dimere eam posset intra annum; pòst
 autem, illo elapso, emptor eam pro-
 priam haberet. Sed nec propinquis jus
 redemptionis fuit, & Iubilæi benefi-
 cium hîc nullum erat. Redditum au-
 tem emptori à redemptore pretium
 integrum fuit, etsi vendita traditaque
 domus ante plures menses erat. Etiam
 ultimo anni die redimere ædes suas
 dominus potuit. Et, si abesse eum, cui
 vendiderat, aut dolo latitare cerneret,
 curiam adiit, atque ibi, senatu coram,
 pretium, quod acceperat, posuit, egres-
 susque diffregit fores, atque ædes suas
 intravit. Hæc à Talmudistis sic defi-
 nita

nita sunt. In Levitarum urbibus haud idem juris fuit. Planè enim de ædibus illorum sancitum est, quod de agris deque possessionibus rusticis omnium Hebræorum constituiſſe Moſen diximus. Quare nec redimendi jus hîc anno terminabatur, & Iubilæus reſtituebat quicquid redemptum antè non eſſet. Inter omnes urbes inſigniter emi-
nuit unius Ieroſolymæ ſanctitas, atque etiam perpetua manſit, ut Talmudici tradunt, ex quo ſemel eam urbem maximus rex Salomo dedicaverat. Itaque, quod poſtea conſecravit eam ruruſum Ezras, fuiſſe ſupervacuum ajunt, ſiquidem prophanata neutiquam fuit, cum cæteræ urbes pollutæ ſacrilegorum manibus ſunt. Ex quo illud fieri iidem tradunt, uti in Ieroſolymæ everſæ cineribus ſacra facere atque victimas epulari fas fuerit. Sed quanta loci religio eſſet, ii Iudæi ſignificavêre, quibus Hadrianus Imperator permisit, uti ſemel in anno adirent ſanctæ urbis deformes reliquias, atque ibi lugerent deplorarentque miſeram gentis ſux ſortem. Hæc urbs nulli tribui aſſignata ſorte eſt, ſed communis omnium fuit. Quamobrem teneri illam eâ lege negant Talmudici, quæ vitulæ maſtatione expiari eadem juſſerat, quæ clam

patrata in tribuum finibus esset. Illud
 verò non ex superstitione, sed ex vete-
 re & probo gentis instituto est, quod
 Rabbi Maimonides narrat. Ait enim,
 si qui cœnaculum haberent paulò sub-
 limius, unde aspici Sanctum Sancto-
 rum posset, fas illis quidem fuisse semel
 in hebdomadâ illuc ascendere uti sar-
 ta tecta omnia servarent, at sæpius,
 aut ob aliam causam, non licuisse. Ea
 est sententia verborum istorum in Ha-
 lacha Beth Habbekhira, cap. 7: **מקום**
שהיה בעליה מקוון על מוש הקדשים אין
נכנסין לו אלא פעם אחת בשבוע לירע מה
הוא עליה לחזק בוקר: Sanè vehemen-
 ter cives suos Agrippa rex offenderat,
 cum ex palatii editâ parte prospectaret
 identidem sacram templi sedem, cer-
 neretque ex alto quid illic intus fieret.
 Id enim flagitium ingens arbitrati Iu-
 dæi, murum celsum extruxêre, qui re-
 gem intueri non sineret quæ in tem-
 plo agebantur. Ac mox decem legati,
 cum Ismaële pontifice & Elcia sacri æ-
 rarii quæstore, missi Romam sunt, qui
 precibus à Nerone peterent, uti con-
 firmaret quod populum facere religio
 subegerat. Quod autem Hecatæus Ab-
 derites apud Flavium ait, quinquaginta
 stadiorum fuisse Ierosolymam,
 quam incolebant centena vicena mil-
 lia

lia hominum, haud magni nostrâ interest scire, nisi de proferendis ejus pomœriis jus quoddam esset singulare constitutum, quod ex Talmudicis libris prodidit Maimonides in Halacha Beth habbechira ca. 10. Id autem ejusmodi erat. Cum amplianda urbs esset, magnus senatus Sanhedrin, rexque, & vates unus oraculum, quod Vrim & Tummim vocant, consuluerunt. Mox, postquam illi de interpretatione divini responsi inter se consensissent, senatores Sanhedrin carmina duo, in quibus erat gratiarum actio, recitarunt, panesque totidem fermentatos sumpsere, atque egressi illic cum cymbalis nabliisque & cytharis, ad cujusque vici flexuras atque ad cippos omnes, qui erecti in urbe erant, constiterunt, effati que illa verba sunt: *ארוםמך יהוה כי רליתני*
Exaltabo te domine, quoniam exaltasti me. Tandem, cum ad locum illum venissent, quem idcirco consecrari oportuit quod pomœriorum finis esset futurus, substitère omnes, atque illic ex duobus panibus, quos decantato gemino carmine acceperāt, unum comederunt, alterum uflerunt flammis. Hæc sic à majoribus accepta Talmudici literis consignavêre. neque à vero abludunt, cum similia, & penè eadem

sint, quæ in Nehemiæ commentariis
exstant in capite duodecimo. Post ta-
men, cum oppressa à Romanis Iudæo-
rum erat libertas, planè hæc pomæ-
riorum prolatio non ex magni conci-
lii arbitrio, sed ex voluntate populi
Romani pependit. Proditum verò etiā
illud à Cornelio Tacito est, Iudæos jus
muniendi magna pecuniæ vi emississe.
Ex quo apparet reginam illam urbium
Ierosolymam fuisse conditione eadem
cum municipiis omnibus, quæ sub di-
tione Romanâ erant, quorum muros
nec refici sine principis vel præsidis au-
toritate, nec aliquid eis conjungi vel
superponi potuisse Vlpianus Iuricon-
sultus ait in li. 9. §. 4 ff. de Rerum divis.
Utique Claudius Cæsar, cum ingentis
magnitudinis murum exstrui circum
Ierosolymam intellexisset, Agrippæ no-
vum opus nuntiavit. & rex verò statim
dicto audiens fuit, susceptamque rem
omisit. Ajunt Talmudici, illud eximiū
habuisse Ierosolymam præ cæteris Iu-
dææ oppidis, quod nulla domus illic
post annum propria emptoris fieret.
Sed nec hortos ibi nec viridaria plan-
tari fas fuisse ajunt. Quod enim Heca-
tæus de templi ambitu scripsit, id ipsi
verum esse de totâ urbe tradunt. Ca-
davera, quæ aliquò transferebantur,
admissa

admissa in eam civitatem non sunt, ne funestarentur sacra ejus. Sepulchra autem duo duntaxat ibi fuere, unum Davidis, alterum Oldæ, quæ structa à priscis vatibus ajunt. Major tamen religio Levitas divinxit, qui non modò in urbibus suis, sed etiam in agro suburbano sepelire mortuos vetabantur. Itaq; extra limites finesque regionis suæ ex edito numinis aliquantulum loci à cæteris tribubus accepere, in quo defunctorum ossa quiescerent. In reliquis oppidis sepeliri aliquem haud nefas fuit, si modo septem viri boni assentirentur¹. At semel ubi elatum urbe cadaver erat, recipi illud intra muros non licuit, etiam si cives cuperent universi. Ierosolyma, ut antè diximus, caput genti, religionumque & ceremoniarum sedes fuit. Quare, everfa illa, periit reip. Iudaicæ forma tam civilis hercle quàm sacra. Sanè quod Flavius ante urbis excidium auditam ex templi penetralibus ait vocem ejusmodi, *Exeamus hinc*, id mihi non aliud significavisse videtur, quàm delendam rempublicam, adimendumque sceptrum, quod datum olim sacrae genti erat. Non diu enim postea ordines, functionesque, & ritus, atque le-

C 5

ges

¹ *Rambam in Hal. beth habbechira, c. 10.*

ges pleræque cessavêre, securaque ingens confusio, vastitas atque distractio est. Iam primum Hasidæorum sanctissimum collegium, quod à prophetis originem duxit, nullum amplius fuit, quia eorum institutum erat, templum quotidie adire, & voluntarios sumptus in sacrificia, atque in porticus & in muros sanctuarii facere. Cumque Moses certi cujusdam doni oblationem alienigenis imperassèt, qui in Iudaismum se transderent, differri deinde penitus ea res cœpit in illud tempus, cum sanctuarium tertium, quod adhuc expectant, extrueretur. Nec verò fratrum viduas amplius, quæ sine liberis sunt, uxores ducunt. Et paschatis solenne nunquam ex illo tempore celebratum rite est, siquidem præceperat lex uti in illo loco id fieret, in quo Deus elegissèt sedem ædis suæ. Tantum unius urbis casus potuit omnia mutavit pervertitque, & maximi rempublicam populi in ruinas egit. De cæteris ludææ oppidis nihil magnopere in mentem nobis incidit, quod dicamus, nisi quod ex illis quædam summus Deus hoc iure esse voluit, uti perfugium illic sibi præsidiumque salutis haberent, qui imprudenter aliquem occidissent. Ibi lene exilium illis fuit, donec pontifex
maxi

maximus obiisset, cujus mors ita eos
 omnes liberavit, uti si forte antè de-
 cessissent quidam, ossa tamen eorum,
 illo defuncto, avitos in tumulos fer-
 rentur. Hujusmodi oppida sex fuere.
 Ajunt autem Talmudici, tria adhuc il-
 lis adjectum iri, cum in terras venerit
 maximus regum Messias. non enim
 frustra illud scriptum esse, ויספר לך עיר
 : ויספר לך עיר על השלש האלה: Etiam regio-
 nem locumque determinant. Ajunt
 enim delectum ad eam rem iri tria op-
 pida ex urbibus Kenisæorum, Cadmo-
 næorum, & Cenæorum, quas icto fœ-
 dere promisit quidem Abramo Deus,
 sed nunquam dedit. quocirca referri
 illuc debere quod Moses inquit, *cum*
dilataverit Dominus Deus vester termi-
nos vestros. Hæc si quis nimis subtiliter
 & anxie ab illis pervestigata dixerit, nã
 ille rectè existimat. sed tamen tanti erat
 observationes illorũ indicavisse. Præ-
 ter sex illas, quas diximus, urbes, etiam
 Levitarum oppidis, quæ quadraginta
 & duo erant, idem privilegium datum
 est, nisi quod Talmudici negant apud
 Levitas tutum locum fuisse iis, qui le-
 gis beneficium ignorarent. Cætera,
 quæ de jure harũ urbium dici queunt,
 tum & quæ Iudæi commentantur de
 iis oppidis, quæ עיר הנדחות dicta sunt,

in

in quorum numero nec Ierosolymam, nec urbes refugii posse poni ajunt, ideo præteribimus, quòd tractata decus nullum aut nitorem habitura sint. De quibus Rambam in Halacha Habodat Chabin oumazaloth, cap. 4.

CAPVT VII.

Quid Palestina præ aliis regionibus habuerit. Non potuisse rempublicam Hebraeam in alias sedes transferri. Explicatum Maimonida dictum de Babyloniensibus Iudæis. Ampla res eorum, & regnum ab illis Hyrcano oblatum. De sceptro Iudæ quid existimandum sit, contra Maimonidem asseritur. Respublica Iudæa ad Palestinam alligata. Iudæorum scitum de templis, quæ extra Ierosolymam à popularibus condita.

Rеспублика Hebræa tunc initium habuit, cum in Palæstinorum beatas sedes perductus est sacer populus. Nam antea quidem, etsi in Arabum desertis de religione atque ceremoniis vir diuinus Moses, deque judiciis & civium jure saluberrimas tulit leges: tamen earum omnis vis ad ea loca pertinuit, in queis & singulæ tribus sua haberent oppida, & urbs insuper constitueretur una,

una, quæ imperii arx atque sacrorum
 custos foret. In Pentateuchi parte ulti-
 ma sapientissimus legislator, cum sum-
 matim, quæ edixerat, repetit, non te-
 merè illud identidem sanxit expressis
 verbis: *Hæc sunt præcepta, statuta, ju-
 diciaque, quæ observabitis in terra, cuius
 possessio hereditaria mox dabitur vobis.*
 Enimvero habuit Palæstina præ aliis
 regionibus eximium quiddam, quod
 gentem sanctam atque rempubl. uni
 isti solo affixit. extra eas sedes si quis
 populum illum abduxisset, & iisdem
 legibus rempublicam instituisset ean-
 dem, non jam reipubl. sua sanctimo-
 nia, non populo sua majestas stetisset.
 Pertinere maximè ad rem hanc, de
 qua agimus, quoddam Maimonidæ di-
 ctum videtur, quod extat in libro de-
 cimo & quarto Misnæ, in Halacha Me-
 lachim, capite quinto. Id excutere no-
 bis in transcurso libet. Est autem istius-
 modi: כשם שאסור לצאת מהארץ לחוצה
 לארץ כך אסור לצאת מבבל לשאר הארצות;
*quemadmodum nefas est Iudæis ex Palæ-
 stina sedes movere, ita iisdem migrare
 haud licet Babylone in alias regiones.* Pro-
 fectò, nisi semel hoc explicuerimus,
 necessum erit sæpe eos incurrere in sa-
 lebras quasdam, qui Hebræorum vo-
 lumina manibus versant, Enimvero
 Maimo-

Maimonides de Iudæis loquitur, non omnibus sane, sed illis modò, qui ab hoste trans Euphraten abducti, Babylone atque in vicinis locis habitaverunt. Horum pars quædam expletis septuaginta annis Palæstinam repetivit, cæteri beneficentia regum, sub quibus vivebant, moti, sedes Babylone suas, atque suas colonias retinuère. quæ fuit sanè ingens multitudo, ac postremò in gentem excrevit. Incredibile memoratu est, quàm amplas illicres tenuerint exules. Nam & Hyrcano, qui ex Parthis ad Heroden properabat, penè insulam & diadema, hoc est, pontificatum atque regnum obtulère: & commissæ iisdem erant Babylonici imperii arcana, quæ sacerdos Hebræus custodiit in turri immensi operis, quæ extructa in Ecbatanis Medorum erat. His Iudæis summa conjunctio atque necessitudo cum Palæstinis fuit. non institutorum diversitas eos, non vita, non patrius sermo distinxit. omnia gemina & eadem fuerunt. Quare, ut Babylone illis, procul à patriâ, habitare permisit Deus, quòd contagio ibi nulla eos peregrini moris afflaret: ita eosdem pergere ultra, atque aliò habitatum ire, nec fas nec jura siverunt. Hoc Maimonides sensit, cum illud

illud Ieremiæ dictum interpretatur,
 בבלה יובאו ושמה יהיו *Babylonem du-*
centur, atque illic erunt. de quo dubita-

ri jam haud potest. Perquàm magnifi-
 cum est, quod de Babyloniensibus sen-

serunt quidam majorum gentium sa-
 pientes, quorum opinionem probat,
 sequiturque Maimonides. Visum illis
 est, postquam fato in pejus fluere & re-

trò sublabi res Hierosolymitanæ cœ-
 perunt, solos Babylonenses esse, ad
 quos translatum sit imperii decus,
 quod promiserat numinis vox in cele-

berrimo illo oraculo: *Non tolletur scep-*
trum de Iuda, neque dux de fœmore ejus,
antequam venerit Silo. Nos, qui Mai-

monidæ summas virtutes suspicimus,
 ejus reprehendere errores neutiquam
 dubitabimus. Certe hic quidem fugit

hominem cordatissimum ratio, dum
 placitis favet popularium. Non igno-

ro Babylonenses Iudæos quandam
 velut rempublicam inter se agitavisse,
 ac jura dixisse cæteris de eâdem gente,

qui extra Palæstinam essent. etiam il-
 lud meminimus, principatum ibi sem-

per tenuisse quosdam procures, qui ge-
 nus suum impermixta serie ad Davi-

dem referrent. Sed non propterea effi-
 citur, quod vult Rabbi Ben Maimon.

Sceptrum enim, de quo proditum ora-
 culum

culum fuit, nihil est aliud, quàm res-
publica Iudæa, hoc est, regnum illud
sacerdotale, cujus non accessio hercle
aut stabilimentum, sed anima atque
spiritus, fuere religiones atque ceremo-
niæ. Porro ceremoniarum sacrorum-
que custos non omnis urbs, sed una-
quæpiam esse debuit, in qua sanctua-
rium esset, quod numinis præsentior
vis, velut sedem suam suamque do-
mum incoletet. Ea urbs primum Silo,
mox Ierosolyma fuit, in medio Palæ-
stinæ. Quod si forte quidam segreges
Iudæi templum aliis in terris aramve
extruxerunt, reip. jura atque inviola-
biles leges temeravere. Extat in histò-
riarum monumentis epistola Oniæ ad
Ptolemæum & Cleopatram, in qua il-
le populares accusat suos, quod san-
ctuaria in Phœnicum urbibus, atque
alibi condidissent contra jus fasque.
Sed ipse interim haud in minore culpa
fuit, dum summi vatis Esaiæ oraculum
ambitiosis cœptis suis prætexuit falsò,
templumque in Heliopolitana præfe-
ctura ædificavit. Non enim hoc fieri
salvis ceremoniis potuit. Fuit illud in-
ter scita vetustissimorum Iudæorum,
quod Rabbi Moses Ægyptius tradit in
libro octavo, in Halacha Biath ham-
mikdasch in capite ultimo, מי שעבר

ועשה בית חוץ למקדש להקריב בו קרבנו
 לשם אינו כבית עולם ואף על פי כן כל כהן
 ששמש בבית כזה לא ישמש במקדש לעולם
 וכן כלים שנשתמשו בהן שם לא ישתמשו
 בהן במקדש לעולם אלא יגנוזו:
Si quis transgressus legem sit, ædemque extruxerit a-
liam præter sanctuarium Hierosolymita-
num, non est ea quidem idolorum ædes ha-
benda, sed tamen sacerdos, qui illic sacris
operatus fuerit, nunquam sacra facere in
Dei sanctuario, quod Ierosolymæ est, pote-
rit. Etiam vasa, queis usus ille est, nemo
quisquam ad veri sanctuarii adhibebit
ministeria, sed abscondenda erunt.

CAPVT IX.

Criminalia iudicia intra Palæstinam
stetisse, & Babyloniensibus Iudæis aliis-
que negata fuisse. Ad totius commen-
tationis hujus lucem ostensum quam
diu respublica fuerit omnium Hebræo-
rum, & quando Iudæorum esse cæpe-
rit. Hinc sciri posse quidnam sit sce-
ptrum Iudæ. Eusebii, & eorum, qui
secuti eum sunt, erudita & plausibilis
sententia confutatur. Quid sit maje-
stas imperii, & quorum sit.

ESt hoc, de sacra æde quod diximus,
 permagni momenti ad confutan-
 dum Maimonidem. sed proferenda
 alia sunt, ex quibus constet rem publi-
 cam,

cam, de qua annofus vates in extremo vitæ locutus ad Iudam est, non alibi sedem, nisi in Palæstina, habuisse. Haud longe eundum erit. Ipsum Maimoniden adversus se testē citabimus. Quàm crebrò ille nos monet, populum sanctum, si extra patriam sit, solutum esse legibus plerisque, quas maximus Moses tulit? Præclara est ejus dissertatio in Halacha Sanhedrin, in qua ille certis quibusdam finibus potestatem judicum circumscribit, tam Palæstinorum hercle, quàm Babyloniensium. Utique pro vero constat, legum Mosaicarum maximam partem occupari judiciis illis, quæ Rabbini דיני קנסות, hoc est, *criminalia* appellant. Hæc judicia, inquit Maimonides, à Babyloniensibus exerceri nusquam terrarum potuere, ne in Palæstina quidem. Palæstini autem, quemadmodum ex lege jura quælibet suis reddiderunt civibus intra patriam, ita extra eam nihil statuerunt in populares suos, nisi hoc illis aut Babyloniensium permetterent procures, aut alii, qui exulantium Iudæorum erant capita. Ex qua re illud conficimus, pronuntiasse de criminibus Palæstinos in patrio quidem solo ex vi legis semper; extra illud verò etiam interdum, sed præcariò. at Ba-
bylo-

bylonienses de iisdem cognovisse nusquam, non in ditione sua, non in Palæstina, non vi legum, ac ne precariò quidem. Et hi erunt igitur illi, obsecrò, quæ datum sceptri Iudaici decus sit, postquam fractæ Palæstinorum res erant. Profectò aut nescivit summus scriptor quænam esset hæc sceptri dignitas, aut nimis benè sensit de stramineis proceribus aliquot, qui illic de gente Davidis esse se gloriati sunt. Sed non miramur tam levem hallucinationem in Maimonide, cum cogitamus quæ interpretationum portenta pepererint alii, ut ex divina Iacobi oratione rectam sententiam eruerent. Memini ego ante annum hac de re locutum me esse cum viro amplissimo, Apollonio Scotto, supremi senatus assessor, qua tempestate Hagæ jucundissimo otio in ædibus ejus fruerer, & luculentas Rabbi Maimonidæ commentationes magno ardore percurrerem, quibus ita afficiebar, pene ut omnia transverso calamo delerem, quæ antè de rebus Iudaicis notata à me erant. Ibi senator ille, quæ est ejus eruditio & summa ingenii vis, identidem significavit, videri sibi, nullum esse in sacro codice oraculum, quod magis sollicitatum ab eruditis, & minus intel-

ctum sit. Gaudebam ego hercle, reperi-
tum à me esse, qui mecum sentiret,
cum virum, cujus me autoritas & no-
minis existimatio compellere poterat
ad convellendas quaslibet aliorum o-
piniones. Quare, hortatu ejus, omni-
nò facturum me rectè atque ordine
puto, si in tanta conjectantium multi-
tudine etiam ego, quid judicii mei de
tam illustri oraculo sit, publicavero.
Digna enim res est, in qua vires suas
exerceat cujusque indoles. Certè et si
in his libris de rebus tam Hebræorum,
quàm Iudæorum communiter agi-
mus, ac pleraque exequimur sine dis-
crimine, tamen ne cui incertus error
illudat, semel illud ostendemus omni-
bus, rem publicam sacram, quæ numi-
nis jussu constituta à Mose est, semper
quidem eandem fuisse, atque iisdem
constitisse legibus, sed tamen non sem-
per fuisse eorundem. diu enim fuisse
eam Hebræorum: mox verò, circum-
volutis seculis, duntaxat Iudæorum
fuisse. atque adeò oraculum Iacobi,
quod de sceptro Iudæ est, haud perti-
nuisse nisi ad ea tempora, cum respu-
blica appellari de Iudæorum nomine
cœpit. Cujus rei ignorance effectum
est, ut perperam hætenus intellecta
admirandi oraculi vis sit. Nolo ego
nunc

nunc memorare Origenis, Augustini, Epiphani, atque aliorum miseras hallucinationes, qui existimarunt, Iacobi vaticinatione promitti Iudæis quamdam perpetuam regum ex eâdem tribu, atque per idem genus successionem usque ad tempora Messia. Quæ qui amplexi sunt, ii profectò in multas salebras inciderunt. nesciebant enim quid dicerent, aut quò se verterent, cum cernebant à Sedeciæ quidem morte usq; ad Aristobuli tempora regnum Iudæorum nullum fuisse, postea autem usque ad Herodis tyrannidem solos Levitas Hasmonæos regnum tenuisse. Persecutus ea nuper in Exercitationibus Baronianis benè atque feliciter est vir seculi nostri eruditissimus Isaacus Casaubonus, cui placuit Eusebii præclara de hoc oraculo sententia, quæ extat in libro octavo Demonstrationis Evangelicæ, in prima demonstratione. Nos ea omnia, quæ tam ab Eusebio, quam à Casaubono, rectè dicta sunt, prætermittimus, ne actum agamus. Etiam illud fatemur, interpretationum omnium, quæ vulgatæ hætenus sunt, longè eam esse optimam, cujus autor Eusebius est. Sed quoniam nondum vel Eusebius, vel qui nuper secutus illum est, vir maximus, intellexisse

mihi videtur, quodnam illud sit sce-
ptrum, aut quando datum Iudæis sit,
de quo annosus vates in extremo vitæ
locutus ad filium est, certè hoc jam
expediendum nobis est, sed cum veniæ
præfatione. Nam nec ab Eusebio dis-
sentire voluptas nobis est, quem in
maximis scriptoribus semper numera-
vimus, & virum, quem nominavi-
mus, seculi nōstri primarium, qui se-
cutus Eusebium est, ita penitus vene-
ramur, nemo ut nobis præ illo ma-
gnus sit. Est enim is profectò, cujus
auspiciis hac ætate admirabilis cursus
factus ad omnem doctrinæ excellen-
tiam est. Sed nos ingenua simplicitas
jubet, quid verum rectumque sit, sine
adfectu exquirere. Primum illud non
sine errore censuit Eusebius, sceptrum
esse Iudæ datum jam inde à tempore
Mosis, propterea quod tribus hæc in-
ter cæteras singulari dignitate semper
excelluit, locumque tenuit honoratio-
rem tam hercle in castris, quàm in eo-
rum ordine, qui munera in templo
offerebant. Me verò illud argumen-
tum non magis movet, quàm si Ro-
mæ aut Athenis quispiam sceptri ma-
jestatem non apud populum Roma-
num aut Atheniensem, sed apud unam
dicat tribum fuisse, quæ cæteris nobi-
lior

lior florentiorque erat. Sanè enim ex constantissima veterum auctorum affirmatione illud constat, fuisse utriusque hujus populi multas diversasque tribus, quarum aliæ erant aliis dignitate, loco, atque ordine priores. Quid est igitur? Equidem ego sceptrum esse nihil aliud, nisi majestatem imperii opinor, eam nempe, quæ ipsi reipublicæ assidet. Quare quorum respublica est, eorum & sceptrum dici debet. Respublica autem Hebræa à Mosis seculo ad usque Roboami regnum, non Iudæorum, sed duodecim tribuum fuit. Ex quo efficitur, etiam sceptrum per ea tempora omnium fuisse Israëlitarum. Cæterum de hoc scepro, quod diu commune duodecim tribuum fuit, non locutus est divinus patriarcha in celeberrimo oraculo. Seros enim annos, & ventura spectavit secula, cum tribus Iudæa, scisso in contrarias partes populo, suam sibi rempublicam habere seorsim ab Israëlitis cœpit, quam probavit dilexitque Deus, atque appellari de solo Iudæ nomine Iudaicam voluit, donec is mortalium datus cœtibus esset, cui imperium destinabatur non Iudæorum modò, sed gentium omnium. Atque hanc quidem sceptri majestatem, ex quo tem-

pore semel esse Iudæorum cœpit, mansisse eorundem dicimus, etsi mutatus interdum reipublicæ status sit, ac penes optimates modò pontificesque, modò penes reges principesque summa fuerit imperii. Nimis ineptè faciunt qui hic in arctum desiliunt, & nominis hujus honorem haud pertinere nisi ad reges autumant. Quicunque enim populus suâ quâdam republicâ, suisque legibus utitur, is rectè gloriari de imperio, deque sceptro potest. Memoriam proditum est, Ierosolymæ, etiam eo tempore cum populum non principes, sed optimates regerent, in medio magni concilii, quod Sanhedrin vocant, sceptrum pependisse. quæ res fuit profectò quoddam insigne illius majestatis, quam ¹ Marcus Tullius esse magnitudinem quandam populi ait in ejus potestate ac jure retinendo, quæ vertitur in imperio atque omni populi dignitate. Non reges, non principes Rempublicam Romanam, sed consules atque senatus agitavêre, cum lex istæc fœderis data Aetolis est, quam Livius refert, uti majestatem populi Romani conservarent sine dolo malo. Atque hoc idem omnibus fuisse liberis populis imperatum,

¹ In Partit. Orat.

tum , qui fœdere aliquo , sed haud æquo , in amicitiam venirent Romanorum , testis est Proculus Iurisconsultus in l. 7. ff. de captiv. & postlim. reversis. Ne illud quidem nostrâ interesse arbitramur , quâ de gente aut tribu fuerint , qui Iudaicas res moderati sint rexerintque. Etsi enim per annos sanè multos regnum tenuerint Levitæ Hasmonæi , fuit tamen nihilominus respublica Iudæi populi. Neroni Cæsari illud sapientissimus magister ¹ dixit , *Non rempublicam principis esse , sed principem reipublicæ.* Neque profectò alia fuit sententia Vlpiani Iurisconsulti. is enim *majestatis crimen esse id domum ait , quod adversus populum Romanum , vel adversus securitatem ejus committitur.* l. 1. §. 1. ff. ad legem Iul. majest. Utique vixit iis temporibus Vlpianus , cum nec jussus amplius nec suffragia populi essent , sed imperium atque rerum summam Cæsares tenerent : & tamen , qui accuratissimè definire cuncta solet , majestatem esse populi ait.

CAPVT X.

Nunquam duodecim tribus Hebraas de nomine Iudaorum appellatas esse. De-

D 5

cem

¹ Senec. lib. 1. de clementia.

cem illas tribus, quæ ante Nabuchodonozoris tempora aucta à Salmanassare sunt, nunquam in Palestinam rediisse. duas duntaxat tribus, non plures, paruisse Romanis, usque ad Flavii Iosephi tempora. Passim Eusebii & aliorum error notatus.

Nondum satis confutasse Eusebium videmur, nisi palam fecerimus, in quos laqueos ipse se induerit imprudens scriptor. Extant illa verba ejus in libro quem citavimus ¹, δὲ τὸ τῷ Μωσέως χρόνων καθεξῆς ἡ διέλιπον μερικτοί μιν αὐτῶν ἄρχοντες ἐκ Δαφόρων φυλῶν ἡγασάμενοι, καὶ πόλεις δὲ ἡ τῷ Ἰσραὴλ φυλὴ παντὸς ἀρξέτωσαν τῷ ἔθνει. Iam inde à temporibus Mo-
sis, duces quidem Israëliti, si particu-
latim eos intueare, ex diversis tribubus lecti imperarunt: at in universum toti genti præfuit Iudæa tribus. Hactenus sibi constat, neque pugnancia dicit. Quod autem subdit, ridiculum est: παραδείγματι ἡ καὶ ἀδέξῃ τὸ εἰρημνόν. ὡς γὰρ ἐπὶ τῷ Ἰσραὴλ ἄρχῃς οἱ μὲν κατ' ἔθνη ἐπίτροποι τε καὶ ἡγασάμενοι, ἐπαρχοί τε καὶ στρατοπεδάρχαι, οἱ τε
παί-

¹ Lib. 8 Demonstrationis Evang. in demonst. 1.

πάντων ἀνωτάτω βασιλεῖς, ἔ πάντες
 ἐκ τῶν αἰώνων ὁρμῶνται πόλεως, ἔδ'
 ἀπὸ τῶν αἰώνων καὶ τῶν αἰώνων ἀπορᾶς, ἀλλ'
 ἐκ μυρίων, ἀλλ' ἄλλοθεν, ἔθνων,
 ὅμως ἡ οἱ πάντες βασιλεῖς τε, καὶ οἱ
 μετ' αὐτὰς ἄρχοντες ἔ ἡγεμόνοι τῶν
 τῶν αἰώνων ἐπιγράφον) πρὸς τὴν
 τῶν αἰώνων τε τὸ κράτος ἔπωνόμασται,
 ἔ ταύτης ἔξηπται τῶν ἐπωνυμίας. ἔ τῶν
 πρὸ τῶν αἰώνων ἔξηπται τῶν ἐπωνυμίας. ἔ τῶν
 αἰώνων μίας μὲν καὶ τῶν αἰώνων τῶν
 φυλῆς καὶ τῶν πάντων ἔθνων ἐπιπεφη-
 μισμένης, τῶν ἡ καὶ τῶν ἡγεμόνων
 τε καὶ βασιλέων ἐκ τῶν αἰώνων καὶ τῶν
 αἰώνων φυλῶν, καὶ τῶν αἰώνων τῶν
 αἰώνων πρὸς τὴν αἰώνων. Exemplo fa-
 cile percipies, quod diximus. Quemadmo-
 dum enim in Romano imperio gentium
 singularum moderatores rectoresque ἔ
 praesides, castrorumque praefecti, quique
 omnibus illis majores sunt, reges, haud
 quidem omnes urbe Roma, neque Remi
 Romulique sat, sed ex innumeris alii
 aliunde gentibus orti sunt; ἔ tamen tam
 reges praefecti cuncti, quam qui post illos
 sunt, praefecti ducesque, appellati sunt Ro-
 mani, visque ἔ potestas Romanorum di-
 citur, atque ex hoc nomine pendet: Ita de
 Hebraeorum rebus existimandum est, quasi
 una quidem tribus Iudaea toti genti illud nomen
 suum impertiverit, particulatim
 vero

verò duces ac reges creati ex diversis tribubus sint, qui tamen ex communi illa Iudæorum appellatione honorem acceperint. Vide quid non possit incogitantia. Planè enim contrarium efficit Eusebius, quàm volebat. Qui enim sceptrum fuisse penes Iudæos jam tum à tempore Moſis ait, argumentum ejus rei hoc adfert, quia respublica, imperium, atque totus populus, qui duodecim tribuum erat, appellationem habuere de nomine unius Iudæ. Hoc argumento bis terve diversis in locis, magnificè se effert. neque ferme in tota illa dissertatione aliam rationem reperiās, qua probare sententiam suam nititur. Atqui, pace Eusebii, hoc omne, quidquid est, futilissimum est. Non enim respublica, non imperium de Iudæ nomine dici cœpit, nisi postquam secessionem major Isrâëlitarum pars fecisset Hieroboami auspiciis, qui statim Samariæ regnum sibi quoddam munivit ceremoniarum atque religionum mutatione. Ego & Eusebium, & eos omnes, qui leviter sacram historiam cognoverunt, quavis sponſione provoco, ni hoc ita sit, uti dico. Sed quid illud est, quod toties & tam fidenter ait, duodecim tribus in universum fuisse Iudæorum nomine appellatas? Est hoc

Euse-

Eusebii delirium, quod ille incautis mortalibus obtrusit; & reperti sunt quidam summa claritudine scriptores, qui defenderent. Nos id nunquam factum dicimus, siue tu tempora ista, quæ scissionem regni Israëlitiçi antecedunt, siue ea spectes, quæ insecuta pòst fuere. Et Eusebius quidem, etsi mentem suam apertè non explicat, tamen, si conijcere licet, sic sensit, accidisse illud inter initia nascentis imperii, cum respublica in Cananensium sedibus institueretur, ac de nomine ejus capienda consilia essent. Sed hoc colorem veri non habet. Quare vir maximus, quem Eusebii defensorem diximus, de tempore eum aliter sentientem facit, & quod sentire eum credidit, probat ipse sequiturque. Observasse enim Eusebium ait, duodecim tribus Israëliticis appellationem accepisse de nomine Iudæ, eamque appellationem tunc primum cœptam usurpari, cum regiam potestatem, quam in Sedecia tribus Iudæ amiserat, pontifices maximi in se transmovissent. hanc autem rem imprimis admiratione dignam ait, quippe quæ accidit consilio numinis. Etenim, cum Polybius non sine gravi causa existimet evenisse ut Achæi, exiguus Græciæ populus, nomen aliquando

da-

darent universæ Græciæ, sanè etiam hic aliquid sublimius grandiusque spectandum esse, cum post reditum à captivitate omnes omnium tribuum Abrahamidæ vocati Iudæi sint. Hunc nos errorem excusare nec possumus, nec debemus. Enimverò, cum scissum divisumque Israëlitarum regnum fuit, duæ tribus, Levitæ & Benjaminitæ, Iudæis se sociaverunt. Quia autem pauciores tenuioresque erant, nihil nisi accessio habiti sunt. Itaque nec respublica ab illis appellationem accepit, & ipsi pene nomen suum amisere. dicti enim tandem communiter Iudæi sunt. Hæc vera rectaque fatemur. neque aliter res habet. Sed quid ista, aut quo pacto ad cæteras decem tribus pertineant, viderint ii, quibus hoc commentum placuit. Profectò, ex qua tempestate semel decem illæ Israëliticæ tribus abductæ à Salmanassare Assyrio, & dispersæ per Colchos, Parthos, Indos atque Æthiopas sunt, nunquam deinde in patrium solum redierunt aut conjunctæ iterum Iudæis sunt: sed inter barbararum gentium imperia, etiam hodie, si qui adhuc ex illa colluvie supersint, improbæ defectionis graves pœnas exolvunt. Itaque in republica Iudæorum esse, aut nominis honorem

norem ab illis accipere non potuere, qui cum Iudæis nullum usum nullamque consuetudinem habebant. procul enim diverso in orbe siti, aliud cælum, alia sydera intuebantur. Est apud Flavium Iosephum, inusitata diligentia autorem, memorabilis locus ¹, quem excussisse ingens pretium operæ erit. sic enim optimè rem expediverimus. Fecerat Flavius primum verba de iis, qui undique ex vicinis terris Babylonem confluxere, uti cum Ezra Hierosolymā redirent. ii autem omnes erant Iudæi, & qui se Iudæis conjunxerant, Levitæ atque Benjaminitæ. At de Hebræis aliarum tribuum, ita subjicit; ὁ ἵ πᾶς λαὸς τῆς Ἰσραηλιτῶν καὶ χάραν ἔμεινε· διὸ καὶ δύο φυλὰς εἶναι συμβέβηκεν ἐπὶ τε τῆς Ἀσίας ἔν τῃ Εὐρώπῃς Ρωμαίοις ὑπακχέσας· αἱ ἡ δὲ καὶ φυλαὶ πέραν εἰσὶν Εὐφράτης ἕως ἑσῶρο, μυριάδες ἀπείροι, καὶ ἀριθμῶ γινώσκειν μὴ δυνατόν. *reliquus vero omnis populus Israelitarum in ² sedibus suis remansit.. Quare tam in Asia, quàm in Europa, duas duntaxat tribus in obsequio Roma-*

¹ Lib. xi, cap. v, *Antiq. Iudaic.* ² Loquitur Flavius de iis sedibus, in quas decem Israelitica tribus erant asportatae trans Euphraten à Salmanassar Assyrio.

Romanorum esse contigit. at reliqua decem tribus, etiam hoc tempore, trans Euphraten adhuc degunt, quarum sunt infinita myriades, planè ut propter numerosam multitudinem nosci haud queant. Enimverò durioribus usi fatis sunt, quos Salmanassar abduxit captos, quàm ii hercle, quos avexit postea Nabuchodonozor. Nam Israëlitae quidem fluvius Euphrates, quem semel transierant, semper coërcuit. At Iudæi, qui eundem transvecti erant, tandem reversi aliquando in Palæstinam sunt: & cum aut angusta nimis, aut parum grata ipsa illa esset Palæstina, per Europam tandem Asiamque latè sedes suas posuere. Hæc causa est, cur Iosephus duas modò Hebræorum tribus ad obsequium actas à Romanis dixerit. Illa enim tempestate populus Romanus, etsi omnia pene armis subegerat, & solem utrumque currere in imperio suo cernebat, nondum tamen moverat terminos trans Euphraten. Itaque decem Israëliticas tribus, quas fluvius ille æterno carcere claudit, haut paruisse tunc Romanis, rectè proditum ab accuratissimo scriptore est.

CAPVT XI.

Hariolatio quorundam, qui sceptrum Iudaicum esse Davidi datum ajunt. admodum serò contigisse, quod dictum multò antè de Iudæ sceptro erat. Quando ablatum Iudæis sceptrum sit.

Dixi ingenuè, quando datum Iudæis sceptrum existimem, de quo oraculum extat: dein, quos cives habuerit ea respublica, quæ ortum accepit ex plebis secessione. Quæ omnia Eusebius assecutus non est. qui tamen unus inter tot interpretes recte de illo oraculo ac pene divine judicavit. Quæ cæteri commenti sunt, non referam. Plerique tamen quod Eusebius esse factum jam inde à primordiis reipublicæ Hebrææ vult, id contigisse eo tempore ajunt, cum regia potestas delata ad Davidem est, quem tribu Iudæ satum sacri annales loquuntur. Sed hos tam solidè tamque feliciter confutavit Eusebius, nihil ut amplius addere cujusquam possit industria. Nam & Davidis posteris per tempus oppido exiguum, usque ad captivitatem Babylonicam, tenuisse regnum docet: &, quæ dicuntur identidem de æterno ejus folio, bene atque sapienter ad Messiam retu-

E lit.

lit. Sed de his post Eusebium plura dicere, hominis sit frustra seduli. Ita enim ille defunctus hac cura est, uti otium omnibus fecerit. In fine restat ut illis solitudinem demamus, qui mirabuntur quid ita serò eventus exstiterit vaticinii, quod proditum de Iudæa republica est. Diximus enim sub Roboamo demum cœpissè eam. Sed sciant illi, ne hoc quidem præter vatis mentem fuisse. Quippe filios suos moribundus senex extremum allocuturus, velle se illis significare ait, *quæ eventura sint in diebus novissimis*. Dein & illud meminerint, in oraculis haud curiosè vestigari tempora oportere. Pleraque enim interpretanda latissimè sunt. Vel ecce in hoc ipso vaticinio, cum dicitur, *non sublatum iri sceptrum, priusquam venerit Silo*, putes illud significari, statim cum apparuerit mortalibus Messias, fore ut de manibus excutiatur sceptrum genti isti. Quod planè secus accidit. Non enim amiserunt id decus Iudæi, nisi postquam, excisa urbe, incensoque templo, rempubl. aliquam habere suam, seque suis regere legibus desiverunt. Neque propterea defuit oraculo infallibilis veritas. Etsi enim diu ante è terris excesserat rerum salus Messias, contigisse tamen hæc ejus ætate constat.

stat. Mihi quidem significasse illud publica voce visus semper ipse Messias est, cum de urbis templique everfione in hunc modum infit, *μὴ παρέλθῃ ἡμεῖς αὐτὴ, μέχρις ἢ πάντα ταῦτα γένη*). *non transibit hæc ætas, priusquam facta sint hæc omnia.* Hæc satis erunt bonis cordatisque omnibus. Ceteros non moramur, quibus hæsitandi causa ubique est. Equidem, qui viros maximos incertis hic fluctuare erroribus cernebam, ita paravi memet ipsum, uti quiddam certum tenerem, quod deinceps sine periculo tuerer constantissime. Persæpe enim ea res in hisce libris nostros impetus tardavisset.

CAPVT XII.

De dictatoribus, iudicibusque. de senatu Sanhedrin. de initiatione senatorum. ἡ Ἀποθεσία. item solenne carmen. qui allecti in id concilium, qualis iurisdictionis eorum. de populi comitiis. de poculo Sutha. Iudæorum delirium de magicæ usu. de Eleazari incantamentis.

O Stensum à nobis est, rem publicam, de qua agimus, diu Hebræorum omnium, mox autem Iudæorum duntaxat fuisse. quod profectò semel definire, magni nostra intererat. Nunc

egressi ex molestissima disputatione, dicamus deinceps, qui sacræ genti imperitaverint, quidque de judiciis sit, & de senatu habendum. Non concesserat Mosi numinis benignitas, uti rempublicam eam in Palæstina surgentem cerneret, cujus instituta publicaverat in Arabum desertis. Datum id decus Iosux est, qui, Mose defuncto, populi ductor cum imperio maximo fuit. Domi enim militiæque, quod jussisset, jus ratumque erat. Hunc pari potestate secuti sunt, qui præeundo edicendoque prætores dici dictatoresque poterant, etsi in sacris annalibus Iudices appellantur, ratione haud multum diversa. At Flavius *μῆναιξας* vocavit. quod nomen etiam Syllæ, Cinnæ, Marioque, & aliis dictatoribus Romanis Græci dedere. Hos judices, in magnis motibus, necessitas creavit: & compertum negotiis atque periculis est, in bello feliciter illis rem semper processisse, cum regum temeritatem persæpè fortuna destituerit. Fuit etiam cum iidem rebus civilibus intenti agerent, causasque audirent, sed graviores. Rarò enim pro tribunali sedebant. Iussus modò, imperiumque, & summa rei ad eos pertinuit. Ultimus eorum Samuel fuit is, quem reges excepere, qui,
pote-

potestate & imperio non contenti, habitu insuper insignibusque & splendore fortunæ supra multitudinem se tulere. Cæterum, præter summos populi ductores, Iudicesque, atque eos, qui post appellati reges sunt, non pauci alii fuere, qui de republica consultarent, jusque dicerent, & negotiorum arbitri essent. Synedria enim quædam constituta erant, in quibus qui senatores fuerint, quæve res ad illos relatæ sint, edisserendum deinceps est. Ante omnia offert se nobis concilium magnum Sanhedrin, in quod adscripti assessores septuaginta erant. Id concilium, cum constitutum à Mose esset, semper deinde sub Iudicibus, regibusque, & pontificibus usque ad extremam Iudææ desolationem fuit mansitque in ea urbe, quæ sanctuarii sedes atque reipublicæ arx esset. Sed quoniam prima tempora, proximaque illis, ferme obscura sunt, & de urbe Silo nihil præcipue scitu dignum sacer codex prodidit, nos, quale id synedrium in civitate principe Ierosolyma fuerit, postquam extructum illic templum est, ex Iudæorum observatione trademus. Mox de cæteris dicetur conciliis, quæ vel Ierosolymæ, vel in urbibus singulis fuere. Concilii magni sedes in ipso sanctuario

fuit, ubi de divinis humanisque rebus senatores septuaginta cognoscerent, non hercle de plebe hominum lecti, sed nobilissimi omnes, qui amplitudinem majorum, ac prisca familiæ decora præferebant. Eam sedem illis summus Moses assignaverat. Convenire enim eos in locum jussit, quem elegeret Deus uti nomen illic suum adoraretur à populo. Ab his provocatio non erat. Quicquid decidere cæteri magistratus judicesque in Palæstinæ oppidis atque in ipsa urbe Hierosolyma nequibant, id omne ad horum jurisdictionem pertinuit. Qui autoritate & honore præcellerent inter eos, duo fuere quorum unus totius synedrii caput erat, & à Talmudicis נשיא בכל מקום dictus est. alter huic proximus, sed minor fuit, quem אב בית הדין *patrem judicii* appellavere. Cæteri inter se æquales fuerunt. Hæc senatoria dignitas, quoniam amplissima erat, nemini data sine legitimo actu est. Manuū enim impositione opus fuit, quam Iudæi סמיכה vocant. At Græci ἀποθέσιναι dixerunt. Ita Moses Iosua & septuaginta senatoribus manuū imposuit. qua solennitate peracta, statim delapsus ætheriis sedibus

¹ Id est, *Princeps in omni loco.*

bus spiritus pectora eorum implevit. Et hi porrò, in hunc modum initiati cum essent, alios eadem lege auctora-
verunt. Non tamen potuit is ritus ex-
tra terram sanctam peragi, quia vis
ejus omnis conclusa Palæstinæ finibus
erat. Perinsigne est, quod Rabbi Mai-
monides tradidit in Halacha Sanhe-
drin, in capite quarto. Cum enim olim
solennem hunc actum pro arbitrio
suo omnes ii celebrarent, quibus im-
posita semel manus fuerat, coarctata-
tum id jus à sapientibus esse ait, con-
stitutumque uti nemo deinceps illud
usurparet, nisi cui id concessisset divi-
nus senex Rabbi Hillel. Is autem ma-
gni concilii princeps erat, & alterum
sub se præsidem habuit Sameam, ho-
minem truculentum ambitiosumque,
cujus sectatores, cum paulò post con-
tra discipulos Hillelis insurrexissent,
tantis studiis animos hominum concie-
vere, pene uti totus populus pertra-
ctus in partes sit. Tandem hæc ma-
nuum impositio, quæ usitata diu fue-
rat, cessavit. Recitatum enim dunta-
xat carmen quoddam conceptis verbis
est, quod Rabbi Maimonides fuisse
ejusmodi ait: הרי את סמך ויש לך רשות
: *Ecce, manus ti-*
bi imposita est, daturque potestas tibi judi-

cia exercendi etiam criminalia. Præterea
 aliam quoque formulam Talmudistæ
 prodiderunt, quorum verba in Elen-
 cho Trihæresii vir illustris Iosephus
 Scaliger retulit, sed non rectè accepit.
 Quare nos illum locum huc transcri-
 bemus, &, ut intelligi debet, interpre-
 tabimur. Dixerant Talmudistæ de Iu-
 da Babæ filio, qui vetera gentis suæ in-
 stituta tutatus acerrimè est. Penè enim
 actum erat de judiciis criminalibus,
 deque manuum impositione, ni ille
 Atlas res labentes fulsisset. Dehinc illa
 subjiciunt : הסמיכה לוא דוקא ביר כמו :
 שעשה משה ליהושע אלא אמילו בדבור
 בלבד די שיאמר אני סומך אותך תהיה כמוד:
 Nos horum verborum germanam
 sententiam hanc putamus: *Actus ille*
sollemnis non tantum fit manu imposita,
quemadmodum Moses Iosua fecit, sed
etiam fit per formulam verborum dunta-
xat, cujusmodi hoc est, quod dicitur, Ego
impono tibi manum, & manus imposita
tibi esto. At summus Scaliger ex illis
verbis collegit, esse à Iuda aliud quod-
dam carmen repertum præter vetustis-
simam formulam, quæ ibi concepta
est. Quorum omnium nihil Talmudi-
stis in mentem venit, neque vera sunt.
 Fefellit autem hoc virum maximum,
 quod existimavit בלבד esse præterquam,
 cum

cum contra in Rabbiniſmo ferme ſit
duntaxat & ſolum. Sed hoc grammati-
 cæ pulpæ eſt, & relinqui aliis debet.
 Nos hîc quædam graviora commen-
 tamur. In concilium magnum non
 modò cives primariæ nobilitatis, quod
 jam diximus, ſed Levitæ quoque ſacer-
 dotesque allekti ſunt. Etiam pontifi-
 cem Maimonides aſciturum ait אם היה
 ראוי בחכמה *ſi cordatus, & capiendis con-*
ſiliis non ineptus eſſet. alioqui reprobare
 eum fas fuit. Non enim ſuo jure in ſe-
 natum ibat, ſed admiſſus ſuffragiis eſt.
 Cunctos autem aſſeſſores corpore eſſe
 integro oportuit. Qui vitium aliquod
 habebant, arcebantur. Sed nec pere-
 grini exterive recepti in hunc ordinem
 ſunt, niſi matre ſaltem Iudæâ eſſent.
 Hos enim excipit Maimonides. Et ſanè
 æquum erat, neque ſecus conſtitutum
 jure Quiritium eſt. Ait Vlpianus IC. *in*
l. 1. §. 2. ff. Ad municip. ſi quis ex patre
 Campano, matre Puteolanâ natus ſit,
 eum municipem Campanum eſſe. niſi
 forte privilegio aliquo materna origo
 cenſeatur. tunc enim filium mater-
 nam originem ſequi. quare Ilienſibus
 conſeſſum eſſe, ut, qui matre Ilienſi
 eſt, ſit eorum municeps. & Ponticis ex
 beneficio Pompeii Magni competere,
 ut, qui Ponticâ matre natus eſſet, Pon-

ticus esset. atque etiam Delphis hoc idem tributum & conservatum fuisse. Senatoribus Sanhedrin per omnem Iudæam ire, conventusque populi lustrare, in oppidis magistratus condere, cura fuit. Cumque Cabbala quædam, mysteriorumque doctrina jam inde ab initiis reipub. tradita per manus esset, hujus vis omnis, auctoritasque penes illos erat. Tum & statuta de rebus sacris condere, & modos quosdam comminisci, quibus lex exponeretur, illorum fuit. De qua re Maimonides accuratè egit in Halacha מורים in cap. primo. Extant apud Talmudistas multæ juris Iudaici cautiones de illo sapiente, quem ipsi זקן ממרה *senem refractarium contumacemque* appellant; qui juris sacri & Cabbalæ pridem consultus, ortâ mox hæsitacione aliquâ, probare illud & sequi recusaret quod communiter Senatores Sanhedrin statuebant. Is dein judicio magni synedrîi capite damnabatur. Huc illa Maimonidæ spectant in eadem Halacha in cap. tertio, זקן ממרה האמור בתורה הוא חכם אחד מחכמי ישראל שיש בידו קבלה ודן ומורה בדברי תורה כמו שידונו ויורו כל חכמי ישראל שבאת לו מחלוקת בדין מן הדיונים עם בית דין הגדול ולא חזר לדבריהם אלא חלק עליהם והורה לעשות שלא כהוראתו

: כהוראתן גזרה עליו תורה מיתה: Quæ jam plana sunt. Porro etiam vatum causa, qui graviter deliquissent, non alibi, quàm in hoc synedrio, disceptabatur. idque in animo habuit servator hominum Messias, cum in Lucæ Evangelio negat fieri posse, *uti propheta quispiam pereat extra Ierosolymam*. Tum &, quod summæ potestatis est, regem quoque constituebant, ac de bello gerendo, deque hostibus profligandis, & de proferendo imperio deliberabant. Sed quoniam hæc ejusmodi erant, in quibus salus omnium & summa reipublicæ vertebatur, consultatum de his plerumque cum populo est. Indicta enim comitia sunt, in quibus solis populus partem aliquam caperet regundæ reipublicæ. Et sane aliam capere partem, aut aliter, non debuit. honores enim magistratusque singulis mandantur. quare gerere eos plebs propter væcordiam imperitiamque nequit. At in comitiis sapit videtque aliquid. Quod enim subtilissime Aristoteles judicavit, omnis ea multitudo sensum aliquem habet, conjuncta si sit; atque etiam publica commoda juvat, quia cordatiores adsunt, ducuntque. at scorsim singuli sine delectu judicioque sunt. De rege igitur, deque bello, ut dixi,

dixi, decreta facta interdum populo auctoresunt. Cætera omnia senatores Sanhedrin per se expedivêre. Neque poterant illi maximis rebus esse impares, quia delecti sunt, quibus ingenium usu sapientiaque validum esset. Sanè quidem summus Moses eos senes dixit, non ætate modò, sed cura experientiaque. Fatemur tamen interdum causas ejusmodi fuisse coram illis disceptatas, quas explorare vis humanæ industriæ nequit. Hujus generis faciunt Talmudistæ quæstionem, quæ in solo hoc synedrio habita in caput mulieris de adulterio est, cum testimonia non adessent. Surrexit enim sacerdotum unus, qui pars senatus esset. Is collegarum jussu diram execrationem obtestationemque composuit in ream, ac mox potionem ei porrexit, quæ nocentem rumperet è vestigio, infanti autem prodesset ad valetudinem. Iudæi magistri id poculum כּוּמָרָא appellant. Quia autem vis ejus occultior in lege horrendi carminis latet, creditum ab illis est, senatores hos cunctos fuisse magiæ peritos, eamque artem tanti esse, uti, qui nescirent eam, recepti in summum illum ordinem non sint. Hæc opinio etiam nunc verpos tenet; sed vanissima est. Iam enim diximus,
sacrum

sacrum quendam instinctum non defuisse septuaginta senibus, postquam solenni actu impositæ illis manus essent. Et ipse Deus in Pentateucho eundem spiritum illis promittit, qui in Mose esset. Quare profecto tam futilis scientiæ præsidio non indigebant, qui meliora certioraque edocti cœlitus erant. Nos hunc Iudæorum asininum stuporem non traduceremus, nisi Flavius Iosephus quoque summus scriptor, popularium commentis deceptus, similia aut stultiora delirasset. Eleazarum enim quempiam majorum gentium sapientem memorat, qui coram Vespasiano incantamenta quædam fanaticis adhibuerit, quæ summus rex Salomo in hunc usum à geniis accepta transmisisset ad posteros. Multa ille ibi refert, quæ satis digne exhiberi non possunt. Nos putamus Iosephum, quo die istæc scripsit, aliquod purgamentum calcavisse. Adeò infelicitè, & præter morem suum, locutus aliena est.

CAPVT XIII.

De duobus aliis conciliis, quæ Ierosolymæ fuere præter senatum Sanhedrin. De senatu xxiii virorum, qui in singulis oppidis. De triumvirorum collegio. Civita-

*vitatum quis modus esse debeat. De
quinqueviris cadis expianda causa
creatis. De septemviris & triumviris,
qui annis & mensibus intercalandis
praerant. Tempora à Rabbi Hillele Ba-
bylonio ordinata. Vis concilii Sanhedrin
à Gabinio callidè imminuta.*

DE senatu magno diximus, quæ in
mentem inciderunt. Cætera con-
cilia quæ fuerint, & cujuscumque, expe-
diri paucis potest. Iam primum duo
alia fuisse in ipsa urbe Ierosolyma eru-
ditissimus Maimonides prodit in Ha-
lacha Sanhedrin, capite primo. Eo-
rum descriptio in opere Talmudico
est, tam in Misna, quàm in Gemara. In
utroque viginti tres iudices sedebant.
Quemadmodum autem magnum con-
cilium Sanhedrin in templi parte erat,
quæ Gazith dicta est, ita è duobus his
synedriis unum ad portam atrii fuit,
alterum vero ad portam quæ aditum
aperuit ad montem templi. Etiam di-
gnitas utriusque dispar fuit. Qui enim
iudices ad portam montis sancti sede-
bant, magnificum sibi duxere, si in se-
natu asscriberentur, qui ad portam
atrii erat. Et rursus ex hoc senatu in
concilium Sanhedrin ascendere, ho-
noris gradus fuit. Quæ omnia accura-
tè

tè Rabbi Maimonides distinxit. Porro præter Ierosolymitana hæc concilia in singulis quoque Palæstinæ oppidis aliquis senatus juri dicundo, negotiisque publicis curandis constitutus est. Is erat viginti & trium virorum, qui de capite fortunisque civium judices sedebant, causasque omnes decidebant, exceptis paucis illis, quas ad confessum Sanhedrin relatas dixi suprâ. Describit Maimonides etiam triumvirorum quoddam collegium, atque id fuisse in tali civitate ait, quæ centum & viginti incolas non haberet. Ego verò Aristoteli assentior, ne quidem esse eam civitatem. Quemadmodum enim navis non est, quæ aut palmi unius sit, aut duorum stadiorum: ita civitas nomen amittit, modus si desit. Nam & quæ parva nimis est, suis ipsa opibus non pollet, quod civitatis proprium est: & magnitudine nimia non civitas, sed gens fit. Sed non est tam anxie hæc ratio cum Iudæo putanda. Triumvirorum fuit de injuriis, deque pecuniis & bonis mobilibus judicare. Qui capitalium criminum rei erant, apud alios, quos dixi, postulabatur. Addit Maimonides ^I, res quasdam ejusmodi fuisse, quæ

^I In Hal. Sanhedrin, cap. 5.

quæ nec ad septuaginta senes, neque ad collegium viginti trium judicum, neque ad triumviros pertinerent. opus enim ad eas peculiari quodam senatorum numero fuisse. Inter has eadem numerat, quæ patrata in oppidi cujusdam finibus incerto autore erat. Eam expiari oportuisse per quinqueviros, vitulæ mactatione, ait. Plura id genus refert, quæ prudens prætereo. Non enim dictata reddimus. Illud mireris, temporum quoque ordinationem selectis judicibus esse commissam. Nam de anno intercalari septemviros, de mense autem statuissè triumviros ait¹. Sed hanc curam postea omnibus popularibus suis ademit homo sui seculi princeps, Hillel Babylonius, de quo viro honorificè illud testatur Rabbi Abraham Zacuth in libro Iuchasin: ר' הלל הנשיא חקן העיבור לכל ישראל קודם שתתבטל הסמיכה עד ימי המשיח: Rabbi Hillel, magni concilii præsides, composuit intercalationem toti Israël usque ad tempora Messie. idque factum ab illo est antequam manuum impositionis legitimus actus abrogaretur. Profectò ni Hillel iste tantis malis maturè occurrisset, turbata tempora confusaque fuissent.

Non

¹ In eadem Hal. eod. cap.

Non enim multò post cessavit *Χειρουργείας* solennitas, siue qua septem viros trium virosque corrigendis fastis præfectos fuisse, negat Maimonides, cum ait *וכל אלו סמוכים* *omnibus illis impositas manus fuisse*. Sed definimus aliquando, ne quis nos credat accuratum opus moliri, qui nihil hercle, nisi tumultuarias commentationes, extrudimus. Quicquid autem de conciliis dictum à nobis est, ad eam referri tempestatem cupimus, cum nondum Iudæa Romanum victorem acceperat. Multa enim ille postea mutavit refixitque, non libidine aut sævitia, sed retinendæ dominationis. In primis Gabinus, Syriæ proconsul, cum stabilitas reipublicæ multò maxima in consensu Sanhedrin esset, dissipandam ejus vim plura per oppida existimavit. Quare pari potestate quinque Synedria Gadaris, Amathunte, Hierichunte & Sephoris constituit. quinta sedes Ierosolyma erat, quæ jam pars sui & accessio fuit. Sanè quæ in cæteris urbibus posita à Gabinio concilia sunt, cum deteriora Hierosolymitano non essent, etiam diutissime post illud stetere. Mihi quidem de illis loqui Iustinianus Imperator videtur in l. 17. C. de Iud. & Cæl. cum canonem requirit à primatibus, qui in

urisque Palaestina synedriis dominabantur. Sed in hæc nos egressi non sumus. Rempublicam enim veterem, & intermerata gentis instituta spectavimus. Cætera exequi velle, quæ conversa identidem sunt, infelicis studii sit. Non enim de illis aliquid tradi certū potest.

CAPVT. XIV.

De regis creatione, & an placuerit ea numini. Cur initio rex malus à numine adscitus. Quas res in illo legendo spectaverit vates. Liber de regni jure in sanctuario positus. Quarum rerum potestas data regibus Hebrais sit. Quis honos illi à Pontif. maximo, à sacerdotibus atque à vatibus delatus. Locus Samuelus contra quosdam interpretes stabilitus. Sedendi jus in atrio sacerdotum soli regi datum, non ipsis sacerdotibus, nec aliis. Cujusmodi regibus paruerint primi homines, ex Aristot. Quidnam Hebrais regibus sanctitatem adjecerit. Non eam hinc esse, quia vates fuere. Solos reges & pontifices maximos unctione fuisse initiatos. Unguentum sacrum à Iosia defossū, nec post repertum aut usurpatum fuisse sub templo secundo. Reges Samariæ an uncti fuerint.

AIT Rabbi Maimonides in parte postrema Misnæ, Israelitas tria mandata

data accepisse à numine, quæ exequerentur cum Palæstinam tenerent. è quibus primum erat, uti regem sibi constituerent; alterum, uti memoriam obliterarent Amalekitarum; tertium de templi ædificatione fuit. Mox hæc ostendit longo quidem intervallo, diversisque temporibus, sed illo tamen ordine, quo iussu erant, confecta esse. quippe creatum regem esse, priusquam bellum cum Amalekitis gereretur. templi autem structuram non cœptam esse, nisi cum invisissimæ istius gentis extremus dies venisset. Testimonia istius rei illustria Maimonides recitat, quæ huc transcribere supervacuum est. In Deuteronomii capite decimo & septimo summus Deus, cum Israëlitas expetituros regem aliquem ait, causam adjungit, quæ verissima est, quod omnes in vicino gentes sub unius imperio vivebant. Ita enim est natura ingeniumque hominum, illam orbis partem qui habitant. pauci libertatem, pars magna justos dominos volunt. Nec vanè apud Tacitum Claudius Civilis ad Batavos suos ait, *Servire Syriam, Asiamque, & suetum regibus Orientem.* Hoc ita cum sit, permulti mirati sunt, cur indignè tulerit Deus, summam rei à Samuele ad regem aliquem

quem transferri, siquidem illud & probaverat antea, & futurum pro indole dixerat sacri populi. Sed illis eruditè respondit Maimonides, atque indignationem numinis ex eo esse ortam ait, שאלו בתרעומת ולא שאלו לקיים המצוה אלא מפני שקצו בשמואל הנביא שנאמר כי לא אותך מאסו כי אותי מאסו : *quia regem concupivissent per ambiguas querelas, seditiosasque voces, non uti legis præceptum peragerent, sed quòd displicebat illis sanctissimus vates Samuel, ad quem vox illa numinis extat,*¹ *Non te illi, sed me fastidiverunt.* Equidem ego sic opinor, atque id asserere non dubito, Deum immortalem non caritate, aut reipub. curâ, imperium Sauli dedisse, sed, quoniam arrogantiam sævitiamque ejus introspexerat, comparatione deterrima gloriam Samueli quæsiuisse, ut tali successiore desiderabilior ille quandoque foret. Fortuita & externa videntur, sed ingens momentum habent, quæ spectata à Samuele esse in regis electione, proditum ter quaterque in sacro codice est, decora facies, corpus procerum, atque alia, quæ oculos omnium animosque trahunt. Hæc sunt, quæ summus vates in media con-

cione

¹ In lib. I. Sam. cap. 8. vers. 7.

cione commendavit, cum locutus in istæc verba est. ¹ *Videtisne, quem elegit Deus, non esse ei similem in toto populo?*

Quare profectò non jam barbarorum illud duntaxat, sed hominum etiam excultissimorum est, majestatem corporis venerari, magnorumque operum illos capaces putare, quos eximia specie natura donavit. Aristotelis, maximi autoris, scitum est, si qui nascantur tantò aliis corpore excellentiores, quantò simulacris hominum antecellunt deorum imagines, dignos videri reliquos, qui his serviant. Quod si in corpore hoc verum est, multò rectius de animo id statui. sed non eadem facilitate animi pulchritudinem, atque corporis, cerni. Sed nos hæc aliorum commentationi relinquimus. Est in Biblico codice ² mentio voluminis cujusdam, in quo sacrata regni jura scripsit Samuel, eaque sic literis tradita in tabernaculo deposuit. Sed quæ referuntur illîc, haud recte assecutus Flavius Iosephus est. credidit enim comprehensa illo libro esse omnia mala, quæ metuenda ab iniquo rege prædixerat Deus populo. Nos contra existi-

F 3

ma-

¹ *In lib. 1. Sam. cap. 10. vers. 24.* ² *In lib. 1. Sam. cap. 10. vers. 25.*

mamus, fuisse in illo libro eas leges, quæ jubebant uti justitiam atque equitatem rex coleret, utque rempublicam bene atque ex utilitate civium moderaretur: tum ne stupris aut libidinibus principem ageret: postremò, uti in magna fortuna modestiam retineret, quæ nec summis mortalium aspernanda est, & à Deo æstimatur. Ea res his verbis tradita in Deuteronomio est: *constitue regem, quem Deus elegerit ex popularibus tuis. Ne alienigenam hominem regem facito, qui non sit de gente tua. Cum autem fuerit constitutus, ne comparet sibi equos multos quævis confisus reducat populum in Ægyptum. edictum enim vobis est, ne amplius eam viam repetatis. Sed nec uxores habeat plurimas, quæ pelliciant animum ejus, neque argenti vel auri immensa pondera. Postquam autem sederit in solio, describat sibi exemplum legis hujus, ex illo volumine, quod penes sacerdotes Levitas est, habeatque illud secum, & legat omni vita sua, uti discat vereri Deum suum, ejusque sanctiones observare, atque ut animus ejus non efferratur superbia, contemnatur ceteros. Hæc legis verba nec obscura sunt, & summam continere ejus voluminis videntur, quod maximus vates in sanctuarium recondidit. Diximus antea, Iudæos*
rem-

republicam ejusmodi habuisse, quæ in Biblico codice regnum sacerdotale ¹ appellatur. Ex quo fit sanè, ut reges eorum non res modò civicas domi militiæque moderati sint, sed religionibus etiam, sacrisque, & ceremoniis præfuerint. erant enim personæ *יִגְוּמָאִי* ², quibus numinis jussus, & vatis vox, auctoritatem, decus, atque imperium dabat. Quamquam profectò, quemadmodum præfectura sacerorum, summaque potestas, & judicium ad illos pertinuit; ita ministerium curationemque earum rerum Levitæ, hoc est, pontifex, sacerdotesque atque adjutores eorum, suo jure, sibi vendicaverunt. Id enim illorum erat, victimas cædere, expiationes facere, leges divinas coram populo recitare, item alia munia in templo obire. Præclare annotatum à Talmudicis est, quantò major omnibus & prophetis & pontificibus rex fuerit. Nos id obiter ex Maimonide referemus, cujus hæc verba sunt ³, *מצוה על הכהן גדול לכבד את המלך ולהושיבו ולעמוד מפניו כשיבא לו: ולא יעמוד המלך לפניו אלא כשישאל לו במשפט*

F 4

במשפט

¹ De quo supra, in cap. 8. pag. 48, & in lib. Exod. cap. 19. vers. 6. ² Id est, sacrata. ³ In Halacha Melachim, c. 2.

בכשפט האורים: אפילו נביא עומד לפני
המלך משתחוה ארצה שנאי הנזה נתן הנביא
ויבוא לפני המלך וישתחו למלך על אפיו ארצה:

*Ea sententiam fermè habent ejusmo-
di: Sancitum fuit, uti pontifex maximus
regem veneraretur, & locum illi suum
ad sedendum cederet, atque ipse staret, si
quando veniret ad eum rex. At è contra,
rex non stat presente pontifice, nisi cum
consultit solenni ritu oraculum Vrim.
Præterea tanta regis dignitas est, uti vel
ipse vates, quoties ei adest, in terram hu-
militer se summittat. quippe scriptum est,
Nathanem prophetam venisse coram rege,
& specie honoris prono ore procubuisse in
humum. Quid quod ipse David, quem
pridem antea vates regem fecerat, ad-
eò veritus non est summi pontificis de-
cus usurpare, uti sacrum ejus amicu-
lum, quod Ephod appellant, induerit
sibi, ac mox quæsi verit ex numine, an
auspicatò educturus copias in hostem
esset? Locus ille illustris extat in com-
mentariis Samuëlis, quem omninò
perverterunt nuperi interpretes, viri
hercle eruditissimi, sed qui hîc dormi-
tavissè, aut egissè aliud videntur. Iudi-
ces ego eos omnes fero, qui vel leviter
has literas attigerunt. Ecce illa verba¹*

ויגיש

¹ *In lib. 1. Sam. 30. vers. 7.*

דוד ויגיש אביתר את האפוד אל דוד sic red-
 dita ab illis sunt, *applicavit sibi Ebiathar*
amiculum Davidis causâ : cum planè
 illud significetur, quod nos diximus,
 Davidem, acceptâ Ebiatharis sacra ve-
 ste, oraculum consuluisse. Sed refera-
 mus porrò, quæ ex Rabbinorum scrip-
 ptis sublegimus. Vtique etiam in illo
 positus apex dignitatis fuit, quod Rab-
 bi Maimonides tradit in capite secun-
 do in Halacha Melachim, & in cap.
 septimo Hal. Beth Habbechira, שאין
 ישיבה בעזרה אלא למלכי בית דוד בלבד :
nulli homini fas fuisse in toto templi atrio
sedere, præterquam regi, qui ex familia
Davidis esset. Quare & illud ibidem
 paulò antè ait, אם נכנס לעזרה והיה
 מן בית דוד יושב : *si intret atrium, & sit de*
familia Davidis, sessio ei est. Erat quidem
 illud atrium certis spatiis divisum, ut
 pars hæc sacerdotibus, illa populo ef-
 set assignata: sed tamen ne præscriptos
 quidem terminos aliter sacerdotes,
 quàm stantes, tenebant. Senatoribus
 Sanhedrin autem sedendi jus fuisse, sed
 בחצייה של חול : *in medio ejus loci, qui*
prophanum vulgus capiebat, autor Mai-
 monides est in Hal. Beth Habbechira
 in cap. septimo. At sacratione atrii spa-
 tia neminem sedentem, nisi regem, ad-
 spexere; ut hoc ille eximium præ sa-

cerdotibus habuerit, quasi Deum propius contingeret, & religionum major antistes esset. Vtique, si ad alias gentes eatur, Aristoteles primos mortaliū ait firmè habuisse eundem & regem & sacerdotem. Id quod haud pravam videri potest, propterea quòd illi naturam adhuc incorrupti sequebantur, & quantò propius ab ortu & divina progenie aberant, tantò melius, quæ erant recta, cernebant. Sed ut de Hebræorum regibus dicamus, magnopere ea res conditionem illorum sacrauit, quod unctiōe initiati essent. Hoc enim illis, pontificibusque maximis proprium fuisse Talmudici tradunt. Ex sacerdotibus autem illud adjungit, qui משה מלחמה ab ipsis dictus est propterea quòd auspiciōrum causâ ungebatur, ut prosperè res bellica succederet. Ea unctiō celsitudinem quandam divinam regibus, majestatemque addidit, sacrosancti in terris ut essent, & commercia cum numine haberent. Sanè, quod interdum illi eâ tempestate ceremonias, religionesque constituerunt, aut restaurarunt, nequaquam illud ex hac re factum est, quia vates fuerunt. perperam id existimatum à quibusdam est, neque probari hercle potest. Etenim, si Davidem unum, &
for-

fortasse etiam Saulem, exceperis, cæterorum nemo quisquam divino afflatu futura prædixit. Sed omninò Salomo, & Iosaphatus, Ezechiasque, & Iosias, atque alii jus & potestatem in res divinas exercuerunt, quia vis sacri unguenti pervaserat ad eos. Hoc unguentum conficere Moses iussus est, ex illis aromatum generibus, quæ Maimonides describit in Halacha Cele Hammikdasch in capite primo. Ajunt autem Talmudici, adhibitum illud initiationi, consecrationique fuisse usque ad tempora Iosifæ, qui illud in templo recondidit sub humum in loco abdito secretoque, quem diu ante summa cura rex Salomo paraverat, cum ex vatum responsis didicisset futurum olim uti templum ab Assyriis solo æquaretur. In eodem specu Talmudici arcam quoque icti fœderis testem, & Aronis baculum, tum lapides Vrim & Tumim cum residuo Mannæ posuisse Iosifam tradunt, eorumque omnium nihil quidquam Iudæis restitutum esse, cum reversi Babylone in patrias sedes templum secundum extruerent. Quare ex illa tempestate regibus, pontificibusque haud fuit ex initiationum mysteriis eadem majestas. Sed nec ceremoniis plerisque ac sacris tam præsens adfuit

adfuit numen, ut ante solebat. Iactant illa vulgò Iudæi, quæ in libro Iuchasin refert Rabbi Zacuth : אש על המזבח רובץ ככלב כי בטל כחו שחזרו חמשה דברים בבית שני ובבית ראשון היה כאריה: *Ignis super altare cubabat, tanquam canis, quia vis ejus extincta erat, postquam quinque res defecere in posteriore templo. At in priore erat ignis iste velut leo.* Enimverò ait eruditissimus scriptor, illa quinque defecisse, quæ jam diximus sic occultata à rege Iosia esse, nunquam ut postea reperta à nepotibus sint. Ponam in extremo, quod pene me fugerat, quia leve est. Placuit Talmudicis, reges Israël, qui, secessione à Iudæis facta, sedem imperii Samariam tenebant, haud delibutos illo oleo fuisse, quod ex edicto numinis confectum à Mose erat. quare Eliam non nisi balsamo vulgari usum esse, cum Iosaphati filium Iehu ungeret. Sed ipsi addunt : זה מסור ביד החכמים: *id modo sic traditum à sapientibus esse.* ut jam non magnopere laboremus, quàm hoc verum sit.

CAPUT XV.

Quibus artibus Hieroboamus ad regnum obrepserit. Rerumpublicarum inclinatio, conversioque. Scipionis prudentia vere-

*verecundiaque in lustris condendo. Car-
men lustrale pro republica. Ingenium
plebis quale. Cur urbem Sichemum te-
nuerit Hieroboamus. Religionum sacro-
rumque mutatio quoddam flagitiosa
dominationis arcanum. Ex decem tri-
buum secessione quot mala extiterint.
De Sesostris falsa Herodoti narratio. Re-
gni Samaritici eversio. Transportatio
gentium cur à victoribus facta. Iudaeo-
rum exilium. Ex Ierosolymæ spoliis
templum Beli, & Babylonis munitio,
tum pensilia nemora, murique coctiles.
Græcorum futilitas, ex Beroso. Redi-
tus Iudæorum in Palestinam. Impe-
rium ad Levitas devolutum. Contem-
ptiones eorum de imperio.*

Gentis Hebrææ unitas, & pulcherri-
mi imperii contextus in duas par-
tes dissiluit, Hieroboami, hominis
gnavissimi acerrimique, artibus, qui,
quod apud Aristotelem Thessalus ille
ait, esurire sibi visus fuit, ni imperita-
ret. Is, cum in bello tribui Iosephi præ-
esset, atque à vate adductus in spem re-
gni esset, ratus, id quod res est, princi-
patum fato dari, animum vastum cu-
pidumque ad obtinendam domina-
tionem flexit. Iam primum fidem mi-
litum sollicitavit, eorumque studia à
Salo-

Salomone avertere ad se conatus est. Sed cum palam esse id consilium intellexerat, supplicium ut vitaret, in Aegypto delituit. Mox defuncto Salomone, in patriam reversus, opportunos magnis conatibus reperit transitus rerum. Ibi tributorum onera, exactio- numq; iniquitatem obtentui sumpsit ad commovendam plebem, omniaque late turbavit, & maximarum calamitatum, quæ Palæstinam mox invasere, autor fuit. Enimvero, est hoc ita natura comparatum, nullius ut magnæ civitatis diu eodem loco stet fortuna. Pervenerat tunc ad summum felicitatis Hebræa respublica. Tutæ, tranquillæque res omnes, adfluentia opum incredibilis, reges principesque in vicino, atque etiam procul, amici erant. Neque jam ultra fuit, quo exurgeret ejus magnitudo. Quare, incrementis consumptis, restabat uti fati lege decresceret, iretque in pejus. Id quod profecto longe est in conditione rerum humanarum miserrimum. Scipio Africanus, cum censor esset, & lustrum conderet, atque in sacrificio solenne carmen ei scriba præiret, quo dii immortales rogabantur, ut populi Romani res meliores amplioresque facerent, satis esse eas bonas ac magnas dixit. Itaque pre-
catus

catus est, uti eas perpetuo incolumes
servarent: ac protinus in publicis ta-
bulis ad hunc modum emendari car-
men iussit. Vtique videbat vir corda-
tissimus, neutiquam fieri, ut muneribus
suis semper faveat cœlestis benignitas,
aut propria ea cujusquam populi
faciat. Quare conversiones vicissitudinesque
formidavit, atque omnino eas causas
animo suo peregit, quæ ex ipsis rebus
publicis enatæ, nullo extrinsecus
impellente, turbant eas plerumque,
vitiantque. Sane quidem Ierosolyma,
florentissima urbium, cui David Salomoque,
summa virtute atque prudentia duo reges,
pacem altam & securam confecerant,
haud diu quiescere potuit. Etenim,
defuncto Salomone, etsi hostem foris
non habebat, domi tamen reperit. Exortus
est is, quem dixi, Hieroboamus, inquietissimus
mortalis, qui tentatum semel infelici-
ter facinus, mox meliore successu perfecit.
Concione enim convocata, statum
publicum, temporumque conditionem,
& principis acta incusavit apud plebem,
cui inesse semper malignum quiddam
& querulum in imperantes sciret. Ipse
interim libertatem, & alia id genus
speciosa nomina prætexuit, cum nihil,
nisi alienum servitium,

tium, & dominationem sibi, concupisceret. Ibi magna populi pars, quod fieri solet, violentis his vocibus inflammata, deteriori accessit; seditio-nesque & motus civiles exstiter, quibus interire ferme aut mutari vetustissima regna, atque maximæ respublicæ solent. Dehinc dux turbulentissimus illas ipsas decem tribus, quas ad rebellionem sollicitaverat, procul à Ierosolymitanorum finibus detinuit, atque urbem Sichemum, imperii tutam sedem, sibi elegit, unde in omnia regimen foret. Cæterum, quo firmitus cœptis insisteret, patria instituta multa immutavit, & diversum quendam numinis cultum, atque alia sacra commentus est. Vitulorum enim adoratione sancita, veterem superstitionem novo paxillo suspendit, populumque quem causæ bonitate retinere in officio nequivisset, religione, quæ rerumpublicarum quoddam coagulum est, devinxit sibi. Quare ex illa tempestate profectò, decem Israëliticæ tribus, dulcedine sacrorum & nectare ebriæ, fidem societatemque cum Ierosolymitanis colere, & res cum illis communes habere, quasi numinis imperio, recusabant. & jam, ut quælibet alia causa hostilis odii abesset, summa tamen
ratio

ratio videbatur, quæ pro religione faceret. Ita demum regnum constitutum est, quod Israëliticum dicebatur. à quo diversum deinceps fuit Iudæorum regnum, cujus arx & caput Ierosolyma erat. Atque hæc igitur res omnium malorum causa Hebræis fuit. Defessi enim, exanguesque, nationibus exteris præda facti sunt, quos antea non orbis terrarum, neque cunctæ gentes conglobatæ movere aut contundere quibant. Statim Susacus Ægyptius sacram urbem, templumque expilavit, &, ne contumelia deesset, columnas passim disposuit, in quæ, scædum dictu, incisa mulierum verenda erant. Nam quod Herodotus factum id à Sesostris esse prodidit, error nominis est, uti rectè Flavius judicavit. Et erant hæc quidem aspera profectò. Sed quæ postea uterque populus, Iudæus Israëliticusque, multo tempore interjecto, perpeßus est, graviora fuerunt. Ac primò quidem destructum penitus, eversumque decem tribuum imperium à Salmanassare Assyrio est, traductaque in Mediam Persiamque tota illa gens vacuas sedes Chytæis reliquit, hominibus profanis, quos mox deinde Esar Caddon in Palæstinam ex Persia misit, Israelitarum ut terram inco-

lerent; quemadmodum mos regibus
firmè est, gentes pro libidine huc illuc
transferre, pecudum in morem, quas
pastores nunc in hibernos, nunc in æ-
stivos saltus trajiciunt. Ita enim inge-
nia populorum emolliuntur, mutan-
turque; &, qui in suo solo quidlibet
audent, placidi quietique in alieno
sunt. Nunquam deinde Israëlitis in pa-
triam remeare, aut deletam perditam-
que instaurare rempublicam contigit.
Usque adeò enim sese nefario impieta-
tis crimine obstrinxerant, uti placare
numinis iram longa dies, revolutusque
seculorum ordo nequiverit. Postquam
Israëlitæ in exilium abducti erant, re-
stabat uti Iudæi quoque meritam pœ-
nam luerent. Id quod profectò factum
est, sed sero admodum. Qua enim
tempestate Sedecias illis imperitabat,
Nabuchodonozor cum ingenti exer-
citu Ægyptum, Syriamque armis do-
muit, ac Ierosolymam, & templum,
quod illî erat immensæ opulentiae, in
cineres redegit. Inter quæ ille, nuntia-
ta Nabolassari morte, cum regni hæ-
reditatem adire magnis itineribus ma-
turaret, negotium ducibus suis dedit,
uti Iudæos Babylonem, & circum ea
loca deducerent. Atque ibi mox sedes
illis, agrosque assignavit, in quibus novi
colo-

coloni vitam agerent. Superfunt veneranda antiquitatis monumenta ex Berossi annalibus, in quæ scriptum est, Nabuchodonozorem ex spoliis, quæ inde reportavit, templum Belo extruxisse, urbemque Babylonem pro majestate imperii auctam cœtilibus cinxisse muris. ad hoc, hortos aërios, & nemora pensilia fecisse, in gratiam uxoris, quæ in montanis Mediæ educata, sylvas spectare, in edito quæ essent, amabat. Ex quo fit, uti vanum & nihili sit, quod magno consensu Græci tradiderunt, admiranda ea opera extructa à Semiramide fuisse. Confutat enim eos apud Flavium autor omni exceptione major, Berosus Chaldæus, quem & antiquissimum esse, & summa religione ac fide res populæ suorum ad æternitatem consecrasse, creditum ab omnibus est. Iudæis neque graveis pœnas summus Deus, neque nimis longas inflixit. In exilio enim miti, facilique, tanquam in patriis sedibus, vixere. Ac dein, circumacto septuaginta annorum orbe, redditæ Palæstinæ sunt, & Ierosolymam templumque ædificarunt, constitutaque iterum respublica eorum est. Hic verò status rerum longè alius, quàm antè, fuit. Etenim imperium,

quod penes Davidis posteros quondam fuerat, nunc Levitæ, vario quidem illi & diverso modo identidem, sed tamen Levitæ usurparunt. Ii homines, summam potestatem nacti, rempublicam quidem ditissimam maximamque fecere, sed ipsi inter se, dum de imperio, honoribus, gloria certabant, divina atque humana promiscua habuere. Ita nihil ad pietatem modestiamque illis sanctissimum nomen religionis profuit, quos ex cæterorum civium communione selegerat sibi, seposueratque olim Deus, uti inter sacra ceremoniasque, procul ambitione, ætatem agerent.

CAPUT XVI.

Reipublica regimen apud pontifices. Eorum flagitia, & improba machinationes. De Eliasibi filius. Templum Garizitanum qua impietate exstructum sit. Onia detestabile scelus. Matthias Hasmonæus laudatissimus dux. Principatus Iudæ Maccabæi. de Alcimæ nequissimo bipedum. Iudæa iterum sub regibus. De Herode. de Idumæis, & numine eorum Cosa. Samea vera divinatio. Qua iniquitate Herodes imperium exercuerit. Ut Iudæorum leges temeraverit.

Ex Levitica gente, post templi urbisque restorationem, primum pontifices rebus gerundis præfuerunt, nullo principis aut regis nomine assumpto. Apud hos omnis gratia, potentia, divitiæ erant, aut ubi illi volebant, cæteri vulgus erant, sine honore, sine auctoritate. Itaque tanti muneris decus non mediocribus consiliis appetiverunt, qui Levitæ modò essent. quidam per vim, plures fraudibus, fallaciisque, at pauci vera via illuc nitebantur. Nihil turpius cogitari potest, quàm quod post Eliasibi pontificis mortem duo filii fecêre. Nam & Iesus summum sacerdotium, ope Bagosis, ducis barbari, per nefas fratri Ianni ereptum ibat, qui ritè illud, atque ex lege acceperat: & Iannes, ut acceptum retineret, majus flagitium in se admisit. illum enim ipsum Iesum, in templo numinis, atque inter religiones, manu sua obtruncavit, fratrisque sanguine respersit aras. Ianni non multo post successit Iaddus. Atque hujus pontificatum rursus Manassès frater speravit. Sed is Manassès, cum contra legis edictum Sannibætæ filiam, mulierem peregrinam, in matrimonio haberet, orta hinc populi seditione, intellexit aut solvendam sibi affinitatem soceri potentissi-

mi, aut hercle, quod secundum erat, amittendam spem esse summi sacerdotij. Hîc cum diu anxiam mentem in partes varias egisset, tandem, communicatis cum socero consiliis, facinus nobile concepit, quod omnis posteritas loquitur, sed nulla probat. Templum enim ædificare in Garizin, monte Samariæ altissimo, destinavit, ejusque rei potestatem mox ab Alexandro per Sanaballeten accepit. Ita, qui Ierosolymæ fungi amplissima dignitate, propter violatam legem nequibat, in adulterino templo, saltem quo poterat pacto, pontifex fuit. atque id affectus, jam digito cœlum se putavit attingere. En cor nequissimi hominis, in quo tu dubites ambitio major, an impietas fuerit. Et tamen exile hoc videtur, præ ut alia sunt, quæ Onias quartus fecit, cupidine dominationis. Is, pontifex factus, cum imparem se Iasonis factioni cerneret, in gratiam Antiochi Epiphanis, quod illo defensore indigebat, leges Mosaicas ejuravit: pro quibus religiones & ritus suscepit Græcorum. tum &, ne circumcisionis notas in corpore gereret, præputium arte medicâ paravit, suisque omnibus, idem ut facerent, author fuit. Demum Antiochi Epiphanis impietas, ministro
hoc

hoc pontifice, omnia Iudæorum instituta pervertit. Et jam nihil prisce integritque moris supererat, cum Matthias Hasmonæus, magnus rerum restaurator, armis sumptis, leges suas Iudæis reddidit, remque publicam principis nomine sub imperium accepit. Mortuo illo, principatum Iudas gessit, is, qui Macchabæus dictus est. Sed vis tamen magna, auctoritasque in pontifice fuit. Quare Antiochus Eupator postea, Ierosolymam dolo ingressus, cum Oniæ diffideret, quod pendere ex illo populum & rerum momenta cernebat, pontificem in loco ejus Alcimum fecit. Sed is, sacrum honorem ubi adeptus esset, longe pravior fuit. Statim enim ad Demetrium Seleuci filium transiit, principemque Iudam, quem ferre imperitantem nequibat, criminatus apud regem est. Inquieta in se res impietas est. nunquam uno scelere contenta fuit. Igitur Bacchiden regium præfectum, cum armatâ manu, adversus patriam adduxit: reversoque illo, re infectâ, ad regem, copias militares, quas à Bacchide acceperat, concursu hominum sceleratorum auxit. Omnes undique parricidæ, sacrilegi, adulteri, quos flagitium consciusque animus exagitabat, ad Alcimum

venère. & ipse blanditiis, alloquiis, largitione, omnium officia provocabat. Ad extremum, præclarus hic pontifex muros etiam sanctuarii, qui à vatibus atque ab Hasidæis erant ædificati, diruere paravit, ut hoc quoque ad ejus laudes accederet. Sed talia agentem atque meditantem mors occupavit, constitutusque in ejus loco pontifex à populo Iudas est, qui omnium primus summum sacerdotium unà cum principatu gessit. Hoc idem post eum Ionathas, Simon, & Iannes fecère, donec Aristobulus, positò principis nomine, regem se tulit. Ita tandem, post Sedeciam extinctum, reges iterum Iudæa accepit, sed Levitas utique, quorum ultimus Antigonus fuit. Illo pulso occisoque regnum Herodes tenuit, quod ante à Romanis acceperat, homo non hercle regia stirpe, neque sacerdotali familia ortus, sed de Iudæorum gente, insititius Iudæus. Non enim Iudæi verè Iudæi erant, sed habiti modò appellatique Iudæi sunt, ex qua tempestate eos Hyrcanus religiones ceremoniasque suscipere veri nuntius coëgit, cum antea Deum, nescio quem, Cosan colerent, cujus sacra semper custodierat illustris in illa natione Costobarorum domus. Celebrata

brata est Sameæ vaticinatio, qui Herodem Iudæis regem datum, sed in pœnam pestemque, multò antè prædixerat. Neque profectò aliter cecidit. Statim enim Idumæus ille Aristobulum pontificem, admodum adolefcentem; mox Hyrcanum ex Parthis allectum; postremò quicquid de Hasmonæorum sanguine supererat, extinxit sustulitque. Neque melius actum cum septuaginta senibus est, qui assessores magni concilii erant, quod Sanhedrin appellitant. Ita submotis omnibus, unde metus aut periculum erat, paulatim insurgere, atque ex magno impetio usurpare licentiam cœpit. Patria enim Iudæorum instituta mutavit, nova invexit, multa contra leges fecit. de quâ re sic loquentem audire Iosephum libet: ξενικῆς ἐπιτηδύμασιν ὑποδιέφθρε τὴν παλαιὰ κατὰ τὰς ἀπυρεγχεῖς ἔσαν· ἐξ ὧν ἡ μικρὰ ἔως τῆς αὐτῆς χρόνον ἡδίκηθησαν, ἀμεληθέντων ὅσα πρὸς τὴν ἐπὶ τὴν δούσεσθαι ἤγε τὰς ὀχλῆς. peregrinis studiis veterem disciplinam labefactavit, in qua nihil novi tentatum erat. Ex qua re nostris his, quæ post insecuta sunt, temporibus, non mediocriter lasi sumus. Neglectui enim habita ea omnia sunt, quæ antea multitudinem ad pietatem perducebant.

CAPVT XVII.

De Messia, Iudaeorum atque gentium omnium rege. Mystica vocis scriptio in verbis Esaia. Bileami vaticinium ex Iudaeorum interpretatione. Quid singulare in hoc regno. Rabbi Abrami animadversiones in Maimonidem. Ezechielis obscurissima oracula de templo, deque sacris in regno Messia. Nimis imprudenter in istac inquiri.

ATque hunc quidem in modum, post reditum Iudaeorum ex Babylone, imperium ii tenuere, quorum id minimè fuit, primùm pontifices, mox principes Hasmonæi Levitæ, dein reges ex eadem tribu, ac tandem Herodes Idumæus, is, sub quo natus Messias est, rex regum, ex familia Davidis ortus, ad quem unum referri demum illud oportet, quod promiserat Davidi Deus, æternum fore solium ejus, confessuramque in illo prolem ejus. Non enim profectò de Salomone illud, neque de nepotibus ejus dictum est, siquidem illi regnum semel amissum nunquam post exilium Babylonienſe receperunt. & omninò vana falsa que fuisset numinis promissio. quod cogitare summa impietas sit. Quare ita habent.

bendum est, prolem eam esse Messiam, libertatis nostræ vindicem assertoremque, de quo angelus istud pronuntiavit, quod scriptum apud Divum Lucam extat, τὸ βασιλείας αὐτῆς ὄν ἐσαι τέλει. *regnum illius sine fine erit.* Ea verba traduxit angelus ex Esaiæ capite nono, ubi Rabbi Iarchi notavit, רַבִּי יִרְמְיָהּ הַסּוֹפֵר שֶׁהָיָה סֵגוּר בְּחוֹךְ הַמִּלָּה *subtili quodam disceptationis modo quasi- tum olim à scribis esse, cur in medio vocis, contra quam fieri solet, positum à vate clausum sit.* Vtique haud de nihilo fuit tam anxia hæsitatio. & visum Talmudicis est, significari ea re mysterium quoddam ingens, quod non promiscuè, nec omnibus pateret, sed reductum, & in interiore sacrario clausum esset. Cum permulta extent in sacro codice oracula de rege maximo Messia, nullum æquè Iudæi dignum admiratione existimant, quàm illud, quod numinis instinctu effatur Bileamus in Numerorum capite vicesimo & quarto. Sed iidem, cum sensa vatis penitus introspicerent, sagaciterprehenderunt, non istæc de uno rege dici omnia. quare ita dividendum esse oraculum, pars ut ejus ad Davidem, qui ex Iudæâ stirpe primus regnū tenuit, cætera ad Messiam pertineant, ultimum quidem

quidem ex eâdem stirpe regem , sed majorem cæteris , potentioremque. Quæ persecutus accuratissimè Maimonides est in fine Misnæ. Ibidem etiam maximus magister eos refellit, qui alium naturæ vultum, & rerum perpetuò euntium novum cursum in regno Messiae expectant. Non enim intellexissè eos Esaia verba ait, quæ sunt in capite undecimo: esse enim illic ænigmata quædam, quibus significatum est, quietem piis bonisque omnibus fore inter nefarios & sceleratos, nihil ut metuendum ab illis sit. Nam quod Rabbi Abraham, Davidis filius, Maimonidem hîc reprehendit, & ex legum Mosaicarum libris illud recitat, *השבתי היה רעה מהארץ* penitus diversum est, & ad tempora Messiae non pertinet. Sed profectò persæpè solet acris ille & diligens vitiorum Maimonidæ animadversor quædam ejusmodi sublegere, quæ speciem magis solidæ rationis, quàm vim habent, & excussa evanescunt. Quoties sacra, ceremoniasque & religionum solennia perlustro, quæ in extrema parte libri sui sanctissimus vates Ezechiel descripsit, subit animum meum cogitatio, quid ea velint, aut quò referenda sint. adeo diversa sunt ab iis, quæ Moses præce-

præcepit, neque unquam usurpata à Iudæis sunt. id quod ipsi confitentur. Sed quid de illis habendum sit, constitutum in Talmud est, in tractatu, quem Menachoth appellant. Breviter autem rem complexus Maimonides est in Misna, libro octavo, cap. 2. Neque nos pigebit verba ejus hîc referre.

Ait igitur, כל שיעורי הנסכים האמורים בספר יחזקאל ומנין אותן הקרבנות וסדרי העבודה הכתובים שם כולם מילויים הן ואין כוהגין לדורות אלא הנביא צורה ומירש כיצד יהיו מקריבין המילויים עם חנוכת המזבח בימי המלך המשיח כשיבנה בית שלישי.

Omnes modi libaminum, de quibus agitur in libro Ezechielis, & quæcunque illic scripta extant de numero oblationum, deque ordine divini cultus, nihil sunt nisi sacrificia pacifica, quæ mortalium sæculis usurpata non sunt, neque in morem popularem transivere. Iubet autem exponitque vates, quo pacto peragere debeant sacra pacifica in dedicatione novæ aræ, temporibus Messia, cum extruetur templum tertium. Non est hoc somnium Iudæicum, neque Talmudicorum commentum. vera certaue res est. aliud templum, quod in Messia regno foret, aliaque sacra descripsit vates: atque etiam structuram templi, atria, portas, cæteraque ad legem operis accuratam

ratam exegit. Quare Iudæi ajunt, formam ejus non planè intelligi: Ezram autem, cum ædem secundam, ad instar ædis Salomonicae, conderet, etiam illa secutum esse, quæ de tertio templo Ezechiel præcipit, sed non ultrà, quàm captus hominis sanctissimi fuit in re obscura implicataque. Hoc illud est, quod significavit summus Rabbiniis verbis, quæ subjecimus ex cap. primo, Halacha Beth Habbechira: בניין שבנה שלמה כבר מפורש במלכים: וכן בניין העתיד להבנות אף על פי שהוא כתוב ביחזקאל אינו מפורש ומבואר ואנשי בית שני כשבנו בימי עזרא בנוהו כבניין שלמה ומעין

Est tamen Iudæorum hallucinatio in eo non levis, quod extructum iri à Messia ædem ejusmodi sperant, quæ adspici, adiri, & pedibus calcari poterit. Quod secus esse, nos profectò, qui in Messia regno nati sumus, intelligimus. Omnia ea, quæ de modo ædificii, deque partibus ejus dicta illi sunt, occultiores sensum habent. singula autem quid significant, aut quo pacto sint explicanda, difficile dictu est. Ego hercle, quod Xenophanes Colophonius apud Marcum Terentium Varronem ait, id omnibus hîc suadeo, uti *quid putet quisque, non quid contendat, ponat. hominis enim*

enim est hac opinari, Dei scire. Vtique Iudæi, cum פְּנִיָּא appellant quasdam Biblici codicis partes, quarum interdicta lectio adolescentibus, juvenibusque est, in earum numero illa ponunt, quæ vaticinatus in fine libri sui Ezechiel est. Neque id injuriâ illos statuisse existimo. Est enim omnis sermo ille numero Platonis obscurior. Advocent industriam suam omnes, qui se divinæ sapientiæ consultos videri postulant. Sudabunt satis, antequam minimum quiddam earum rerum, illis quæ reconditæ sunt, aperiant.

Bene qui conjiciet, vatem hunc perhibebo optimum.

Sed multa conjectanti, opinor, nihil procedet. Pro certo constat, hæc & alia hujus generis quædam esse, quæ adiri humanis animis summus Deus noluit. Et si enim in hac Euangelii luce ingens progressio facta ad cognitionem, scientiamque sit, aliquid tamen relictum admirationi est. Quare in his oraculorum arcanis ultra id tendere, quod in expedito spiritus sacer posuit, stolidæ audaciæ sit.

C A P V T XVIII.

Status Iudaorum post Messia adventum.

*De restitutione Iudaorum, qua adhuc
exspe*

expectatur. Quæ sit dignitas etiam hodie illius gentis. Quantum Iudæis nostra debeat religio. An sacri libri ab illis interpolati aut corrupti? de Masoritarum diligentia & fide.

Iudæos sacerdotium regium, genusque hominum electum dici, & sacra sua religionisque ab illis solis suscipi tantisper voluit immortalis Deus, donec ille dies illuxisset, qui Messiam terrarum orbi repræsentaret. Ex eo tempore, Dei filius beneficia cœlestia, quæ diu propria uni genti fuerant, communia esse omnium voluit, idque per diffitissimos populos nuntiatum solis profuit credentibus. Atque hîc verò demum admiranda quædam fuit rerum conversio. Summum enim salutis auspicem, qui cœlestia regna reliquerat, uti rebus hominum lapsis succurreret, cum gaudio & veneratione receperunt profanæ nationes. At Iudæi, quem constituto tempore & loco venturum significaverat olim non unus vates, eum venisse jam & adesse præsentem non intellexerunt. Tanta vecordix vis eos pervaserat. Cæci erant oculi, cum animus alias res ageret, & videre illa recusaret, quæ posita in medio erant. Hinc abdicatis præti-
que à numine sunt, atque etiam nunc
hodie

hodie lentem edunt, & amissam deflent
 primogenituram. Delictum eorum in
 durissimo adamante scriptum esse, Iere-
 mias vates ait. Neque sanè pœnam ipsi
 suam deprecati sunt, cum illud dice-
 rent, sanguis ejus super nos sit, & super
 filios nostros. Admodum notabile est il-
 lud, quod Romanis prodidit Divus
 Paulus in ea epistola, quæ scripta ad il-
 los est. Ibi ¹ sic inquit: nolo vos ignorare
 hoc mysterium, obdurationem, quæ est ex
 parte, evenisse Israëliti tantisper, dum ple-
 nitudo gentium introierit. Profecto ade-
 rit tempus, cum ludæi in rectam semi-
 tam reducentur, qui nunc errant mi-
 sere ignorantia viæ. Nondum om-
 nium dierum soles occiderunt. Fulge-
 bit illis quoque iterum sua lux. Ceci-
 disse eos, non excidisse, certum est. Pu-
 blicavit de eadem re etiam Ezechiel
 quædam oracula, quæ extant in cap.
 xxxvi. Ait enim futurum vates, uti
 cœlitus cor novum illis detur, rectio-
 resque sensus in eorum pectore habi-
 tent. Tunc tolletur velamen illud,
 quod vultui suo Moses imposuerat.
 convertent enim se ad Deum, qui vi-
 vere eos in tenebris & summarum re-
 rum inscitia sivit, uti tandem aliquan-

H

do

¹ In epist. ad Roman. cap. 11. v. 25.

do occasione uteretur notæ clementiæ. Atque in hunc quidem modum nos commodè interpretamur Divi Pauli verba, ¹ ἡνίκα δ' ἂν ἐπιστρέψῃ Ἰσραὴλ πρὸς κύριον, περιαιρεῖται τὸ κάλυμμα ². qui locus multis obscurissimus visus est, & quorundam exercuit industriam. Res hæc, de qua loquimur, magna est, & planè ejusmodi, uti meritò non possimus in posterum Iudæos, velut victimas publici odii, penitus averfari, cum adhuc illis tantarum rerum supersit spes. Et profectò D. Paulus veneratur eos, & laudibus magnifice effert etiam sic errantes. Ait enim, *Quorum est adoptio & gloria, & fœdera, & legis constitutio, & cultus divinus, & promissiones: quorum sunt patres, & ex quibus Christus est, quod ad carnem attinet. Quæ poterat esse major nobilitas? Tot patriarchas, vatesque, & reges in avis proavisque numerant, denique tot excelsos & divinâ virtute viros, quorum sunt nomina cœlo consecrata. Sunt quidem, fateor, hodie vernili atque illiberali ingenio*

cun-

¹ Locus extat in 2. epist. ad Cor. cap. 3. vers. 16. ² Id est, cum autem ad dominum se verterit Israël, auferetur velamen.

cuncti Iudæi; neque, si vitam eorum aut studia intueâre, quicquam magnoperè reperiâs, quod sit magnis atque erectis animis dignum: sed nos ejus rei causam non miramur, habent enim hæc quoque quendam velut orbem: ut, quemadmodum temporum vices, ita & morum vertantur. Profectò, qui dies illis candidam libertatis lucem abstulit, imperiumque de eorum excussit manibus, idem ille ingenuos quoque spiritus eorum perdomuit; nihil ut amplius habeant nunc vividi vigoris. Apud Homer. optimus Eumæus regi suo Ulyssi illud divinè ait,

ἡμῖσι τ' ὄρετῆς ἀπαίνου) οὐρύο πα-
 ζούσ
 ἀνέρε, οὐτ' ἀν μὲν κτ' δέλιον ἡ-
 μερ' ἐλῆσι.

Quemadmodum arculæ, in quibus nani fasciis constricti à mangonibus aluntur, corpusculorum incrementa non prohibent modò, sed minuunt quoque, atque contrahunt: ita quælibet servitus compedes quasdam etiam ipsis animis injicit, & generosam suffocat indolem. Quid possunt sublime spirare, qui per tot annos, per totum orbem tantis fatigati contumeliis sunt? quos pueri jam olim laciniâ, viri barbâ traxêre? denique in quos om-

nium Cæsarum detumuit furor? Tiberius juventutem eorum per speciem sacramenti, in provincias gravioris cœli distribuit. Erat insigniter pestilens Sardinia. In hanc missa quatuor millia sunt, uti malè interirent. Haud multo pauciores Titus bestiis objecit, cum Beryti, atque Cæsareæ spectacula ederet. Ipse Trajanus, qui omnium fuit principum lenissimus, decrevit ne legē legerent. quod ab alijs quoque imperatoribus crebro factum postea est. Ea fuit maxima afflictio, & à Rabbi Zacuth inter שמרות *persecutiones* numeratur, cum ait, גזרו שמר שלא יקראו בתור' *decreverunt persecutionem, ne Judai legem lætarentur.* Sed hæc à paganis facta sunt. Nos, qui arctiore vinculo cum illis sociamur, amemus inter nos, & hoc habeamus commune, quod jussa audimus ejusdem numinis. Divus quidem Paulus pro illis caput suum devovere cupit. adeò impense amat gentem. Etiam illud ait, *si primitia sunt sancta, sancta etiam est massa: & si radix sancta est, etiam sunt rami.* Non ego nunc ambigiose eorum laudes celebrabo. quippe à nulla re magis, quàm ab ineptiis, abhorremus. Sed tamen ad hæc sera tempora quod attinet, sanè, si benè rationem putamus, haud exiguum est, quod

quod illi genti nostra debet religio. Quinam sunt enim illi, qui nobis Biblica volumina, sarta tecta servavere, nisi Iudæi? Quot menda scriptionis in sacrum codicem inrepsissent, si illius custodia solis Lactantiis, Augustinis, Gregoriis, Chrysostomis, viris sanctissimis, sed imperitis Hebraismi, mandata fuisset? Inter Græcos omnes Latinosque, qui veterem Ecclesiam rexere, unus Origenes cum Hieronymo Hebraicè scivit. & ferme nimium dixi cæteri nec elementa quidem didicerant. Quare, si quid collapsum incuriâ librariorum esset, non tali auxilio, nec defensoribus istis tempora tunc egebant. At Iudæis unum studium, unaque omnibus cura fuit, libros Mo-
sis, vatunque, & ea quæ Hagiographa appellantur, à temporum injuriis vindicare. Hæc laus eorum propria est. Nulla alia gens in illius gloriæ societatem se offert. In libro Iuchasin, quem scripsit Rabbi Abraham Salmanticensis, admodum illustris est locus, ex quo discimus, omnia Biblica exemplaria fuisse emendata ad quendam venerandæ antiquitatis codicem, quem sua manu olim conscripserat Rabbi Hillel, summus Iudæorum præsul, qui Babylone in Syriam venerat sexaginta an-

nis antequam Deus dominusque nos-
 ter Christus nasceretur. Verba ejus di-
 gnissima sunt, quæ hîc recitentur,
 במלכות ליאון הוציא ספר הארבעה ועשרין
 אשר נקרא הביבליא שכתב אותם ר' הלל
 ומשם היו מגיהים כל הספרים ואני ראיתי
 חלק מהם שנמכרו באפריקא ובזמני היה
 סי מאור שנה שנכתבו והקמתי אמר בחלק
 הרקדוק בפסוק למען תזכרו שהחומש היה
 בטולטולא *In regno Leon eruerunt librum
 Arba Veesrim, qui vocatur Biblia, quem
 exaravit Rabbi Hillel, atque ex ejus fide
 emendarunt omnia exemplaria. cæterum
 ego vidi partem ejus, quæ venalis erat in
 Africa, eratque tunc meo ævo ante DCCCC
 annos scriptus. Ait Kimchi in sua Gram-
 matica in Pasuk למען תזכרו, quod Pen-
 tateuchum fuit in urbe Toleta. Erat igitur
 illa tempestate penes Iudæos arbi-
 trium & vis ac norma emendandi Bi-
 blicum contextum. Profectò, quàm
 facile illis fuisset, interpolare ea loca,
 quæ redarguere eorum deliria vide-
 bantur, cum vix tria verba Hebraicè
 intelligerent Christiani? sed obstabat
 pietas, vetabatque moveri, quæ sacra
 essent. Et tamen fuère, qui existima-
 rent, malâ fide eos descripsisse multa.
 quibus hominibus luculenter respon-
 dit Origenes in octavo volumine ex-
 planationum Esaia. Equidem ego, quo-
 ties Masoritarum indefessam diligen-*

tiam confidero, pene obftupefco. Omneis enim Hebræi codicis parteis accuratè recognitas & collatas, notis quibusdam impreffis obfignaverunt. Id factum eft poft templi fecundi excidium anno plus minus quadringentesimo tricesimo & sexto. Obfervatum ab illis eft, non modò quot commata & verba, fed etiam quot literas continerent libri finguli. Quare, quod poftea, cum fuma barbaries orbi incubuiffet, nullus apex de præftantiffimo illo fcripto perierit, illorum beneficium eft. Non fine caufa illud à Rabbinis eft dictum, המסרה סיג לתורה, *Masora eft velut paries & fepimentum legis.* Apud Rabbi Zacuth, quem jam modò teftem laudavi, funt ineptiæ Iudaicæ, quibus (fi Deo placet) colligitur, accensus atque puncta tempore Ezræ extitiffè. Quod ideo retuli, uti hoc quoque adjicerent ad reliqua fua nugaciffima argumenta ii homines, qui hodie negant effe hoc Maforitarum inventum. Sed moneamus illud quoque, in ejufdem Rabbini libro, eâdem probatione ad Ezræ feculum referri Targum Onkelos. quod etfi futile eft, & facile oftendit, quanti fit prior conjectura, reperiet tamen defensores fuos, vel ob hanc faltem caufam, ne alterum illud

cadat. Agit jam pridem multos tam
pervicax studium, uti, dum ad senten-
tiæ suæ præsidium arripiant aliquid,
quo modo aut quid arripiant, sua in-
teresse haud putent. Nos, quod sacræ
scripturæ lectio in incerto non sit, &
mutari jam haud amplius possit, illis
Judæis acceptum ferimus, qui serò &
post templi secundi excidium vixere.
Etenim, cum jam rebus magnis opu-
lentisque excidissent, cura illis esse cœ-
pit, uti in summa calamitate hanc sal-
tem ex naufragio reservarent tabulam
cujus esset pretium inæstimabile. At-
que hoc profecto unum in illis ama-
mus. Cætera miserationem merentur.
Apices enim, literasque, & libros ver-
sant, sed versant tantum. Sacros veros-
que sensus nec inspiciunt, nec quæ-
runt. Itaque quadrat hoc in illos, quod
ipsi vernacula lingua sua ajunt, עקר
העקר טפל והטפל עקר *Quod fundamen-*
tum rei est, accessionem faciunt: quod ac-
cessio est, fundamentum. Atque hoc est
pessimum. infantiam ipsi suam insci-
tiamque non sentiunt. Etenim, cum
infelicitas eorum omnis posita in di-
vinæ legis ignoratione sit, illi amissas
patrias sedes, ereptumque regnum, &
alia hujusmodi causantur, quorum ne-
que possessio quenquam beatum, &
verè

verè miserum neminem iactura facit. Harpasten, uxoris fatuam, Seneca memorat, quæ subitò desuit videre. *nesciebat esse se cacam, & subinde pedagogum suum rogabat, uti migraret. agebat domum suam tenebrosam esse.* Idem illis quoque accidit. Circumferunt ipsi in pectore mali sui causam. Quod si quis numinis favor illos Cananæ redderet, cælum utique, non animum, mutarent. Comitatur eos, quocunque se verterint, sua nox, neque prius demetur, quàm vecordiæ suæ, obstinationisque, dederint graveis pœnas.

H 5.

PETRI

PETRI CUNÆI
De Republica
HEBRÆORUM,
LIBER SECVNDVS.

CAPVT I.

*Familia Pontificalis. De Alcimo male
existimatum. Pontificis constitutio pe-
nes quos. Chalcidensium regi quid be-
neficium à Claudio datum. Pontificis mu-
nia. Quando nobile officium suum Pon-
tifex obierit. Quem habitum tunc
gesserit. Flavii Iosephi error, ex prope-
rantia natus, qui omnes hactenus dece-
pit. Ejus confutatio. Maimonida recta
sententia.*

Roximus regię dignitati
honos in summis sacerdo-
tibus fulsit: estque Rabbi-
norum vetus verbum, tri-
bus rebus Israëlem, tan-
quam coronis, fuisse decoratum, re-
gno, pontificatu, atque lege. Nos, quo-
niam de regibus ea, quę in mentem in-
cidebant, diximus, cætera eodem pa-
cto, hoc est, incuriose, & sine delectu
exsequemur. Cum sacerdotales familię
olim

olim à Mose duodecim, mox autem à Davide essent viginti & quatuor constitutæ, una modò pontificalis fuit, cujus erat præ cæteris excellens nobilitas. Apud Flavium Onias, Oniæ tertii filius, pontificali genere juvenis, per indignationem in Ægyptum aufugit, uti templum illuc conderet, propterea quòd pontificatum libidine Antiochi transferri ad Alcimum videbat, hominem sacerdotali quidem familiâ ortum, sed non ex successione pontificatus. Hallucinatur enim eruditissimus Sigonius, qui¹ eum ex posteris Levi, sed non Eleazari, aut Ithamari, fuisse prodidit. Estque is error manifestus ex Flavii verbis, quæ de hoc Alcimo extant in Antiquitatum libro vicesimo, in capite octavo. Post Alcimum etiam Judas Maccabæus pontificatum, extraneus alienusque, nullo successionis jure accepit, etsi sanè de gente sacerdotum fuit. ut jam constet, ad hanc indignationem non omnes Aronis nepotes, sed duntaxat paucos quosdam pervenire per legitimos tramites potuisse. Pontifex is fuit, qui omnibus præfectus erat sacerdotibus. eamque dignitatem illi universus confessus septua-

¹ In lib. 5. cap. 2.

tuaginta senum conferebat, in quorum judicio atque potestate totum hoc, quantumcunque erat, positum fuit. Ita enim traditum rectissimè à Maimonide est, in Halacha Cele Ham-mikdasch, in capite quarto. Sed Herodes, cum pauca ex honesto & bono, pleraque autem contra leges & mores majorum gereret, creare pontifices, amovereque, uti erat libitum, instituit. Ac tandem electio summi sacerdotis concessa Agrippæ Herodi Chalcidensium regi à Claudio est. idque jus retentum successoribus ejus fuit, usque ad extrema belli Iudaici. Ac sacerdotum quidem cæterorum divisa functio erat, nemo ut adolere aris honores, vel victimas cedere, nisi factâ sortitione, posset. Soli autem pontifici omnia sacra, & omni tempore, obire jus fasque fuit¹. Non enim in ordinem cogeбatur, neque vices stationesve observabat. Munus pontificis nobile atque primarium fuit, templi adyta intrare, quæ Sancta Sanctorum Hebræi appellitant. idque semel in anno, non amplius, fiebat, solenni expiationum die, atque eâ horâ tantum, quæ

dicata

¹ R. Maimon. in cap. 5. Hal. Cele Ham-mikdasch.

dicata piaculari sacro erat. Sed de eâ
 re mox plura dicendi locus erit. Quali
 habitu pontifex fuerit, cum venerabi-
 le illud loci secretum celeberrimo die
 adiret, hætenus disceptatum à nemi-
 ne est. Magnâ enim securitate credide-
 runt omnes, indutum eum illo tem-
 pore fuisse duobus amiculis illis, quo-
 rum unum fuit Humerale & Ephod
 appellatum, alterum verò dicebatur
 Coschen sive Rationale, propterea
 quod cordis rationisque sedem, hoc
 est, ipsum pectus, eingeret. Non nos
 hîc de artificiosissimo opere utriusque
 vestimenti disseremus. Ex auro enim,
 & purpura, coccoque, atque gemmis
 confectum fuisse, certum est, plane in
 eum modum, uti edicitur in Exodi ca-
 pite vicesimo & octavo. Sed illud jam
 dicimus, nunquam iis amiculis usum
 fuisse pontificem in templi adytis.
 Quare conuellenda nobis opinio est,
 quæ jam pridem summis nixa autori-
 bus, nunc & omnium est, & quotidie
 crescit. Atque utinam saltem à Iosepho
 nobis recedendum non esset, quem
 virum genere ortum sacerdotali, sum-
 misque honoribus in urbe Hierosoly-
 ma perfunctum, ea transmisisse ad
 memoriam posterorum scimus, quæ
 viderat oculis suis, & comperta habe-
 bat.

bat. Sed quis tam consummata diligentia est, cui non somnus interdum in longâ commentatione obrepât? aut quid non potest festinatio & incogitantia, quæ in rebus etiam obviis improvida est & cæca? Igitur non possumus illud ferre, quod in capite decimo & quinto libri quinti ἀλώσεως ait de veste Ephod, deq; amiculo Coschen. ταύτῃ τῇ ἐοῦσῃ ὅς ἐστιν ὁ ἀρχιερεὺς τὸ ἄλλον χρόνον, λιγότεραν δὲ ἀνελάμβανεν, ὅποτε δὲ εἰσίοι εἰς τὸ ἅδυτον. εἰσὶν δὲ ἅπαξ καὶ ἐν αὐτὸν μόνον ἐν ἡ νηστύῳ ἐθῶς ἡμέρα πάντας τῷ θεῷ. Hunc vestitum pontifex non quolibet alio tempore habebat, (viliorem quippe sumpsit) sed tunc, cum intrabat in adytum. intrabat autem semel duntaxat quotannis, illo die, cum mos patrius omnes jejunio colere Deum iussit. Contra hæc nemo hiscere ausus est. tanto consensu accepta ab omnibus sunt. Sed enimvero meminisse debebat scriptor maximus, id quod in vetustissimis Iudæorum scitis est, fuisse vestimenta quatuor peculiaria, eaque alba, & ex lino tantum contexta, quibus solis usus pontifex est, cum piaculare sacrum in adytis, semel in anno, faceret. Ex quo accidit ut proprio nomine לבן יגב, vestes laban, id est, alba, à Iudæis dicerentur.

rentur. de quibus ita inſit Maimonides in capite octavo, in Halacha Cele Hammikdaſch, ex tractatu Talmudico, qui Maſſachta Ioma vocatur, בגדי לכן הם ארבעה כלים ששמש בהן כהן גדול ביום הכפורים וארבתן לבנים ומן הפשתן לברוהן : כחנת ומכנסים ואבנט ומצנפת : *Veſtes laban fuere indumenta quatuor, quibus indutus pontifex ſacra faciebat, die jejunii. Erant autem ea albi coloris, atque ex lino tantum : nimirum tunica, brachæ, cingulum, & infula. Dies jejunii, eſt dies decimus menſis Tiſri, cum in Sancta Sanctorum pontifex ibat. Hæc primi Talmudiſtæ odorati ſunt, quibus nos ſine periculo hic fidem habemus. atque adeo miramur, qua oſcitantia neque Flavius Joſephus, neque quiſquam alius animum adverteret ad luculenta verba, quæ in Levitici capite decimo & ſexto extant, ex quibus hoc, quod diximus, evincitur. Non abs re erit locum eum deſcripſiſſe. Ita enim ibi præcipit Moſi Deus de jejunii & expiationum die : Dic Aharoni, fratri tuo, ne quovis tempore ingredia-
tur in ſanctuarium intra velum, ut non moriatur. Cum hiſ autem rebus ingredia-
tur in ſanctuarium, cum juvenco ſubrumo, qui ſit pro peccato, & cum ariete, qui ſit in holocauſtum. Tunicam lineam
ſanctam*

*sanctam induito; & brachæ lineæ sunt
 super carnem ejus; & baltheo lino accin-
 gitor; & infula lineæ tegitor. Eæ vestes
 sacrae sunt. Mox in extremo capitis ad-
 dit, Expiationem sacerdos faciet, & in-
 duet vestes lineas, vestes sacras. De cæte-
 ris amiculis, quæ extra templi adyta
 pontifex gessit, non jam difficile est di-
 cere. Ea Talmudici בגדי זהב vestimen-
 ta aurea vocant, non hercle quòd in-
 textum omnibus aurum esset, sed
 quòd ornatiora essent. Fuere autem
 hujus generis indumenta octo, è qui-
 bus quatuor quidem erant commu-
 nia pontifici cû cæteris sacerdotibus,
 כתנת ומכנסים ואבנט ומגבעות, *tunica*
talaris, brachæ, baltheus, & infula:
 quatuor autem propria pontificis e-
 rant, מעיל ואפוד וחושן וציץ, *pallium*
hyacinthinum cum tintinnabulis &
 malis Punicis; item *amiculum hume-
 rale sive Ephod*; tum *Tæctorale sive*
Coschen; & postremo *lamina aurea,*
 quæ infulæ apponebatur. Neque verò
 dicat aliquis, ex octo istis indumentis,
 priora quatuor videri eadem esse cum
 illis, quorum usum antè diximus fuisse
 peculiarem in Sancto Sanctorum.
 Nam & ex pretiosiore lino erant, quæ
 pontifex extra adytum gerebat, &
 baltheus fuit opere Phrygiano. Quæ
 mani-*

manifestè cernet, qui contulerit quæ leguntur in Exodi capite vicesimo octavo, & quæ extant in Levitici capite decimo sexto. Nam etsi lineæ sunt, quæ describuntur utrobique, tamen כח vulgare *linum* est, cum כח *bys-*
sus exquisitissimi generis sit. Sed nec illud repugnat opinioni nostræ, quod in Exodi capite vicesimo octavo, versu xxix. & xxxv. jubetur Aharon cum veste Ephod, & amiculo Coschen, & cum tunica hyacinthina ingredi in sanctuarium. Sane enim pro vero constat, sanctuarii partes insigniores duas fuisse, quarum fuit una exterior, quæ Sanctum ubique dicitur, altera vero interior erat, quæ Sanctum Sanctorum in sacro codice, non semper quidem, sed plerumque tamen, appellatur. Hæc nescire, summæ imperitiæ foret. Porro de vestibus *laban*, seu albis, quod diximus pontificem eas gerere, nisi in adyto, non potuisse, usque adeo verum est, ut illo ipso die decimo mensis Tisri, cum ex more adytum ingrediebatur, ad ea tamen sacra peragenda, quæ etiam extra adytum tunc fiebant, induere כח כח *vestes aureas* necesse habuerit. Atque hoc recte proditum in Talmud est, in Massechta Ioma, in capite tertio.

CAPVT II.

Pontificis sacra vestis modo à Romanis, modo à Iudæis asservata. De Pontificis galero. De sacerdotum pileis. Lapidēs Vrim & Tummim, in quibus vis oraculi fuit. Quando ii amissi sint. Cur alii facti, & adhibiti postea sint, cum eorum nulla vis amplius esset. Quis fuerit modus consulendi oraculū Vrim & Tummim. Quibus de rebus responderit Pontifex.

QUam pulchro & admirando opere fuerint indumenta, quibus adornatus pontifex extra adytum erat, ex illo manifestum est, quod Flavius refert *τὴν ἱερὴν ἐσθῆτα* sacram pontificis vestem magna cura servatam in turri fortissima fuisse, quam in parte templi Septentrionali olim ab Hasmoneis conditam, Herodes tandem Antoniam de Marci Antonii nomine appellaverat. Utique pergloriosum fuit illam vestem custodire. Quare eum honorem identidem Romani sibi vendicaverunt: ac rursus Iudæis eum, sed beneficii loco concessere. Diximus ex octo tegminibus, quæ aurea Talmudici vocant, quatuor fuisse, quæ communia Pontifici cum reliquis sacerdotibus erant. Inter illa galerus, seu infu-
la fuit.

la fuit. Pontificibus enim, sacerdotibusque nudo capite sacra curare fas non erat. quemadmodum nec flaminibus Romanorum id licuit. Pontificis galerum non penitus similem fuisse sacerdotum pileis, Iudæi tradunt. Maimonides fascias quasdam ait Pontificis capiti ita circumdatas fuisse, quemadmodum membrum contritum aut fractum obvolvitur; sacerdotum autem pileos velut galeas fuisse. unde & מגעורם eos dici, quod instar collium exurgerent. Ab hoc dissentit Rabbi Abraham Ben David, cujus אנשי חסד *animadversiones* extant in Maimoniden. Ait enim ille, pileos quidem sacerdotales, quasi galeas fuisse, at pontificum infulas longè altiores fuisse, fasciis in orbem sic circumactis, ut sunt hodie Arabum tiaræ. Hoc idem ait accuratissimus author Rabbi Ioseph, cujus commentationes, quæ כתר משנה *corona Misnæ* inscribuntur, inæstimabiles sunt. Lapidēs Vrim & Tummim, qui vestimento pontificis indebantur, absconditos à Iosia in templo priore fuisse, neque postea repertos in templo secundo esse, dictum à nobis supra est. Facti tamen alii lapides, & inditi in amiculum Choschen sunt, non quod jam eorum ope amplius oracula pontifex

tifex ederet, sed ut consummatus earum rerum numerus esset, quas maximus Moses ad pontificem rite ornandum præscripserat. Nam si quid vel minimum forte deerat, utique pontifex מחוסר בגדים *defectus vestibus* dicebatur, & sacris operari non magis poterat, quam si de prophana plebe unus esset, quem talia conantem lex divina capitis damnat¹. Sed quid illud est, cur nec consuleretur in templo secundo pontifex, nec responsa redderet? Disputarunt de ea re Iudæorum cordatissimi, & visum illis est, id adeo ex hac causa esse, quod spiritus sanctus numinisque præsentior vis illinc abcessisset. mentem autem humanam fati & futuræ sortis nesciam esse, nisi instinctus divinus afflatusque accesserit. Quo nihil existimari rectius potest. Refert hæc omnia Maimonides in Halacha Cele Hammikdash, capite decimo: ubi morem etiam edisserit, quo oraculum illud consulebatur antea. Stabat enim pontifex, & vultum componebat arcam versus. erat autem à tergo, qui responsum petebat. is, cum
scisci-

¹ Rabbi Maimon. in Hal. Beth Habbechira, cap. 4. & in Hal. Cele Hammikdash, cap. 10.

sciscitatus de successu rei esset, quam apud animum suum proposuerat, ibi pontifex statim, spiritu cœlesti concitus, amiculum Coschen inspexit, atque ex literis mirâ vi illic protuberantibus, quid futurum esset, didicit, responditque. Ea consulendi ratio non privatis, aut de plebe hominibus, sed regibus duntaxat, summisque iudici- bus, aut iis, qui publicè missi à populo essent, usurpata fuit. Quoties enim res magna agebatur, itum illuc est. Privatorum negotia votis precibusque relicta sunt, ne oraculi sanctitas evi- lesceret.

CAPVT III.

Vestimenti laceratio quatenus Pontifici permissa. Item quatenus sacerdotibus.

De Caipha. Lex conjugii alia pontifici, alia sacerdotibus posita. Matrimonium virginis, viduæ, vitiatæ, & per divortium dimissæ. Polygamia. Habitatio Pontificis. De Augusto Cesare.

Nunc referamus alia quædam summi Pontificis jura. Inter quæ illud est, quod ei vestem lacerare in animi dolore fas haud fuit. Quod præceptum tamen Talmudici ad lacerationis modum restringunt, ut Pontifici disrumpere vestem quidem, sed infra

tantum circum pedes licuerit ; supra
 verò, & ad sinum pectoris, vetitum sit.
 at cæteris sacerdotibus jus esse lace-
 randi à summâ parte deorsum ajunt.
 Ita diffinitum in fine ejus tractatus est,
 quem Massechta Horaioth appellant.
 Quæ si vera sunt , nullo necessario ar-
 gumento colligitur, id quod interpre-
 tes volunt , Caipham contra legem
 fecisse , cum ad Messiaë augustam vo-
 cem ipse togam sibi per impatientiam
 discinderet, uti proditum à Divo Mat-
 thæo est in capite vicesimo & sexto.
 Hæc ultrâ exquirere, nostrum non est.
 Cum enim diligentissimè in his ope-
 ram posuerimus, restabit, ut nobismet
 irascamur , qui pedibus finem scal-
 pturimus , unde nullum granum crui-
 tur. In Levitici capite vicesimo & pri-
 mo edicitur pontifici maximo, uti vir-
 ginem duntaxat in matrimonium pe-
 tat. Quod profecto non sine mysterio
 est. Non enim sacerdotibus posita ea-
 dem lex fuit. quippe viduam illi ux-
 orem rite duxerunt, dum modò ab iis
 abstinerent, quæ corpore quæstum fa-
 ciebant , aut per divortium expulsæ à
 marito erant , quibusve oblatum vi-
 tium fuit. In Talmud, in Massechta Io-
 ma , in capite primo , traditur , nefas
 Pontifici fuisse uxores duas simul in-
 mati-

matrimonio habere. quod si haberet, utique cum altera faciundum illi divortium fuisse ante diem decimum mensis Tisri. ni id fecisset, obire eum piaculare sacrum solenni illo die in templi adytis nequivisse. Enimvero hoc singulare fuit. Nam cæteris hercle Iudæis plures uxores ducere per legem licuit. idque infra ostendemus, cum res ipsa feret. In Massechta Middoth scriptum extat, ædiculam fuisse Pontifici in templo extructam, in qua ille interdum mansitavit ferme, eamque *לשכה גדולה* *conclave Pontificis* esse dictam. De domo vero, quæ extra sanctuarium illi erat, ita Maimonides tradit, debuisse eam Ierosolymæ, atque in ipsa urbe, non alibi, esse. At Romanorum legibus cautum fuit, uti Pontifex maximus in domo publica habitaret. Quare Octavius hercle, M. Lepido mortuo, cum tanti nominis honorem adeptus esset, & domum publicam accipere à senatu per modestiam recusaret, suarum ædium partem ipse publicam esse iussit, quo satis factum legi esset.

CAPVT IV.

Contra Divum Augustinum, atque contra Carolum Sigonium disceptatur de

Pontificis ingressu in Sancta Sanctorum. Locus in epistola ad Hebraeos melle à Sigonio intellectus. Altare suffituum non fuisse in Sancto Sanctorum, contra quam Divus Augustinus sensit.

Libet postliminio ad id redire, quod intermissum à nobis est. Diximus enim Pontificem in templi adyta introiisse solenni expiationum festo, quod die decimo mensis Tisri celebratum quotannis est. Ita Iudæi omnes, & qui Græcorum Latinorumque eruditissimi sunt, magno consensu tradidere. Neque nos profecto aliter statuimus. Non enim alio tempore, neque aliam ob causam visere ei secretissimum locum fas fuit. Et tamen in illa ipsa erudita antiquitate unus extitit Augustinus, summa sanctitate atque eruditione vir, cui ita visum est, pontificem quotidie Sancta Sanctorum ingressum esse, uti thura adoleret. quod autem semel duntaxat introivisse dicatur, id ad anniversariam expiationem retulit, quæ sanguine purificationis fiebat. Huic sententiæ Carolus Sigonius, cum applauderet, aliud insuper præsidium addidit, existimavitque, Pontificem quotidie quidem adyta esse ingressum, sed sacerdotum comita-

tu

tu stipatum ; semel autem in anno solum, id est, sine sacerdotibus. Profectò non est committendum nobis, ut tam crassum errorem non refellisse videamur. Ac Sigonius quidem, ut de illo prius dicamus, manifesto sophismate aut deludere nos voluit, aut hercle imprudenter delusus ipse est. Sine dubio enim verba Apostoli in animo habuit, quæ in epistola ad Hebræos extant in cap. ix. *εἰς τὴν δευτέραν σκευὴν ἀπαξ ὁ ἐνιαυτὸς μόνος ὁ ἀρχιερεὺς εἰσὶν ὁ ἑὸς ἁμαρτίας*. secundum tabernaculum semel quotannis solus pontifex ingressus est non sine sanguine. Enimvero illa verba sententiam ejusmodi habent, Pontifici semel in anno duntaxat, & quidem soli, adyta introire fas fuisse. Sigonius autem in aliam mentem hæc distorsit, scilicet quasi semel quidem quotannis solus, at quotidie cum aliis intraverit. Qua quidem interpretatione nihil excogitari futurius potest. Omitto Talmudicorum omnium Rabbiorumque gravissima judicia, quæ semper apud omnes cordatos permagnum pondus habuere, quoties de patriis ritibus eorum, ceremoniisque orta disceptatio est. ex quorum sensu illud est, quod Maimonides ait in Halacha Berh Habbechira, in ca-

בית קדש הקדשים מקדש
 מבין ההיכל שאין נכנס לשם אלא כהן גדול
 ביום הכפורים בשעת העבודה :
Sanctum
Sanctorum est sacratius reliqua parte
templi, quia nemo illud adit, nisi Ponti-
fex, die Expiationum, ipsa sacrificii hora.
 Nihil nunc opus est à Iudæis testimo-
 nium eblandiri tam manifestæ rei. Ajo
 nullum sacri codicis locum esse, ex
 quo colligi probabiliter possit, quem-
 quam hominem ritè illud loci arca-
 num adiisse, uno pontifice excepto.
 At ipse pontifex quam sæpe adyta in-
 traverit, ex illo discimus, quod in Le-
 vitici capite decimo & sexto scriptum
 est : *Dic Aharoni, ne quovis tempore in-*
grediatur in sanctuarium, quod est intra
velum ante operculum propitiatorium,
quod est super arcam, ut non moriatur.
Nam in nube apparebo super operculum il-
lud. Sed cum his rebus ingrediatur Aha-
ron in sanctuarium, cum vitulo & ariete
in holocaustum. A cœtu autem Israelita-
rum accipiat duos hircos in peccatum, &
arietem in holocaustum. cumque obtule-
rit vitulum, & oraverit pro se, ac domo
sua, duos hircos constituat coram Domi-
no, in ostio tabernaculi testimonii, & mit-
tat super utrumque hircum sortes, sortem
unam Domino, alteram capro emissario.
 Ecce, sanctuarium, quod intra velum
 esse

esse dicit, nihil aliud est, quàm Sanctum Sanctorum, ubi & arca fuit cum operculo propitiatorio. Quæ autem fieri illic præcipit summus Deus, omnia ejusmodi sunt, quæ duntaxat decimo die mensis Tisri agebantur, celebri expiationum festo. Ex quo consequitur, nunquam pontificem, nisi quo die ista fierent, adyta intravisse. Id enim plane edicitur. Quare facessat Sigonii hariolatio. non enim est pro indole tanti viri, quem alibi nos sæpe admirati sumus. Sane enim, quod sperare improbum erat, bene ille atque feliciter in summa Hebraismi ignorance res Iudæorum composuit. Sed quid Augustino respondebimus, qui aram incensi fuisse in adytis existimat, ad quam pontifex thura adoleverit quotidie? Enimvero in Magno errore versatus homo sagacissimus est, neque subtile illud & peracre judicium suum hic adhibuit. Omnino enim locus ille, in quo erat altare incensi, separatus velo ab ipsis adytis fuit. Quare cum in Levitici capite xvi sanctuarium, quod intra velum est, appelletur ipsum adytum, contra de incensi & suffituum ara dicitur in Exodi capite tricesimo, fuisse eam ante velum illud: plane ut in medio oppansum velum inter ady-

ta aramque suffituum esset. Recitabimus verba ex capite tricesimo Exodi, ne lectorem suspensum teneamus. Ita enim ibi dicitur, *Fac aram incensi è lignis Schittim, atque eam auro obduc, pariterque latera ejus & cornua. Pone autem eam ante velum, quod ante arcam testimonii, atque ante operculum propitiatorium est, ut adoleat super illud. Aharon suffitum aromaticum unoquoque mane.* Profecto, nisi stupor aut pituita sensus nostros tardat, illud intelligimus, aram incensi ante velum, at velum ipsum ante arcam testimonii fuisse; ut aram incensi ab arca testimonii, atque ab operculo propitiatorio distinxerit veli interjectio. Equidem fateor in quadragesimo Exodi capite, versu sexto, edici, *ut ara incensi aurea coram arca testimonii collocetur*: sed, quod ibi de medio velo expressum non est, mox paucis interjectis additur, *aram auream in tentorio conventus ante velum esse positam.* Quare ista ratio hercle apud me nauci non est.

CAPUT V.

Thilonis Iudaei quadam loca excussa, & explicata. Lapsus Thilonis. item ejus, qui librum I. Maccabaeorum scripsit. Post reditum Iudaeorum ex Babylone, legem

1

Nimis indiligenter hic sumus, qui Philonis Iudæi illustrem locum nondum produximus, qui, cum Sigonii oculos non fugerit, admonere illum poterat, quam sit inconsulta Augustini hæsitatio. Ait scriptor gravissimus in libro, qui *περὶ θυόντων* extat; Ο νόμος προσέταξε δύο χαλκοκύβας. Θύωναι βωμὸς καὶ ταῖς ὕλαις, καὶ τοῖς τόποις, ἐκ ταῖς χρείας *ἁγ. φέρωντας*. ὁ μὲν γὰρ ἐκ λίθων λογαίων ἀτμήτων ἀνακοδόμηται, καὶ ἐν ὑψίστῳ παρὰ ταῖς ὁ νεῶν προβάσειν ἵδρυται, καὶ γέρονε πρὸς χρεῖαν τὴν τῶ ἐνάμειν. ὁ δὲ χρυσοῦ μὲν χαλκοκύβας, ἵδρυται δὲ ἐν ἀδύτῳ εἰσῶν ὁ προτέρῃ χαλκοπέτισματι, ὃς ἔδενι τῶ ἄλλων ἐστὶν ὁρατὸς ὅτι μὴ τοῖς ἀγνούσι τῶ ἱερέων. καὶ γέρονε πρὸς χρεῖαν τὴν τῶ θυμιαμάτων. *Lex duas poni aras jussit, quæ materia, loco, atque usu differrent. quippe una ex lapidibus selectis, sed impolitis tamen, extructa est, atque sub dio sita est, prope templi vestibulum, ejusque usus positus in victimarum immolatione est. altera vero aurea, intra primum velum, in loco*

*inacceso est, quam videre nemini mortali-
um licet, nisi sacerdotibus, cum in casto
sunt. facta autem est in usum suffituum.
Omnino ait, aram hanc intra primum
velum fuisse, quod oppansum Sancto
erat; planè ut diversum fuisse ab illo
velum secundum significet, quod San-
ctum Sanctorum à Sancto separabat.
Utique, quemadmodum Sanctum San-
ctorum sacerdotes non recepit, sed
Pontificem duntaxat: ita Sanctum, in
quo suffimentorum ara erat, plebem
arcebat, sacerdotes autem solos una
cum Pontifice admisit. Apud Divum
Lucam quidem Zacharias, qui sacer-
dotis, non Pontificis erat dignitate
præditus, ad hanc ipsam suffituum
aram odora menta flammis ustulat. At
de plebe ita scriptum extat, ¹ πᾶν τὸ
πλῆθος τοῦ λαοῦ προσδύχοντες
ἔξω, τῇ ὥρᾳ τῇ θυμιάματι. tota
multitudo populi foris precabatur, tempo-
re suffituum. Et mox rursus ², ἡ ὁ λαὸς
προσδύκων τὴν Ζαχαρίαν. καὶ ἐθαύμα-
ζον ἐν τῷ χρόνῳ αὐτόν. Expecta-
bat Zachariam populus, miratusque est
eum diutius morari. Quoniam jam ci-
tare Philonem testem cœpimus, liber
alia quædam ex illius commentationi-
bus*

¹ Luc. c. I. vers. 10. ² Ibidem v. 21.

bus adferre. Enimvero , qui in Sanctum , quod intra primum velum est, non introivisse nisi solos sacerdotes dixit, is alibi disertis verbis Sanctum Sanctorum, quod intra secundum velum est, non à sacerdotibus, sed à Pontifice adiri , & quidem semel duntaxat in anno, ait. Verba ejus de hac re in libro secundo *ὁ θεὸς μοναρχίας* hæc extant, quæ itidem Sigonius , cum vidit, officere proposito suo non intellexit. *ὁ νεὼς παντὸς λόγος κρείσσων , ὥς ἐκ τῶν φαινομένων ἐστὶ τεκμήριον· τὰ γὰρ ἐντὸς ὁράται παντὶ τῷ, πλὴν ἐνὶ τῷ ἱερείῳ.* templum omni prædicatione est pulcrius, ut quidem ex iis, quæ apparent, colligi potest. nam quod ad ea pertinet, quæ in penetralibus sunt, ea nemini visuntur, nisi uni, hoc est, Pontifici maximo. Nunquam Sigonius effugiet. ita manifestè tenetur. Addit illud ibidem Philo de Pontifice: *καὶ τὰ τῶν μέντοι δι' ἑτὸς ἐπιτετραμμένων ἀπαξ εἰσεῖναι πάντ' ἐστὶν ὁράτοι.* atque huic tamen omnia cernere licet, cum quotannis & semel duntaxat intrare fas sit. Oratio medius fidius languida & clumbis, quæ corrigere aliquid velle eorum, quæ dicta sunt, videtur, cum nihil minus efficit. Quid enim diversum hic, aut contrarium supra dictis est? Non

magnus

magnus labor est, sententiæ vim suam
reddere, atque ita locum constituere,
καὶ τὸ τῷ μύτῳ δι' ἐτὺς ἐπιτετραμ-
μύον ἀπαξ εἰσεύου, πάντ' ὅσα ἐστὶν
ὄραταί. Sanè hoc longe aliud est. Post-
quam enim dixerat, pontificem unum
solumque adyta templi videre, mox
revocans ipse se, *Atqui huic ipsi, inquit,*
cum quotannis duntaxat semel intrare fas
sit, non tamen omnia cernere licet. Dehinc
ejus rei ratio sequitur, quæ sane nota-
bilis est; πυρεῖον μὲν γὰρ ἀνδράκων
πολλῆρες καὶ θυμιάματα εἰσκομίζεις.
πολλῆς δὲ ἀναδιδδομένης, ὡς εἰκὸς,
ἀτμίδου, κατέχεται τὰ ἐν κύκλῳ
πάντα καὶ ἡ ὄψις ἐπισκιάζεται, καὶ ἀνα-
καπνὶ ἰχθ, πρὸς ὅσα χωρεῖν ἀδυνατῶσα.
Etenim thuribulum ignitis carbonibus &
odoramentis plenum illuc infert. omnia
autem circumcirca tenentur multo fumo,
qui, ut consentaneum est, excitatur. tum
vero & visus quoque obtenebratur, inhi-
beturque, neque longius sese ferre quit.
Hoc igitur illud est, quare Pontificis
ipsius oculis non omnia lustrari posse
ait, quæ in adytis sunt. Atque hactenus
luculenter ista Philo, atque etiam divi-
ne. Quamquam illud non sine errore
dixit, quod antea ex libro ejus καὶ
θυόντων recitavimus, aram alteram,
quæ prope vestibulum templi sub dio
posita

posita sanguinem victimasque accepit, constructam *lapidibus integris, impolitisque* fuisse, ex legis edicto. Contra enim, lignea ut sit, atque ære obducatur, numinis placitum est in Exodi capite xxvii. quod & Moses exequitur mox in capite xxxviii. & diu post maximus rex Salomo, cum templum conderet, non neglexit, ut est in libro i. Chronicorum, capite iv. & in libro i Regum, cap. viii, vers. lxiv. Quod vero de ara ex cespite aut saxis faciunda edicitur in Exodi capite xx, id ad ea tempora pertinet, cum populus sacer, per vasta terrarum spatia & hostili solo circumerrans, sedem religionibus stabilem, & domicilium certum non haberet. Scio ego, qua tempestate templum secundum stetit, aram hanc quoque ex lapidibus fuisse. sed quam multa id genus alia enumerare possum, in quibus servata tunc veterum legum præscriptio non est? Sanè atroci & formidoloso reipublicæ tempore, cum incerta sæpe omnia metu hostium, & dissensionibus civicis essent, in ædificanda æde secuti duntaxat legem aliquatenus sunt homines sanctissimi. Nam quod in primo libro Maccabæorum, in cap. iv. dicitur, *Acceptis lapidibus integris secundum legem,*

*edificatum esse altare novum ad formam
 ejus, quod fuerat prius : oppidò leve est.*
 Nos enim eum authorem , quisquis
 fuit, non magis veremur erroris reum
 facere, quam Philonem Iudæum. Vter-
 que verbis illis deceptus est , quæ in
 Exodi capite xx extare diximus. Sed
 in hæc divertere, nihil necesse erat. De
 ara suffituum agere desinemus, si id
 dixerimus, in quo maximum momen-
 tum est. Iubet in Exodi capite xxx im-
 mortalis Deus cornua hujus aræ se-
 mel quotannis vituli sanguine rigari,
 illo die , qui constitutus jejuniis & ex-
 piationi erat. Sed eum sanguinem
 prius in Sancta Sanctorum inferri, ac
 mox exire illinc Pontificem , & con-
 spergere aræ cornua necesse fuit. Ita
 enim sancitum in Levitici decimo &
 sexto capite est. Quare jam rem confe-
 cimus , nihil ut opus argumentis am-
 plius sit. Etenim profecto , si exire ex
 adytis Pontifex ad riganda aræ cor-
 nua debuit , aram eam in adytis non
 fuisse certum est. Hæc contra Divum
 Augustinum , & , qui assensit illi , Ca-
 rolum Sigonium, excutienda erant, ut
 illud omnibus persuasum esset , quod
 Hebræi veteres , Græcorumque & La-
 tinorum cordatissimi prodidere, Pon-
 tificem semel duntaxat quotannis se-
 cretum

cretum sanctissimi loci adiisse. Ajunt quidem Talmudici, id quod supra retulimus, Pontificem, cum oraculum ex gemmis Vrim & Tummim peteret, facie ad arcam obversa stetisse. sed id fieri in qualibet templi parte potuit: ne jam forte credat quispiam, toties eum adyta intravisse. Atque hic est ille consulendi oraculi modus, de quo scriptum est in libro Iudicum, cap. i, & capite xx. tum & in priore Samuelis commentario, in cap. x. De Mose aliter habendum est. quippe is ad arcam testimonii, prope ipsos Cherubinos, & ad operculum propitiatorium, verba vocesque commutavit cum numine. quod ex cap. xxv. Exodi, vers. xxii, atque ex Numer. cap. vii, vers. ult. neutiquam obscurum est. Verum quæ dementia esset, Aharoni cæterisque pontificibus transcribere, quæ uni Mosi contingere? Sanè enim eum virum ex communi mortalium conditione Deus exemerat, postquam loqui coram, & una esse cum illo, atque ab illo aspici etiam dignatus est. Quæ omnia esse negata aliis, annotatum in sacro codice est. Sed jam non amplius verbum addimus. Qui enim pauca delibare de multis constitueramus, pene præ studio omnia exhaustimus.

CAPVT VI.

Vicarius Pontificis sub decimum diem mensis Tisri constitutus. Quot gradus dignitatum inter pontificatum & sacerdotium interpositi fuerint. Iusjurandum solenne quotannis Pontifici delatum sub templo secundo. & causa ejus. Hæresis orta de suffitu in adytis adolendo. Hircus in desertum missus. Mons Hazazel. Iudæorum scita quædam super ea re.

QVoniam Pontificis nobile munus in iis esse rebus positum diximus, quæ die decimo mensis Tisri agebantur, idoneum visum est plura exequi quæ huc pertinent. Scribit Maimonides in Halacha Habodat Iom Haccippurim, in capite primo, solum Pontificem omnia sacra obiisse, quæ illo die fiebant, ne illis quidem exceptis, quæ propria illius festi non erant. quare illa quoque, quæ quotidie sacerdotes etiam curabant, commissa tunc Pontifici fuisse. Ait præterea, quo tempore festum hoc instabat, septem continuos dies custoditum eum publice magna cura fuisse, ne qua res fortuita eum contaminaret, prohiberetque solenni sacro. Quæ traducta ex initio tractatus Talmudici sunt, quem Massechta Ioma

ma vocant. Tum & illud prodit ibidem maximus Rabbinus, quod relatu dignum est, de Pontificis vicario, qui quotannis creatus sub diem jejunii est: מתקנין לו כהן גדול אחר שאם יארע בזה פיסול יעבור האחר תחתיו. בין שאירע בו פיסול קודם תמיד של שחר בין שאירע בו פיסול אחר שהקריב קרבנות זה שנכנס תחתיו אינו צריך חינוך עבר יום הכפורים הרי הראשון חוזר לעבודתו והשני עובר. ואם מרת הראשון זה שבי מתמני תחתיו: Nos sententiam, non verba exprimemus. *Positum in more fuit, inquit, ut Pontifici constituerent quendam alterum Pontificem. Nam si quid ei contigisset, quo impuratus videretur, alter ille vice ejus rem sacram faciebat. Caterum vicario huic, qui pro illo in adyta ibat, non opus initiatione fuit, siue contaminari Pontificem ante jube sacrificium matutinum, siue post oblationes peractas contigisset. Quam primum autem dies expiationum praterisset, prior ille redibat ad munia sua: vicarius autem se abdicabat. Quod si prior moriebatur, alter ille in ejus locum substitutus est. Non multum ab his ablu- dit, quod traditum à Flavio est in libro decimo septimo Antiquitatum, in capite viii. Is enim quendam Iosephum Ellemo prognatum refert, qui in unum diem functus pontificatu sit, cum summus sacerdotum Matthias*

immundo visu per somnium se inquinasset, illa ipsa nocte, quæ expiationis festum antecessit. Hujusmodi vicarium Maimonides מִיָּבֵן appellat in Halacha Cele Hammikdash, in capite IV, aitque sub imperio ejus cunctos sacerdotes esse. ex quibus tamen duo sunt, quos vicario eandem operam præstare ait, quam Pontifici ipse præstat, eosque קְהִילֵי קוֹלִין appellat. ac rursus quendam ordinem illis inferiorem facit, in quem sacrificulos septem adscribit, qui אֲמֵרֵי אֵלִים dicti sunt, & claves atrii custodiebant, nemo eorum ut aperire illud posset, ni unà omnes adessent. Rursum his subesse tres גִּזְבְּרֵי, id est, thesaurarios, sive sacro ærario præfectos, ait. quos sequitur רֹאשׁ הַמַּשְׁמֶרֶת, qui custodiis templi præest. tum is, qui רֹאשׁ אֲבֵי בית אֵלִים dicitur. ac tandem proximus ab his dignitatis locum tenere cæteram sacerdotum plebem ait. Hoc ferme pacto sacerdotum gradus distincti à Talmudicis sunt. nisi quod iidem inter Pontificem maximum, atque inter vicarium ejus constituunt quendam diversi generis sacerdotem, quem מִשְׁוֵה מַלְחָמָה hoc est, *prælii causa unctum* appellant. Sed de hoc infra dicemus. Nunc de expiationum festo, quæ in promptu sunt, addamus. Apud Mai-

Maimonidem ¹, legati à senatu missi
 juramentum quotannis solenni more
 à Pontifice exigunt, pridie quàm per-
 agendum piaculare sacrum erat. Id
 adeò fieri ex hac causa consuevit, quod
 sub templo secundo caput extulisset
 hæreticus quidam, à quo progata Sad-
 ducæorum secta est. Is odoramenta,
 quæ suffumigandum adytum erat,
 imponi ignibus primùm, ac mox in-
 ferri in adytum voluit, quum Iudæis
 per manus traditum jam inde à Mosis
 ævo esset, accendi demùm ea in ipsis ady-
 tis oportere. idque profectò legis sen-
 tentia etiam arguit in Levitici capite
 xvi. versu xii. & xiii. Sed novatorem
 illum ea verba movebant, quæ extant
 in ejusdem capitis initio: בענן אראה
 in nube apparebo super propi-
 tiatorium. Quæ certè adeò nullum
 præsidium ad ipsius causam adferunt,
 ut planè id stabiliant, quod in versu xii
 & xiii expressum esse diximus. Et ta-
 men nihilominus crescebat quotidie
 tam improbabilis opinio, lateque ani-
 mos hominum pervaserat. Quare,
 cum metus ingens esset, ne in illum er-
 rorem sese Pontifex quoq; transferet,

K 4

insti-

¹ In cap. i. Hal. Habodat Iern Hac-
 cippurim. |

institutum fuit , ut pridie decimum
 diem Tisri sollenniter eum legati jure-
 jurando obstringerēt. cujus formulam
 Maimonides in hæc verba conceptam
 refert, משביעין אנו עליך במי ששכן ארץ
 שמו בבית הזה שלא תשנה דבר מכל דבר
 שאמרנו לך *Nos te jurare jubemus per*
eum, cujus nomen in hac aede habitat, ne
quid immutes eorum, quæ dixerimus tibi.
 Dein cætera subjecere, de quibus cau-
 tum esse intererat omnium. Ad cele-
 britatem hujus festi maximè pertinuit
 religiosa sortitio illa, quæ ex duobus
 hircis unus destinatus aris fuit, alter
 verò in vicinum desertum ad mon-
 tem quendam Hazazel dimittebatur,
 ut illinc præceps rueret. Tradunt Ju-
 dæi eum hircum magno molimine in
 desertum ab alienigena quopiam de-
 ductum, ac mox de summo monte
 detrusum ad ima esse. De tabernacu-
 lis quoque ab urbe Ierosolyma usque
 ad desertum dispositis, nescio quid, lo-
 quuntur, in quæ confederunt, qui hircum
 identidem escâ reficerent. Tum
 & funiculum, cujus pars altera corni-
 bus hirci, altera deligata ad scopulum
 fuit, atque etiam colorem funiculi, &
 id genus multa alia describunt, quæ
 profectò mecum ignorant. Quare nos
 hæc in medio relinquimus, propterea
 quòd

DE REPVB. HEBR. 153
quòd rationibus conjecturisque me-
lioribus destituta, vim haud capiunt
ex ipsa frugalitate.

C A P V T. VII.

*Initiatio Pontificis duplex, & qualis.
Quando altera cessaverit. Quando
Pontifex ab iuvenci mactatione, quam
lex præscripsit, immans fuerit.*

C Onsecratio Pontificis duas res præ-
cipuè habuit, vestitum unctionem-
que. Sancitum enim à numine fuit,
uti, qui summum sacerdotium gestu-
rus esset, tunicis amiculisque sacris per
septem dies indueretur, atque oleo li-
neretur, quod confectum ad eam rem
ratione quadam singulari erat. Talem
Pontificem Talmudici מתרבה בגדים
auctum inanguratumque amictu, &
מתרבה משה *auctum atque initiatum*
unctione dixêre. Ipse autem actus so-
lennis dictus ab illis est דיבוי בגדים
ומשה *accessio majestatis ex amiculis &*
unctione. Sed enim verò, postquam sa-
crum oleum periit, quod in priore
templo conditum esse ab Iosia in spe-
cu quodam, & nunquam postea re-
pertum ab Ezra aliisve in posteriore
templo diximus, ab illa tempestate
hercle Pontificum initiatio peracta si-

ne unctio est. Satis enim fuit, solo vestitu eos inaugurari. Vestiendi autem modus ejusmodi fuit, qualem Talmudici describere in tractatu, qui Massechta Ioma dicitur, in capite primo. Amicula octo erant, quibus Pontifex per dies septem continuos mane quidem induebatur, vesperi autem exuebatur; totidemque per dies fieri unctio solita fuit, antequam amissum sacrum oleum esset. In Massechta Horaiot, in capite ultimo, traditum est, nullam fuisse differentiam inter pontificem, cujus consecratio unctio fiebat, atque inter eum, qui solo amictu initiatus erat, nisi quod is, qui unctus esset, mactare numini juvenicum lege jubebatur, si ita deliquisset, ut unius culpa peccatum ab omnibus esset. Hac necessitate solutus fuit, qui sine unguento erat vestibus inauguratus. cæteris autem rebus omnibus ambo pares fuere. De juvenici mactatione quod observarunt Talmudici, erutum est ex Levitici capite iv. Summam verò eorum omnium, quæ ad initiationem pertinere diximus, complexus est illis verbis maximus Rabbinus Aegyptius in capite iv. in Halacha Cele Hammikdash. ממנין כהן גדול הוא ראש לכל הכהנים ומושחין אותו בשמן המשחה ומלבישין

ומלבישין אותו בגדי כהונה גדולה : ואם אין
שם שמן המשחה מרבין אותו בגדי כהונה
גדולה בלבד. כשם שמתרבה בשמן המשחה
כך מתרבה בכגדים : כיצד מרבים אותו
בכגדים. לובש שמנה בגדים ופושטן וחוזר
ולובשן למחר שבעה ימים יום אחר יום
וכשם שריבוי בגדים שבעה כך משיחה
Sequitur dein illud, paucis interjectis, אין בין כהן
משוח בשמן המשחה למרובה בגדיו אלא
פר שמביא כהן המשוח אם שגג באהר מן
Non libet nobis, hæc vertendo, tempus atque ope-
ram conterere, propterea quòd eo-
rum sententia jam relata à nobis ab-
unde suprà est.

CAPVT VIII.

*Sacerdotum stationes, & ἐφημερίαι.
Qui iudicaverint de vitiiis sacerdo-
tum. Damnati sacerdotes qua con-
ditione fuerint. Lignile. Antigoni in
Hyrcanum facinus.*

CVM hætenus de Pontifice maxi-
mo, qui sacerdotum princeps erat,
dixerimus, plane fieri in tantâ rerum
vicinitate nequit, quin inulta attin-
geremus quoque, quæ ad ipsos sacer-
dotes, atque ad munia eorum perti-
nent. Quæ profectò iterare nunc pro-
positum nobis non est. Fuere sacerdo-
tes

tes ex Levitis selecti, uti oblationes & sacrificia facerent. eorumque erant viii stationes à Mose constitutæ: è quibus quatuor ab Eleazare, totidemque ab Ithamaro gentem suam deduxere. Postea summus rex David stationes huiusmodi viginti & quatuor fecit, ut ex Eleazari posteritate sexdecim, ex Ithamari octo essent: quas omnes Flavii Iosephus incolumes usque ad Ierosolymæ everisionem fuisse prodiit, nunquam ut permixta earum successio sit. Quod tamen verum est, si ab Encæniis Maccabæi per insequentia tempora retrò descenderis. Atque id profectò vel sic etiam incredibile ferme est in tanta rerum Iudaicarum sursum ac deorsum euntium mutatione. Sed penes autorem fides esto. Istæ viginti quatuor classes per vices suas singulæ Ierosolymam veniebant, & in templo hebdomadam unam sacris operabantur. Itaque post centesimum & sexagesimum octavum diem cuique stationi suus ordo rebibat: nisi quod per tria celeberrima festa, quæ Iudæi חגים appellant, fas fuit omnibus stationibus simul in templo sacra obire, illâ præscriptione, ut votivas spontaneasque hostias, & iugia sacrificia induntaxat curarent, quorum functio

tunc

tunc in
tiones il
cum loc
Quæ om
Iustis lo
Canonib
cavit. I
nemus. M
la exequi
missa ab
riose sun
sumus. In
Massecht
rum est, p
senatoru
synedriu
hoc fuisse
Gazith di
bus sedeb
ris mota
dem cau
nigris, a
miniâ e
albari
runt, a
cum col
secundo
scriptum
senatore
adfecti
nis res, e

tunc in orbem recurrebat. Hæ sunt stationes illæ, quas D. Lucas, de Zacharia cum loquitur, ἐφημερίδας appellat. Quæ omnia divinè pertractavit vir illustris Iosephus Scaliger in Isagogicis Canonibus, quos in Eusebium publicavit. Itaque in his operam non ponemus. Multò enim satius nobis est illa exequi potissimum, quæ prætermissa ab aliis, aut certè tradita incuriose sunt. idque jam secuti ab initio sumus. In tractatu Talmudico, quem Massechta Middoth appellant, traditum est, potestatem & jurisdictionem senatorum, qui adscripti in magnum synedrium erant, sitam præcipuè in hoc fuisse, quod in parte templi, quæ Gazith dicta est, iudices de sacerdotibus sedebant, quibus familiæ & generis mota controversia est. qui, siquidem causâ cecidissent, vestibus induti nigris, atque exauctorati, cum ignominia ex atrio excessere. sin vicissent, albat per hominum ora se extulerunt, atque è vestigio munus sacrum cum collegis administrarunt. In capite secundo ejusdem tractatus Talmudici scriptum est, cognovisse etiam eosdem senatores de vitiis, morbisque, quæ adfecti sacerdotes, tanquam mali omnis res, ex legis edicto reprobabantur.

li damnati, deinceps in parte templi
 degebant, quæ לשכת העצים dicta est,
 quasi tu *lignile* appelles; atque illæ lig-
 na findebant, quæ in altari strueren-
 tur. Et si autem mulctati sacerdotio
 erant, tamen nihilominus illis jus fuit
 cum sacerdotibus ejus stationis, in quâ
 ipsi fuerant, adhuc de sacris epulari.
 Atque id proditum etiam à Flavio Io-
 sepho est, in libro v ἀλώσεως, in ca-
 pite xv. Porro, quæ ex Talmud¹ jam
 diximus, relata etiam à Maimoni-
 de sunt iis verbis, quæ subjecimus.
 בית דין הגדול היו יושבין בלשכת הגזית
 ועיקר מעשיהם התדיר שהיו יושבין ודנין
 את הכהונה ובודקין הכהנים ביוחסין ובמומים;
 כל כהן שנמצא פסול בייחוסו לובש שחורים
 ומתעטף שחורים ויוצא מן העזרה וכל מי
 שנמצא שלם וכשר לובש לבנים ונכנס
 ומשמש עם אחיו הכהנים; מי שנמצא
 כשר בייחוסו ונמצא בו מום יושב בלשכת
 העצים ומתלע עצים למערכה וחולק
 בקרשים עם אנשי בית אב שלו ואוכל;
 Horum sententia plana ex supradictis est,
 ut opus versione non sit. Neque verò
 sacerdotes solos, sed etiam pontifices
 corpore esse integerrimo lex iussit. V-
 tique apud Flavium Antigonus Hyr-
 canum captum utrisque auribus trun-
 cat. Ita provisum abunde fuit, ne fun-
 gi in

¹ In Hal. Biath Hammikdash, ca. 6.

gi in posterum sacratissimo honore posset. atque id monere eum amici non destiterunt, cum ex Parthia Iudæam stolido consilio repetebat, ut illic Herodis ope pristinum teneret statum dignitatis. Res poscere videbatur, ut diceremus, quæ jura connubiorum posita sacerdotibus sint, deque sortitione, quæ singulis munia functionis suæ quotidie, vicesque assignabat: tum, quibus gradibus distincti fuerint, ut alii קהיקולין, pars אמרכין, quidam גזרין dicerentur, cæteri autem numerus & plebs essent. sed hæc, cum de Pontifice ageremus, indicata à nobis in transcurso sunt. Atque etiam illic de indumentis quatuor diximus, quæ communia illis cum Pontifice maximo erant. Propria enim non habuere. Quare hæc omittimus.

CAPVT IX.

Sacerdotes. Levitasque fuisse partem quandam magni concilii Sanhedrin. Negotia regia atque civilia publice Levitis commissa. Virtutum insignis imago in illis. Accessisse eos ad meliorem partem, atque ad equiorem causam, cum scissa olim divisag, Hebraorum respublica fuit. Quantopere degeneraverint mox à recta indole, atque à vete-

à veteri integritate. Summum reipublicæ regimen occupatum ab illis, atque immodeste usurpatum.

AIt Maimonides in Halacha Sanhedrin, in capite primo, Levitas sacerdotesque in eum senatum lectos fuisse, qui Ierosolymæ supremus erat, & LXXI viris constabat, in quem adscripti etiam primores cæterorum Israëlitarum erant. Ex quo fit profectò ut non sacra duntaxat curassent, sed iudicia exercuissent etiam civilia, & cum principe, aut summo populi ductore consultavissent de summâ republicâ quosdam Levitarum sacerdotumque appareat. Magnum enim senatum Sanhedrin rex indicebat, princepsve, aut quocunque alio nomine appellandus fuit, qui statum publicum tuebatur. Atque hoc est, quod inter Mosis instituta Flavius Iosephus posuit, *πρασιέναι ὃ μὴ δὲν ὁ βασιλεὺς διχαῖ δὲ ἀρχιερέως καὶ τῶν πρεσβυτέρων γνώμης.* Nihil agat rex, nisi de Pontificis & senatorum sententia. Neque id nos miramur in illo regno, quod ipse Deus, ut sæpe diximus, sacerdotale appellat. Sanè in secundo Chronicorum libro in capite XIX, Iosaphatus rex, cum Zebadiam iis negotiis præficit, quæ ad re-

ger

gem, atque ad populum Iudæ pertinebant, etiam satrapas Levitas ei adiungit, qui in partem curarum veniant. Et multò ante illum maximus David Hasabiam, ejusque agnatos mille & septingentos præesse Benjaminitis, & Simeonitis, Iudæisque, ac res gubernare tam divinas, quàm regias, jussit. Idemque imperium, ac planè geminam potestatem Ieriæ, agnatisque ejus bis mille & septingentis rex ille in Rubenitas, Gaditasque, & in dimidiam tribum Menassitarum dedit. cujus rei testimonium extat in primo Chronicorum libro, in capite xxvi. Atqui profectò Hasabia, & Ieria, & eorum agnati, quos Chronicorum author summos honores gessisse in republica, & fuisse ad quater mille & quadringentos ait, Levitæ erant, & nomen suum professi in ea tribu sunt, quæ sacrorum omnium custos fuit. Accedit, quod legum omnium, & rerum humanarum, divinarumque summam scientiam suo quodam sibi jure Levitæ vindicarunt, quam in synagogis per Iudææ oppida populo tradidère: ut non immeritò omnis ingenii, eruditionisque, & bonarum artium patres atque autores habiti sint. Igitur ab his pietatis virtutisq; exempla petita sunt.

L

Etenim,

Etenim, cum pars ceremoniis sacrificis ministrarent, alii in disciplinas incumberent, plurimi muneribus officiisque civilibus intenti reipublicæ consulerent, omnes tamen sine cupiditate vitam agitabant. Dissensione verò tribuum ortâ, cum à Iudæis divortium cætera gens Israëlitarum fecisset, relictis urbibus, quas inter Israëlitas habebant, eam partem amplexi sunt, quæ patrio more integra & incorrupta religionum solennia tenuit. Sed, ut nihil perpetuum est, tandem post Babylonienſe exilium, cum extructum templum secundum eſſet, temporum iniquitas bellorumque æstus quadam fati lege causam deposuit ad aliud schema. Primò enim pontificatum maximum gerere ii ex Levitis ausi sunt, quibus per legem illud affectare non licuit. Ea quasi materies omnium malorum fuit. Fecit enim avidos nimia felicitas: nec tam temperatæ cupiditates fuere, ut in eo, quod contingerat, desinerent. Gradus à magnis ad maiora factus est, &, qui insperata acceperant, spe improbiore assecuti principatum sunt. Ac tandem verò, quasi actum adhuc nihil eſſet, regio nomine assumpto diadema capiti imposuere. Hinc insidiæ inter eos, doli, artesque patri-

patritiæ, & nulla modestia votorum. Ex qua enim tempestate sibi pulcrum duxerunt supra rempublicam stare, qualia illuc pervenirent, dum pervenirent modo, nihil pensi habebant. Ita, qui rarissimam laudem, & nulli adhuc ordini concessam concupiverant olim, innocentiam, postremo mutatis studiis omnia divina humanaque promiscua habuerunt, unius arrogantia superbiæque dominio. Sed de hoc etiam ante diximus.

CAPUT XIX.

Qui fuerint Anschæ Hammaamad. Quali legatione functi sint. Sacrificia pro populo peracta. Legatos hos etiam extra Ierosolymam munus suum in synagogis obisse. De jejuniis eorum. Cur pridie & postridie Sabbati non jejunaverint.

IN Talmudis tractatu, qui Massechta Tahanajot dictus est, de iis agitur, qui à populo, aut ab universitate missi legationem publicam obibant sacrorum causa. Cujus rei observatio, quoniam sane singularis est, neutiquam silentio prætereunda nobis videtur. Enimverò illud sancitum lege erat, ut, qui numini victimam donumve offerret, sacris

præsens adstaret. Quoniam verò oblationes quædam etiam totius populi nomine fiebant, utique immensa illa civium multitudo, quæ locis urbibusque diversa habitabat, adesse ad sacram ædem nequirit. Igitur institutum à patribus variis est, uti ex Israëlitis quidam summa integritate & religione viri deligerentur, qui legati universitatis forent, & ad oblationes, vice populi, accesserent. Atque hos Talmudici *מנשי* *מנשי* appellant, quasi crassius paulo *viros stationarios* dicas. Fuere autem classes eorum viginti quatuor descriptæ, planè ut de sacerdotibus quoque, deque Levitis diximus. ductabatque singulas antecessor quispiam, quem *ראש המשמר* *stationis principem* vocaverunt. Lex porro posita legatis universitatis hæc fuit, ut qua septimana statio cuiusque in orbem redibat, nemo quisquam tam solenne munus defugeret. Atque hercle eos quidem, qui Ierosolymæ, aut in propinquo habitabant, convenire in templum necesse fuit unà cum Levitarum sacerdotumque geminis classibus, quarum vices in eam hebdomadam inciderant. Quod si verò procul aliqui à sanctissima urbe in remotis oppidis degebant, his adempta longi itineris molestia est. Satis enim erat

in

in synagogam istius loci convenisse eos una, atque animos cogitationesque ad ædem transmisisse, quæ Ierosolymæ erat. Ita publicani sacrorum causam absentes quidem, sed eadem hora tamen, atque etiam publicè, persecuti sunt. Legatis his, dum hebdomadale munus peragebant, jejunandum quater fuit, & quidem certo tempore. Constitutus enim ad id dies Lunæ, Martisque, & Mercurii, ac Iovis est. Neque refert, Ierosolymæ in templo, an in oppidorum synagogis convenerint. Pariter enim jejunii necessitas eos tenuit. Datum tamen sabbatho id honoris est, ut pridie essent lege hac soluti. quemadmodum profectò nec postridie se macerabant, *שבת לא יאכלו* *והיום לא יאכלו* ne sabbathi latitiam mæror exciperet jejuniorum. Ac de his quidem satis dictum est. Cætera, quæ de precibus legatorum universitatis, deque legis recitatione tradunt Talmudici, ab ipsis petantur.

CAPUT XI.

De Levitis illis, quorum ministerio sacerdotes utebantur. classes eorum, & diversa munia. Nethinai. Lex annaria de Levitis lata quando cessaverit. Levitas non iidem, ut sacerdotes, repro-

batos fuisse. Quantum nefas fuerit, con-
fundi eorum ministeria.

Sequitur ut præterea de Levitis quæ-
dam dicamus, quorum appellatio
duplicem rationem habet. modò enim
sic dicti communiter omnes ii sunt,
qui de tribu Levitica essent, ad quos in-
universum ea pertinent, quæ suprâ di-
ximus in hujus libri capite ix. Inter-
dum verò hoc nomine vocantur, qui
in urbe Ierosolyma per vices sacrum
ministerium subibant, quod erat lon-
gè à sacerdotum functionibus diver-
sum. De qua re breviter dicendum
nobis hîc est, ne eam partem non at-
tigisse videamur. Igitur Levitarum ho-
rum munus fuit sacerdotibus mini-
strare, eaque obire, quæ ignobilioris
operæ erant. Planè enim, quod Ro-
manis inter sacra atque in templis vi-
ctimarii, popæque, & æditui, ac præ-
ciæ, tibicinesque præstitère, id Iudæo-
rum mos, lexque Levitis demandave-
rat, non omnibus hercle, sed iis dunta-
xat, qui progenitòrè Levi fati, genus ta-
men suum ab Aharone non traxerunt.
Etsi enim profectò Aharon quoque
eodem sacro editus fuit, tamen, quia in
ejus familia & posteritate dignitas ste-
tit sacerdotii, non ita frequenter in sa-

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

CO:02

cro codice Levitarum nomen datum nepotibus ejus est. Ac initio quidem, ex Mosis instituto, Levitæ sacerdotibus duntaxat operam navabant, arcamque humeris portabant, & vasa sacra curabant. Ejusque generis mox clâsses viginti & quatuor David fecit, quæ singulæ per vices suas hebdomadam unam in templo essent: planè quemadmodum etiam sacerdotum divisæ stationes erant. Cæterum idem ille rex David eadem lege totidem quoque familias alias instituit Levitarum, quorum pars voce, alii organis nabliisq; inter sacra canerent. Ac rursum eodem auctore viginti & quatuor stationes ædituorum factæ sunt. Postremo, quemadmodum Levitæ sacerdotibus ministrabant, ita ipsis Levitis dati alii sunt, qui lignatum aquarumque mitterentur. Ii primum Gibeonitæ erant, quos maximus populi ductor Iosua in bello servaverat. mox Davidis Salomonisque tempore alii ex victis gentibus accessere, atque uno nomine omnes appellati Nethinæi sunt, quasi dedititios aut adscriptitios dixeris. Verum hæc Cornelius Bertramus, Carolusq; Sigonius, eruditissimis ambo commentationibus, tam diligenter persecuti sunt, nihil ut addi à

nobis possit. Quare alia quædam cumspiciamus. In tractatu Talmudico, quem Massechta Cholin appellat, in fine capitis primi, annotatum legem eam numinis, quæ Levitis quinquaginta annos natis missionem danda non haud perpetuam esse, sed eo tempore duntaxat valuisse, cum transferendum identidem sacrum tabernaculum esset. mox enim, cum religionum remoniarumque sedes stabilis in aëre Hierosolymitana esset, nunquam eo solenni ministerio sese abdicavisse, quin quinquagenariis majores erant. In extremo ejusdem capitis traditum quodque est, non fuisse in Levitis id spectatum, an corpore integro essent. nullum enim vitium fuisse, quod sacrum munere eos prohiberet. Quare profecto, quod de sacerdotibus, deque Pontifice diximus, ad hos non pertinet. Vocem tamen ibidem Talmudici excipiunt, quæ, grandi ætate cum deficeret, vitium in cantoribus fecit. Scribit Maimonides, crimen capitale fuisse, si Levita sacerdotis curas capefferet, aut ex ipsis Leviticis muniis aliquod ejusmodi obiret, quod assignatum illi non esset: puta, si ædituus cantoris vicem fungeretur. quod si sacerdos Levita ministerium subiret, non illum capit

po

pœnas luisse, sed tamen חשך נלה contra numinis interdictum fecisse.

CAPVT XII.

Templum Ierosolymitanum, Cur intus illic tanta vis auri. De templis veterum, in quæ aurum non inferebatur. non esse id Iudaorum institutis contrarium. Confutatus quorundam error. Talmudicorum scitum de iis, qui sacram adem adeunt. Quid sint תעוּבָה in Messia edicto. Salomonis industria in templi extructione. Quam celeriter consummata ea operis moles. Dianæ Ephesiæ ades quibus impensis & quam lente adificata. cur in palustri solo ea posita. Iudaorum commentum de monte Moria.

Nihil rerum Iudaicarum pulcrius, magnificentiusque fuit, nec quod magis celebratum monumentis omnium sit, quàm illud immensæ opulentiae templum, quod in urbe Ierosolymâ extructum, dedicatumque à Salomone est. Ejus descriptio luculenta apud Flavium Iosephum extat in octavo Antiquitatum libro. Quare nos, quæ de magnitudine, deque arte & modo operis dici possunt, non exequemur. Vtique, quod hujus ædis in-

terius sacrarium auro magni por-
 ris obductum erat, quodque vas
 numera ex puro puro auro con-
 sunt, non regis effusa quædam lib-
 litas in summâ opum affluentia v-
 debet, sed iussus edictumque num-
 fuit. Non æstimat quidem dono
 pretia, neque terrenis indiget op-
 summus Deus, cujus est hoc or-
 quod videmus, & non videmus: se-
 men grata illi mortalium pietas ef-
 offerentium quod amant ipsi v-
 menter, rerumque humanarum n-
 mum putant. Ait Plutarchus in
 ticis præceptis, templa quædam
 fuisse, in quæ ingredi nefas fuerit
 auro ante fores posito. Ex quo
 quidam incomparabiles colleger-
 antiquitatem, cujus iudiciû in-
 ruptissimum fuit, delubra damna-
 quæ donariis magnificis, & multo
 ro radiarent. In quo certè eos
 fugit. neque id Plutarchus voluit.
 è vestigio ibidem illud addit, etiam
 rum eos deposuisse, ædem qui in-
 vellent. & in promptu esse caus-
 triusque nobis videtur. nam &
 auro nummisque, aut ornatu op-
 siore adstare debuerunt, qui diis
 plices in loco augustissimo erant
 rursum, magis sibi opem omnem

in numine positam intellexêre, qui ferro armisque se nudaverant. Ego verò Plutarchum, ista cum scriberet, cogitasse de veteri Ierosolymitana æde opinor. Penè enim eadem sunt, quæ traduntur in Talmudis tractatu, quem Massechta levamos appellant; in capite primo: ex quo ista transscripsit Maimonides, quæ in Halacha Beth Habechira leguntur, in capite לא יבא אדם להר הבית במקלו או במנעל שברגליו או באפונדתו ובמעורת הצרורין לו בסרינו: *Nemo in montem templi veniat cum baculo, aut calceamentis pedum, neque cum mantica aut pecuniis linteis involutis. Apud Divum Marcum in Evangelii cap. xi, servator hominum Messias, cum reducere priscum ac fugitivum morem vult, edicit ὅτι μὴ τις δευέγκηται εἰς τὸ ἱερὸν, ne quis per templum eat vasis ullis, instrumentisve, aut impedimentis onustus. Ita enim id, quod ὅτι dicit, accipimus, ut ad loculos etiam, & ascoperas, atque ad ea omnia pertineat, quæ oneri exuberant. Certè ille idem Messias, cum propter excellentem sæculi perversitatem vetus hoc institutum exolevisset, nummularios, atque eos, qui intenti distrahendis mercibus erant, procul à sacro limine abegit. Templi admiranda moles urbem*

bem ex alto despectavit. Posita enim in montis crepidine fuit, cujus spatium rex Salomo ampliavit, aggesta in profundissimam vallem humo ad altitudinem quadringentorum circiter cubitorum. Consummata autem tanti operis constructio intra septem annos est. Quod pene incredibile dixeris. Sanè tardior in ædificando Græcia fuit, quæ Dianæ Ephesiæ templum ducentesimo & vicesimo anno vix absolverat, etsi adjuta totius Asiæ opibus est. sed cœpti difficultas ex natura loci fuit. quippe condi eam ædem in palustri solo placuit, ne terræmotibus quateretur. Vanissimum est, & exhibilari debet, quod Rabbi Eliezer in capitulis suis ex communi Iudæorum opinione prodidit, montem, in quo ædes Ierosolymitana stetit, hunc ipsum esse, in quo primus hominum parens Adamus sacra fecit: atque ibidem mox Abelum, Cainumque munera sua numini obtulisse. rursus vero & Noachum illic altare posuisse, cum ex arca egrederetur: & Abramum cœlestibus monitis huc profectum fuisse, uti filium mactaret. Eiusdem generis est, quod in Bereschit Rabba, in Pasuk וייר, & in Talmudis Hierosolymitani tractatu, qui נזיר inscriptus est, in ca-

pite

pite xxiii legitur, Adamum ex pulvere illius montis esse conditum, atque recte dictum à sapientibus veteri verbo esse, שִׁנְרָא מִמְקוֹם בְּמַרְחוֹ creationem ejus in illo loco contigisse, ubi peracta ejus expiatio est. Nemo nostrum tam bardus est, qui hæc credat. Et tamen ipsis verus commentum placet. Sed hæc deliria pluribus persequi, id vero nostrum non est.

CAPVT XIII.

Admiranda quadam de templo, deque sacrificiorum & sacerdotum multitudine. De festo Paschatis singulare quid, & penè supra fidem. Lignorum tres strues in altari. De æternis ignibus. Corban Habitsin, oblatio lignorum, & dies festi ad hanc rem. Talmudicorum & Flavii Iosephi discrepantia. Superstitio eorum, qui intraverint templum, quique exiverint ex illo.

Difficile esset dicere, quot sacrificiorum oblationumque genera & causas Iudaica religio habuerit. Sanè, cum Flavius ¹ dicat, in singulis classibus, quæ hebdomadam unam per vi-
ces in templo sacris operabantur, fuisse

¹ In Apolog. adversus Apionem.

se plus quàm quinque millia sacerdotum; omninò opus ingenti victimarum numero quotidie fuit, ne tot manus otiosæ essent. Notat idem scriptor² uno die Paschatis ducenties quinquagies quinquies millena & sexcena animalia immolata esse. Diximus autem, solenni Paschatis die, & præterea duobus aliis festis, omnes sacerdotum classes Ierosolymam venisse, & junctis operis sacra simul fecisse. ut jam necesse sit, eodém tempore, atque die uno, centum & viginti millia sacerdotum munus suum obiisse. Quod si jam è numero victimarum, quas cecidisse Flavius in illo festo prodit, mactatas à sacerdotibus singulis binas cogites, supersunt quindecies millenæ, & sexcenæ, quæ adhuc quærunt, cujus manu pereant. Porro harum omniû immolatio facta in uno altari est, in quo quotidie tres lignorum strues compositas fuisse, Rabbi Moses Aegyptius ait. de quibus singulatim illud prodit, in Halacha Temidin & Musaphin, in capite secundo: ראשונה מערבת גדולה שעליה מקריבין החמיר עם שאר הקרבנות: שנייה בצדה קטנה שממנה לוקחין אש במחתה להקטיר קטורת בכל יום: שלישית אין עליה כלום אלא לקיים מצוות האש שנאמר אש תמיד תוקד :

² Lib. 6. αἰλώσ. cap. 45.

:תרין *Prima strues, inquit, magna erat,*
in qua jugè sacrificium, ceteraque, quæ
offerebantur, apponebant. Secunda, ad la-
tus ejus, minor fuit. de qua ignem excepta-
bant acerra, ut suffimenta in altero altari
adolerent, quod prope Sanctum Sanctorum
erat positum. Tertia illud duntaxat ha-
buit, quod ratam faceret legis divina præ-
ceptionem, quæ de igne extat ejusmodi, Ac-
cendes ignem perpetuum. Scribit Flavius
 in libro secundo αλώσεως, in capite
 tricesimo & primo, fuisse Ierosolymæ
 diem festum quendam, quem תעֲלוֹ
 לוֹפֹרֶת ipse appellat propterea quod
 Iudæi tunc omnes ex sylvis magnam
 lignorum vim in templum comporta-
 bant ad alendos sacros ignes, quos esse
 æternos, & nunquam extinguī lex di-
 vina jussit. Hic verò leviter à Flavio
 Talmudici discrepant. Ajunt enim,
 non id uno tempore factum ab omni-
 bus simul esse, sed familiis singulis ad
 hanc rem fuisse certos dies constitu-
 tos. quod nos ita accipimus, ut status
 quisque dies plures familias, puta vi-
 ginti aut triginta, hujus officii causa
 sociaverit, non Iudæorum hercle per
 reliquam Palæstinam habitantium,
 sed Ierosolymitanorum duntaxat. Ad-
 dunt Talmudici, eas familias, quæ li-
 gnationum vices in orbem redierant,

hole-

holocaustum spontaneum obtulisse, quod קרבן העצים dictum fuit, quoniam superadditum lignationi est. fas autem illis non fuisse, ea tempestate in luctu & squalore esse, aut jejunio se macerare. Talmudicorum sententiam Maimonides illis verbis complexus est, in Halacha Cele Hammikdash, in capite sexto: זמן קבוע היה למשפחו' לצאת ליערים להביא עצים למערכי: ויום שיגיע לבני משפחה זו להביא העצים היו מקריבין עולות נרבה והו קרבן העצים Porro, ut in animis major veneratio inesset sacræ ædis, introductum illud non lege Moisaicâ, sed vetustissimis Iudæorum institutis est, ut quisquis templum intrabat, gressum ad dextram obverteret, ac sic circumiret, eâque viâ egredere-tur, quæ ad sinistram erat. Contra autem, qui in luctu fuere, qui ve ejecti ex Iudæorum communione erant, eo submotionis genere, quod נירוי appellatur, iis circuitio facienda à sinistra dextrorsum fuit. Quin ipsi sacerdotes, cum rem sacram fecissent, recessim ad portam atrii cedebant, penè ut nepæ solent, sed paululum tamen obliquato latere. Hæc, & id genus plura in libris Talmudicis traduntur, & referenda ad illud tempus sunt, cum jam in animos homi-

DE REPVB. HEBR. 177
hominum, res insana, superstitio in-
vasisset.

C A P V T XIV.

*Addita religionibus majestas. Talmudi-
corum sententia de muro, qui adyta se-
parabat. & cur is in templo secundo
non restitutus. De custodiis templi. An
rectè eas Maimonides esse ex lege tradi-
derit? Morbi crebri sacerdotum unde
fuerint?*

FVit illud à sapientissimo Salomone,
non ab seris nepotibus ejus, institu-
tum, ut discreta sacerdotum, Israelita-
rumque, & mulierum atria essent. Ita
provisum rectè est, ne religionem
commixtio fœdaret. Nam quod ipsis
sacerdotibus non penetrare in templi
intima licuit, sanè verò etiam id au-
gendæ majestatis fuit, cujus major est
ex occulto admiratio. Atque ante qui-
dem, cum inter Sanctum & Sanctum
Sanctorum murus quidam unius cu-
biti latitudine stetisset, pòst cum ædem
secundam ii exstruerent, qui reversi
Babylone erant, dubitatum est qua
proportionem, quove pacto spatium
ejus muri immissum in Sancta, inque
Sanctum Sanctorum fuisset: &, cum
decidi ea res nequiret, vice muri duo
M vcla

vela oppansa sunt, inter quæ spaci-
 cubiti interfuit. nam antea ha-
 duntaxat unum pependerat. Tunc
 id à Rabbi Mose Ægyptio et
 capite iv, in Halacha Beth Habb-
 ra. Atque ex eo constat, quam scr-
 losa eorum hominum religio fu-
 Sed ejus rei etiam alia docum-
 sunt. Ait ille idem magnus Rabbi
 semper Levitarum sacerdotumque
 cenas quaternas stationes excu-
 nocturnas in æde sacra, & circu-
 lam iniisse, non quod ab hoste gra-
 toribusve metus fuerit, sed uti ho-
 religionibus esset. Leges autem
 præscriptæ ejusmodi fuere, ut sacer-
 tes intus, Levitæ foris custodirent
 illorum quidem tres, horum ver-
 sent xxi stationes. Denique Levita-
 tas noctes pervigilabant. at sacer-
 bus somnum capere haud nefas
 Non culcitæ tamen, non tome-
 mollem requiem illis fecerunt. co-
 miendum humi in solo erat; ut ho-
 lis commune fuerit cum Delphicis
 pollinis sacrificulis, qui à Callima-
 perquàm eleganter dicti sunt

*μηλεχέες θεράποντες ἀσιγῆτοιο
 ὄντες.*

Nos hæc, quæ de custodiis dixim-
 fero admodum, & labante republi-

esse instituta putamus, quo tempore multa alia sunt inventa, quorum nec vestigium antea, nec vola extiterat. Nam quod summus Rabbinus Aegyptiustestimonia quædam ex Pentateucho recitat, utique mendose facit.

Quæ enim cunque in Numerorum capite secundo & tertio edicta sunt de castrorum metatione, quam circum tabernaculum fieri in deserto oportuit, ea verò ad urbem Ierosolymam traducere, ubi sacris ceremoniisque tuta sedes fuit, magna imprudentia est. Quid quod post Babylonienſe exilium quindecim munera in templo administrata sunt, de quæis Iudæorum reges antea, qui de Davidis familia fuere, nunquam cogitaverant? Ea memorantur in Talmudis tractatu, qui Massechta Schekalin dicitur, in capite v. interque hæc fuit, cura temporum solennium, aquarum, sortium, custodiarum, vestium, panum Propositionis, cortinarum, suffimenti conficiundi, & aliarum rerum, quas recensere pretium operæ non est. Fuit autem singulis præfectus quidam impositus, quem ממונה appellabant: eratque sub nutu ejus ingens ministrorum multitudo. Ait Maimonides multis morbis obnoxios sacerdotes fuisse,

propterea quòd carnibus fere ve-
bantur, & leviter vestiti inter ren-
vinam amiculis lincis erant, quæ ex-
re toties, & sumere necesse habu-
quoties aut operationem intermi-
bant, aut redibant ad eam. tum &
pavimento stabant semper, neque
dere illis in toto atrio, in quo sa-
fiebant, fas fuit. Hinc languor, ve-
rumque inflatio, & mille mala. Ha-
illud incitè dictum à Iuvenale est
causa plane simili,

--- *varicosus fiet aruspex.*

Igitur delecti sunt, qui publice sac-
dotum curarent valetudinem. qui
præerat is, quem ממונה על החולים
pellant. Sed de his hætenus. Cæte-
quæ de templo præclare Talmud
tradiderunt, iis relinquimus, qui f-
tatis post nos aliquando hujus me-
reliquias persequentur. Duntaxat en-
aliorum excitare ingenia voluimus.
Et jam illud à nobis, opinor, effectum
est, omnes ut intelligant, permulta
se, quæ de rebus Iudaicis adhuc d-
post eruditissimorum aliquot hom-
num commentationes possint.

C A P V T XV.

*De Ierosolymæ & templi excidio. Quæ
Romanos ad rem atrocissimi exemp-
sol*

solicitaverit. Casus quidam admirabiles à Iudais notati de excidio templi prioris & posterioris. Titi miseratio & lacryma. De tertio templo, quod adhuc exspectant Iudai. Alia Capitolina in ruinis Ierosolyma condita, & additum à Casare Hadriano ludibrium.

IAM ad alia divertamus. Fuit ab omni ævo magnis quassata tempestatibus urbs Ierosolyma, in qua ædes sacra, & religionum domicilium erat. quippe Assyriorum primò, Babyloniorumque, mox Antiochi Epiphanis, aliorumque regum, ac postremo Romanorum quoque sensit arma. Capti cives, diruta mœnia, vasta omnia mœstaque fuere. Vetus templum incenderat Nabuchodonosor, instauraverat autem denuo Zorobabel. Sed deerant ad priscam altitudinem sexaginta cubita. Quare Herodes multò post, opibus & omni rerum copia affluens, reddidit illi eximium decus. Et jam erat hæc ædes inter orbis miracula. Nulla fuit tam seposita aut barbara gens, ex qua spectator in Syriam non veniret. Sed fati ea lex est, nunquam datum ut sit rebus summis, stare diu. Decreverat tantarum rerum cumulum diruere Deus: &, quia vim suam

ingruentem frangi non volebat ,
 sus est temeritate paucorum quor
 dam ad defectionem sollicitari po
 lum. Paruit ducibus suis impru
 multitudo , & reverentiam exc
 Romani principis. Ita error in cult
 transiit; & cum causa atque origo
 nis furoris apud autores esset , po
 omnium fuit. Obsedit Hierosolym
 vastavitque Titus , ac ne templo
 dem pepercit , quod manserat an
 tot cladibus incolume. Res admin
 da est, & singularis quædam divini
 dicii nota id, quod Rabbini obser
 verunt , quibus studium est vetera
 recentiora contendere , atque om
 scrutari subtilissime. Recitabo ve
 Hebræa ex Chronico , quod Seder
 lam vocant : ר' יוסי אומר מגלגלין
 ליום זכות וחובה ליום חובה שנמצאת
 ר' כשרב הבית בראשונה אותו היום
 אי שבת היה ומוצאי שביעי היה
 שמרתו של יהויריב היה ותשעה באב היה
 שניה וזוה וזוה הלויים עומדים על
 כן ואומרים שירה וישב עליהם את אונם:
 Eorum est talis sententia , sed paulò
 berius à nobis reddita: *Rabbi Iose*
xit: Quemadmodum meriti remunerat
etiam post longum tempus , recidit ac
volvitur in eundem diem , ita & pecca
Atque id experimento compertum e
 na

nam cum antea vastaretur templum, erat extremum sabbati: & rursus extremum septimi anni erat. præterea erat septimana¹ stationis Ioarib, & nonus dies mensis Ab erat. Et ita fuere quoque hæc omnia in secundo excidio. In utroque autem Levitæ stabant in cathedra, recitabantque oden hanc: Retribuet illis iniquitatem suam. Apud Iosephum accurata est excidii descriptio. Sanè ait ille tam tristem tunc rerum faciem fuisse, uti miseratus eam hostis quoque sit. etenim Titum, cum everfa omnia, dirutaque cerneret, ingemuisse cum dolore; & defectionis succensuisse autoribus, quorum excrando scelere acceleratum urbis fatum erat. nam illum, non nisi invitum, tam aspero remedio admovisse manum. Et sanè non erat illi viro animus ferox, insatiabile gentium malum. Deliciæ enim amorque non Romanorum, sed humani generis, dictus habitusque est. Verùm, quid ageret? Reipublicæ causâ adhibenda severitas fuit, & crudelem medicum intemperans æger fecit. Periit urbs, quam perire etiam pereuntium intererat. Iacebat dirutum, flammisque exustum

M 4. tem-

¹ Ita appellat Iudæus magister תלמוד ע-
 פהמערין, sive פולאקל.

templum, quod per XLVI annos
extruxerant reversi exules: deni-
quod refecerat tandem, & ad in-
diam ornaverat Herodes, nihil ut
inimici in eo, nisi pulchritudinem
parent. Verissimus vates apud Divi
Matthæum Messias est, cum ita in
ἔμὴ ἀφεθῇ ὡς λίθος ἐπὶ λίθον
ἔμὴ καταλύσεται. *Non relinquetur
hic lapis super lapidem, qui non dissolu-*
tur. Inter summam magnificentiam
& deformes reliquias momentum
tercessit. Ita vertuntur subito cunctæ
& omninò natura, quæ ad originem
rerum parcè utitur viribus suis, ad
nam toto impetu venit. Exspectant
huc Iudæi tertium templum, ajunt
tribus Patriarchis, Abrahamo, Isaac
& Jacobo suam cuique deberi æde-
m. Id erutum ab illis ex sacri codicis
busdam locis est, quæ non intellex-
erunt. Ita se miseri sua spe solantur, & cunctis
Sabinis somniant quod volunt. Tem-
pli urbisque vix vestigia restabant, cum
Hadrianus Cæsar, multis post Titum
annis, in eodem solo Aeliam suam,
pro templo veri numinis quoddam
exstruxit templum Iovis Capitolini.
Ad hoc, in fronte portæ, qua Bethle-
em iter erat, suam posuit marmo-
re insculptam, uti Iudæos malè ureret in
cuius

DE REPVB. HEBR. 185
tuitu exosissimi animalis. Hoc memo-
riæ proditum ab eruditissimo Euse-
bio est.

C A P V T XVI.

*De templo Samaritanorum, quod in mon-
te Garizin. Qui fuerint Chutai. Vnde
aduecti in Samaria sedes sint. Quanto
deteriore conditione fuerint quam Iu-
dai. De religione eorum quædam. Fuiſ-
ſe eos primum idololatrias: mox, abdicato
idolorum cultu, lapsos in hæresin esse.*

ATque ædes quidem Ierosolymita-
na, de qua jam diximus, à solis cul-
ta Iudæis fuit. Samaritanorum autem
aliud quoddam templum in monte
Garizin erat, quod Sanaballetes, ma-
gni Alexandri permissu, extruxerat,
uti generum suum Manassien pontifi-
catu ornaret. Quare profectò, cum
pridem antea Iudæi Samaritanique
per æmulationem diversa sacra ha-
buissent, recenti hac ædificatione mi-
rum in modum vetera odia exarsere:
quæ mitigari nec tunc quidem conti-
git, cum, ducentis post annis, dirutum
id templum ab Hyrcano est. De Sama-
ritanis, quos sæpe rerum Iudaicarum
scriptores loquuntur, pauca in transi-
tu dixisse satis erit. Non erant illi vera
Israëlicarum propago, sed incondita

colonorum multitudo, quam ex C
 tæorum, Babylonienſiumque, & C
 mathæorum, ac Sepharvaimitar
 Chavæorumque ſedibus collectam
 Aſſyriæ in Samariam tranſvexe
 poſtquam Iſraëlitæ omnes, qui ſe
 ſionem à Iudæis fecerant, abduç
 longa exilia, diſperſique per Colch
 Parthos, atque Æthiopes ſunt, n
 quam ut ex illa tempeſtate in Pala
 nam redierint. Quare jam Samar
 ni, qui in vacuam eorum region
 miſſi ſunt, nihil niſi retrimenta ho
 num & mendicabula fuere, plane
 ſunt illi apud Siculum vatem

---ἐπεὶ λόγῳ πινὸς ἀξιοί, ἐπ' δὲ
 μητοί,
 δύσανοι μεγαρῆες ἀπιμυτάτη
 μίρα.

Sanè quanti pretii fuerint, monet
 vetus Iudæorum verbum, quod Rab
 Elias refert, היה דור המלך דומה
 על הפתחים *Cui rex T*
vid ſimilis fuit? Chutao oſtiatim ſtip
petenti. quod nos de maximo rege
 ctum putamus, qui apud Acifchum
 luvie ſordibusque ſeſe fœdaverat,
 contemptu tutus foret, ubi in iure p
 rum præſidii eſſet. Apud Roman
 quidem, proſtigatis penitus Palæſtin
 rum rebus cum victoris arbitrio j

omi

omnia amitterent retinerentve tam Samaritani, quàm Iudæi, longè deteriore conditione Samaritani fuere. Interdictus enim illis omnis legitimus actus fuit: ac duntaxat testamentaria testimonia, quæque in ultimis elogiis, vel in contractibus consistunt, propter utilitatem publicam permittæ illis sunt, ne probationum facultas angustaretur. Iudæis vero testimonii quidem dictio contra orthodoxos in iudiciis non fuit. at inter se, ubi litigandum existimassent, fœdus permixtum habuere, & dignos litigatoribus etiam testes introducebant. Quæ constituta in hunc modum à Iustiniano sunt in *l. xxi. C. de Hæreticis & Manichæis*. Idem porro Iustinianus in *Novel. cxxix, Samaritas pridem atroces, elatosque contra Christianos, & in omnium velut novissimam superbiam excedentes* ait: ut mirari nemo amplius debeat, cur in *Novel. cxliv.* cautum sit, ne majores natu, qui eam superstitionem coluissent, ad sacrum lavacrum admitterentur, antequam Christianismi elementis initiati per duos annos essent. De religione eorum simplex esse sermo nequit. variata enim identidem temporibus est. Ac initio quidem Israëlitarum, qui à Iudæis per civiles discordias

segre-

segregati Samariam incolebant, eorum cultores fuere, vitulosque reos venerati sunt ad Ægypticam imitationem, quibus summum men Apiserat. Mox, qui in vacu- des eorum adducti populi sunt, ge- lia singuli sacra habuere. Chama- enim Aschimam, Chutæi Nerga- Babylonienses Succot Benot, H- Nibchanem & Tartacum, Sepha- mitæ Adramelechum atque Hana- lechum adoraverunt. Ea enim- usus Esar Chaddon Assyriorum re- cum novos colonos in Samariæ a- deduceret. Nihil sibi fore adversus- ditos utilius credidit, quam si in co- mune consulere eos religionum- sineret diversitas. Quanquam possi- dum, cum nova malorum cohori- ris illis incumberet, legatorum, missi ab illis sunt, precibus idem- permotus, sacerdoti Israëlitico- tiam exilii fecit, ut propere profe- sacra patria eos edoceret, placare- iratum numen. Ita veterum indig- rum ceremonias receperunt. sed- tamen in animis omnium mansit- tilis superstitio. Tandem autem, quidem admodum, sed aliquandiu- men ante Sanaballetæ tempora, p- tus omnem idolorum cultum ab-

cav

cavere, secutique eas religiones sunt, quas divinus Moses præscripserat. Hîc vero notanda insignis eorum hæresis est. Etenim, cum Iudæi tria volumina sacri codicis susceperint, Pentateuchum, Hagiographa, & vatum effata, in quibus singulis divinitatem spirare, atque inesse quiddam sacrosanctum credunt, ipsis visum est solum Pentateuchum retinere; cætera, tanquam leviora, atque ab hominum ingeniis profecta, aspernari.

CAPUT XVII.

De Hæresibus sectisque Iudæorum. Quando ea orta sint; & vera causa earum. Cur ante exilium Babylonienſe in idololatriam, post illud exilium vero in hæreses inciderint Iudæi. Quare difficile sit ab idololatria ad hæresin deſciſcere. De Bano, deque Gaulonitis, & Zelotis, item de impostoribus quibusdam, qui in Iudæa religionum prætextu grassati ad res novas sunt.

Samaritanorum prava de Hagiographis opinatio, quam percrebuisse diximus, tunc orta demum est, cum à paganorum superstitione recesserant: ut non ante facti hæretici sint, quam esse idololatræ desiissent. Sane etiam
Iudæis

Iudæis plane in eum modum res processit. de quorum sectis ut deinceps aliquid dicamus, nunc bona occasio est. Illud hercle constat, non semel Iudæos à recto numinis cultu ad sacra peregrina, atque ad falsos deos convertisse. unde tot vatum acerbæ conciones in eam gentem fuere, quæ etiam nunc hodie amplissimis literarum monumentis consecratas viriter terit publicus usus. Sed rursus illud observavimus, sub posteriore tempore Iudæos, cum ab omni idololatria alienissimi erant, diverso genere vitiosos fuisse. Etenim ex illo tempore variæ interpretationibus sacri codicis, dissensionibusque de religione, deque rebus divinis inter se pugnaverunt. Quare aliud malum, non leve profecto, ortum tunc est, sectæ hæresesque. In partes enim se divisere varias homines male curiosi: atque uno ex errore infiniti, diversi omnes, & contrarii nati sunt. Iam primum Saducæorum vesana opinio permultos tenuit, esse animas, ut corpora, mortales, neque post vitam præmia aut pœnas bonos malosve sequi. Et rursus Pharisei, homines supra modum factiosi, commentis suis legem divinam multo latius, quam summus Moses voluit, extenderunt.

Ex

Ex quibus dehinc Essæi tertium genus
orti, religionum sanctimoniam om-
nem paulo magis scrupulatim ad an-
xias quasdam superstitiones exege-
runt. Hæc dissensionum atque secta-
rum nomina tunc reperta demum
sunt, cum vates sacri sub templo poste-
riore nulli essent, & idolorum cultum
nesciret amplius Iudæa natio. At ante,
cum prophetarum vox Palæstinam
sub priore templo personaret, idolo-
latriam quidem secula viderunt, hære-
ses autem, perversæque & pugnantes
de religione sententiæ nusquam erant.
Cujus rei ratio perquam probabilis edi-
potest. Enimvero qua tempestate vates
verba cum numine commutabant, aut
alio pacto cœlitus ea accipiebant, quæ
publicanda mortalium generi erant,
nullæ disceptationes controversiæque
oriri de sacrorum curatione, deque
legibus & præceptionibus divinis po-
terant, propterea quod erant in me-
dio, qui mortalium ineptas hæsitatio-
nes, & disputandi intemperiem rese-
carent. Autoritate enim plus quam
humana armati vates, legum sacra-
rum atque ipsius numinis voluntatem
proloquebantur. Quare, qui illis au-
scultare recusabant, profecto quoniam
infirmirate iudicii, aut errore vel ig-
noran-

*image
not
available*

vitis populo est, aut etiã domi à singulis legebatur. interpretatio magistrorum, commentatioque nulla erat. At sub posteriore oraculis cessantibus, receptum paulatim more publico est, ut verba Biblici contextus, sensaque explicarentur. Ad quam rem eruditi ingenium suum advocavere. Ex quo natæ disputationes, sententiæque contrariæ sunt. & cum pertinax studium, pravaque ambitio accederet, sectæ atque hæreses extiterunt. Scio equidem, ante Babylonienſe exilium fuisse quosdam, qui Naziræi, Kenæique, & Rechabitæ dicerentur: sed ii certâ quâdam vitæ disciplina, non opinionibus sentiisq;e, diversi à reliquo populo erant. Quare id profecto ad rem, de qua nunc agimus, nequaquam pertinet. Porro jam promptum est divina-re, cur sub posteriore æde, cum ortæ hæreses sunt, idololatria locum apud Iudæos non habuerit. Ita enim comparatum natura est. Constantissime motales eas ceremonias religionefque tenent, quas commentis suis atque fictionibus adornant interpolantque. Amat enim quisque hoc, quod re-pertum à se est, & ingenio suo applaudit. Nulla mater filiolar suam æque exosculatur, ut isti sectarum patres in-

venta sua. Quare Iudæi profectò hac mercede postremis temporibus Mo-
saicam religionem coluerunt, dum de
suo adderent quippiam. Quod quia
per vates non licuit antea, sæpe deser-
tores facti sunt, & ad idola sese con-
verterunt. Diximus principes sectas
tres fuisse, Phariseorum, Saducæo-
rum, Essæorumque. Eas Flavius Iose-
phus se perambulasse, tentasseque sin-
gulas ait, uti quid in quaque proban-
dum maxime esset, exquireret. Mox,
cum studio sapientiæ flagrantem ani-
mum coërcere nondum posset, per
totos tres annos apud Banum quen-
dam se fuisse scribit, qui in deserto cor-
ticibus arborum vestitus, cibos dun-
taxat sponte natos sumebat, corpus-
que nocte & diē frigidis undis merge-
bat, quo vitam castius ageret. Sunt
apud eundem Flavium plures aliæ se-
ctæ, de quibus differere longa mora
esset. Ex his quædam, quia religionis
obtentu & honestis vocabulis summa
reipublicæ, atque ea, quæ imperii erant,
tentabant, factiones potius, conjura-
tionesque, quàm sectæ fuere. Vtique
Gaulonitæ, pervicacissimæ pietatis ho-
mines, ut Cæsarem de cervicibus suis
depellerent, solum Deum tenere ter-
rarum regna jactabant. Et in Zelota-
rum

tum motibus, qui omnem pene Iudæam turbaverunt, nihil perinde obfuit, atque mos jam exortus, ut speciosa præscriptione homines quidam turbulenti spei suæ, cupiditatisque velificarentur. Iam illa quoque non instinctu divino, sed dominationis libidine evenerunt. Theudas impostor quidam sub Cuspido Fado, ingenti Iudæorum multitudini persuaserat, uti bona convasarent, seque ad Iordanem sequerentur. Vatem enim esse se professus est, promisitque se flumen istud siccis pedibus transiturum. Nec minore vesania Ægyptius quispiam populum ad Olivarum montem, quasi numinis imperio, vocabat, iturus hinc Ierosolymam, atque una voce muros urbis subversurus, ut per ruinas apertum iter tutumque omnibus foret. In universum vero Flavius, cum Iudææ statum publicum, qui sub Felice erat, exsequitur, pene indignabundus illud in hunc modum ait ¹, ληστειῶν ἡ χώρα ἀνεπλήσθη, καὶ γῆταιν ἀνθρώπων, οἱ τ' ὄχλον ἡπάταιν. Latronibus tota regio & quibusdam magis atque fascinatoribus repleta est, qui multitudinem seduxere. Et mox de iisdem ita subjicit,

N 2

δει-

¹ In lib. 20. Antiq. cap. 6.

δεῖξεν ἑφάκαν ἐναργῆ τέρατα καὶ ση-
 μεῖα καὶ πλὴν τοῦ Θεοῦ περὶ νοῖαν ἡνό-
 μμα. Ἐ πολλοὶ περὶ δέντες, τ' ἀφ' ἑρ-
 Cuius primæ ias υπέχον. *Manifesta*
manifesta prodigia atque portenta se edi-
turos, quæ Dei cura providentiæque eve-
nirent. Et plurimi, cum fidem illis habe-
rent, dementiae suæ stoliditatisq; pœnas per-
tulerunt. Usque adeo nihil in speciem
fallacius est, quam fanaticorum quo-
rundam insidiosa huiusmodi religio,
pietasque. Statim enim plebs, ubi Dei
numen magnis ausubus prætenditur,
facilem se ad omnia præbet, & melius
vatibus suis, quam ducibus regibus-
que paret.

CAPUT XVIII.

Virtus bellica Iudæorum. Quanti ea fue-
rit apud externos reges. Verba Chæрили à
Flavio Iosepho male accepta. Qui sint
Solymorum montium habitatores in
Chæрили carmine. Tonsura modus Iu-
dæis vetitus. Quid hoc sit, quod de
Phœnicum sermone Chærilus ait.

DE rebus Iudæorum dicenti, pertra-
 ctanda quoque ea sunt, quæ ad mi-
 litiam eorum spectant. quippe omni-
 no posita omnia sunt latentque in tu-
 tela atque in præsidio bellicæ virtutis.

Sed

Sed profecto veterum Rabbiorum industria adeo incuriose hanc partem reipublicæ Hebrææ pervestigavit, pene ut nihil hîc sit, quod proditum commentationibus eorum meminimus. Fortitudinem quidem militarem in hac gente summam fuisse illud argumento est, quod homines exules, atque Ægypto profugi, quos longus error, & quadraginta annorum calamitas imparatos à rebus omnibus in Arabum desertis attriverat, Cananæam omnem bellicosissimis populis habitatam, brevi tempore subegerunt. Flavius verò ubique, quoties de indole Iudæorum naturaque loquitur, durum à stirpe genus describit, periculorum atque mortis securum, laborisque & inedia patiens penè ad pertinaciæ infamiam. Quapropter reges exteri quoque, cum auxiliares copias aliunde adsciscerent, persæpe usi hoc milite sunt. & compertum egregiis experimentis est, virtute eorum atque ope res esse maximas patratas. Certè Alexander Magnus, dum gentes multitudine infinitas, terrarumque spatiis longe distitas, parva militum manu vinceret, Iudæos partem exercitus sui fecerat, ut gloriam domiti orbis etiam illis acceptam ferret. Tum, quod Fla-

vius adversus Apionem notat, ἡ αὐ-
 τὸς στρατεύων τοῖς πατρώοις ἔθεσιν ἐμε-
 μόνους, ἔκ τε τῶντα ζῶντας. potestati
 illis fecit, ut mores patrios, priscaq; institu-
 ta in militando servarent, ac secundum ea
 viverent. Quod profecto honori eo-
 rum datum est, & apprime tunc inusi-
 tatum fuit. Existimat quoque Flavius,
 Xerxem, cum nobilissimam illam ex-
 peditionem adversus Græcos suscipe-
 ret, Iudæos inter auxilia atq; inter so-
 cios habuisse. Et in fidem ejus rei, testi-
 monium Chærii recitat: de quo pau-
 lisper agendum nobis est, quia nun-
 quam credere potuimus, Flavium re-
 ctè sententiā percepisse vetustissimi va-
 tis. Verba Chærii, quæ Flavius Apio-
 ni objicit, istæc sunt,

Τῷ δ' ὅππην διέβαινε γῆν τε θάλασσαν
 μακρὸν ἰδέσθαι,

Γλῶσσαν μὲν Φοίνισσαν δ' ἀπὸ στρα-
 τῶν ἀφίεντες.

Ὡς δ' ἐν Σολύμῳ ὄρεσι πλατύνῃ
 ἐνὶ λίμνῃ,

Ἀνυχμαλέοι κρυφαί, τροχόχει-
 δες· αὐταὶ ὑπαίθην

Ἰππων δαῖτα πρὸς ὄρωπ' ἐφόρουν
 ἐσκληρότα καπνῷ.

Hæc in hunc fermè modum reddita
 sunt ab interpretibus:

Exin

Homerus celebravit, cum de Vlyſſe navigante ita inſit in Odyſſei:

Τὸν δ' ἐξ Αἰθίοπων ἀνιῶν κρείων
Εἰροσίχθων

Τηλόθεν ἐκ Σολύμων ὀρέων ἴδεν
εἶς αὖ γάρ οἱ

Πόντον ἐπιπλείων.

Atque hos Piſidarum eſſe, atque ab illis incolis, traditum à maximis vetuſtiſſimiſque auctoribus eſt, qui etiam ſtagnum quoddam in vicino ponunt, planè ut omnia Chœrili verbis conſonent. De Phœnicum autem lingua, qua locutos montium iſtorum incolæ Chœrilus ait, ita exiſtimandum eſt, latiffimè uſum ejus idiomaticiſ patuiſſe, ut omnes penè, qui circumcirca erant, populi quaſdam veluti dialectos uſurpaverint ex Phœnicum ſermone. Quare proſectò ad ſolos Iudæos hoc pertinere, nihil neceſſe eſt.

C A P V T XIX.

De bello, quod legē indictum fuit, de quo eo, quod ſpontē ſuſceptum ab Hebræis eſt. Quales pacis leges oblatae hoſtibus ſint. Quid illud ſit, quod Talmudicè de ſeptem præceptis tradunt, quæ ſervanda omnibus gentibus fuere. Quàm citò poſt orbem conditum, & quàm late animos mortalium pervaserit idolat-

latria. Hebraorum notabilis sententia de Abramo: & quando is rectum numinis cultum suscepit.

SEd, omiſſis iſtis, expediamus porro quæ de militia Iudæorū in mentem nobis veniunt. Duplicis generis bella Talmudici conſtituunt, quæ geſta à ſacſo populo fuere. nam & מלחמות מלכות ea bella appellant, quæ jūſſu numinis, legiſque ſuſcepta ſunt: & rursus מלחמות הרשות ea eſſe ajunt, quæ pro imperio, atque ad ampliandam rempublicam geſſere. De priore genere ita Maimonides inſit in Halacha Melachim, in cap. v. מלחמת המצור הנה מלחמת שבעה עממים ומלחמת עמלק ועזרת ישראל מיר צר שבה עליהן Bellum, quod lege indictum dicitur, illud eſt, quod cum ſeptem populis, atque cum Amalekitis fuit: aut ſi ſuppeticas ferri neceſſe fuit cuidam Iſraëliticæ tribui, quam hoſtis invaderet. Septem illi popli, de queis loquitur, fuerunt Chittæi, Girgaſæi, Emoræi, Cananæi, Chivæi, Perizæi, & Iebuzæi, quorum ſedes armis invadere Iſraelitas jubet Deus in Exodi capite xxiv, & in Deuteronomii capite vii. De memoria autem Amalekitarum obliteranda illuſtre eſt numinis edictum in Deuteronomii capite xxv. Ad poſterius bel-

N 5

lorum

lorum genus ea pertinent, quæ subji-
cit ibidem Maimonides, מלחמת הרשות
היא המלחמה שילחם המלך עם שאר העם
להרחיב גבול ישראל ולהרבות גדלתו ושמעו
*Bellum, quod pro imperio susceptum ap-
pellant, illud est, quod ceteris populis rex
intulit, ad proferendos Israëlitarum fines,
atque ad augendam magnitudinem fa-
mamque eorum.* In eadem Halacha in
capite vi persequitur Maimonides
quasdam cautiones, quas in utroque
bello servari summus Deus voluit, quæ
in Deuteronomii capite xx scriptæ in
hanc ferme sententiam sunt. *Cum ve-
neris ad aliquam urbem, ut oppugnes eam,
primum invita eam ad pacem. Si respon-
derint se pacem colere velle, portasque ape-
ruerint, sint tibi tributarii, serviantque
tibi omnes, qui in ea urbe sunt. Quod si
non ineant pacem tecum, sed bello & ar-
mis experiri tecum malint, obside urbem.
cumque tradiderit eam Deus in manum
tuam, percutite omnes masculos acie gladii,
fœminas vero puerosque, & jumenta, de-
nique quicquid erit in urbe, & omnia spo-
lia ejus, auferes tibi, fruerisque prada ho-
stium tuorum, quam dederit tibi Deus.
Atque hoc quidem pacto victoriam exer-
cebis duntaxat in iis urbibus, quæ procul
à te aliis in terris sitæ sunt. At cum iis ur-
bibus, quas tibi Deus tuus habitandas ple-*

no ha-

no hereditatis jure dat, aliter agendum est. Cave enim, ne illic vitam cuiquam homini relinquant. Hic quod summus legislator parcendum illis gentibus ait, quæ oblatam pacem acceperant, ita intelligendum Talmudici ex vetustissima majorum traditione ajunt, ut insuper necesse habuerint eas gentes suscipere septem præcepta, quæ filiis Noachi data ante beatum Abrami seculum sunt. alioquin vitam illis relinquendam haud fuisse, quibus religio nulla numinisque observantia esset. Enimvero Iudæorum sapientissimi ita ajunt, sex res fuisse, de quibus edictum numinis acceperit primus hominum parens. nam & cœlitus didicisse eum, celebrandam divini nominis majestatem esse, atque jura dici mortalibus debere: & rursus, interdictum illi fuisse, ne sanguinem humanum funderet, neve idola coleret, aut rapinas exerceret, tum ne multiplicato mox hominum genere, incestis se nuptiis fœdaret. Atque hanc quidem esse Cabbalicam quandam doctrinam, quæ tradita posteris per manus sit ab usque Mosi seculo: cæterum, ex tacito sensu cujusque, atque in universum ex verbis Penateuchi manifestum esse, hæc præcepta in hunc modum data primo homini

mini fuisse. Tandem vero Noachum
coelesti voce admonitum esse, ne mem-
brum vivi animalis comederet. Scri-
ptum enim in Genesi esse, *carnem cum*
anima ejus, qua est sanguis ejus, non ede-
tis. Ita septem praecepta confici ajunt,

quibus tantisper gens mortalium re-
gebatur, donec Abramo posita lex de
circumcisione fuit. Talmudicorum
sententiam, quæ exposita à nobis est,
eruditissimus Maimonides illis verbis
recitat, quæ extant in Halacha Mela-
chim, in capite ix. על ששה דברים

נצטווה אדם הראשון על עכום ועל ברכת
השם ועל שפיכות דמים ועל גילוי עריות
ועל הגזל ועל הדינים : אף על פי שכולן הן
קבלה בדינו ממשה רבינו והרעה נוטה
להן מכלל דברי תורה יראה שעל גלו
נצטווה : הוכיף לנח אבר מן החי שנאמר
אך בשר בנפשו דמו לא תאכלו נמצאו שבעה
מצוות : וכן היה הדבר בכל העולם עד
אברהם בא אברהם נצטווה יתר על אלו במילה :

Antequam à diverticulo ad rem re-
deamus, libet nobis exponere quid il-
lud sit, quod ex Talmudicorum sen-
tentia diximus, inter septem praecepta,
quæ primis mortalibus data sunt,
etiam hanc sanctionem numinis fuis-
se, qua interdictus illis idolorum cul-
tus est. Vtrique Maimonides in Hala-
cha Habodat Cochabin & Mazzaloth,
luculenter ostendit, vitiosam religio-

nem

nem inter ipsa mundi initia inolevisse. etenim jam tum Enoschi tempore ex hominum quadam superstitione sidera planetaeque in magno honore esse coepisse, licet à vero numine nondum penitus desciscebatur. mox, ut est secunda res error, templa atque simulacra stellis consecrata esse, donec tandem, spreto plane numine divinam religionem omnem planetis duntaxat tribuerunt. Excipit tamen maximus Rabbinus paucos quosdam, Chanochum, Methuscelachum, Noachum, Semum, atque Heberum, qui Deum unum, eundemque vere optimum atque maximum semper pura, integra, incorrupta & mente & voce venerati sunt. De errore enim, qui mortale genus tenuit, deque seculi vitio loquitur. Ipsum Abramum sero admodum, cum jam quadraginta annos natus esset, agnovisse ait Deum conditorem suum. fuisse enim eum in Vre Chaldæorum tenebris & caligine mentis demersum, inter homines supersticiosos, idololatraeque, atque una cum illis eandem insaniam insanivisse. tandem vero, cum meliora edoctus à numine esset, studuisse eum inscitiam veri Chaldæis eximere: sed quoniam insidiis à rege petebatur, in Charanensem

sum sedes eum concessisse, atque hinc in Cananæam venisse, ubi cœlestem doctrinam tam feliciter ad suos propagavit, ut jure eum Maimonides *דבריו הן נרמזין* *columen atque stabilimentum seculi* appellet. Hæc summo iudicio animadvertit author cordatissimus. Neque nos ea referre piguit, quia illustrare Talmudicorum scitum poterant, quod de septem illis præceptis retulimus, quæ Noachi posteros ita obligabant, ut, si forte populi quidam inter pacis leges suscipere eorum observationem recusassent, eos Iudæi exscindere penitus, tanquam barbarie atque immanitate efferatos, iussi sint.

CAPUT XX.

Feciales pacis offerenda causa missos esse etiam ad septem Cananæa populos, contra quam vulgo existimatum est. Cur Gibeonitis dolo atque astu opus fuerit ad petendam pacem. Cur septem Cananæa populi ad internecionem occisi. Cur Ammonitis & Moabitis oblata pax non sit. De sacerdote, qui pralii causa ungebatur.

Nunc porro alia exequamur, quæ Maimonides ad interpretationem eorum verborum attulit, quæ nos paulò

paulò antè ex Deuteronomii capite vicesimo adscripsimus. Sanè quod legatos de pace prius mitti summus Deus ad eas nationes jubet, in quas Iudæi arma parabant, id Aegyptius ille certissimo documento pertinere etiam ad septem populos evincit, quorum fortunatas sedes Israëlitis Deus promiserat. Quod quidem contra opinionem eorum est, qui sine discrimine, & nulla exceptionis lege factam à numine proscriptionem earum gentium ajunt. Sed refellit eos insigne testimonium, quod Maimonides noster citat ex libro Iosué, ex capite xi. ubi sic ferè scriptum est : *Nulla fuit civitas, quæ pacem fecerit cum Israelitis, præter Chivæos Gibeonitas. Cæteri omnes bello capti sunt. Induraverat enim animos eorum Deus ad pugnam cum Israelitis conferendam, ut internecione occideret eos, nec fieret illis gratia.* Enimverò illud hinc efficitur, deletas propterea eas gentes esse, quia belli fortunam tentare, quàm conficere pacem in Israëlitarum leges maluerunt. Quod si fecialibus auscultassent, utique jam salus earum ne utique in dubio fuisset. Quærit dehinc Maimonides, quid igitur causæ sit, cur Gibeonitæ astu doloque petendam pacem censuerint, seque gentem procul
in

in aliis terris sitam finxerint, cum hercle certum illud sit, vera via pervenire eos ad hoc, quod cupiebant, potuisse? Sed respondet princeps Rabbiorum, antea legatos ad Gibeonitas quoque, sicut ad reliquas sex nationes, missos fuisse; eosque ab illis spretos esse. quare ex ea tempestate legem numinis adversus eos valuisse, quæ de internecione septem gentium lata erat. Gibeonitas autem, cum eam legem postea resciscerent, copiasque Israelitarum latè victrices pertimescerent, venienti malo cavisse: & quia post spretam semel pacem vera remedia consumpserant, fallaciis atque arte usos esse. Hæc in hunc modum ferè decisa à Maimonide sunt. Porro, quod in septem gentes illas victoria aliter exercita, quam in cæteras, fuit, ita ut illi quidem excindi viros foeminasque atque infantes etiam, hîc verò sufficere expiationi solam virorum cladem lex voluerit, ea disparitas ab hac adeò causa est, quòd septem illi populi vulgo & passim in sese flagitia quædam fœdiora admisere, à quibus recta ratio naturaque hominum communis refugit atque abhorret. Quare profectò summus Deus eos, veluti terræ odium onusque fuisse significat, cum in Levitici capite

XVIII, enumeratis id genus vitiis, postremò ita fatur, *Polluta est terra, & iniquitatem ejus ego visitavi adversus eam, & evomuit terra habitatores suos.*

De Ammonitis & Moabitis edictum singulare exstat in Deuteronomii capite XXIII, quo cautum fuit, ne eos unquam Israelitæ ad pacem sollicitarent. & causa ibidem editur ejusmodi, quia commeatum Israelitis non adlexerant ex Ægypto venientibus. tum &, quod Bilhamum vatem magna mercede conduxerant, qui omnia infauſta eis auguraretur. Subjicit autem quandam cautionem Maimonides, quæ huc transcribenda est, אף על פי שאין שואלים בשלום אדם השלימו מעצמם תחלה מקבלין אותן :

Etsi, inquit, legatos de pace non mittebant ad eos, tamen si sponte sua initio eam cuperent, non repellebant eos. In Halacha Melachim, quam identidem memoravimus, in capite VII, multa prodit Ægyptius noster de sacerdote quopiam, qui prælii causa consecratus publice fuit. de quo ita infit : אחר מלחמה הרשור ואחר מלחמה המצור ממנין כהן לרבו אל העם בשעת המלחמה ומושחין אותו בשמן המשחה וזה הנקרא משוח המלחמה :

In bello, tam quod gerebatur pro imperio, quàm quod lege divina indictum fuit, sa-

cerdotem creabant, qui exercitum alloqueretur sub tempus praelii, ungebantque eum oleo sacro. Atque hic ille est, qui משיח המלחמה hoc est, praelii causa unctus dicebatur. Oratio ejus, qua ad populum usus est, recitatur in Deuteronomii capite xx, fuitque ejusmodi: *Eia, audite Israelitæ. Vos proceditis hodie in praelium contra hostes vestros. Ne mollescat cor vestrum, neu trepidate aut expavescite metu eorum. Progreditur enim vobiscum in expeditione Deus vester, pugnatque cum hostibus vestris, uti servet vos.* Refert Maimonides etiam alia verba, quæ sacerdos ille ex tabula aut libro publice pronuntiavit, non sub ipsam pugnam hercle, sed tunc, cum ad bellum exiret populus. Sed nos tenuissimas particulas, atque omnia minima mansa huc non inferemus.

CAPUT XXI.

Qui fuerint immunes militiâ. Saulis severitas in cogendo milite. Pœnæ in eos sancitæ, qui sacramentum detrectarent. Vnde Flavius scripserit, deos peregrinos in bello non violandos Indæis. Laudabilis Indæorum religio, cum Beli ades refecta ab Alexandro est.

IN Deuteronomio privilegia quorundam recensentur, quibus vacatio mili-

militiæ concessa ad breve tempus fuit:
 inter quos fuere, qui recens vineam
 plantassent, quique exstruxissent no-
 vam domum, tum qui sponsi aut no-
 vi mariti essent. Ex quo certe constat,
 munia militiæ non eos duntaxat su-
 biisse, qui ultro nomen dabant, sed
 quoscunque rex, populive ductor ad
 sacramentum adegit: ut jam hoc to-
 rum necessitatis fuerit, non arbitrii.
 Utique Saul quidem, cum arma capes-
 sere omnes vellet, membra duorum
 boum frustillatim concisa per duode-
 cim Israelitarum tribus circummisit,
 interminatus hoc idem se facturum
 armentis eorum, qui sequi se ad bellum
 recusassent. Quare profecto jam non
 sine exemplo est Romanorum severi-
 tas, in quorum institutis olim erat, ut,
 qui ad delectum non respondissent,
 tanquam proditores libertatis in ser-
 vitudinem redigerentur: qui vero filium
 suum militiæ subtraxisset, in pace fusti-
 bus cæderetur, belli tempore exilio &
 bonorum parte multaretur. Quæ sic
 relata ex Carrii Menandri libris sunt
in l. 4. §. 10. & 11. ff. de re militari. Di-
 vus quidem Augustus equitem Roma-
 num, quod duobus filiis adolescenti-
 bus causa detrectandi sacramenti pol-
 lices amputasset, ipsum bonaque sub-

jecit hastæ. & præceptum Divi Trajani fuit, ut hujusmodi parentes deportarentur. Non uno edicto maximus legislator Moses Israelitis præceperat, ut terram hostilem armis ingressi, simulacra omnia, templaque, & altaria Deorum diruerent, quos cætera nationes per errorem coluissent. Ait tamen Flavius¹, lege Mosaica constitutum fuisse, *ὅτι ἔ μὴτε χλευάζειν, μὴτε βλασφημεῖν τὰς νομιζομένους θεὸς παρ' ἐτέροις αὐτῆς ἐνεχθῆαι πρὸς θεοῦ* *ἢ θεῶν. ne quis eos derideret, quos gentium aliarum opinio Deos confinxit, neve quisquam male illis diceret, saltem enim prodesse illis honorem tanti nominis debere.* Nos ex qua Pentateuhi parte illud Flavius in sua scripta transtulerit, divinare non possumus. Quin existimamus potius, hallucinatum eum esse, neque intexlexisse verba ea, quæ in Exodi capite xxi scripta in hunc modum sunt, *לֹא תִבְזֶה אֱלֹהִים* *non execraberis deos.* quæ profecto in eam sententiam accipienda sunt, ut significetur, sacrosanctos esse rerumpublicarum moderatores, qui in terris vice numinis funguntur. Illud vero, quod in eadem disertatione Flavius adversus Apionem

¹ In Apolog. adversus Apionem.

pionem adducit, magis ex vero est, & militum Iudæorum summam constantiam in retinendis patriis legibus arguit. Ex Hecatæi enim, maximi scriptoris, commentariis prodit, qua tempestate olim Alexander Babylone erat, & ad instaurandum Beli templum, quod corruebat, cunctos milites aggerere terram jubebat, solos Iudæos imperia ejus detrectasse, & verbera multa tulisse, atque graviter multatos esse, donec tandem illis & ignovit rex, & securitatem præstitit.

CAPVT XXII.

Sabbatorum observatio Iudæis sæpe noxia in bello. Ea superstitio animis hominum exempta per Matthiam Hassamoneum. Stratonica febriculosa pietas. Suspicionum atque omnium vis a Mosollamo, acerrimo milite Iudæo, elusa. Ostenta & omnia esse in potestate mortalium. Lex divina de sexuum distincto habitu non intellecta à Flavio. Adulterarum toga apud Romanos. Charondæ miles stolatus. Medorum Persarumque molliities.

DVm in his sumus, non prætermittendum est, quod Maimonides notavit, שערין על עירורת כותים בשבת ועושין

וְעוֹשִׁין עִמָּהֶם מַלְחָמָה בַּשָּׁבָת: *Iudaos pa-*
ganorum urbes, cum sabbatum est, obside-
re, atque etiam praelium cum illis conse-
tere. Sed hoc non semper profecto re-
 ceptum ab illis fuit. Etenim Matthias
 Hasmonæus, fortissimus imperator,
 cujus fuit virtus toti Iudææ salutaris,
 primus popularibus suis persuasit, non
 esse hoc divinæ legi contrarium. nam
 antea hercle execrabilis opinio omnes
 tenebat, malis auspiciis & irato numi-
 ne geri, quæ tali die pro se quisque, aut
 pro republica tentaret. Agatharchides
 quidem apud Flavium, dum Stratonica-
 cam deridet, quæ capta à Seleuco, oc-
 cisaque est, quod in fugam se dare ob
 somnii cujusdam ludibrium ausa non
 esset, geminam Iudæorum & germa-
 nam dementiam adjungit. Captam
 enim Ierosolymam esse à Ptolemæo
 Lagi filio ait, propterea quod cives
 cunctos sabbatorum observatio de-
 fensione urbis prohiberet. Ac Mat-
 thias quidem Hasmonæus, uti dixi-
 mus, hoc errore suos liberavit. Cæte-
 rum incessere rursus animis hominum
 eandem superstitionē contigit. Pom-
 peium enim diu postea potitum urbe
 scimus, cunctis per sabbata desidenti-
 bus. Equidem ego Matthiam istum cel-
 sa indole virum, atque judicio rectissi-
 mo

mo fuisse existimo, qui fieri quibusdam casibus posse intellexerit, ut omiſſa ceremoniarum anxia obſervatio vel laudem ferat. Vtique nullæ leges poſitæ neceſſitati ſunt, quæ ſemper magnum humanæ imbecillitatis patrocinium fuit, & quicquid coegit, defendit. Adde, viri illud & ducis eſſe, non deeſſe fortunæ præbenti ſe, & oblata caſu ſectere ad conſilium. idque valere in omnibus rebus humanis, ſed maxime in bellicis, quæ ex pactis conventis non procedunt, ſed ipſæ ex ſe multa obijciunt nec opinantibus, quæ extremum diſcrimen pariunt ex mora. Iam miraculi inſtar nobis eſt, Iudæum reperiſſe, quem incepta urgere & favori numinis inſtare non vetuit ſcrupuloſa pietas. Longe diverſi generis eſt, quod Hecataeus de milite quopiam ejuſdem nationis prodidit: quod referemus tamen, quia in pectore Iudæi inſignem ſuperſtitionis fuiſſe contemptum probat. Ait ille ſcriptor, ſe in expeditione Alexandri fuiſſe, contendique ad rubrum mare cum Iudæis aliquot equitibus, qui ſeſe comites addiderant: interque eos fuiſſe Moſollamum, hominem animoſiſſimum, qui jaculandi peritia omnes & Græcos & barbaros anteciret. ibi, cum properantem exer-

citum augur quispiam sisteret, propterea quod alitem sedentem videbat, ex cujus volatu captare omen itineris parabat, è vestigio Mosollamum, correpta ingenti sagitta, confixisse alitem, atque insuper amarulento joco stultitiam eorum incusasse, qui miseram avem alieni consciam fati crederent, cum ignara sui esset. neque enim scivisse eam, quantum periculi à Mosollamo Iudæo immineret. Enimvero istud est sapere, non ex hariolorum responsis, nec è cantu sinistro oscinis, aut è tripudiis solistimis pendere, sed agendo vigilandoque vana ostentorum ludibria antecapere. Sane quidem C. Plinius, diligens harum rerum observator, in ipsa augurum disciplina constare ait, ¹ *neque diras, neque ulla auspicia pertinere ad eos, qui quamque rem ingredientes observasse se ea negaverint.* Quo munere divinæ indulgentiæ nullum esse majus fatetur. Cætera, quæ dici de re bellica queunt, vix annotare libet. Ait Flavius, inter disciplinæ militaris præcepta & illud fuisse, ne in bello aut mulier virili, aut vir muliebri habitu uteretur. Enimvero quæ in Deuteronomii capite vicesimo & secundo ex-

cant,

¹ In lib. 28. cap. 2.

tant, paulo ille liberius audaciusque interpretatus in hunc modum est: Φυλάσσετε μάλιστα ἐν ταῖς μάχαις, ὥστε μήτε γυναῖκα ἀνδρικήν σκευὴν ἔχῃ-
 ας, μήτε ἄνδρα σολῇ γυναῖκεϊ. Sed profecto male accepit verba numinis, quæ in Deuteronomio extare diximus. Habet enim divina ista lex non tam in militia locum, quam domi & in pace; atque in omni reliqua vita. Nolebat enim sexus utriusque apparatus cultumque perverti aut confundi immortalis Deus, propterea quod maxime contrarium id honestatierat, ad quam nos fecit ille, formavitque. Quare profecto nec usurpatum hoc aliis gentibus unquam fuit, nisi per ignominiam, & pœnæ loco. Vtique apud Romanos quo pacto ornatae pro suis virtutibus fœminæ ambulaverint, quæ convictæ adulterii erant, proditum multis autorum jocos est. ex quibus insigne est illud Martialis,

Thelin viderat in toga spadonem.

Damnatam Numa dixit esse mæcham.
 Apud Græcos vero Charondas, severissimus imperator, milites suos, qui ordinem in acie deseruissent, per tri-
 duum pro concione stolatos destituit. Scio ego Medos olim stola ad talos demissa, mulierum in morem, incessisse;

& Persas quoque, id quod Xenophon in octavo Pædiæ ait, ad horum se imitationem composuisse: sed ii populi, quoniam hercle ad mundi teporem jacebant, evirati ipso terræ cælo & solo erant. Quare infamis eorum molli- ties apud cæteros fuit, & posita in vi- tio semper est.

CAPUT XXIII.

De Iudæis, qui extra Palestinam in aliis regnis habitavere. Gentium plurimum migrationes, & voluntaria exilia. De Iudæis Asiaticis, deque Babylonien- sibus, tum de Aegyptiis & Alexandri- nis. Pecuniæ ab illis Ierosolymam mis- sa. Quanta opes in sepulcro Davidis. Darius à Semiramide elusus. Iudæo- rum Hellenistarum, & Palestinorum infensa æmulatio. Quo jure, quaque conditione apud Romanos Iudæi fue- rint post everfam sacram urbem. De polygamia.

MArcus Annæus Seneca in consola- tione, quam ad Helviam scripsit, populos quosdam enumerat, qui pa- trio solo relicto sedes suas commuta- rint, & transtulerint domicilia. Nam & in mediis barbarorum regionibus Græcas urbes esse, & inter Indos Per- sasque Macedonicum audiri sermo- nem,

nem, tum civitates Achaia Ponticis
 esse impositas litoribus, & Tyrios in
 Africa habitare, Pœnos Hispaniam in-
 colere ait. Quæ quidem omnia ille ni-
 hil aliud nisi publica exilia vocat, in
 quæ alios domestica seditio, alios ex-
 cidium urbium suarum, quosdam mi-
 grandi libido, alios alia causa emisit.
 Sed profecto hujus rei nusquam illu-
 strius documentum est, quam in Iu-
 dæis, qui per Ægyptum, Græciamque,
 perque omnem Asiam & Africam late
 sedes suas procul à Palæstina posuere,
 & res illic amplas, uberesque habue-
 runt: regum autem principumque
 tantis affecti beneficiis sunt, ut inter
 exteros vitam exigere, quam in patriæ
 beato solo religiones, templumque
 venerari ex propinquo mallent. Atque
 Asiaticorum quidem dignissimi, nobi-
 lissimique erant Babylonienſes, de qui-
 bus in libro primo, in cap. viii dixi-
 mus. Inter Hellenistas autem quos
 non Ægyptus duntaxat, sed omnis
 Græcia acceperat, primatum quen-
 dam Alexandrini tenebant. Vtique
 Ptolemæus Lagi filius, cum Iudæorum
 fidem & virtutem summam perspexis-
 set, omnia Ægypti propugnacula &
 præsidia ipsis commisit: &, ut Cyre-
 nam cæterasque Libyæ urbes firma di-
 tione

rione teneret, multas eorum colonias
 in ea loca deduxit. Mox Philadelphus
 adeo deditus Iudæis fuit, qui sub im-
 perio ipsius erant, ut leges eorum, &
 sacratissima jura verti Græce, atque in
 omnium esse manibus voluerit. Po-
 stremo Philometor, & uxor ejus Cleo-
 patra curam tutelamque totius regni
 Egyptiensibus his Iudæis dedere: co-
 piisque illis, ex quibus rerum momen-
 ta pendebant, Dositheim & Oniam,
 homines itidem Iudæos, præfecere. Li-
 bertate autem omnes in illis ipsis sedi-
 bus tanta usi sunt, ut templum quo-
 que in Heliopolitana præfectura ha-
 buerint, quod magna religione adi-
 rent. Neque fuit id profecto tumultua-
 rium opus, quod casus, aut desperata
 exulum temeritas excitaverat. nam &
 Ptolemæi regis permissu constructum
 erat, & per annos trecentos ac qua-
 draginta incolume stetit: ac tandem
 vero sub Vespasiano demum clausum
 prophanatumque est. Mansit tamen
 inhæsitque tam Hellenistis profecto &
 Egyptiensibus, quam cæteris omni-
 bus, qui extra Palæstinam degebant,
 amor affectusque in ædem Hierosoly-
 mitanam. Quippe pecuniæ ab illis sta-
 to tempore illuc mittebantur: & do-
 naria eorum amplissima erant. Reci-

erat Flavius Iosephus ¹ literas Octavii Augusti, Agrippæque, & Norbani Flacci, atque Iulii Antonii ad Cyrenenses, Ephesios, Sardos, atque ad alios missas, in queis scriptum erat, ne Iudæi, qui apud illos habitabant, dona pecuniasque in usum templi & sacrorum mittere Ierosolymam prohiberentur. Sanè quidem ii, quos Mesopotamia & Babylonia acceperat, urbes duas natura pariter atque opere munitissimas, Neerdam & Nisibin, habuere, in quibus, tanquam in ærario quodam, sibi omnes thesauri erant, quos in Palæstinam identidem, cum tempus esset, infinita hominum multitudo devehebat, ne formidandæ Parthorum rapinæ forent. Et fuit tunc profectò insummum culmen evecta Ierosolymitanorum opulentia, cum ad eos tanta vis auri à popularibus mitteretur, qui variis locis sparsi sedes incolebant disiunctissimas. Quàmquam & antea mirum in modum amplæ eorundem divitiæ erant, antequam Israëlitiæ decem tribus per discordias civiles secessionem à Iudæis fecissent. Davidem quidem gazas incredibiles possedisse constat, nemo ut regum

¹ In lib. 16. Antiq. cap. 10.

gum Hebræorum, exterorumve con-
 ferri cum illo potuerit. Quare etiam
 sepulchrum ejus, ossaque, & cineres fi-
 lius superstes circumfluere opibus vo-
 luit, quæ in cellulis pluribus erant re-
 conditæ. Earum autem quæ summa
 fuerit, facile divinabit, qui cogitaverit,
 Hyrcanum post mille & trecentos an-
 nos, cum ab Antiocho Pio esset obfes-
 sus, conditorium illud adiisse, atque ex
 illo ter millena talenta exemisse. ac
 rursus, multo tempore interjecto, He-
 roden, cum alias cellulas recluderet,
 reperisse illuc quantum satis erat maxi-
 mis impensis faciundis. Iusserat haud
 dubiè divitias eas summus rex recon-
 di illuc secum, ut velut inaccessæ, & lo-
 ci religionetutæ essent. Hac enim cau-
 sa permotos etiam alios sæpe fuisse,
 idem ut facerent, proditum memoriæ
 est. & Darius verò risum, jocumque
 omnibus excitavit, cum Semiramidis
 monumentum intraret, cujus inscrip-
 tio ingentes thesauros promittebat,
 cum nihil intus, nisi tabella esset, quæ
 homini sacrilego malam rem preca-
 batur, propterea quòd mortuorum
 loculos temeravisset execrando scele-
 re. Sed enim verò de opibus sacri po-
 puli dicebamus, quæ ante tribunal
 asportationem Ierosolymæ erant. Eæ
 autem,

autem, quum Davidis tempore admodum ingentes essent, longè majores tamen sub Salomone, qui huic successit, fuerunt. Advexit enim ei tertius quisque annus quæ in Oriente pretiosissima erant. & principum, qui prope habitabant, liberalitas potentiam augebat sapientissimi regis. Quare Flavius Iosephus rotundo ore illud effatur, quod sæpe mirati fuimus, ὅτι ὁ Δαυὶδ τοσούτον ἐποίησε πλῆθος ἐν Ἱερουσαλὺμιν ὁ βασιλεὺς, ὅσον ἡνὶ κηλίθων. *effecisse regem, uti tantum pecunie in urbe Ierosolyma esset, quantum erat lapidum.* Quæ profectò ejusmodi sunt, ut jam venisse ad summum fortunæ rex ille videretur. Non finit nos incepti lex pluribus hæc exequi. Redendum enim ad illos Iudæos est, quos sub exteris regibus vixisse diximus. Horum porrò non unum genus fuit, neque de omnibus similiter existimandum est. Nam Babylonienſes quidem nihil præter jus fasque fecêre, cum extra terram sanctam habitarent. idque singulare privilegium fuit. de quo antè diximus. At verò qui ante transportationem gentis Iudaicæ, aut posteam Palæstinorum sedes reliquere, ut alias terras, quæ in vicino erant, incolerent, eorum infamia posteris tra-

tradita est, judicatumque ab omnibus fuit, esse eos terræ sanctæ contemp-
tores. Recitant Talmudici severissi-
ma numinis edicta, queis cautum fuit,
ne Iudæus quispiam migrandi libi-
dine patrium solum verteret. Estque
eorum scitum quoddam hujusmodi,

כל הדר בחוצה לארץ באילו עובר עכו"ם

*Qui peregre extra terram sanctam degit,
velut syderum planetarumque cultor ha-
bendus est.* Atque ejus rei fidem faciunt

ex dicto Davidis ad Saulem, quod ita
relatum à Samuele est: *Si te homines*

*incitaverunt contra me, maledicti sint co-
ram Iehova.* quippe expellunt me hodie, ne

*pars mihi sit in ea terra, quæ hæreditas Ie-
hova est, dicuntque, Abi, cole deos alienos.*

Vna modò causa fuit, quæ migrantes
gravi culpa liberaret. Ea autem vis ma-
jor erat: cujusmodi est fames, sterili-
tasque, atque alia id genus, quæ in iram

numinis, velut ultima malorum, ver-
tunt. Non prætereundum est, quod in

Halacha Melachim, in capite quinto,
eruditissimus Maimonides prodit. E-

tenim postquam quosdam hujusmodi
atroces casus exposuit, ob quos Iudæis

fas interdum fuerit domicilia in exte-
ris regnis ponere, solam Aegyptum ex-

cipit, quam ne quis habitandi animo
adiret, tribus interdictis vetitum esse

adiret, tribus interdictis vetitum esse
à nu-

à numine ait. Nulla necessitas, neque
 occasio aut causa ulla excusare quen-
 quam potuit. Supervacuum foret te-
 stimonia recitare. penes autorem fi-
 des esto. Rationem quidem ipse ad-
 fert, quæ in promptu maximè fuit,
 מפני שמעשיה מקוללים יותר מכל הארצות
quoniam facta ejus gentis deteriora, quàm
aliarum gentium, sunt. Addit Rabbi
 Maimonides, quod singulare est,
 שאלכסנדריא בכלל האיסור *etiam Alexan-*
driam summa interdicti esse comprehen-
sam. Enimverò quoniam Aegyptien-
 sium Iudæorum nobilissimi florentis-
 simique erant, qui Alexandriam inco-
 lebant, meritò hos quoque in ordinem
 cum cæteris cogit eruditissimus scri-
 ptor. pariter enim contra legis præ-
 scriptum fecerant. Hi autem illi sunt,
 quos Alexandri humanitas volentes
 & sponte procul ab Hierosolymâ ab-
 duxit, & cum parte Macedonum in ea
 urbe locavit, quam de nomine suo
 condebat rex ille. Mox etiam ingens
 turba illuc per Syriæ motus exunda-
 vit. ac tandem non pauciores Ptole-
 mæum Lagi filium comitati sunt, in-
 ter quos summus quoque Pontifex E-
 zechias fuit. Itaper omnem Aegyptum
 latè sedes suas posuère. Venerunt qui-
 dem illi Hierosolymam quotannis, aut

mittebant eò quosdam ad solennia festa: sed in contemptu apud Palæstinos erant, & desertores habitī sunt. Utique donaria, quæ in usum templi & sacrorum afferebant, magna ac pene immensa erant. Sed tamen efficere ea res non potuit, uti communes cum illis habere synagogas cæteri vellent. Auxit odii causas patriæ linguæ neglectus, quam plerique ne intelligebant quidem. Quare Hellenistæ dicti sunt, tam qui Aegyptum incolebant, quàm qui ab illis profecti, Græciam & vicina tenuère. quippe propagati ab Aegyptiis fermè cæteri erant. Horum nihil dici de Babylonienſibus potest, quos Palæstini, tanquam fratres germanos, atque ut incorruptam majorum suorum sobolem summo in honore habuerunt. Quanquam tamen illud hercle omnino in omnibus Iudæis, qui extra Palæstinam habitarunt, peræque laudandum est, quod patria instituta religiosissimè semper servaverunt inter prophanas gentes. Non enim Babylonienſium propria hæc gloria est, sed communis ea etiam illis fuit, qui Aegyptum jam tum ab Alexandri temporibus incoluère. Et mox verò ii ipsi, qui per Romanum orbem variis locis sub Cæsarum imperio vivebant,

vebant, in quadam accurata observatione earum legum, quas divinus Moses præscripserat, perstiterunt. Quod profectò haud difficile illis fuit, quoniam benigne, leniterque, atque honorifice habiti ab iis sunt, quorum recepti sedibus fuerunt. Cæterum post templi urbisque everfionem deterior longè conditio eorum apud externos fuit, & privilegia eorum ubique multifariam imminuta sunt. Utique constitutiones imperatoriæ *in iis solis sine molestia eos esse jussere, per qua cultus eorum inquinari videretur. l. 15. §. 6. ff. de Excusat.* Cautum verò fuit, ne synagogas novas extruere, aut cruces in celebri festo Purim exurere ad pœnæ quondam recordationem possent. *l. ult. C. de Ind. & Cæl. l. 11. C. eod.* Denique addita sanctio quoque est, ne morem suum in conjunctionibus retinerent, neve juxta legem suam nuptias sortirentur, aut in diversa sub uno tempore conjugia convenirent. *l. 7. C. eod.* Atque ex hoc postremo colligitur hercle, licuisse illis per legem antea plures simul fœminas in matrimonio habere. quod nos supra diximus, cum de Pontifice maximo ageremus, cui soli hoc interdictum fuisse Talmudici ajunt, quod cæteris jura permittebant. Sanè

cum ¹ Davidem regem summus Deus Nathanis voce affatur, esse illi datas à se ait Saulis conjuges. Et in Levitici capite XVIII edictum numinis extat, quo Iudæi duas sorores eodem tempore habere uxores vetantur, non ob aliam causam profectò, quàm quòd ardentissima esse inter has æmulatio in tali conjunctione solet; cum cæteræ omnino, quæ ea consanguinitate non sunt, æquiore animo sub eodem marito ætatem unà agant. Scimus equidem primis humani generis parentibus jus planè contrarium fuisse latum, quod reduxit tandem, & ex integro nobis sanxit Deus Dominusque noster Messias: certum tamen est Iudæorum eam in republ. Mosaica libertatem ex legis permissu fuisse. Atque hunc quidem morem vetustissimum usitatissimumque Iudæi ii, qui nondum Messix reverentiam susceperant, diu sub principibus Romanis coluerunt: donec tandem Theodosius, Arcadiusque, & Honorius nihil discrepare hac re à Romanis eos voluerunt. qua tempestate etiam pleraque alia, quæ observata illis fuerant, exolverunt. Ius quidem ipsum, quo deinceps

¹ In lib. 2. Sam. cap. 12.

inceps usi sunt, commune cum Romanis fuit: adibantque solenni more iudicia, cunctasque Romanis legibus conferbant & excipiebant actiones, in his causis, quæ tam ad superstitionem eorum, quàm ad forum & leges ac iura pertinerent. l. 8. C. de Iud. & Cæl. Quare obruta tunc sepultaque eorum libertas fuit, vix ut umbra ejus superesset. Nam quod communi pactione ad similitudinem arbitratorum litigare apud populares suos, & sortiri eorum iudicium jure publico poterant, d. l. 8. C. eod. sanè id oppidò exile est. quippe & in civili duntaxat negotio factum id fuit, & eorum sententiam iudices quidem, sed Romani, exequiebantur. d. l. 8. In ipsis tamen avitis sedibus illorum paulo plus privilegii fuisse illis concessum videtur. Etenim in l. 17. C. eod. imperatores Theodosius & Valentinianus quosdam Iudæorum primates fuisse significant, qui in utriusque Palestina synedriis dominabantur. Sed eorum potestatem jurisdictionemque pene in rebus nihili fuisse sitam arbitramur.

CAPVT XXIV.

De lege, quam Iudæis Moses scripsit. Opinio veterum quorundam de sabbato confutata. De amne Sabbatico quæ

Tlinius, Rabbi Maimon, & Flavius Iosephus retulere, excussa. Cur magis suis, quam ceteris animantibus abstineant Iudaei? Plutarchi rationes rejecta. De Aegyptiorum morbus. Iudaeos non fuisse Bacchi cultores, contra quam Plutarchus & alii Romani scriptores senserunt.

INter sacrae gentis praecipua honestamenta, Lex fuit, quae à Mose scripta cunctarum gentium institutis legibusque major, certeque dignior est, quia Deum autorem habet. Ea autem quinque libros implet. est enim multiplex, & copiosa, ac saepe repetita. Summa tamen ejus decem comprehensa capitibus est: quorum pars prior ad res divinas pertinet: posterior continet ea, quae Marcus Tullius appellat hominum munia & officia. Omnis, qui numini exhibetur, honos aut sensu aut cultu constat. Sensus est reverens & recta de Deo existimatio. de qua re plura dicere supervacaneum est, quoniam ea nunc spectamus maxime, quae sunt historiae affinia. Cultus est in caeremoniis ritibusque positus. Caeremoniarum unus in decalogo & simplex praecipitur modus, sabbati sollemnitas, quae à primo mundi ortu instituta, &
à san-

à sanctis hominibus observata semper, novissime tandem, cum Lex ferebatur, sancita ex integro est. Causam sabbati veram expressit numinis vox in formula decalogi. Sed Iudæi rationem hujus rei mysticam petunt ex illo celebri dicto Rabbi Eliæ, quod extat in libris Talmudicis. Ille enim tribus illustribus periodis, quæ æquali spatio inter sese distarent, mundi tempora distinxit, ita ut expletis sex annorum millibus nova rerum facies, novusque ordo surgeret, & fessâ jam pridem gens hominum, melioribus deinceps auspiciis capefferet beatam quandam quietem. Cornelius Tacitus Sabbati originem aliunde eruit. Saturno enim eum honorem ab Hebræis haberi existimat: *seu principia religionis, inquit, tradentibus Idæis, quos cum Saturno pulsos, & conditores gentis accepimus: seu, quod è septem syderibus, quæis mortales reguntur, altissimo orbe, & præcipua potentia stella Saturni fertur: ac pleraque cœlestium vim suam & cursum septimos per numeros conficiant.* Neque hæc vero unus Tacitus dixit. Rabbi Aben Ezra recitat sapientis cujusdam argutias, qui novem Legis capita totidem cœlestibus orbibus ex adverso locat; &, ne septimo die otium existimetur sine

causa indictum, maligna ait esse Saturni & Martis sydera. quo enim die illa dominatum tenent, infeliciter cuncta tentari. Ego istum magistrum, quisquis fuit, inter discipulorum cathedras plorare jubeo. Nimium ingeniosus fuit, ubi nihil opus erat. At nos minorum gentium homunciones sumus, & ad obvia confugimus. Sabbatorum recta observatio posita fuit in dictorum omnium factorumque sanctitate, atque in cultu divino, precibusque. Rabbi Aben Ezra author est, tunc etiam oracula fuisse consulta. Sunamitidi quidem ait maritus, de Elia loquens, *Quid est, cur cum hodie adeas, cum nec calenda sint, nec sabbatum?* Cæterum, ne rebus divinis profanæ miscerentur, cuncti eo die omittere sueta opera jubebantur. qui aliter fecisset, capital admittebat. Enimvero id docebatur populus, haud esse in transcurso sacris operandum. Totam sese mens in contemplatione ponat necesse est, cum Deum, mentem purissimam, colit. Hoc nec Pythagoras, nec Numa ignoravit. & recte olim in Romanorum sacris à præcone solennibus verbis clamatum est, *Hoc age*. At Iudæi, quorum mos est omnia sanctissima instituta pervertere, multa ad Legis edictum adjecere.

de

de quibus Moses nihil diffinivit. Itaque sacratissimæ diei celebratio in anxiam superstitionem abiit, & interdum illis exitio fuit. Pergendum nunc ultra est. Sabbati sacrum otium videtur ipsa natura, optima rerum mater, approbasse, si fidem Plinio habemus, qui in Iudæa rivum quendam ait sabbatis omnibus sicari. Sed ignoscat nobis Plinius. Nunquam hoc credere potui.

— *Sum paulo infirmior, unus*

Multorum. —

Quid tamen Romanum scriptorem deceperit, expediam. Iudæi jam olim somniarunt, reliquas decem tribus Israelitarum captivas detineri prope fluvium, quem ipsi Sambationem appellant. Hunc per totam septimanam adeo rapidis vorticibus ferri ajunt, nemo ut transire possit: at sabbatis quiescere, & pedibus pervium esse: hancque pœnam Israelitis esse positam, ut, quo tempore undarum impetus constitit, sabbati eos veneratio inhibeat, & movere vetet pedem. Ita ad libertatem via illis ante oculos posita est, sed uti pejus crucientur. vident enim eam, & visa ac relicta, intabescunt. Non potuit magis traducere se Plinius, quam cum tam futile Iudæorum commentum arripuit tam avide. Pictori-

bus poetisque quidlibet audendi potestatem esse, Flaccus dixit. Recte hercle. Sed Iudæos addi volo, qui non ex decoro, neque pudenter, sed sola animi libidine mentiuntur quæ dissona & ridicula sunt, hanc unam ob causam, ut mentiantur. Neque movet me, quod R. Moses Ben Maimon, quem merito laudibus in cælo locavimus, fluvium hunc esse Gozan ait. Nos & illum delirasse asserimus, & una Iosephum quoque in ordinem redigimus, qui in libro *ὑπὲρ ἀλώσεως*, in cap. xiii, quædam contraria quidem supradictis sed tamen æque portentosa refert. Sane quidem Plinio non semel sic decipi ab aliis contigit. Pleraque enim, quæ in eodem capite memorat de fontibus, fluviiisque, & de aquis, ejusdem levitatis sunt. Rerum incredibilium atque inusitatarum narrationem in Iulio Obsequente, non in Plinio, summo historiarum scriptore, toleramus. Raro solitum modum egreditur natura. Miracula creduntur facilius, quam fiunt. Sed enimvero tenet plerosque amabilis insania, & favet sibi atque plaudit imprudens temeritas. Aniles ineptias tradimus in vicem accipimusque, non incauti hercle, sed scientes, & inter seria. De sabbato diximus plus quam

quam satis sit. Cætera persequi, quæ ad decalogum pertinent, non est patientiæ nostræ. Postquam leges duarum tabularum latæ fuerunt, in quæ edictum inerat de sabbato, data est ex hinc Mosi fusior earundem legum interpretatio : addiditque Deus cæremonias ritusque : & quibus victimis sacrisque, ac quo modo coli veller, populo significavit. Cujus rei causa haud in obscuro est. Non sufficebat simplex numinis cultus, qui decalogi sanctione jubebatur. Quippe facile se cuncti ad Aegyptiorum idola convertissent. Itaque planè opus fuit rebus multis externis, quæ sensus quoque eorum in recta religione detinerent. Sanè oppidò difficile est mortalibus, Deum invisibilem solo animo colere. Nisi aliquid sit, quod oculi usurpent, nimium hercle citò incautis obrepit non intellecta impietas. Quanquam profectò etiam tum antea, primo seculo, sacrorum extitisse quasdam sanctiones, cæremoniasque, certum est. Nam & animalium mundorum immundorumque discrimen divinitus didicerat Noachus : & idem ille vesci sanguine vetabatur minaci interdictione. Sed lex, quæ à Mose lata est, magis accuratè hæc cuncta suis finibus terminavit. V-
tique

tique in capite undecimo Levitici, longa extat numeratio earum animantium, quarum esu tactuque polluerentur Hebræi. Multa illic in censu impurorum posita sunt, non naturæ aut rationis dictamine, sed incertâ numinis voluntate. Itaque causas earum rerum exquirere, anceps est; nec ideò assequare. Quis nostrum tam arroganti fiducia est, uti se posse ea explicare omnia existimet, quæ posita vel in ipsorum hominum institutis sunt? Olim Lacedæmonum legibus vetabantur Ephori statim, ut magistratum inierant, barbæ alas pascere. & Solonis sanctio eum, qui seditionem & motus civicos quietus spectavisset, ignominia notabat. Non dubitat Plutarchus, quin utrumque optimo consilio factum ab illis sit; sed tamen, *mens*, inquit, *authorum ignoratur*. Et nos igitur idem in his contingere putemus, quæ summus legislator Dens jussit. Doceat me quispiam, cur edicto numinis impuræ sint quadrupedes, quarum fissæ ungulæ non sunt? Nam cuniculos quidem leporesque inter cibos habere apud cunctas hercle nationes fas & jura sinunt. at solis Hebræis haud licitum est. Quoniam verò etiam de suis in eodem Levitici capite ex-

rat legis editum, exspatiandum paulisper nobis est, quærendumque, cur hoc animal magis anxie vitaverint semper Iudæi, quàm cætera omnia, quorum odium pariter fugamque lex indixit. Memoratu digna sunt, quæ Plutarchus adfert. Suem enim Iudæis haud sanè inter res execrabiles haberi, sed summo in honore apud eos esse autumat, quippe quam venerantur ut arationis magistram. Id eos primum in Ægypto didicisse ait. quippe illic agros nunquam aratro verti, sed, simulac Nilus post solitam exundationem in alveum se recepit, è vestigio fues ab incolis propelli in agros, ut uberem glebam rostro fodiant, & semina occulant terra. quare vomerè quoq; Græcis *ωω* dici, originatione optima. Et quid mirum, inquit, tam fœdum animal à superstitiosa gente coli, cum Ægyptii quoque selem, gryphem, crocodilum adorent? Denique, si abominantur, scire causam se negat, cur invisissimam bestiarum interficere nemo audeat. Nam magos quidem, quibus à Zoroastre origo est, nihil pulchrius sibi, nihil gloriosius ducere, quam si multos occiderint mures aquaticos, quos religione quadem ridicule cuncti odere. Hæc confutare non magnus est labor.

labos. Quæcunque animantia Ægypti
coluere, ea tangere manibus nulla re-
ligio illos vetuit. Porrum & capre mor-
su frangere, nefas ingens erat. Et Flac-
cus joco se, tanquam de impia cæde,
dixit;

— *Si porrum & capre trucidas.*

Alius quispiam etiam indignatur &
clamat,

*O sanctæ gentes, quibus hæc nascuntur
in hortis*

Numina!

Et tamen hos ipsos deos manibus suis
è terra eximebant, recondabantque in
cellis armariisque ad alios usus vitæ
necessarios. At ludæi porcorum vel so-
lo tactu polluebantur. Quod neuti-
quam ita esset, si superstitionis causa
fuisset ex cultu & veneratione. Hinc
porro, cum attingere haud dignaren-
tur, etiam occidere nolebant. Itaque
de nihilo est, quidquid ait Plutarchus.
Neq; pluris æstimari debet, quod Petro-
nius venustissimo epigrammate lusit,

*Iudæus, licet & porcinum numen ado-
ret,*

*Et cæli summas advocet auricu-
las, &c.*

Sunt hæc ex communi Romanorum
errore, in quorum animis hæc opinio
insederat. Simul & nos sententiam
mu-

mutamus, qui Petronii verba sic emendanda censuimus quondam,

— *Et porcinum nomen abhorret.*

Male divinavimus. Quod si tamen ita dixisset, tum vero demum recte dixisset. nunc, quia aliter dixit, hariolatus est. Sed libet nobis, potius erravisse Petronium, quam nos feliciter coniecisse. Enimvero optima ratione tunc permoti, eam comminiscebamur emendationem, quam nunc spernimus. Ita enim res habet. Iudæi ipsum nomen hujus animantis inter res scævas & mali ominis numerant. Quoties enim loquuntur de illo, non nominant illud, sed recepto quodam more, uti malam scævam avertant, patrio sermone *בר אחר* ajunt. Romani id feliciter exprimere nequeunt. Nam si dixeris, *Res alia*, verbum quidem verbo reddes; sed sensum dicti non assequeris. At Græce esset, *περί γυναικὸς ἄλλοης*, sane perquam significanter. Cæterum, ob eandem causam etiam in festo paschatis solícite cavent, ne vocem *חֶלֶב panis*, inter loquendum usurpent. Ita enim existimant, piaculum immane cum admisisse, qui per eos dies in causa fuerit, uti alter quisquam de fermento vel leviter cogitet. Sed quid cessamus causam adferre, cur præ
cæteris

cæteris animantibus hoc unum furi-
 gant Iudæi? Fuit olim populus Israë-
 liticus mire obnoxius iis morbis, qui
 Syros ut plurimum atque Ægyptios
 infestabant. Vitilignes enim, pso-
 rasque, & tetra ulcera jam olim illis gen-
 tibus, velut proprias pestes, adscripse-
 re summi medicorum. Hos autem, &
 similes pene morbos uno nomine
 complexus Moses est, & lepram voca-
 vit. Porro in suis scabies & immun-
 dities, non vitium, sed natura est.
 Quare ne ad corporum pravam affe-
 ctionem contagio quoque accederet,
 aliqua ex esu contactuve, paulo super-
 stitiosius averfati suem sunt, quam aut
 lex numinis fortasse jusserrat, aut posi-
 tum in gentium aliarum institutis erat.
 Quamquam, qui potuit nimis cauta-
 eorum hominum videri formido, si-
 quidem nullum vitium æque, ut le-
 pram, execrata lex sit? Referuntur in
 Levitico severa Dei edicta de lepra non
 hominum modo, sed vestium quoque
 & domorum. Cujusmodi autem id
 vitium in rebus fuerit inanimatis, Syri
 fortasse & Ægyptii tunc intellexe-
 runt. nos hercle ignoramus. Et Plu-
 tarchus quidem, postquam multa su-
 per Iudæorum superstitione conjec-
 vit, diversissima pleraque, & quædam
 contra-

contraria , in hoc uno hallucinatus non est , quod postremo de lepra diximus ex illius sententia. Cætera , quæ de Baccho , qui fuerit idem cum Adonide , tum quæ de interfectore ejus apro addidit , non sunt nauci. Quemadmodum & illud spernimus , quod Hebræorum sacris mysteriisque coli ipsum illum Bæchum , temulentissimum numen , existimet. Nam & per festos quosdam dies , inquit , sub tabernaculis desident , eaque palmitibus atque ederis inumbrant : & est tempus , cum ramos ac thyrsos gestant. Accedit tubarum clangor , inquit : & sabbati celebritas , quæ post septimum quemque diem redit , appellationem à Liberi sacris habet. Sabi enim vox in orgiis passim auditur. Tum & sabbatis bibunt largiter. & Pontifex maximus festis diebus cum mitra cothurnisque , & hinnuli pelle , ac veste ad talos demissa incedit , pendentque in ora tunicæ tintinnabula. in sacrificiis quoque æra pulsantur , & mellis usus in illis nullus est. cumque multa poenarum genera apud illos sint , hæc maxime probrosa censetur , cum interdicitur damnatis vino. Hæc non unius Plutarchi , sed aliorum quoque fuit sententia , quam improbavit tamen Cor-

Q

nelius

nelius Tacitus, Nos eam summam retulimus, non quo confutarem operose singula, sed uti palam esset, quàm ingeniose pagani Iudaicam traderint religionem. Alia enim ex illis omnino falsa sunt. quædam vera, sed in deterrimam partem accepta ab homine sanè eruditissimo, sed qui causas ignoravit primi cujusque instituti. Cur enim aut tabernaculorum festum iusserit celebrari Deus, aut mel & ceram arcuerit à sacris suis, aut *καὶ δάνας & ποτήρια*¹, esse in Pontificis fimbriis voluerit, justa ratio fuit, quam Græcus scriptor quæsiuit fortasse, sed assecutus non est. Nam quod sabbatis potant Iudæi, atque helluantur, vitium ipsorum est, qui labente seculo rem sanctissimam infamavere. atque id crebro in sacris voluminibus illi genti exprobrant divini vates. Non potuit Iudæos magis invisos cunctis facere Plutarchus, quàm cum edita in vulgus hæc opinio est, esse eos Bacchi cultores. Apud Titum Livium, cum senatus decrevisset quæstionem de Bacchi sacris, Marcus Cato, vir gravissimus, cui ea res extra ordinem, mandata erat, ad

popu-

¹ Id est, tintinnabula, & corymbos aureos, qui Tunicis malis similes erant.

populum in hæc verba loquitur: Nunquam tantum malum in republica fuit, nec ad plures, nec ad plura pertinens. Quidquid his annis libidine, quidquid fraude, quidquid scelere peccatum est, ex illo uno sacrario scitote ortum esse.

Flavius Iosephus in apolog. adversus Apionem, de Græcis historicis, qui res aliarum gentium scripserunt:

Αἱ ἴπιν αὐτοῖς ἔμην μὴ γνώσκον
 παλῆτες, τὸ λῖαν ἀνεπίμεικτον ἔ
 ἵ γράφον ψεύδῃ, τὸ βέλεα δοκεῖν ἔ
 πλῖον ἔ ἄλλων ἰστορεῖν.

PROLEGOMENA

in LIB. III.

Amplissimo viro

FRANCONI DUYCKIO

Consuli Leidenſi primario

P. CUNÆUS S. D.



*Emini ego, vir amplissi-
me, qua tempeſtate ani-
mum meum ad graviora
quadam diſciplinarum
ſtudia adiicerem, in pri-
mis illud mihi propoſi-
tum fuiſſe, uti in evoluendis omnis a vi-
ſcriptoribus nihil aque ſectarer, quam
documenta quadam illuſtria earum re-
rum, qua ad civilem doctrinam pertine-
rent. Exiſtimabam enim proſecto, id quod
res eſt, pulcherrimis eos curis, cogitationi-
busque fatigari, qui rerum publicarum
incrementa converſionesque, & imperio-
rum præcipites caſus, ex hſtoriarum mo-
namentiſ eruerent, ut inde ſibi quiſque,
ſueque civitati quod imitandum eſſet, ca-
peret, inde ſædum inceptu, ſædum exitu,
quod vitaret. Quare jam pridem antea in
Suetonii Tranquilli, atque in Caii Cornelii
Taciti*

Taciti quibusdam libris lustrandis ita operam posuimus, ut in rerum Romanarum peruestigatione pleraque etiam attingeremus, quæ in uniuersum omnibus civitatibus atque rebus publicis convenirent. Quæ ubi editioni quondam matura erunt, ad te iudicem, atque ad eos, qui tui similes sunt, hoc est, ad homines eruditos, prudentesque, & rerum gnaros, pertinebunt. At in his de republica Hebræa, quos nunc edimus, libris, haud idem fecimus. Duntaxat enim de sacro populo diximus. ceteræ gentes quam recte constitutas respublicas aut secus habuerint, quibusve legibus eas aut institutis rexerint, haud traditum hic à nobis est, propterea, quod divina Mosis politia exemplo caret, atque omnino incomparabilis est. Sane quidem caterorum legistorum, quos tantopere admirata omnis vetustas est; sanctiones multæ Mosaicis similes fuere. permagna enim civibus virtutis, fortitudinisque exercenda imposita necessitas ab illis fuit. sed, quæ de sacris, deque cultu divino constituta ab illis sunt, haud ita penitus animos mortalium religione obstrinxerunt. Moses enim utique Deum unum atque æternum, rerum potentem, cogitationum humanarum, consiliorumque omnium arbitrum, atque iudicem, nullius fati editum, immutabilem, atque oculis inaccessum tradidit, cuius


jus formam nulla ars neque opificis expri-
 mere manus possit. Ita, cum vitam homi-
 num, divino numine invisi docuisset, plane
 omnibus, id quod res est, persuasit, nullius
 bonum malumve facinus pro nihilo habe-
 ri. omninoque effectum est, ut jam non fa-
 mam, aut aliorum conscientiam, sed se
 quisque testem formidaret. At de cæteris
 vero, qui vivendi præcepta atque leges
 olim gentibus dictavere, ita sentit Flavius,
 haud nescivisse quidem eos purum illud
 unicumque, & verum numen, sed tamen
 apud populum superstitione & præjudica-
 tis opinionibus corruptum, omnino eos
 hanc rem dissimulasse, ὅτι τὴν ἀλή-
 θειαν ἔδωκεν & δόγματι ἐξενεγκεῖν οὐκ
 ἐτόλμεν. propterea quod verita-
 tem dogmatis proferre non audebant.
 Ipse Plato apud eundem Flavium fatetur,
 esse isthac arcana quædam, quæ in vulgus
 edere periculosum sit. Quod profecto longe
 secus est. Nulla enim res Mosaicam rem-
 publ. æque continuit, quam religionum
 illa doctrina, quæ nullis fabulis, aut ine-
 ptiarum pigmentis incrustata, multo al-
 tius in Hebræorum pectora, quam quis-
 quam Græculus ratus esset, descendit.
 Propositum nobis fuerat, legum Mosaica-
 rum vim, sententiamque, atque etiam
 causas ex abdito eruere, atque omnia ea,
 quæ hujus generis essent, cum institutis &
 sanctio-

sanctionibus aliarum nationum conferre. sed conantes nos talia atque meditantes magnitudo operis tardavit, ut hoc, quod diximus, perducere ad exitum nondum potuerimus. Non tamen semper suspensam expectationem eorum tenebimus, qui saepe id à nobis serio efflagitarunt. Etenim profecto, quoniam per otium subinde, & succisivo tempore commentarios adornamus in universa opera FLAVII IOSEPHI, qui scriptor luculenter in libro IV Antiquitatum, & rursus in secunda Apologia adversus Apionem, totam eam rem pertractavit, neutiquam nobis illic deesse huiusmodi dissertationum poterit occasio. Nos, summe DVYCKI, quemadmodum illud argumentum, ubi excultum à nobis erit, fore multis non inutile speramus, ita plane confidimus, hac, qua nunc edimus, ejusmodi esse, ut prateriri à nobis non potuisse videantur. Pleraque enim ne attingerunt quidem ii, quibus hoc avo de republica veterum Hebraeorum aliquid scribere cura fuit. Interdum vero etiam commentationis materiem nobis dedit error aliorum & hallucinatio. omninoque necesse nobis fuit confutare quosdam, quos pridem eruditio sua, & consentiens hominum existimatio in excelsa collocavit. Quod tamen ipsum semper inviti facimus, pene ut nosmetipsos nostri pudeat.

Proditum à Caio Casare est, eos, quibus inter officia antelucana obvius fuisset Marcus Cato, cum caput ebrii retexissent, erubuisse, planeque esse ita existimatum, non ab illis Catonem, sed illos à Catone deprehensos. Idem nobis hic evenire confitemur. non enim honori eorum quidquam detraximus, sed ipsi nostra modestiæ vim fecimus, atque ita illos reprehendimus, ut laudemus. Utinam vero adversus nos eadem aequitate utantur, qui fortassis animadversiones nostras olim rursus habuerunt. bene profecto cum nobis atque præclare actum esse existimabimus. Non sumus tam superba impotentisque arrogantia, ut in tanta communis naturæ imbecillitate solos nos superesse existimemus, quibus interdum opus venia non sit. Hallucinamur omnes, alii gravia, alii leviora. nec est quisquam, qui tam bene animum suum disciplinis obfirmavit, ut nihil fugere eum possit amplius, aut fallere. Adde quod interdum vitii loco est, nusquam peccavisse. quod de Apollonio Rhodio Dionysius Longinus pronuntiavit, cum significare vellet artem & diligentiam in eo summam fuisse, at ingenii vim negatam illi esse. Spernit anxiam curam animus, simul ac illum implevit rei majestas. Miserum est ferme & jejunum, quicquid ab illis speratur, qui sese intra limites quosdam & præscripta spatia

spatia claudunt : qui sensa sua torquent,
& de singulis rebus in consilium eunt: quo-
rum hic exitus est, ut, quum toto anno, per
omnes dies, magno molimine unum li-
brum extuderint, vitavisse potius repre-
hensionem, quam meruisse laudem videan-
tur. Quare idem ille acerrimi vir iudicii
Longinus maximos homines ab omni ævo,
cum luculentissima quaque dicerent scri-
berentque, errores interdum in minimis us-
que adeo non effugisse ait, uti in quosdam
etiam sponte delati sint. Nimis angusta res
est, non errare. quod cui contigit, is solícite
quidem cuncta ad normam exegit, sed ta-
men extra culpam duntaxat est. At vero,
qui per generosos lapsus omnia soluto im-
petu pervadit, hic & hominem esse se, ca-
dendo docet, &, quia nihil mediocre con-
cupiscit, proximus tenenti summa est. Est
aliqua laus, magnis excidisse ausubus. Sed
nos nunc profecto nihil tam grande agita-
mus. Fuit tamen ex hac descriptione nobis
perquam suavis voluptas. Recolebamus
enim ea studia, quibus in adolescentia
quondam mire dediti fuimus. Invabat
identidem cogitare, quantopere animum
nostrum delectavisset Hebraismus, cum
Biblica volumina, Rabbinorum commen-
tarios, atque alia multa, quæ erudito à
Iudæis scripta sunt, evolveremus. Cujus
sane opera nunquam nos pœnituit. Et si

enim postea aliis curis in publico munere distringebamur, tamen quantum temporis tribuunt alii amicorum salutationibus, quantum aleæ, quantum cæteris otii oblectamentis, tantum egomet mihi ad eas artes celebrandas sumpsi, quarum fructus in omnem vitam videbatur utilissimus. Enimvero, cum sacri codicis lectio non Theologis modo, sed omnibus bonis viris, & præsertim eruditis, esse debebat jucundissima: quid aliud magis serio agendum nobis est, qui in hoc honesto otio vivimus, nisi ut quam optime nobis cognitus intellectusque sit is sermo, quo olim usus ipse Deus fuit, cum priscos Ecclesiæ rectores suo dignatus alloquio est? Dicendum aperte est. Valde supine atque oscitanter vivimus. Hispanorum, Gallorumque, & Italum verba atque voces discimus: & postquam classis nostræ alium orbem petivere, etiam cum Indis loquimur barbare. Tam ingeniosi cum simus, unam illam non intelligimus linguam, quam profecto unam didicisse, operæ erat pretium. Quod si qui sint, qui animum suum ad pulcherrimum hoc applicant studium, admodum id fit plerumque perfunctorie. Major enim pars ad fores Hebraismi accedit. quod facillimum est. interiora autem sacraria, Syriacum atque Rabbinismum, ne voto quidem penetrant. Atqui in Hebraismo, quot



& quanti sint thesauri, non est eorum judicare, qui sola verba contextus Biblici scire contenti, satis sese doctos putant, uti etiam alios docere velint. Errant illi, meo quidem animo. Pergendum ultra est, dispiciendumque quid Iudaei, vernaculi Bibliorum interpretes, jam olim aut recte, aut secus dixerint. Hoc qui facit, ei jus fasque est de iis rebus libere dissertare, quarum notitia non aliunde erui, nisi ex sacro codice potest. Neque enim profecto putandum est, ad isthac transcendere illicitum esse iis, quos suus ordo locusque in aliis quoque muniis detinet. Ignorare mihi divinam animorum suorum praestantiam videntur, qui ad unius rei misellam scientiam velut adstricti alligatique, ultra hanc aliquid tentare, haud esse hominis putant. Omnia erecta menti pervia sunt. semper sese versat illa, contenta, & quietis impatiens est. quidquid pulchrum, & grande, ac scitu dignum videt, id omne esse suum scit: & quae sibi imperat, pleraque obtinet. Atque hoc quidem etsi ita est, versantur tamen nihilo minus adhuc ante oculos nostros irritati animi eorum, quibus nondum satis sic expiavisse atrocissimi facinoris invidiam videbimur. Rem enim indignam, atque intolerandam clamabunt, invadi à nobis Theologiae fines, quos esse sibi solis ita relictos autumant, ut divina-

dominatum ibi quendam, & plenam jurisdictionem teneant. Sed ii homines, quoniam sunt oppido pauci, sed iniquissimi, non aliud responsum à nobis ferent, quam quod ex ipso sacro codice maxime nobis in promptu nunc est, incedere publice per hominum ora rerum dominam, divinam sapientiam, atque in trivis, & in compitiis etiam adstare, omnino uti ad se invitet non flamines hercle duntaxat, sacerdotesque, & sacrorum antistites, sed plebem quoque, & pullatam turbam. Neminem illa averfatur, neminem à limine suo arceat, qui bonam spem non ejuravit. Quare exurgat quisque, & animosumat, ac se quoque dignum fingat Deo. Non tam præclare hodie rem gerunt quidam sacra sapientia consulti, ut ex eorum ore atque verbis penitus pendere debeat is, qui recta conscientia solucia, atque morum & vitæ sanctitate integrum incorruptumque civem se præstare summo numini cupiat. Nos, cum certamina eorum, contentionesque plus quam theologicas cernimus, piis votis precibusque causam publicam juvamus, &, quod unum nobis jucundissimum est, procul ab insaniente multitudine nobiscum soli sumus, atque inter civilis doctrina & jurisprudentia curas, etiam per otium subinde theologiam quandam tractamus, non illam parti alicui aut magistro

gistro obnoxiam, sed hanc liberam, & sobriam, frugalemque, qua literulis nostris Græcis, Hebraisq̃ue, & Latinis subnixa æstuantiam aliorum, & litigandi intemperiem contemnit. Reperies quidem in hoc tertio libro, Амплиissime. ДѢЯКИ, quaestiones quasdam de Melchisedeco, & Cabala, de fide veterum Hebraeorum, tum alias id genus plures, quas paulò secus, quàm vulgò fieri solet, expedivimus: sed eas cum perleges, memineris, obsecro, esse nos paratos, simulac monuerit quis meliora, sententiam mutare. Pertinaciam enim pro opinione induere, haud est nostrum. Ipsi nos, si quando errores quosdam nostros odorati fuerimus, sponte hanc gratiam à nobis inibimus, & primi eos indicabimus, ne quis forte studio nostri aut amore deceptus, vitia nostra cæcis oculis prætereat. Sed hujuscemodi lectores, opinor, admodum paucos nanciscemur. Plures enim ea, quæ neutiquam reprehensione digna sunt, insectabuntur. aut, si nihil incusent, frigide tamen de illis judicabunt hercle. Quorum quidem hominum fastidiosam querimoniam expugnare nos non laborabimus. Magna enim esse eloquentia debet, quæ invitis placeat. Caterum longe maxima pars eorum erit, qui hæc ne inspicient quidem, propterea quod insita quadam animi vesania grande dedecus existi-

existimabunt, aliquid in Hebraismo à nobis didicisse. Non sum falsus vates. Omnia hac ita, uti dixi, evenient. Sed profecto quicquid hujus erit, nihil morabor. Neque ideo à recto bonoque recedam. Ex iudiciis quorumlibet latitiæ dolorisve causas capere, id vero est, ambitioni sacramentum dixisse. quod nunquam nos fecimus. Apud Flaccum, argutissima mulierum, Arbuscula, cum explosa à multitudine in theatro esset, satis esse dixit, equites sibi plaudere. Idem ego aio, amplissime ДУЧКИ. Paucis lectoribus, sed eruditis, gaudeo. Inter eos autem tu es, cujus iudicium acerrimis studiis, atque multa doctrina excultum, jure semper scio me fecisse maximi. Sed nimis operose prefatus sumus. Quare illud, quod propositum nobis est, ordiamur.

PETRI

PETRI CUNÆ
De Republica
HEBRÆORUM,
LIBER TERTIUS.

CAPVT I.

Initia Ecclesie, & incrementa, Satanae stratagemata. Locus in 1. cap. Genes. explicatus de serpente. Quid sit caput libri. Error Hieronymi. Liber Enochii commentitius.

OMnis de gente Iudæorum commentatio posita duabus in rebus est: nam & de Republica eorum agendum est, quæ præ cæteris eximiū quiddam habuit: & insuper investigari illud debet, qualis eorum fuerit Ecclesia. Etsi enim ambæ istæ esse sic conjunctæ videntur, uti pariter incedant, & divelli haud possint: est tamen earum magna diversitas, & inspicienda utriusque indoles seorsim est. Quare nos, qui priorem partem duobus libris ita pertractavimus, ut sæpe alteram hanc,

hanc, quod omnino sic necesse fuit, attingeremus ; nunc , quod bene atque feliciter vertat , singulatim ea percurramus , quæ ad Ecclesiam pertinent. Sed hîc paulò magis ex alto arcessenda nobis sermonis initia erunt. Etenim, cum antea reipublicæ sacræ institutio relata à nobis ad Mosen authorem sit, nunc vetustiora etiam secula lustrare, atque hinc ad Mosaicum ævum, & ad ea , quæ insecuta sunt , tempora descendere decrevimus. Ac origines quidem ipsæ , proximaque originibus, quoniam simplicissimè in sacris libris traduntur, non præbebunt nobis materiem notabilium observationum. At mox, ubi ex illis evaserimus, res persequemur luculentiores. Divus Petrus, qui rectè olim à quibusdam signifer fuit appellatus Novi Testamenti, Ecclesiam ait esse regium sacerdotium quoddam , & genus hominum electum. Ipse Deus Mosi dixit, gentium se quidem omnium , terrarumque esse dominum : sed addit, paucos duntaxat quosdam esse , quos ex hominum communitate segregatos , velut thesaurum & peculium seposuit sibi: iisque regnum tribuit, sed sacerdotale. Hoc regnum sanctum & inviolabile atque æternum est. Maximis quibusque

que imperiis crescendi modum natura posuit. licet enim nulla vis extrinsecus laceſſat, tamen factorum lege omnia magna in ſeruunt, & cedit oneri ſuo fortuna. Vnum hoc regnum, de quo in ſacris voluminibus ſermo eſt, tempore ipſo in majus ſolidiusque procedit, & à ſenſu ſuo capit vires. Eccleſiæ prima incunabula mundus vidit recens natus, cum in quatuor capitibus ſtaret humanum genus. Confeſtim enim impurus genius, cui ex malis noſtris jucunda voluptas eſt, Cainum à recta pietatis ſemitâ tranſverſum egit in omne nefas. Itaque tunc Eccleſia orta eſt, cum improbos primum à piis ſejungere, & ſuos ſibi habere cœpit Deus. Gregem oppidò exiguum, hoc eſt, quatuor oves in tantâ mundi vaſtitate agebat magnus ille paſtor. unâ ex his lupus hic abſtulit. Ea fuit prima illius victoria de humanagente, quam gravi peccato lapſam antea erexerat jam Deus, ut ad ſalutem perduceret. Haud ita multo poſt evênit, ut ſacra Deo facerent duo fratres. Quod dum fit, haud obſcuris indiciis ſignificavit Deus, eſſe ſibi Caini munera ingrata. Cujus rei cauſa in promptu eſt. quippe in Caino indoles inerat pravi ingenii. puras autem Deus, non plenas aſpicit

R

manus:

manus: & mens integra ac recta pulcherrimus numinis cultus est. Cæterum Flavius Iosephus, autor omni laude dignus, & cui post sacrorum voluminum scriptores prima esse debet fides, haud satis consideratè hac de re verba facere mihi videtur. ait enim displicuisse Deo laboriosam operã, quam in colenda terra sumpserat vir ille. In quo profectò fugit eum ratio. agrum enim primus hominum sator Adamus verterat, iussu ipsius Dei: & patrem secutus filius erat optimo exemplo. Sed procul dubio Rabbinos secutus est, uti solet interdum. Enimverò Iosephus, etsi gravitate supra cunctos Iudæos eminet, tamen haud ubique à deliramentis abhorret popularium suorum. Id apparet vel ex frigido illo mysterio, quod latitare credidit in voce אחד quæ est Genes. cap. i. Nam ratio, quam in alio scripto se editurum ait, cur Moses *unum diem*, non *primum*, dixerit, Rabbinica fuit. Extat liber Iudaicus, quem מכלל יומי appellant. In eo sententia hæc Rabbi Mosis Ben Ezræ refertur, אמר אחד לפי שהאחד הוא סימן להתחלה אשר אין תחלה קודמת לה *Dixit, Vnus, quia unus est nota principii, ante quod principium est nullum.* Aut hoc profectò, aut simile quiddam Iosephus prodidisset in libro

libro αἰτιολογιῶν, qui non est nunc in manibus hominum. Periisse quidem eum, etiam illius interest, qui scripsit. Quid enim aliud, nisi autorem suum traduxissent tam putidæ argutiæ? Sed redeat ad Adamum, unde digressa est, oratio. Is, inter hæc initia, filium vidit suum indignâ peremptum cæde à quo minimè decuit: &, dum unius lueret mortem, magis tamen alterius tristatus scelere est. Hic ego existimo, prope fuisse, uti Satanæ dolis rursus apertum latus daret, rueretque. Sed firmavit eum vis major. Plus enim fuit, quod sperabat, quàm quod videbat. Vetus opinio est, eaque omnium eruditorum firmata consensu, Messiam humani generis servatorem promitti primis parentibus nostris, cum circumscriptorem colubrum in hunc modum alloquitur Deus, in capite tertio. *Geneseos, Inimicitias seram inter te, interque mulierem: inter semen tuum, & illius. quippe semen ejus conteret tibi caput, & tu conteres ejus calcaneum.* Vtique hoc verissimum est. Concepit animo Adamus spem cœlestis atque æternæ vitæ. Quoniam tamen rationem rerum cunctarum esse dominam cupimus, sæpe mirati sumus, hoc ab illis, quorum scripta quidem vidimus, magis

gis affirmari pro certo, quàm ostendi. Quare visum nobis est ejusmodi testimonium quærere, quod esset inexpugnabile. Enimverò ad veritatis plenam fidem haud satis est concors judicium, & opinio multorum. Nulla mysteria ex verbis contextus Biblici eruenda sunt, nisi quæ alibi spiritus Messia, optimus sui interpret, digito monstrat. Clausus enim, obsignatusque est sacræ Scripturæ liber, cujus signacula solvit leo ille ex tribu Iudæ. Ac nobis quidem de tota re seriò cogitantibus occurrebat illustris locus, qui est in Apocalypsi Divi Ioannis. is est istiusmodi. *γυνή ἐν γαστρὶ ἔχουσα, ἐκραζεν ὠδίνουσα ἔ βασιανίζομένη τεκεῖν· ἢ ἔτεκεν υἱὸν ἄρρενα, ὃς μέλει ποιμαίνειν πάντα τὰ ἔθνη ἐν ῥάβδῳ σιδηρᾷ. mulier pragnans clamabat parturiens, & cruciabatur uti pareret. peperit autem filium masculum, qui reget omnes gentes virga ferrea. Ecce Ecclesia, & Messias. His dein draco insidiatur, de quo subiicit Apostolus: ἔβλήθη ὁ δράκων ὁ μέγας, ὁ ὄφις ὁ ὑψηλός, ὁ καλέμενος Ἀβύσσος, ἢ ὁ σαταναῖς, ὁ πλανῶν τὸν οἰκισμένον ὅλῳ, ἐβλήθη εἰς τὸν γλῶ. Et projectus est draco ille magnus, serpens ille antiquus, qui vocatur Diabolus & Satanas, qui seducit totum terrarum orbem:*

berem : projectus , inquam , est in terram.
 Vetus serpens ille, idem est, cujus verti-
 cem soboles mulieris frangit. Quid-
 quid alii dixerint , nullum præterea
 idoneum autorem , me iudice, ista ha-
 bebit interpretatio. Satis tamen est u-
 nus ille, qui enim hunc sequitur, mag-
 no se atque nobili nomine tuetur. Pos-
 sem etiam quadam argumentorum
 collectione & per ambages huc trahe-
 re verba Divi Pauli, quæ sunt in prima
 epistola ad Timoth. capite 2. ἡ γυνὴ
 ἀπαλῆδεισα ἐν παραβάσει γέγονε.
 σωθήσεται ὅτι ἂν τὸ κεννογόνιον, εἰάν
 ἐπιμείνωσιν ἐν πίστι & ἀγάπῃ. mu-
 lier, cum seduceretur, causa prævarica-
 tionis fuit. servabitur tamen liberorum
 partu, si in fide & charitate permanserint.
 nam etsi aliud ibi agit, respicere tamen
 videtur ad pollicitationem Evæ fa-
 ctam. Hæc illa sunt, quibus stabiliri
 communis illa, & pridem ab omnibus
 recepta sententia debet. Cætera, quæ
 afferuntur, speciem veri habent : at, si
 propius intueâre, nauci non sunt. No-
 bis haud ferendum est, uti res, quæ per
 fecertissima est, præsidio nitatur fri-
 gidæ probationis. Pulchrè ait Mosi
 Deus, *Exue calceos de pedibus tuis. locus*
enim, in quo stas, terra sancta est. Hoc co-
 gitent illi, qui contextum Biblicum

pervestigant. nudâ mente sint, & pectus gerant ab opinione præjudicata vacuum. qui verum optimè excusserit, rex esto. Certè Hieronymi incogitantiam excusare non possumus, qui, cum vera argumenta præteriret, usus est falsis. In egiptola ad Hebræos, in capite decimo, exponitur Davidis vaticinium de Messia, ἰδὲ, ἥκω· ἐν κεφαλίδι βιβλίας γέγραπται πρὸς ἐμὲ· *Ecce venio. in capite libri scriptum est de me.* Id vaticinium David recitat ex libro secundo Legis Mosaicæ. Quod sanè notum omnibus est. At divinus Hieronymus magna fiducia asserit, verba illa vatis esse ad Geneseos principium referenda. *Caput libri, est Geneseos principium,* inquit. Non ego nunc quæro, utrum vocem liminarem ἡνικά, an vero pollicitationem, quæ de prole mulieris est, in animo habuerit ille. est enim ubi utrumque spectavit. Illud satis est, esse eum falso testimonio usum ad probandum quod volebat. Nobis constat, Hieronymum omnium, qui olim interpretati sacras literas sunt, fuisse eruditissimum. adeo penitus perdidicerat Hebraismum. Itaque quoniam fieri haud potuit, uti tantus vir temere & sine gravi causa sic erraverit, age, dicamus qua ex re sit

nata

nata isthæc hallucinatio. Rationem quidem sententiæ suæ ipse prodit non semel, *Quia omnis scriptura unus est liber.* Equidem haud dubito, quin vir maximus scitum vetus Iudæorum secutus sit, quibus placet, universa Biblia fuisse olim *תקריב*, id est, *unum versum*, ita ut nullis sectionibus nullis capitulis, neque notis distincta fuerint volumina sacra. Memini ego amicum quendam nostrum exemplar cariosum vidisse, quod Iudæorum manu in hunc modum esset olim exaratum. Etiam illud non animadverterat Hieronymus, quid sit hoc, quod Apostolus *κεφαλίδες βιβλίας* appellat. Nihil enim aliud *κεφαλίδες* sunt, nisi ea, quæ Iudæi, & præsertim Talmudici, vocant *פרקים*, hoc est, *membra & partes librorum*. Quare Apostolus, Iudæus ipse, & ad populares suos Iudæos cum scriberet, percommode usus tali voce est. Nam quod dicebam modo haud divisum distinctumque fuisse Biblicum contextum, sane vero id ad scriptiōis modum & continuatū tenorem pertinet. At nulla tamen hinc confusio fuit. Nomina enim, titulosque, & sectionem cuiusque partis diligenter didicerant homines usque ad derisum superstitioni, in quorum manibus, ceu pinguia

succina, attritos vidissēs libros sacros. Satis jam manifestum est, quare deceptus Hieronymus sit. Nunc illud addimus, vaticinium illud, quod de Messia proditur in principio Geneseos, haud potuisse à primis parentibus nostris intelligi, nisi ex interpretatione Dei, qui arcanos hos abditosque sensus quadam animi miseratione illis retexit. Nam si id modo sequimur, quod verba sonant, tota res optime in serpentem quadrat. Qui aliter existimant, nã nos in illis magnopere hic judiciũ desideramus. Enimvero, quid reperiās omnium veterum, etiam gentilium, scriptis tam vulgatum, quam hominum naturale in serpentes odiũ? Hanc pœnam isti animali posuit Deus, cum antea esset mortalium generi amicissimum. Apud Artemidorum, in libro secundo, serpens inimicitiarum symbolum est. & in Theocriti *Αἰνῶνι* *μαζέταις* ait muliercula,

Ἰππὸν καὶ τὸ ψυχρὸν ὄφιν τὰ μέλιστα δέδωκε.

Ecce, anguem rem cunctis maxime formidabilem esse ait. Falisci olim Tarquinienfesque, teste Livio, M. Fabium Ambustum prima acie fuderunt, cum sacerdotes eorum, anguibus praelatis, incellũ furiali militem Romanũ infueta

sueta turbarent specie. Quod autem pedibus amissis reptile factum sit id animal, sane neutiquam Satanæ congruit. Aristoteles, quia veram causam ignorabat, rationem ejus rei mire ingeniosam ex ipsa attulit natura. Nos meliore usi magistro, esse istud scimus ab irato numine. Neque vero res inaudita est, brutum animans excepisse voces & reddidisse. nam & de Bileami asina palam est; & alibi balænam affatur ipse Deus. Pœnam quoque haud immerito tulit coluber. quippe ministerium impuro genio commodaverat ad immane flagitium. De contritione capitis quod subditur, aptissimum est. Etenim hac parte qualiscunque læsio anguibus lethalis est. itaque quoties periculum imminet, admiranda industria in spiram se colligunt, & caput reliquo operiunt corpore. cujus rei luculentus est testis Hieronymus. Sed non est his diutius immorandum. Libet Ecclesiæ nascentis initia persequi, in quibus mira divinæ sapientiæ vis illuxit. neque per tempora, sed per species, singula, ut quidque observatu est dignissimum, notabimus. Non enim historia nobis contextitur. Sæpe integrum seculum transiliemus. De Caini posteris pauca memorantur. nō enim

de gente Dei electa erant. At Sethi filios, nepotesque, & totam ab origine gentem solícite tradit scriptura. ex hac enim stirpe patriarchæ & Messias fuisse. Sethus natus est centenis plus minus annis post Abeli cædem, cum Caini progenies prophana late suas sedes posuisset, & regnum teneret impietas. At Sethus Dei metuens erat. Itaque statim, ut de illo loqui cœpit scriptor Geneseos, subjicit illud, *tunc cœptum est invocari nomen divinum*. Non intellexit hoc Rabbi Schelemo Iarchi, qui tunc ait cœpisse עבודה זרה idololatriam; & addit, בשמו של הקב"ה *ad eam rem abusos esse nomine veri Dei*. Quæ inepta sunt. idolorum enim cultum illa mundi infantia ignorabat. & tamẽ excepta est à plerisque hæc interpretatio cum plausu. In Sethi nepotibus aliquandiu sopita fuisse virtus videtur. aut, si aliqua in illis vixit, paulum distat sepultæ inertię. celatur enim. At Enochum, qui sextus ab illo fuit, insignis nobilitat pietas. Eum virum Deus mori vetuit. viventem enim ad beatas sedes traduxit corpore integro. Iudæi satis inepte ajunt, שבעה בני אדם שקפלו את העולם כולו ואלו הן אדם הראשון ומתושלח ושם ויעקב ועמרם ואחיה השילוני *septem esse vi-*

vos, qui omne mundi ævum volvunt. esse
 autem hos, Adamum primum, Methusa-
 lem, Semum, Iacobum, Amramum, A-
 haiam Silonitem, & postremò Eliam, qui
 adhuc superest. Vtique stultissimum id
 est. Pari enim ratione dixerit quis-
 piam, non septem, sed duos tantum
 esse, Adamum, & Enochum, qui post
 Adamum LVI annos in terris fuit,
 eumque sepeliit. Quanquam certè opi-
 nantur Iudæi, & inter hos præcipuè
 Rabbi Aben Ezra, fuisse Enochum,
 communi lege, fato functum. Nos Di-
 vo Paulo credimus, qui obiisse illum
 negat. Et profectò, quod Enocho con-
 tigit, id cunctis datum fuisset homini-
 bus, si in vitæ integritate perstitissent.
 Nunc noster nos error, gravisque no-
 xa, mortalitate damnavit, quam per
 languores & mille corporis mala ex-
 plemus. Non est dubium quin severa
 increpatione Enochus improbitatem
 castigaverit hominum sui ævi. Atque
 hæc res quosdam nugatores excitavit,
 quia stulta persuasionem syderati, spera-
 vèrè se posse seræ posteritati illudere.
 quippe inglorio studio, & jejuna ope-
 ra librum olim in vulgus extruserunt,
 quem ipsi, si Deo placet, ab Enocho
 scriptum ajebant. Profectò is liber aut
 è diluvii undis integer evasit, cum per-
 irent

irent ferè omnia: aut postea ex cœlo delapsus est. quod est anile. Quamquam quid non audebit asserere ineptorum vecordia, cum etiam Iudæi dicant Eliam, septimo anno postquam raptus fuit, literas ad Ioramum regem dedisse ex cœlo, & addant, ועכשיו הוא כולם *adhuc hodie illic omnium temporum fastos ab illo componi.* Et illorum quidem hallucinatio veniam meretur. non enim intellexere verba, quæ extant in libro secundo Paralipomenum, in capite vicesimo & primo. Cæterum Enochii commentitia oracula ita spreuit cordatior antiquitas, uti Hieronymus Iudæ epistolam, quæ de septem Catholicis una est, ob hanc causam à plerisque è catalogo sacrorum voluminum dicat expunctam, quia testimonium ibi citatur ex hoc futili scripto.

CAPUT. II.

*Ecclesia identidem admiranda numinis
iudicio intra unam familiam coarctata. Id exemplis ostensum.*

Postquam Enochus terras reliquit, illa ipsa Sethi familia, quam sibi selegerat Deus, afflata seculi veneno est. Qui enim antea sollicitè matrimonii con-

conditiones quæſiverant in ea gente, intra quam Eccleſia arctabatur, nunc ſanos affectus amplius non tenuère. Menſeorum vanas accepit imagines. Pluris eſſe formam, quàm morum ſanctitatem, vitio ipſa ſuo favens credidit libido. Hæc res contagionem dedit, quæ ab impiorum filiabus profeſta, manavit latius. Protinus in ævum erupit omne nefas. Perierat jus, integritas, fides, & qui ſemel dimiſſus nunquam redit in gratiam, pudor. Nullum ſcelus exemplo caruit. nec vacabat cuiquam vetus odiſſe crimen, cum quotidie oriretur novum. Tam immedicabile malum aſpero remedio indiguit. Non poterat improbitas extirpari, niſi cum hominibus. Perdendum fuit mortale genus. Supererat adhuc unus Noachus, vir ſclerum purus; quem D. Petrus præconem appellat juſtitix, quia voce illius uſus eſt Deus, uti ad ſanam mentem fleſſeretur nefarios. Datum illis eſt ſpatium centum & viginti annorum, intra quod reſiſcerent. Omnino ſic accipiendum eſt id, quod dicitur in ſexto capite Geneſeos. Nam Flavius quidem Joſephus perperam hæc verba in alium ſenſum detorſit. Nec verò obſtat, quod temporum, quæ ſecuta ſunt, calculus haud ſatis

satis cum serie congruit narrationis. Viderunt hoc eruditissimi Rabbino-
rum, Aben Ezra, & Salomo Iarchi. sed
addunt iidem, quod diligenti dignum
observatione est, אין מוקדם ומאוחר בתורה, *in libris Mosaicarum legum non tradi-
quid sit prius aut posterius gestum.* Cum
frustra datum ad pœnitentiam tem-
pus esset, concitis undique fluminibus,
& immissa pluviarum vi orbis terræ
effusus in undas est. De tot modò mil-
libus pauci supererant, quos Deus reli-
querat in semen, uti humani generis
jacturam nova sobole repararet. Mox
instauravit rectum numinis cultum
Noachus: &, ne diluvium alterum
formidaret, intueri iridem, atque huic
fidere sacramento iussus fuit. Erat Ec-
clesia tunc paucorum hominum. Et
tamen displicuit Deo indiscreta mul-
titude. Iterum in minorem numerum
contractio fit. Etenim, cum Noachus
tres filios, Semum, Chamum, & Iephe-
tum genuisset, in unius Semi stirpe Ec-
clesia hæsit. Chamum natu minimum
fuisse quidam perperam colligunt ex
verbis Mosis, quæ ad Chami filium
potius referri decet. nam ipse Chamus
quidem anno uno Semum antecessit,
uti rectè divinavit Rabbi Zacuth. Cer-
tè Hieronymus eandem secutus sen-
tentiam

tentiam est. atque etiam mysterium
 in hac re latère ait, quod, si verum
 non est, at est tamen ingeniosum. *nu-
 datum patrem, inquit, irrisit major fi-
 lius, minor textit: & Deum crucifixum
 illuserunt Iudæi, & honoraverunt genti-
 les.* Verba extant in disceptatione il-
 lius adversus Luciferianos. Post Se-
 mum aliquot annis pauca memora-
 tu digna evenère: nisi cui libeat de
 turri Babylonica tragicè ampullari,
 aut genealogiis volumina implere. à
 quo mirum in modum mea semper
 ratio naturaque abhorruit. Demum
 Abramus, qui de Semi nepotibus erat,
 inter vetusti seculi heroas illustre ex-
 tulit caput: sub quo juvenita quædam
 Ecclesiæ, & velut robustior maturi-
 tas fuit. Enimverò hic est ille justus,
 quem ab Oriente excitum ait elo-
 quentissimus vatum Esaias. Terram
 enim Chaldæam, quæ prima nascentem
 exceperat, patriosque lareis, &
 cætera omnia, quæ longè mortalibus
 jucundissima sunt, deseruit, uti igno-
 tam adiret regionem, in qua, pedem
 ubi poneret, non habebat. Sed paren-
 dum Deo fuit, cujus auspiciis voca-
 batur ad majora. Excelsa generosa-
 que res est animus sapientis. nunquam
 iisdem spatiis, quibus hæc contine-

tur vita, cogitationes suas terminat. quæ multis post seculis eventura sunt, ad se quoque pertinere credit. Intellexerat vir divinus regnum Cananæ fato posteris suis deberi. hoc solatio ille præsentem mœrorem edulcabat. Ceterum spem eam, quam de posteritate habebat, multa morabantur. ipse senex erat, & per ætatem defluerant vires. uxor vetula, quæ nec florentibus annis peperat prolem. & tamen, quoniam cœlitus ingentia promissa animum ejus firmabant, credidit Dei immensa virtute fieri id posse, quod negabat naturæ infirmitas. Itaque jure parens credentium dictus habitusque est. primus enim eas res, quæ nec erant usquam, & esse non poterant, animi cogitatione præsentibus sibi fecit, intuitusque est. Atque hoc proprium est fidei, quam pulchrè sacer codex ἡ πίστις appellat τὸ μὴ ὄντων. Natus dein Isacus est: is nempe, ex cujus familia olim Messias oriretur. Hic iterum numinis consilia, haud iniqua certè, sed arcana tamen, mirari libet. Ex Agare Ismaëlem susceperat Abram, à quo Saraceni Arabesque traxere originem. & rursus Cœtura illi enixa erat non unam prolem. Tot liberorum pater erat religiosissimus senex,

nex. cæterum ex omnibus unus modò extitit, cui præcipuè suam addiceret benevolentiam summus rerum arbiter Deus. Ab unâ Isaci gente coli, ab hac una religionem, sacraque, & cæremonias suas suscipi voluit. Sæpe jam habitus hujusmodi delectus fuit. neque enim verebor identidem id iterare, quod scitu est perquàm necessarium. Ex Adami liberis tantum Sethus, ex hujus stirpe Noachus, ex Noachi filiis Semus, ex illius posteritate Abramus, ac postremò ex numerosa Abrami sobole unus Isacus placuit electusque est, cujus familia Ecclesiæ nomen atque dignitatem ineffabili ratione, velut per successionem, sibi vindicaret. Cæteræ gentes, tanquam prophanæ, spretæ à numine, posthabitaque sunt, donec Messias terrarum orbem ingressus, intergerinum disjecit parietem, effecitque, quod dudum Abramo promissum fuerat, uti per sobolem ejus, cunctis nationibus sine discrimine daretur sperata salus.

CAPVT III.

*Sententia nostra de Melchisedeco contra
communem receptamque opinionem
confirmata. vis praesidiumque ingens
additur epistola ad Hebraeos.*

QVæ cum ita sint, monet me animus quædam de Melchisedeco dicere. Etenim res inopinata, & miraculi similis est, illo tempore cum Ecclesia unius familiæ hæreditas esset, extitisse in impia Cananæorum gente eum virum, qui non modo rectum teneret numinis cultum, sed Abramo quoque, summo Ecclesiæ præfuli, & recens in eas terræ oras advecto, cœlestia bona precatus, impertitusque sit. Equidem scio ego quæ sit aliorum de Melchisedeco sententia. sed mihi religio non erit ab ea recedere. non enim cujusquam præscriptum sequimur. neque id siverit genius noster, uti in aliena juremus verba. Inæstimabilis res libertas est: quam esse judicii animam qui crediderit, is sententiæ suæ adscribat meam. Luculenta est Hieronymi epistola ad Euagrium, in qua ille ex Græcorum docet voluminibus, fuisse Melchisedecum hominem mortalem, Cananææ incolam, Salemensium regulum,

gulum, & summi numinis sacerdotem, qui velut imagine quadam & figura Iesum Christum, maximum item regem atque pontificem, mortaliū seculis repræsentavit. Dein explicat verba Apostoli, quæ sunt super hac re in epistola ad Hebræos. Magna majestas eorum est, quos authores nominat, Irenæi, Hippolyti, Eusebii Cæsariensis, & Emiseni: tum & Apollinariū quoque, & Eustathii, quem primum vidit Episcopum Ecclesia Antiochena. Horum iudicium magno consensu sequuntur hodie cuncti eruditi. Etsi enim suas singuli rationes produnt, tamen diversis argumentationibus conveniunt in unum. Non est, fateor, convellendum temere, quod à pluribus constanter statutum est. quippe, ubi hoc fit, periculum est, ne omnia pervertat innovandi libido. Cæterum, quoniam receptæ opinioni adversari ipsa ratio mihi videtur, valentior esse omni autoritate debet veritas. Ego sic existimo, Melchisedecum, non hominem utique ex hominibus genitum, sed diviniore naturæ fuisse, majoremque homine, ac digniorem certe, qui tanto benedixit patriarchæ. Miserat ad Hieronymum Euagrius librum incerti auctoris, qui hoc, quod diximus

nos, assereret. Sed rejectus spretusque ab Hieronymo est, plane, ut mihi videtur, præter meritum. Etenim, quoties epistolam, quæ scripta ad Hebræos est, inspicere soleo, toties in eam adductus sententiam fui, ut existimarem aut plane intelligi eam epistolam non posse, aut certe rectum, verumque illud videri, quod nos contra opinionem Hieronymi, cæterorumque omnium asserimus. De Melchisedeco nusquam est mentio in libris veteris testamenti, nisi duobus locis; videlicet in cap. xiv. Genes. & in Psal. cx. Ex illis petitum est, quidquid sublimi oratione dissertavit Apostolus in ea epistola, quam ad Hæbræos scripsit. Tanto citius profectò rem confecerimus. Scilicet valido argumento sese niti arbitrantur, qui urbem, in qua imperium rex iste tenuit, fuisse Salem ajunt, quæ sita in Cananæa fuerit: ut non possit hoc regnum rectè, nisi hominis, intelligi. Sed quæro ex istis, quo cujus edicto non licebit nobis potius Apostolo, quam istis, credere? Ecce, ait disertè, *πρωτον μὲν ἑρμηνεύοντες βασιλὺς δικαιοσύνης, ἔπειτα ἡ βασιλὺς σελήμη, ὅ ἐστι βασιλὺς εἰρῆνης.* *qui primum quidem ex interpretatione dicitur Rex justitiæ, deinde verò etiam*

Rex

Rex salem, quod est, rex pacis. Duo nomina tribuuntur huic summo regi in Genesi. prius est *Melchisedec*, alterum *Melechsaalem*. non enim illud magis, quam hoc, existimari nomen proprium decet. Vox *melech* Hebræis *regem*, *sedec* *iustitiam*, *saalem* *pacem* notat. idque tironibus in Hebraismo haud est ignotum. Itaque *saalem* non est hic¹ nomen urbis, quemadmodum neque *sedec*. aut eant, qui veteribus erroribus novos superstruunt, & in regno Cananææ imaginariam urbem aliquā Sedec collocent. par enim ratio ejus erit cum stramentitio illo *saalem*. Sed hoc leve est. Nos profectò, nisi solidis argumentis agimus, imprudenter tot eruditissimorum hominum, totque seculorum labefactare consensum aggressi sumus. Sed bene speramus. Procedant in numerum cætera, quæ idem nobis Apostolus subministrat. Is magna epistolæ parte docet, excellentius majusque fuisse Messiaæ sacerdotium, quam Aaronis aut Levitarum. quippe Levitarum munus fuisse tempora-

S 3

neum,

¹ Fuit quidem Salem oppidum Cananææ, sed hic pro appellativo accipitur, & pax vertitur ab ipso Apostolo. Hoc multi non satis perpenderunt.

neum, quia dignitatem sacerdotii quisque cum vita amittebat, & in locum demortui subibat alius. At Christi, inquit, sacerdotium, pariter ut Melchisedeci, æternum est. & verò, ne fides dictis defuit, Davidis vaticinium de Messia recitat ex psalmo centesimo & decimo. *Tu es sacerdos in æternum, sicut Melchisedecus.* In Græco est, *ἡς' αἰῶνι*, secundum ordinem. Sed David, cujus mentem magis, quam verba secutus est Apostolus, ait, *כרברתי מלכיצרק*, quod eruditissimus Rabbīnus Aben Ezra rectè explicat *כמנהג מלכיצרק in morem Melchisedeci*, vel, *quemadmodum Melchisedec*. Neque aliud profectò verba Hebræa sonant. Enimverò ita res est. Profligaverat prælio reges impios Abrahamus, & victrices reducebat copias. Forte tunc in itinere obvium se illi tulit filius Dei, specie humanâ, habitu sacerdotis regisque indutus, ejusque animum faustis vocibus ad omnia ingentia erexit. Eriam panem vinumque fessò dedit, ne quid hac quoque parte desideraret ille principum debellator. Statim Abramus esse hoc majus quiddam celsiusque sensit. Itaque quod sub imagine latebat, mente coluit, & Messia, summo regi sacerdotique, quem mortalibus olim datum iri intelligebat, præsentī præsens munera decimasque ob-

tulit

tulit. Et quid causæ, obsecro, est, cur hunc justitiæ & pacis regem non credamus fuisse eundem illum filium Dei, qui postea, ad quercum Mamre, duobus comitatus sociis, Abrahamo apparuit, cibum cum illo sumpsit, adfuit unà in unis ædibus, ac denique collocutus cum illo est? Mihi sanè majus certiusque argumentum divinæ cœlestisque naturæ videtur, homini in media via derepente, velut è machina, supervenire, eique benedicere, & alimenta potumque dare, quàm hominis tectum subire, hospitio ejus excipi, epulis accumbere, sermones cum illo serere. Vnum modò discrimen est, quod in capite XVIII Geneseos expressè tandem dicitur, Deum fuisse, qui Abramum adierit: de Melchisedeco autem illud non ait quidem scriptor Geneseos, sed mysterium hoc relinquit explicandum Davidi & Paulo, qui nos de illo dubitare amplius non sinunt. Nec verò obstat, quod rex ille sacerdosque æternus quadam propria appellatione Melchisalem & Melchisedec vocatur. Sæpe enim sacer codex Deo nomina hujusmodi ex re nata aptat, quorum omnis posita vis in significatione rei est, de qua forte tunc agitur. Itaque alibi *Ehiescher ehie* dictus est, & *Emmanuel*; plane ut nunc *Melech salem* & *Melchi se-*

dec. Nemo miretur multis nominibus
 cum appellari, qui unus est omnia. Tot
 sunt nomina ejus, quot spectamus vir-
 tutes atque opera. Virtutes autem ejus
 quis fando enumeret? cum multas
 percensueris, longè erunt plures, quas
 omittes. Ne illud quidem scrupulum
 iniicere cuiquam debet, quod in Gene-
 si scriptum est, *Erat sacerdos Dei altissi-*
mi. Hoc enim *ὡς τὸ ἱμῶν ὁ ἱερεὺς*,
 five ad habitum sacerdotis pertinet, què
 induerat Dei filius. Et profectò fuit
 cum etiam alias sumeret personas. cu-
 jus rei exempla in illustri posita sunt.
 Ajunt præstantissimi theologorù, quo-
 tiescunque Deus immortalis homini-
 bus apparuit, apparuisse personam se-
 cundam, id est, filium. Quod sanè ab il-
 lis rectè existimatum est. Vtique cum
 Apostolus ait, *Sape Deum antea per*
Trophetas, novissimè autem locutum
fuisse per filium, non ille negat visum
 antea in terris Messiam esse, sed haud
 obiisse eum concionandi illud munus
 significat, quod olim à vatibus sem-
 per, ac tandem verò susceptum ab ipso
 est. Etiam nos existimamus, filium Dei,
 cum in via Abramo occurreret, cum
 vultum, eumque habitum corporis
 sibi finxisse, quem postea gessit in ter-
 ris. atque hoc illud esse, quod Apo-
 stolus

stolus ait, ἀφωμίωμένον τῷ υἱῷ τοῦ θεοῦ. Assimilatus filio Dei. Non poterat ipsum illud corpus induere, quod in terris postea intuiti sunt, & contrahere mortales. Idenim serò admodum genitum formatumque est, neque antè exstitit. quare imaginem duntaxat illius repræsentavit Abramo, sed planè eandem, quam inter homines habuit. Neque alio pertinere mihi videtur, quod scriptum à Ioanne est, *Abram gestiit videre diem meum, & vidit, gavisusque est.* Idenim uni Abramo contigit, & singulare quiddā fuit: cum de cæteris illud dicatur, *Multi prophetae & iusti cupiverunt videre, quæ videtis, & non viderunt.* Sed neque hoc sententiæ nostræ repugnat, quod iustitiæ ille pacisque rex ἀπάτωρ καὶ ἀμήτωρ, sine patre, ac sine matre fuisse dicitur. non enim profectò Divus Paulus mysterium illud duplicis naturæ spectavit, quod ejusmodi est, uti Messiaë quidem divinitas patrem, mortalitas verò matrem, at seorsim neutra utrumque parentem agnoscat. Pertinere illud ad ea tempora non potuit, cum nondum hominem induisset humani generis servator. Sed hoc utique sensit potius Apostolus, non esse eum communi lege ex patre

atque matre, neque ex libidine aut conjunctione viri foeminaeque satum, sed æternum eum esse, & (quod Esaias vates in capite LIII ait) *nihil posse dici de generatione ejus*. Sane verò ii ipsi, qui Melchisedecum Salemensium regulum, hominemque mortalem fuisse volunt, fateri coguntur ea omnia, quæ de illo Apostolus dixit, etiam Messiae convenire. Quod cum ita sit, profectò non aliter Messiam ἀπατορα καὶ ἀμήτορα, *patris matrisque exortem* cogitare possumus, quàm eo pacto, uti jam nos significavimus. Equidem ego animadverto quoque, Melchisedeci sacerdotium à Divo Paulo perpetuum atque infinitum constitui. ita quippe ait, μήτε ἀρχὴν ἡμερῶν, μήτε ζωῆς τέλος ἔχων, μηδὲ ἱεροῦς εἰς τὸ διηνεκές. *neque initium dierum, neque vitæ finem habens, manet sacerdos jugiter*. Ex quo colligitur, si Messiam atque Melchisedecum non esse unum eundemque, sed duos credimus, etiam hinc duos jam effici sacerdotes, quorum functio nullis circumscripta annorum spatiis in omne ævum durat. Quod certè nemo veterum antea, neque è recentioribus quisquam hactenus vel per somnium dixit. Nunc tandem illud dicamus, quod rerum omnium primum maximumque nobis est. Haud dubium est,

est, quin Iudæos genius aliquis malè advocatus in eum detruferit errorem, uti existimarent, id quod hodie in scriptis eorum legitur, *Melchisedecum fuisse filium Noachi, Semum, qui ad tempora usque Abrami Isacique superstes fuerit.* Hac futili opinione imbutos Iudæos Apostolus ad sublimiorem vocat contemplationem: &, de hoc ipso Melchisedeco, qui non Semo tantum, sed cunctis major esset hominibus, verba facturum, hac præfatione utitur, *ὡς ἔστι πολὺς ἡμῖν ὁ λόγος, καὶ δυσερμηνεύσιμος λέγεται.* De quo nobis multa sunt dicenda, eaque difficilia explicatu. Ecce, stupet ad magnitudinem personæ, & ineffabilem confitetur. quod nunquam facit, cum de aliis umbris typisque loquitur, quibus fuerat olim regnum Messix figuratum. Dein subjicit, *χωρὶς πάσης ἀντιλογίας τὸ ἑλαττον ὑπὸ τῷ κρείττονι δύλογεῖται.* Sine ulla controversia, non benedicit nisi major minori. Hoc vult, diviniorei cuiusdam naturæ eum fuisse, nec in hominibus numerandum: quia, qui tanto benedixit patriarchæ, certè major illo digniorque esse debuit. Etiam comparat illum cum Levitis, ¹ *καὶ ὥς μὲν δεκάτας ἀποθνήσκοντες ἀνθρώποι λαμ-*

¹ Ad Hebr. cap. 7. vers. 8.

λαμβάνουσιν, ἐπεὶ ὅ, μαρτυροῦμεν
 ὅτι ζῇ. Atque hic quidem homines, qui
 moriuntur, decimas accipiunt; illic au-
 tem is, de quo testatum est, quod vivit.
 Duo notat; primum, quod Levitæ,
 quibus decimæ dabantur, homines
 erant: dein quod morerentur. at hunc
 sacerdotem, cui Abramus decimas de-
 dit, non hominem, non mortalem ait
 fuisse, sed eum, de cuius vita & aterni-
 tate, inquit, testimonium habemus omni
 exceptione majus. Quodnam autem il-
 lud est? nempe hoc Davidis, quod ci-
 tat¹; Tu es sacerdos in aeternum, sicut Mel-
 chisedec. Quasi dicat, Tu es ille justitiæ
 pacisque rex, ille, inquam, sacerdos, qui
 vivis aternusque es; quem vidit Abraha-
 mus, decimisque & muneribus veneratus
 est, & Melchisedecum appellavit, cum
 appellare eum majore atque ampliore no-
 mine haud poterat. Etiam illud scriptum
 extat, vers. 15. & 16. καὶ τὸ ὅμοι-
 ότητα Μελχισεδεκ ἀνίσταται ἱεροῦς
 ἔτερον, ὃς ὁ καὶ νόμον ἐντολῆς σαρ-
 κικῆς γέγονεν, ἀλλὰ καὶ δύναμιν ζωῆς
 ἀγαθαλύτης. Ad instar Melchisedeci exo-
 ritur sacerdos alius, diversusque à Levi-
 tis, qui non ex lege, cuius mandatum sit
 carnale, sacerdos est, sed ex vi indissolubi-

lis

¹ Ibid. vers. 17.

lis vita. Nimirum, quod in Levitis fuisse negat, id in Messia & Melchisedeco ponit, *vim indissolubilis vite.* Paulo ante dixit, v. 11; *Si consummatio per Leviticū sacerdotium erat, quid amplius erat opus alium exoriri sacerdotem, secundum ordinem Melchisedeci?* Vtique hoc omnino significare vult, nullam consummationem earum rerum, quæ promissæ quondam erant, fieri potuisse per Leviticum sacerdotium. itaque opus fuisse sacerdotio perfectiore, cujusmodi fuit Messia illud, sive Melchisedeci. at si Melchisedecus mortalis homo fuit & Salemensium regulus, sacerdosque, ut isti ajunt; sane ineptum sit majorem perfectionem hujus sacerdotio, quam Levitarum, adscribere. Salemenses enim siti in media erant Cananæa, quæ regio nondum sacra susceperat rectæ religionis, quoniam recens in eos terræ fines advenerat Abrahamus. Sed esto. fuerit apud eos summi numinis reverentia. quis tam rerum omnium ignarus est, uti nesciat cultum religionis, etiam in ipsis patriarcharum familiis, rudem duntaxat informemque fuisse, donec lege lata societatem atque ordinem Levitarum instituit ipse Deus, præcepitque quibus cæremoniis sacrisque coli deinceps vellet,

vellet, cum id antea haud usquequa-
 que factum esset debitis ritibus? Si
 omnia argumenta convec̄tare velim,
 iusto volumine opus sit. Satis diu jam
 hoc saxum volvo. liberari cupio. Di-
 cendum tamen in extremo est, quid
 veteres recentioresque commenti sint
 ad locum Apostoli interpretandum.
 Videbant rem obscuram & difficilem
 esse. Magnum aliquid audendum fuit.
 In re crepera & ancipiti præcepta ca-
 pienda via est. Igitur illud, ἀπ᾽ ὧν,
 ἀμὴν, ἀρχὴ καὶ τέλος, sine patre,
 sine matre, sine genealogia, haud ideo di-
 ctum putant, quia parentes non ha-
 buit Melchisedecus, sed quia nec antè,
 nec postea eorum nomina adscripsit Mo-
 ses. Et rursus, μήτε ὄρχην ἡμερῶν, μή-
 τε ζωῆς τέλος ἔχων, μέντοι ἱερὸς εἰς τὸ
 διώκεται. nec initium dierum, neque vi-
 tæ finem habens, manet sacerdos in æter-
 num. Nempe, natus quidem est, inquiunt,
 mortuusque; sed quoniam ejus rei mentio
 non fit, fuisse æternus existimatur: &
 Messia divinam naturam velut typo re-
 præsentavit. Profecto, hoc non est my-
 steria, sed rerum ludibria consuetari.
 Quot enim possem Levitas sacerdotes,
 quot alios sanctos illustresque heroës
 ex sacris libris recensere, de quorum
 natalibus & morte altum silentium
 est?

est? Igitur, quod felix faustumque sit, jam totidem figuras Messiae habebimus. Iudaei credunt Iacobum non obiisse, quia in Genesi non dicitur, *Et mortuus est Iacob*, sed, *expiravit*. Iam istud alii ad iuvandam firmandamque vulgarem de Melchisedeco opinionem prodiderunt, quo autore, incertum est, sed authore tamen Iudaeo. Ego quidem certe in scriptis Rabbi Schelemonis Iarchi id me legisse memini, sed purum putum existimavi delirium esse, neque magis excusari debere, quam hoc, quod de Melchisedeco vane creditum est. Qui tale praesidium ad sententiae suae probationem adferunt, nam illi nugas nugis propugnant. Nihil tam facile reperitur, quam ineptiendi occasio. Et quid tandem non fiet? Iam etiam metuo, ne Tobiae canem aliquis sine cauda fuisse putet. quippe nihil de ea scriptum est. Sed omnes futilitatis numeros implevit Athanasius, qui Melchisedecum quendam fingit, cuius imprecationibus effectum sit, uti terra ima dehisceret, patremque illius & cunctos absorberet consanguineos. atque hanc causam esse ait, cur eum Apostolus fuisse sine parentibus, & sine genere dicat. Nemo ægrotus quidquam somniat tam

in-

infandum, quod non aliquis affirmet sapiens. Nihil vane hariolatus est Marcus Terentius Varro. Quotidie magis magisque hoc verum reperio. Sed mittamus ludos. Si nihil aliud dixisset Apostolus, quam ἀγνεαλόγητος, adduci possem uti in eorum sententiam pedibus irem. nunc diserte explicat verba sua, aitque ¹, μήτε ἄρχὴν ἡμερῶν, μήτε τέλος ζωῆς ἔχων, μένδ' ἱερὰς εἰς τὸ διωκεῖς. nec initium dierum, nec vita finem habens, manet sacerdos in perpetuum. Vtique non quid Moses dixerit, tacueritve, sed quid res sit, & quid sibi videatur, ait. Quidquid tribuit illi Apostolus, fultum est non Mosis reticentia, sed Davidis affirmatione. Quod hactenus non observaverunt interpretes, non enim ait ², *cujus mors reticetur à Mose*, sed contra, *de quo Davidis testimonium exstat, quod vivit. ὁ μαρτυρεῖται ὅτι ζῇ*. Quod profecto longe aliud est. Potest is obiisse, cuius obitus tacetur: potest & in vivis esse. quod enim silentio transmittis, incerto est. nihil quippe affirmas. at, de quo dicitur, ὅτι ζῇ, quod vivit, & quidem cum emphasi, ad differentiam Levitarum, qui in eodem commate appellantur

¹ In cap. 7. vers. 3. ² Ibid. vers. 8.

lantur ¹ ἀνθρώποι θνητοὶ, homines mortales; is, inquam, de quo tam evidenter hoc asseritur, non potest mortalis fuisse. aut, si fuit, profecto jam non hominum, sed angelorum lingua locutus est Apostolus. eam autem linguam an alii per insomnium aut revelationem didicerint, nescio. ego quidem homuncio ad istum sapientiæ gradum non perveni. Cæterum, qualis sit hæc vita, quam Melchisedeco tribuit Apostolus, nemini obscurum esse potest. Ait David, *Tu es sacerdos in æternum, sicut Melchisedec.* nempe sacerdotium æternum Melchisedeco adscribit vates: & ad exemplum illius, etiam Christo. Hoc Davidis testimonium citat Apostolus, verbis quidem aliis, sed eodem sensu, ὁ μαρτυρεῖ ὅτι ζῇ. quod perinde est, ac si diceret, *is, qui teste Davide in æternum vivit, sacerdosque est.* Hæc est vera & genuina sententia verborum Pauli. aut, si aliter existimamus, actum est de facili interpretatione epistolæ, quæ scripta ad Hebræos est. Equidem ego diu miratus apud animum meum sum, repertos fuisse quosdam, quibus hæc epistola displiceret

T

qui-

¹ Ibid. vers. 8.

quidem, quia favere Novatii erroribus videbatur, quod temere tamen & falso creditum fuit: at neminem vero deprehendisse perplexa illa ænigmata, quæ in his de Melchisedeco verbis latent, siquidem ex communi interpretum opinione explicarentur. Agant se versentque in omnes partes ii, quos & præsens & prior ætas tulit. Nihil nisi nubes atque inania prensabunt nequicquam, & suis se tenebris involvent. Non utar circuitione. Ego initio, cum operam darem, ut quam minimo negotio deciderem cum tantis incommodis, de epistola quidem hac, quin merito olim à Latinis Ecclesiis spreta esset, nullus dubitabam. cæterum Davidis verba, quæ de Melchisedeco sunt, non ad Messiam, sed alio-vorsum trahebam. Enimvero Iudæos magistros sequebar, quorum est persæpe in Biblico contextu interpretando admiranda industria. Rabbi Aben Ezra ait, psalmi istius authorem esse non Davidem, sed quendam *המשררים* *cantoribus*. Itaque cum statim initio dicitur, *Dixit Deus Domino meo, sede ad dextram meam, donec inimicos tuos fecero scabellum pedum tuorum, &c.* verba hæc sunt non Davidis de Messia, sed, ut ipse vult, cantoris de Davide, ut hic
sit

sit sensus, *Locutus est Deus Domino meo*
Davidi: esto rerum omnium securus. ho-
stes enim tuos Pelistæos sic omnes fundam,
ut eorum capitibus insultes. Postquam
 plura in eandem sententiam dixit psal-
 tes, tandem adiicit, *juravit Deus, & non*
pœnitebit: tu es sacerdos in perpetuum, ut
Melchisedec. Persæpe spiritus divinus
 reges principesque & ductores popu-
 li, sacerdotes appellat, quia cæremoni-
 arum ad eos, religionumque cura &
 tutela pertinet. Itaque, *Eris sacerdos,*
mutatis verbis esset, regnabis, erisque ti-
bi summum imperium in cives tuos. Il-
 lud vero, *In seculum,* putat Rabbi Kim-
 chidictum ob hanc causam, quia Sau-
 lis fuerat execrabilis & brevis pote-
 stas. at David inter res lætas florentes-
 que consenuit. Sequitur, *sicut Melchi-*
sedec. Hîc non idem sentiunt Iudæi.
 Rabbi Abraham ait, המעם שישראל
 ילחמו ואחר הקח חמער כ אשר לקח מלכי
 : *pugnabit Israel, & tu decimas prada acci-*
pies, ut Melchisedec accepit ab Abraha-
mo. Rabbi Moses ne ad historiam qui-
 dem hæc retulit, sed Chaldaeorum secu-
 tus Targumistam est, cujus est hæc in-
 terpretatio, דאנר מתמני לרבא לעלמא
 וז דאתי בגין זכותא דהויתא מלך זכאי
constituêris dux princepsque annis conse-
quenti-

quentibus, idque propter justitiam. quia
 es rex justus. ita enim accipio verba
 Chaldaica, quæ alii secus intellexêre.
 Ut ad pauca redeam, memorat plures
 id genus psalmos Aben Ezra, in quibus
 non David, sed cantor, quisquis fuit il-
 le, de Davide loquitur. Inter eos est
 psalmus vicesimus, *exaudiat te Deus in
 die angustia*. Tum & is, qui sequitur,
domine in fortitudine tua letabitur rex.
 item septuagesimus secundus. Hæc
 cum hunc in modum cogitaré, com-
 modum obtulit se oculis nostris lucu-
 lentus locus divi Matthæi, qui est in
 capite vicesimo & secundo. Ibi Phari-
 sæos interrogatione illaqueat ipse
 Christus, πῶς Δαβὶδ πνεύματι κυ-
 ριον καλεῖ χριστὸν; λέγων, εἶπεν ὁ κύ-
 ριος τῷ κυρίῳ μου, καὶ ἐξ ἐκ δεξιῶν
 μου, ἕως αἰῶνος. *Quomodo David spiri-
 tu divino actus, appellat Christum Do-
 minum? dicens, sede ad dextram meam,
 usque dum &c.* Non alio argumento
 nobis opus est ad confutandam vani-
 tatem delirii, quod penè nobis impru-
 dentibus obtruserant Rabbinì. Per to-
 tum illum psalmum non cantor de
 Davide, ut ipsis placet, sed David de
 Messia loquitur. Id Phariseos in Euan-
 gelii libro docet supremus, maximus-
 que magister, penes quem fides esto.

Erravit

Erravit Aben Ezra, Rabbi Moses, & Kimchi, atque Chaldæus Targumista, & quantum uspiam est verporum. Manet manebitque veritas mysterii, quod de Melchisedeco effatus est David, quem secutus est Apostolus, cujus epistola ad Hebræos sacrosancta est, & nihil nisi Deum spirat. Nescio equidem an post Euangelium Ioannis ullus sit novi testamenti liber, in quo plus profundæ reconditæque sit theologiæ. Quare non sine causa antea cruciabat me conscientia aversi genii mei, cum unius loci non intellecta vis iudicium tardaret meum de tam illustri scripto, quod cæteris sui partibus omnia prodebat magna & excelsa. Non temere poteram divino spiritu dictatum credere, in quo tam inconcinna cernerem: & tamen, sicut magnorum fluminum capita admiramur, & in sylvis quibusdam secretum umbræ, atque arborum proceritas fidem numinis facit; ita, cum oculos ad ea conjicerem, quæ in eodem illo auctoris monumento supra hominum essent mediocritatem, decreveram cum animo meo tantisper isthæc venerari, donec cætera quoque, quæ non capiebam, tandem assequerer aliquando. Et profecto non pessime res successit. Nam

genes : uti non immerito scientiam illius optaverit Hieronymus , etiam cum invidia nominis. Fuit ille quidem perniciosorum quorundam dogmatum author : sed tamen, quia præstantissimus erat sacræ scripturæ interpres, ita spernendi errores ejus fuere, uti nihil derogaretur summis ejus virtutibus. Falli & hallucinari humanum est. solitudinem quærat oportet, qui vult cum perfectis vivere. Pensanda vitii bona cujusque sunt, & , qua major pars ingenii stetit, ea judicandum de homine est.

CAPVT IV.

Ecclesiæ fata ab Abrami temporibus usque ad regni Israëliti sciSSIONem , quæ post Salomonis mortem contigit. Divinandi vis in morituris. Israelitarum idololatria in Ægypto. Superstitionibus Ægyptiorum saepe postea obnoxii Israelitæ in Palestina. Apis. Serapis. Vitulorum, & serpentis veneratio. An Iudæi asinum coluerint ? Cur Ægyptii asinum execrati sint ? Cophinus scænumque Iudæorum , qui Roma erant. Res legesque Iudaicæ intactæ Græcis Romanisque scriptoribus, & quare. De Theopompo & Theodecte. Iudæorum

lit: menti lux accessit: &, cum in vicino mors erat, vatem egit. Longum esset differere, per quas rerum difficultates eluctatus Iacobus sit, dum insidias illi tenderet frater, vir haud admodum numinis observans, sed qui progeniem post se reliquit longè nequiores. Atque hîc insignis jam rerum mutatio incessit. Etenim ex Iacobi duodecim filiis ortus est is populus, quëm Israëlem appellat sacer spiritus. Itaque cum hætenus identidem alia atque alia familia, sed plerumque una duntaxat, sacrorum religionumque fuisset custos, tandem nunc id decus datum cunctis Israëlitis est; quibus certe solis licet consecrare origines suas, & ad Deum referre authorem. Hæc gens incredibile memoratu est quantis incrementis aucta sit brevi tempore. Sed quæ vita, qui mores fuerint, per quos viros, quibus artibus potentiam adepti sint, abunde in iis dictum est libris, quos de Republica eorum scripsimus. Nunc libet alia persequi. Sanctum populum statim initio longa sterilitas & agrorum ingratitude alias in terras expulit. Sedes illi præbuit Ægyptus, quæ regio mirè segetibus semper exuberat, & Nili sui inundationibus læta nihil cœlo imbri-

busque debet. Illic dum fuêre, per multos annos patriis ritibus eorum & avitis sacris incorruptus honos stetit. Sed tandem, ut nihil perpetuum est, in superstitionem delapsi sunt, quæ jam olim per Aegyptiam gentem fusa, tunc quoque illorum imbecillitatem occupavit. Certè Israëlitis objicitur in capite vicesimo Ezechielis, quod in Aegypto idola & stercoreos deos honoraverint. Nihil illa oratione, quæ ibi extat, luculentius est. At in capite vicesimo & tertio, paulo obscurior sermo est; sed idem tamen dicitur: *Fili hominis, duæ mulieres, unius matris filia, fuerunt, quæ fornicatæ sunt in Aegypto. Ibi pressa sunt ubera earum. major Ahola dicta est, & soror ejus Aholiba. mea, inquam, fuerunt, & filios filiasque pepererunt.* Fictis nominibus Israëlem designat & Iudam. Diu Iudæis idololatriæ adhæsit contagio, quam ab insolenti & ventosa natione traxerant. Etenim quod serpens æneus, quem in paucos dies, & ob aliam causam Moses erexerat, thure postea & sacrificiorum libamenti usque ad tempora Hiskia cultus sit, id verò totum ab Aegyptiorum profectum vanitate est, qui, ut Marcus Tullius ait, *quamlibet carnificinam prius subierint, quàm aspidem aut ibi violent.*

Ipsam

Ipsum Serapidem draco repræsentabat, eminuitque id animal præcipue inter fercula Isiacæ pompæ, de qua Ovidius in hunc modum loquitur,

Tigraque labatur circum donaria serpens,

Et comes in pompa corniger Apis eat.
Percommodè Apin nobis in mentem vocat Naso. quippe is fuit sanctus bos, & summum numen Aegyptiorum. Eos imitatus Hieroboamus Israëlitarum rex est, aureamque bovis imaginem in Bethel & Dan erexit, uti hac re populum sibi retineret, firmaretque, Aegyptiacæ superstitionis memorem. Quid multa? quotiescunque Iudæi, sprete Mosis lege, animalia quædam, effigiesque venerati sunt, ad Aegyptiorum se exempla composuerunt. Itaque mirari satis nequeo, quid Plutarcho, aliisque maximis autoribus in mentem venerit, cum Iudæos asinum divinis coluisse honoribus tradiderunt. Futilia hæc sunt & nugatoria. nam nec legibus eorum istud sancitur, quæ adhuc integræ in manibus hominum sunt: & rursus ab Aegyptiis esse ejus rei origo nequit, quoniã profectò nullum animal magis invisum huic genti est. Typhonem enim quendam Osiridis interfectorem omnibus contumeliis mortuum insectaban-

ctabantur : & , quia is fulvo crine fue-
 rat, cunctos asinos , ob similitudinem
 coloris , de saxo præcipites dare , mos
 eorum fuit. Nemo quisquam ruffus
 reperiabatur, qui non publicè ludibrio
 esset. Etiam Busiritas ac Lycopitas ait
 Plutarchus tubis non usos, quod sonus
 earum quiddam clangere asininum
 visus est. Supra omnem festivitatem
 est, quod de Ocho Persarum rege pro-
 dunt. Eum Aegyptii identidem asinum
 appellaverant, incredibilem hoc igno-
 miniam rati. quibus ille, ὁ μὲν τοι ὄν-
 ῃσιν ὑμῶν κατὰ δωχίσηται ἢ βῆν.
 atqui, inquit, iste asinus vestrum bovem
 comedet. Apin autem designabat. Fal-
 sum est igitur, quod de Iudæis magno
 consensu memorant tot scriptores. Et
 tamen adeò blandita est iis homini-
 bus commenti dulcedo, ut reperti sint,
 qui septimo quoque anno hominem
 peregrinum huic fuisse asino immola-
 tum affirmant. Nos hæc omnia in
 odium sacræ gentis conficta arbitra-
 mur. neque id insolens fuit Romanis
 Græcisque. Ingeniosa est ad mentien-
 dum impietas, & favet ipsa industrie
 suæ. Sed tempus est ab his facessere. Ad
 Israëlitas redeo, quos in Aegypto sedes
 posuisse jam reruli. Nihil rerum mor-
 talium tam instabile ac fluxum est,
 quàm

quam aliorum quod beneficio tenes. magna enim mobilitate sunt animi hominum. quisquis alterius rebus consulit, suam ipse fortunam habet in consilio. ubi res postulat, fides & pacta posthabentur. Enimvero Ægyptii beneficium suum rati, quod Hebræi in rebus bonis essent, postquam metus jam erat, ne advenæ in partem regni acciti contra omnes valescerent, animum mutavere, &, quos diu benigne persecuti erant, repente velut fatigati destituunt. Placuit eos dura servitute oppressum ire. Hoc factum ea tempestate ait Mosés, cum Ioseph & cuncti fratres ejus fato functi essent. Non magni est, quod Rabbini notant: אין לך בכל השבטים שקצר ימים פחות מיוסף ואין לך בכל השבטים שהאריך ימים יותר מלוי וכל זמן שהיה לוי קיים לא נשתעבדו ישרי למצרים ומשמת לוי התחילו המצרים לשעבדם: מכאן אמרו אחד טן האחים שמת ודאגו כל האחים אחד מן החבירה sententia est, Iosephum minime diu vixisse, diutissime autem Levi. quo extincto, oppressos Israelitas esse. Atque hinc natum esse Hebræorum illud adagium, unius fratris obitu ceteros omnes affligi, & uno socio ablato, in luctu esse totam societatem. En acumen Iudaicum. Equidem ego sic semper existimavi, pleraque Hebræorum adagia

gia insulsa esse & frigida. Valde lentis maxillis edunt, quibus istæ deliciæ sapiunt. Non sunt nauti, si admirabilem vim & felicitatem cogites, quæ in Græcis Latinisque est. Sed hæc præter rem sunt. Quam miseris modis sanctam gentem prophana afflictauerit natio, traditum in iis libris est, quibus Moisaicæ continentur leges. instabant duri operum exactores. in cessantium terga sævitum fustibus est. ibat cælo clamor virorum. Alii lateres condendis urbibus coquere: quidam stipulas convecrare, pars stercora egerere: postremo, cuncti servilibus officiis intenti ætatem agere. Iudæis in hujus rei memoriam etiam hodie in cæna Paschalipuls quædam comeditur, quam peculiari nomine *חמץ* appellant. Neque profecto alia causa est, cur Iuvenalis Iudæos Romæ semper cophinum fœnumque habuisse dicat in suppellectili.

— *Cophino fœnoque relicto*

*Arcanam Iudæa tremens mendicat in
aurem,*

Interpres legum Solymarum, & magna sacerdos

Arboris.

& antea quoque,

Nunc sacri fontis nemus & delubra locantur

Iudæis,

*Iudais , quorum cophinus fœnumque
supellex.*

Enimvero cophinum fœnumque gestabant, cum quod fiscellis stercora lutumque portaverant in Ægypto, tum quia stipulis fœnoque usi erant ad fingendos lateres. Intererat eorum, per hæc monumenta cunctos docere mortales, quam aspera olim & fœda pertulissent. Nemo illa poëtæ verba rectè explanavit, præterquam Philippus Be-roaldus, inter Italos quondam apprime eruditus vir. Satis gravem testem citavimus, Iuvenalem. Sed tamen procedat etiam alter, cujus sermones haud cinerem quæritant. Venustum est Martialis epigramma in Gelliam; quæ, cum honestissimas condiciones respuisset sæpe, tandem superbiæ pœnas dedit, & Iudæo nupsit, contemptissimo bipedum.

*Dum proavos , atavosque refers , &
nomina magna,*

Dum tibi noster eques sordida conditio est,

*Dum te posse negas , nisi lato , Gellia,
clavo*

Nubere, nupsisti , Gellia , cistifero.

Mendicabulum hominis, Iudæum, vocat cistiferum, qui cum fœno cophinoque perambulabat urbem. Nemo

mo facile magnæ calamitatis obliviscitur. Manebat alta mente repositum inclemens Ægyptiorum imperium. Cæterum, dixerat Abrahamo Deus fore, uti per quadringentos annos Ægyptiis servirent Hebræi. quod secus cecidit. consilia enim in melius retulit, haud dubie misertus eorum. Ad hanc rem pertinet quod Chaldæus Targumistes scriptum reliquit: *Abbreviatum est tempus præfinitum propter merita patrum, qui comparati sunt montibus. & deminuit de tempore servitutis centum & nonaginta annos propter justitiam matrum, quæ comparatæ sunt collibus.* Habebat ea ætas divinum virum Mosen, cujus auspiciis ex Ægypto evasit populus Hebræus, ingressusque iter longum est per desertissimas solitudines. Non fuit exeundi autor Hierosolymus aliquis aut Iudas; neque conquistum collectumque vulgus, tanquam invisum diis, alias in terras, monitu Hammonis, avexit Bocchoris rex. hariolatus est Cornelius Tacitus, atque ii omnes, qui hæc illum docuerunt. Sed nihil mirum est tam falsa prodidisse de Iudæis eos scriptores, qui sacra volumina nunquam inspexere. Odit profanum genus damnatque tenebris Deus: neque passus est profecto, uti sancti populi res cognoscerent

ſcerent etiam ab ea parte, quæ publica eſt. Extant apud Flavium Iosephum verba Demetrii: qui, mirante Ptole-
mæoⁱ, cur Moſaicarum legum nec hi-
ſtorici ulli, nec poëtæ meminiffent,
cauſam ejus rei contulit in magnitu-
dinem negotii, quam anguſtiæ pecto-
ris illorum non caperent. Ad hoc, di-
vinitus pœnas dediffe ait, qui eas ſolli-
citaffent, Theopompum atque Theo-
decten. quippe illum mente, hunc vi-
ſu eſſe orbatum. Quod ſi qui ſint inter
eos, qui de illis aliquid ſcripfere, pluri-
bus modis labefactata ab illis veritas
eſt. Nemo illorum quiſquam eſt in-
corruptam fidem profeſſus. Etenim,
ut quædam vera ſunt, ita ſingulis fer-
me aſperſum mendaciolum eſt, & qui-
dem malignum. Quocunque oculos
conjeceris, tale quiddam deprehendes
etiam in præſtantiffimis authoribus.
Vel Iuvenalis, ecce, quam aliena effu-
tivit, cum de Iudæorum loqueretur
ſuperſtitione?

*Romanas autem ſoliti cõtemnere leges,
Iudaicum ediscunt, & ſervant, ac me-
tuunt juſ,*

*Tradidit arcano quodcunque volumi-
ne Moſes:*

*Non monſtrare vias, eadem niſi ſacra
colenti,*

*Quasitum ad fontem solos deducere
verpos.*

Vera falsis miscuit , plane uti confusa
res sit. Sane vero non fuit tanta amen-
tia Moses , ut hoc tam barbarum jus
introduceret. Quid fuisset aliud de ho-
mine in ferum animal transire, si non
hoc fuisset ? Præclare ab Ennio di-
ctum est,

*Homo , qui erranti comiter monstrat
viam,*

*Quasi lumen de suo lumine accendat,
facit.*

*Nihilo minus ipsi lucet , cum illi accen-
derit.*

Natura ad humanitatem nos forma-
vit. hujus imperio petere & dare jube-
mur quæ posita in communi sunt.
Quidnam est igitur ? injurii in Mosem
sunt , qui hoc illi affinxere. Diu post
tempora illius , cœpit hoc esse Iudæo-
rum primo vitium, dein mos quoque:
ut recte Hieronymus dixerit, *pejores esse
eos nunc , quam olim.* Fuit illis hinc ad-
versus omnes gentes hostile odium.
separati epulis , discreti cubilibus, alie-
nigenas , ut purgamentum , vitabant.
in summa mendicitate superbire , Dei
se gentem dicere , patriam religionem
& antiqua nomina jactare , denique
nihil

nihil moderati neque penſi habere. Profecto, inſigniter invidos & zelotas oportet fuiſſe, qui decretum iſtud Hyrcani & Ariſtobuli tempore fecere, quod Rabbi Zacuth memorat in libro Iuchafin, ארור מי שילמד לבנו הכמה יוניר, *Maledictus ſit, qui filium ſuum Græcorum inſtruxerit diſciplinis.* Ab eadem malevolentia fuit, quod tantopere indignati ſint, legem Moſis fuiſſe Alexandria in profanum ſermonem converſam, Philadelphi, optimi regis, juſſu. dolorem quidem certe ſuum quotannis ſolenni jejunio ad viii Teveth faſſi ſunt. Hæc mera ærugo erat, hic nigræ loliginis ſuccus, qui animos eorum venenaverat. Sed non opus eſt tantas moles conveſtare ad reſellendum, quod Tacitus falſo dixit de Iudæorum exitu ex Ægypto. Faceſſat Romanus ſcriptor, ubi vir divinus loquitur Moſes, *καὶ τὸ Διὸς δέλτα γδ ὁ μέγας.* quippe iſte teſtis eſt ex Iovis tabulis. Poſtquam in Arabum deſerta ex Ægypto evaſerant Iſraëlitæ, mire illis adfuit ſemper numinis clementia. Ajunt Rabbini tres fuiſſe inſigni pietate homines, quibus tria maxima beneficia tulit accepta populus Iſraël. מן בזכות משה עמוד ענין בזכות אהרן באר בזכות מרים מתה מרים נסתלקה הבאר וחזרה לתן

להן בזכות משה ואהרן מרת אהרן ונכתלק
 עמוד הענן חזר להן בזכות משה מרת משה
 נכתלקו שלשתן ולא חזרו שניה שנאמר
 ואכחיד את שלשה הרועים ביום אחר
Manna illis contigit ob merita Moſis, co-
lumna nubis propter Aaronem, puteus
propter Miriam. Moriente Miriam, per-
it puteus. ſed reſtitutus eſt propter Mo-
ſem & Aaronem. Obiit Aaron, evanuit-
que columna nubis. reddita tamen eſt pro-
pter Moſem. At Moſe extincto, ſublata
ſunt ſimul tria hæc. Scriptum enim extat,
exſcindam tres paſtores menſe uno. Verba,
 quæ citantur, Zachariæ ſunt. Sequitur
 autem Rabbinicâ interpretationem,
 uti ego opinor, Hieronymus : atque
 inſuper cauſam addit, cur uno menſe
 obiſſe eos dixerit vates, qui, ubi accu-
 rate rem exigis, potius uno ceciderunt
 anno. Ut ut hæc ſunt, præpotens nu-
 minis vis fuit, quæ populum exulem
 & omnium rerum egenum, in aſper-
 rimis locis tam diu ſuſtentavit. Quod
 ſi jam illa intueare, quæ paulo poſt
 evenerunt, cum Cananæam ingreſſus
 Iſrael eſt; ibi vero, quot res geſtæ, tot
 miracula occurrunt. maximæ ho-
 ſtium copiæ parva manu fuſæ: per al-
 tiſſimos fluvios ſiccis pedibus, velut
 continenti, pervium iter. oppidorum
 moenia, nullo impellente, ſubverſa.
 Quæ omnia ejuſmodi ſunt, uti vim
 eludant

eludant humani ingenii. Illud vero multo maximum est, quod etiam Solis cursum voce sua tardaverit per integrum diem summus populi ductor Iosue. Chaldæus Targumista Cantici Canticorum ait, Iosuen tunc cecinisse hymnum illum, qui ex decem, quos numerant, quintus est. Quid causæ sit, cur Iudæi, autoritate cuiusdam Rabbi Iose permoti, tradiderint hoc factum esse בִּירַח שֶׁל נִסָּן *Kalendus mensis Nisan*, atque in eam diem, præter solitum, incidisse æquinoctium; nos divinare non possumus: nisi quod profecto fatalis delirandi libido subegerit eos miraculi extenuare magnitudinem. Sarius fuisset, ad venerabile rei mysterium stupere. Sed tandem habeat finem aliquando hæc dissertatio. Postquam igitur Cananensium potiti Israëlitarum sunt, diu Ecclesia communis fuit duodecim tribuum. nec ante mutatio incescit, quam Salomonis decessus inter dominandi avidos certamen ingens excitasset de regno. Ibi scissus in contraria studia sacer populus est, cum pars hæc Roboamum Salomonis filium, pars illa sequeretur Effraimitam Hieroboamum Nabatho genitum. A Roboamo Iudas & Benjamin stetit: ab Hieroboamo reliquæ decem tribus.

ille Hierosolymam & finitima loca, hic Sichemum tenuit. Ita duo regna extitere: quorum alterum Iudaicum, alterum est Israëliticum dictum. Neque vero mansit intemerata religio. quippe ad idolorum cultum tribus suas averterat Hieroboamus, ut sacrorum dissimilitudo dissidium quoque augeret infensarum partium. Quare ex illa tempestate ad solos Iudæos redacta Ecclesia est; quorum nomine etiam Benjaminitæ propter summam, quæ fuit inter eos, conjunctionem, appellantur. In libro quidem Esteris, Mardocheus dictus Iudæus est, cum esset de nepotibus Benjamini. id quod Rabbi Elias publicavit. Hæc est illa tantopere celebrata Ecclesia Iudaica. cujus quæ fata, quæve mutationes fuerint, paucis sic dixisse, ingens operæ pretium fuit. Nunc ad alia pergimus.

CAPUT V.

De circumcissione. Quæ gentes olim fuerint circumcisæ. De Aegyptiis, Aethiopibus, & Colchis. Verba Ieremia de Aegyptiis à quorundam interpretatione vindicata. Pauli locus de iis, qui præputia reducunt, perperam ab Hieronymo intellectus. Immodicus assus Hieronymi in libris adversus Iovinianum.

*nianum. Hallucinatio ejusdem in ver-
bis Iosua de repetita circumcissione. Cur
circumcisio octavo die celebrata.*

PER diu sane populus sanctus reliquas
inter gentes nulla diversitate nota-
bilis fuit. Noscebat suos, quos delega-
rat Deus; & ab his noscebatur. insi-
gnia & notæ aberant, quæ usurpari
oculis possent. Primus Abrahamus,
cui facta rerum maximarum spes erat,
sacramentum accepit, cujus vi de fu-
tutorum eventu esset certus. Iussus est
circumcidere suorum præputia, ejus-
que rei exemplum transmittere ad po-
steros; quibus eadem posita lex fuit.
Nihil tam religiose observatum ab illis
est. Sed imitatæ tamen morem hunc
etiam aliæ gentes sunt. quæ res accu-
ratissimos scriptores in errorem im-
pulsit. haud enim sciverunt ex qua sit
origine hoc ductum. Herodotus ait
solos omnium mortalium Ægyptios,
Colchosque, & Æthiopes id fecisse. Sy-
ros verò, qui in Palæstina sunt, hoc
est, Iudæos, ab Ægyptiis didicisse. ne-
que verò dubitandum esse, cum hoc
confiteantur illi ipsi Syri. Sed enim ve-
rò danda est errori huic venia. obscu-
ra enim propter vetustatem sunt re-
rum initia. Nos Abramum circumci-

sionis authorem cunctis Iudæis fuisse,
 non opinamur hercle, sed certò sci-
 mus. In hoc uno tamen Herodotum
 sua non fefellit divinatio, quod Ae-
 thiopes potius ab Aegyptiis, quàm hos
 ab illis accepisse morè existimat. Quip-
 pe primi Aegyptii Hebræos, quos sedi-
 bus suis exceperant, imitati sunt. Exin-
 de res manavit ad finitimos, Colchos,
 Aethiopesque. Quoniam de propa-
 narum gentium circumcissione dixi-
 mus, confutandus nobis est eruditissi-
 mus Rabbinus, cujus extat liber in
 manibus hominum, qui Aruch dici-
 tur. Magnum atque memorabile faci-
 nus inceptat, qui in animum induxit
 ruspando ventilare quicquid errorum
 est in Rabinicis scriptis. Homines enim
 Hebræi, egregia cruditio, sagacique
 ingenio, cum sacri codicis sensa patrio
 sermone evoluta nobis darent, multa
 feliciter reppererunt, quæ aliorum nun-
 quam assecuta esset industria. Sed iis-
 dem rursus aut confidentia interdum
 aut ambitio interpretamenta quæ-
 dam dictavit, quorum falsitatem in-
 cogitantibus deprehendere haud faci-
 le est, quia veris proxima sunt. Non
 ego nunc de allegoriis, mysteriisque,
 neque de fabulis loquor, quibus sua ip-
 si scripta miserum in modum infama-
 verunt.

verunt. monstra enim hæc sunt, in quæ si Hercules incidisset, putasset sibi tertium decimum laborem venisse. Sed eas dico interpretationes, quibus מִשְׁנָה, ut ipsi vocant, hoc est, *simplex verborum sententia* explicatur. Hac enim parte soli Iudæi, ingratiis omnium gentium, tenent quendam principatum. Et nobis quidem de Iudaicarum interpretationum virtutibus vitiisque alio loco abunde dicetur. Nunc Ieremiæ recitabimus verba, ex quibus author libri Aruch olim commentum fabricatus est, quod probavere amplexique sunt hac ætate viri etuditissimi. Ait apud yatem Deus in capite nono: *Ecce, prope adsunt dies, cum animadvertam in omnes, qui circumcisi sunt cum præputio.* & addit, in quos animadverturus sit; *In Aegyptios, & in Iudæos, in Edomitas, & in Ammonitas, Moabitasque.* Circumcisi cum præputio, ii sunt, inquit autor libri Aruch, qui postquam circumcisi essent, præputium attraxerunt. Tales autem erant Aegyptii, inquit; quia circumcisi quidem erant, quo tempore vivebat Ioseph: at, illo mortuo, adduxerunt sibi præputium. Nempe hoc sentit Rabbinus, odio Israelitarum Aegyptios, ut obiit Ioseph, omisisse circumcisionis ritum,

quem olim, vivente illo, ab ipsis didicerant. quin & ad hanc rem arte usos esse ait, quæ abscissam cutem repararet. noluisse enim eos quidquam commune habere cum ea gente, quam per se pridem pastoritio vitæ genere invisam, ob unius tamen Iosephi merita hætenus, sed ægrè hære in parte regni siverant. Hæc est sententia præstantissimi Rabbini, qui putat Aegyptios non fuisse circumcisos, ex qua tempestate, relictis eorum finibus, in Palæstinam concessere Israëlita. Sed non ita est profectò. Etenim suo adhuc ævo recutitam prisco more fuisse eam gentem, Herodotus atque Strabo, &, qui diu post illos vixere, Hieronymus Ambrosiusque memorant. Enimverò perperam intellexit scriptor Hebræus verba Ieremiæ, quorum interpretatio mihi ea videtur optima, quæ est pervulgata. Scio equidem cum autore libri Aruch etiam sentire V. C. Ioannem Drusium, quo sumus magistro quondam usi. Sed ille, quâ fuit animi æquitate, dedisset ingenuo candori nostro veniam. Etenim incorruptam libertatem professi, sine amore, sine odio, quid rectissimè dicatur, exquirimus. Profectò, quoniam spiritus sacer *circumcisos cum præputio* appellat *primim*

mum Aegyptios, dein Iudæos; interpretamentum istud de omisâ spretâque circumcissione, si ad Aegyptios refertur, falsum quidem est, ut jam ostendi, sed tamen colorem veri habet. at ubi Iudæos spectas, de quibus ibidem sermo est, jam nequaquam procedit commentum. Etenim is populus, etsi ad impietatem identidem prolapsus est, & Deum negligere, sacra prophanaque omnia polluere didicit, circumcissionis ritum tamen retinuit constanter, eaque re gloriatus semper est usque ad ineptias, & cum derisu. Sed omisâ hac disceptatione, redeamus ad primam sanctissimi instituti causam, quam diximus hanc fuisse, uti populus Israëliticus aliqua diversitate nosceretur. Libet & alteram huic addere, quæ gravior certè, majorque est. Inter eas res, quæ Messiae sacrificium figuraverunt, etiam sanguis ille fuit, qui præputiorum circumcissione fundebatur. Quoniam autem rerum soliditas inania pellit umbrarum, æquum fuit, ut, postquam Messiae vultus terrarum orbi affulisset, eæ imagines tollerentur, in quibus fuerat olim mysterii huius occulta quædam significatio. Quare illâ tempestate vim suam circumcissio perdidit. Nam neque ii, qui ex prophanis

per totum istum locum de cælibatu & de conjugio agi. Verba autem sic interpretatur: *Eo, inquit, tempore, quo vocatus es & credidisti, si circumciscus, hoc est, cælebs eras, noli ducere uxorem, id est, noli adducere præputium, ne circumcisionis & pudicitia libertatem oneres sarcina nuptiarum. Rursum, si in præputio quis vocatus est, ne circumcidatur. Habeas uxorem, cum credidisti. noli fidem putare causam dissidii. in pace enim vocati sumus.* Quæ de servis adduntur à beato Apostolo, eodem pacto explicat. Hæc, & his gemina, non uno loco Hieronymus; sed præcipuè in commentationibus, quas in Esaiam edidit. Et verò, uti ostendat Pauli locum non esse verbo tenus, aut sine allegoria explicandum, disertè ait, *haud esse potestatis nostræ, præputium adducere post circumcisionem.* Nos Hieronymo non opponemus illustrium medicorum consensum, qui fieri id posse affirmant, quod negitat ille. Satis illum redarguit tot historiarum fides. Quamquam hercle, quod in Maccabæorum libris scriptum est, filios Tobia fecisse sibi præputia uti Græcis essent similes, illud ipsum frigida interpretatione pervertit. Atqui Flavius Iosephus ejus rei tam certus est author,

thor, uti addubitare amplius, non sit
 hominis sobrii. Enimverò ita res est.
 Abripuit Hieronymum, ultra quàm
 satis est, cælibis vitæ amor. Hanc
 enim ille uti mortalibus commenda-
 ret, omnia sollicitavit prophetarum
 atque apostolorum dicta, plerisque
 etiam vim fecit. Quemadmodum ar-
 quatis & veteriosis, lutea quæ non
 sunt, æquè ut lutea videntur: sic, cu-
 jus animo semel sedit pervicax opi-
 nio, desinit ille res verâ notione dis-
 cernere, & quidquid obviam uspiam
 est, id omne infervire suæ causæ au-
 tumat. Certè quidem in libris adver-
 sus Iovinianum effertur sine habenis,
 exuberans exultansque. argumento-
 rum verò delectum habuit nullum.
 Etenim, quod magnæ imprudentiæ
 est, cum multa se in pectus illius insi-
 nuarent, omnia, quæ animi calor ad-
 mittebat, in vulgus publicavit. Ita
 permagnum adiit nominis sui pericu-
 lum. ut omittam, quod nimius fue-
 rit cum in laude virginum, tum in vi-
 tuperatione nuptiarum. Marcioni e-
 nim & Manichæo favere visus est: &
 dum unum latus protegit adversus Io-
 vinianum, in altero vulnus accepit à
 spurcissimis hæreticis. Quare Pam-
 machius, summus amicus ejus, plera-
 que

que exemplaria suppressit. & ipse pro se scripsit apologiam, adeò pulcram medijs fidijs, uti jam in sanctissimo viro illud continentia vchemens & acre studium non feram modo, sed amem quoque. Quod enim plerique maledictum ingens existimant, eam ego laudem duco maximam. Modus quidem tenendus est, fateor: sed quia difficile est temperamentum, quidquid æquo plus futurum est, in hanc potius partem præponderet. Sed iterum longius, quàm decet, recessimus à proposito. crescet in immensum nostra commentatio, nisi in posterum magis pressè insistamus lineæ. Circumcisio per quadraginta annos, dum in Arabum desertis errabant Hebræi, ommissa est. Etenim, quoniam sæpe movenda castra erant, ægrorum imbecillitas ex recenti vulnere moram injecisset profectio. Accedit, quod in vastissimis illis locis nullæ erant gentes, quibus misceretur sacer populus. quare distinctione & notis neutiquam opus erat. Interea tamen, quoniam circumcisos prosequabatur singularis quædam numinis benignitas, utique valde infelices videri possint, quos in solitudine natos fati vis extinxit acerbo funere. Sed nobis sacri codicis

con-

contextum acrius inspectantibus nulla adhuc reperta ratio est, cur in deserto crederemus aliquos periisse, qui nati ibidem essent. Illud constat, eorum omnium, quos ex Ægypto Moses eduxit, neminem, exceptis duobus, in Palæstinam venisse. Itaque, quod summus populi ductor Iosua, cum Iordanem transisset, Israëlitas denuò circumcidisse memoratur, id verò ad eos pertinet, qui circumcisi nondū fuere, quia nati in deserto erant. Repetita tamen circumcisio dicitur, quia revocabatur mos, qui usurpatus olim in Ægypto, ac dein intermissus, postremo penitus abierat in desuetudinem. At Hieronymus præter rem hîc se fatigat, & nodum quærit in scirpo, cum disputat, qualis ea fuerit circumcisio, quam repetiverit Iosua. *Nam si juxta literam illud accipimus, inquit, penitus stare non potest. non enim excisa pellicula iterum nascitur.* Aliqua via elabendum fuit. in rebus creperis fortissima quæque consilia tutissima sunt; & capienda hîc præcepta via est. Igitur, uti nobili aliquo facinore sese expediat, *cultellum quendam Evangelicum* fingit in hac iterata circumcisione; neque aliud hercle significari ait, nisi mundationem animorum. Est hæc
non

non exigua hallucinatio. & tamen ipsi commentum placet. Cæterum, quod dixi eos, qui nati in deserto sunt, incolumes evasisse cunctos in Palæstinam, conjectura modo nostra est. putamus enim, non asserimus. Si qui tamen interea temporis, dum intermittebatur circumcisio, mortui forte sunt, his non minus propitium fuisse credimus numen, quam illis, queis natura finem vitæ fecit antequam institutus sollemnis hic ritus esset. Idem de infantibus quoque judicandum est, quos dulcis vitæ exsortes, & à matris ubere ante octavam lucem raptos, abstulit atra sors. Quapropter ridicula est verporum hodie superstitio, qui pueros sic extinctos, circumcidunt tamen apud sepulcrum. Quoniam omnia persequimur, (volumus quidem certe) dicendum est etiam, cur circumcisioni octavus sacratus dies sit. Nimis longe arcessitum est, quod plerique hîc de ætate octava ajunt, quæ vitæ æternæ redditura mortuos est. Mysteria ex rebus quibusque obviis & apertis effodere, eorum est, qui via hominum pervulgata sapere fastidiunt. Quæ res sæpe excidit in febriculosam putiditatem. Nos non inventionum acumen, sed rerum pondera amamus.

Cunctæ animantes, cum recens natæ sunt, quia brevem lucis usuram habuere, & incertum adhuc est an vita illis vitalis sit, ante octavum diem vix in censu animantium æstimantur. ad hoc, nondum spurcicies disfluxit, quæ ex utero illis, atque ex partu credita est adhærescere. Ea causa est, cur ex hoc genere mactari victimas sibi voverit Deus, cui ingratum est, quicquid semiperfectum aut impurum est. Extat edictum in Levitici capite vicesimo & secundo; *Bos, ovis, & capra, cum genita fuerint, septem diebus erunt sub ubere matris suæ. die autem octavo & deinceps offerri poterunt domino.* Igitur, quoniam etiam circumcisio velut quoddam solenne sacrum fuit, per quod puerorum surgentem spem consecrabant numini, plane oportuit hanc eandem oportuni temporis legem esse. Placuit autem octavus dies, non ob arcani vim, quæ in numero esset: sed quia nec ante peragi sacer ille ritus potuit, &, ut diutius differretur, haud necesse fuit. Quod si dies post octavum quivis alius ex parentum fuisset delectus libitu, jam metus erat ne supinitate hominum & sordidiâ quotidie res in deterius iret. Ita enim fit in vitâ. Primum prolatatio & ignaviæ quæ-

dam

dam dulcedo allubescit: mox contemptio succedit atque neglectus. Neque vero ipse sabbati dies, si octavus à natali esset, exceptus fuit, quamvis ab omni alio opere continerent tunc manus suas Iudæi. Verba facit hac de re ipse Messias in capite septimo Evangelii, quod scriptum reliquit Divus Ioannes. Quæ de circumcisione dicenda erant, persecuti pleraque sumus: nisi libêret nobis Thomam Aquinatem & alios præstantissimos quosdam scriptores refellere, qui circumcisioni adhibitum à Tzippora & Iosua cultellum ajunt, non ferreum, sed lapideum; eâque re significari Messiam, salutis auspicem, existumant, de quo divus Paulus illud pronuntiat, ἡ ὄ
πέτρα ἡ ὄ Χριστός. petra autem erat
Christus. Sed nos ab hac porrigine unguis continebimus, cum positum in laude commentantium sit, rebus illustribus immorari. Cætera iis relinquenda sunt, qui palmarium petunt ex ignobili labore.

CAPUT VI.

De religione Iudaorum. Cur Iudæi nubium & incerti numinis cultores habitiolim sint. Quid illud in Petronii Catalectis sit, cœli auriculas advocare. Non esse id Cœlicolis dictum. Atheniensium calumnia in Socratem. Ar ignoti Dei apud Athenienses. Iudaorum inexpugnabilis constantia in unius numinis cultu post templum secundum.

ET si omnibus locis adest Deus, mortaliumque audire vota ubique potest; tamen edicto legis Mosaicæ sancitum est, uti, cum populus Hebræus in Cananæam pervenisset, una modo urbs esset, in qua sacra publica, privataque, atque omnes cæremoniæ peragerentur: illuc cuncti ex tribubus atque oppidis suis ad religionum solennia convenirent: ibi primitias offerrent; Deum caste adirent; sanctè vota redderent. Nos, quoniam de statutis Mosaicis quædam diximus, utique prætermittere jam hoc non possumus, quod maxime habuit necessitatem legis. Extat illud edictum in capite duodecimo Deuteronomii, pertinuitque ad solos Hebræos, quorum infirma mens ad cultum numinis facillime

cillime excitabatur, quum sacrificiis solennibus non dies magis stati, quam loca essent in quibus fierent. Religio- num sedes hæc, Hierosolyma fuit, post- quam Silonem spreverat Deus. Et ini- tio quidem tabernaculum quoddam erat, quod præsentior insidebat numi- nis vis. Tandem Salomo, rex sapien- tissimus, auspicato inauguratoque templum condidit immensæ opulen- tiæ. Ibi altare, & arca cum insignibus sacri fœderis erat: ad hoc, alia multa, quæ adiciebant aliquid receptæ reli- gioni. Quisquis desideria sua numini exponere, quisquis vel opem ab illo, vel delictorum impetrare veniam vel- let, is ad templi atrium accedebat: nusquam magis propitius mortalium preces exaudiebat Deus. In Ioannis Euangelio Samaritana mulier ad Mes- siam ait, ὑμεῖς λέγετε, ὅτι ἐν ἱεροσολύμοις ἐστὶν ὁ τόπος ὅπου δεῖ προσκυνεῖν. Vos dicitis Hierosolymis esse lo- cum illum, ubi oporteat adorare. Et alibi dicitur, ἄνθρωποι δύο ἀνέβησαν εἰς τὸ ἱερόν προσεύξασθαι, ὁ εἰς φαρισαῖον, ὁ ἑτερος τελώνης. homines duo adscendebant in templum uti adorarent: unus Thariseus, & alter publicanus. Neque vero erant hac religione soluti, qui in dissitis locis vivebant, queisque

adire non contingebat sacram urbem. nam & illi, cum Deum adorabant, id quod unum in tali re fieri potuit, ad ædem Hierosolymitanam se convertebant. aliter nefas erat. Daniel quidem certe, Babylone, cum ter in diem genibus flexis supplicaret numini, fenestras cænaculi aperiebat, locabatque se Hierosolymam versus. Ipse Salomo, in sacro illo carmine, quo constructam à se pulcherrimi operis molem dedicabat, plane futurum spondit, uti posterius ad templum sese obverterent, quoties aut ab hoste capti in alias terras abducerentur, aut malis affligerentur extra patriam. Verba ejus luculentissima extant in libro primo Regum, in capite octavo. Est etiam apud Ezechielem infensus Dei sermo in eos, qui tergis sanctuario oppositis Orientem adspiciebant precantes. Quem locum eruditissimus Rabbi Iarchi interpretatus est perquam feliciter. Porro, templi adyta, præter summum sacerdotum, videbat nemo. Primus Romanorum Cn. Pompeius, cum ex Asia victrices circumageret copias, debellatis in transitu Iudæis, templi penetravit intimos recessus. Ex illo tempore vulgatum est, inquit Tacitus, *vacuam esse sedem, & inania arcana*. Enimvero

vero tenuerat antea mortaleis opinio, esse intus numen aliquod, Apin, Ammonemve, aut Anubin, cujus nomen inter ipsos modo notum pronuntiari apud exteros profanosque fas haud esset. At postquam Pompeius, jure victoriæ, adyta reſeravit, palam omnibus factum est, de nihilo esse tot sacra, totque cæremonias, siquidem neminem Deum præcipue colerent. Hoc voluit Cornelius Tacitus: ex cujus sententia illud Lucani est explicandum;

— *Et dedita sacris*

Incerti Iudæa Dei.

Ab eadem fama jactatum vulgo in Iudæos est, esse eos nubium & cœli cultores. Certe apud Rabbinos, cum decem sint Dei nomina, in eorum numero השכנה *habitatio* ponitur & המקום *locus*, & השמים *cælum*. Quam usitata autem illis res esset, jurare per cælum, non potest ignorare qui divi Matthæi verba legit in capite quinto, ubi istum morem reprehendit servator hominum Messias. Cæterum, non possumus hic assentiri Iosepho Scaligero, viro illustrissimo, cujus admirabilem in omni doctrinæ genere excellentiam jure veneramur. Is, cum apud veteres scriptores crebra sit mentio sectæ cujusdam cœlicolarum, qui fuere

semichristiani Iudæi, de iisdem putat loqui Petronium in Catalectis,

Iudæus licet, & porcinum numen adoret,

Et cæli summas advocet auriculas: &c.

Quod secus est. pertinet enim non ad hæresin quandam sectamve Iudæorum, sed ad Iudæos cunctos. Neque aliter accipi potest id, quod subjicitur,

Ni tamen & summas præciderit inguinis oras,

Et nisi nudatum solverit arte caput,

Exemplius populo, ¹graja migrabit ab urbe,

Et non je, una sabbata lege premet.

Sanè fuit hoc commune convitium, quod ridiculè confinxerunt Romani, ut invidiam facerent Iudæis, quasi nil præter aërem colerent, qui colere omnium aliarum gentium recusabant deos. Sed non tunc primò id factum est. Iam enim antea Athenienses quoque per summam malevolentiam, So-
cra-

¹ Legendum est sacrâ. vel, ut alii, gratâ. sed prius malo.

cratis numina esse dixerunt nebulas,
& fluida elementa. Omnia, quæ Aristophanes in scena lusit, nihil nisi vulgi
voces fuerunt,

Ω δ' εἴ ποτ' ἀνὰ ζ' ἀμέτρητ' ἀήρ, ὃς
ἔχ' ἑλὼ γλῶ μετέωρον,

Λαμπρός τ' αἰθήρ, περναί τε θεαὶ νεφέ-
λαι βρονήσι κέρουνοι.

Et mox,

Αὐτὰ γάρ τει μόναι εἰσὶ θεαί, τ' ἄλ-
λα ὃ πάντ' ἐστ'

Φλόαρ.

Spernebat vir sapientissimus eos Deos,
quos colebat civitas superstitionibus
obnoxia, religioni adversa. Hoc cuncti
cives ultum ivêre putido maledicto.
Dum isthæc de Socrate scribimus, a-
liud nobis in mentem incidit, sed quod
magis ad propositum nostrum facit.
Proprium & peculiare vitium fuit A-
theniensium, laborare multitudine
numinum: usque adeò profectò, uti
etiam Israëlitarum verum illud & in-
effabile numen colerent, sed nescien-
tes. Aram enim posuêre ἀγνώστῳ θεῷ,
ignoto Deo. De qua re extat narratio in
commentariis Actuum Apostolico-
rum, in capite decimo & septimo. Vi-

dit hoc divus Paulus, & miseratus est. itaque juvit eorum inscitiam, & fidenti oratione in medio Areopago ad cives dixit, ὃν ἀγνοῦντες θεοθεῖτε, τῷτον ἐγὼ καὶ ἀγγέλλω ὑμῖν. *Quem vos ignorantes colitis, hunc ego vobis annuntio.* Non sine ratione hoc dixit Apostolus. Etenim, cum appellationes amplius non poterant reperire numinum, quæ colerent, colebant ignotum aliquod. quare cum nullus esset falsus Deus, cui posita Athenis non erat ara, restabat ut hic unus, qui ἀγνῶς & ignotus erat, esset verus. Nam divo Paulo quidem, qui talem fuisse affirmat inscriptionem, magis credimus, quàm Hieronymo, aliisque, qui de titulo nescio quid diversum tradunt. Iudaicæ religioni honorificum testimonium Tacitus, etsi aliud agens, dedit, cum ista scriberet, *Judæi mente sola, unumque numen intelligunt, summum illud & æternum, neque mutabile, neque interiturum.* Non poterat grandius aliquid homo paganus dixisse. Habet hoc sacratissimæ religionis majestas. Ornamenta sua etiam ab illis capit, qui contemnunt. Sed id tamen sæpius factum est alia quadam ratione. Caius Agrippæ filius, Iudæam prætervehens, apud Hierosolymam non

non supplicaverat. Placuit numini, ut hoc, quod adolescens ex principe domo deliquerat, tota Roma lueret. quippe inopia, fames, & summa annonæ caritas urbem attrivit. itaque errorem suum Octavius agnovit, qui nepotem suum Caium collaudaverat. Certè admodum illustre pœnitentiæ documentum ab Octavio datum ex Agrippæ regis oratione ad Caligulam colligimus, quam Philo recitat in libro de legatione. Ait ille, sacrificia Hierosolymæ quotidie supremo Hebræorum Deo facta fuisse de pecunia Augusti. Ita iusserat is princeps, qui constantissimè per omnem vitam aversatus peregrinas cæremonias est. Nimis ridiculè faciunt, qui hîc in dubium vocant Agrippæ fidem. Etenim profectò homo Iudæus non impune tulisset tam futile mendacium, apud Caium, & in eâ urbe, ubi recens adhuc omnibus hærebat memoria Octavii. Non minus præclarum est, quod de Alexandro Magno refert Flavius Iosephus, in Antiquitatum libro undecimo. Sed non libet nobis omnia recitare. Satiusest persequi quæ suggerit Tacitus noster. Inter cætera illud est: *Iudæi profanos credunt, qui Deum imagines mortalibus materiis in species homi-*

hominum effingant. Igitur nulla simula-
cra urbibus suis, nedum templis sunt.
 Putes Tacitum deditâ operâ Roma-
 nos suos stultitiâ damnare. adeò gra-
 vitatem asseverat, dum hæc dicit. At
 in Plinio haud idem studium videas.
 nam velut fauens publico errori illud
 dixit, *Iudæa gens, contumelia numi-*
num insignis. Sunt in libris Mosaicis
 multa edicta, quibus idolorum veta-
 tur cultus. Ne aurum quidem ido-
 lis argentumve auferre fas fuit. Quan-
 quam non potest violatæ legis reus
 videri summus rex David, qui capi-
 ti suo imposuit coronam Molochi.
 quippe acceperat à Iethæo Philistino.
 & purgatum jam erat vitium rei, quæ
 dominum mutaverat, ac præda fue-
 rat non hominis Hebræi, sed alienigenæ.
 Sæpe infractam Iudæorum ad-
 mirati virtutem sumus, quos Roma-
 ni compellere non potuerunt, uti
 imaginem reciperent Cæsaris. Sub-
 egerat rerum dominus populus non
 Iudæam modo, sed Asiam Africam-
 que: & prolata jam tanti imperii re-
 verentia ad illos quoque erat, qui
 alium solem, alia sydera intuebantur.
 Vna Iudæa aliquid negare ausa victo-
 ribus est, qui auferre vi, quod non im-
 petrant, solent. quippe potestas, non
 modo

modo si invitet, sed etiam si supplicet, cogi. Primum experimentum tenacissimi propositi datum sub Tiberio est. Sed tunc id modo agebatur, uti in urbe locarentur statux. & cito destitit præfectus, cum non poterat hoc, uti erat cœptum, pertendere. Mox Caius etiam inferri templo voluit, & recusantibus minitatus extrema est. Accessit tandem numinis cœleste auxilium. quippe Petronius, qui provinciam tenebat, nuntium de Cæii morte multo ante accepit, quam eas literas, quæ tribus mensibus ante scriptæ, excidium jubebant sacræ gentis. Et sane significaverant hoc Cæio Iudæi, malle se cum urbe penitus deleri, quam admittere, quod foret contra edictum divinæ legis. Tanta cupido gloriosæ mortis non in proceribus modo, sed in plebe quoque, atque in mulierum apparuit sequiore sexu.

CAPVT VII.

De vatibus, deque divino afflatu. De Elia. An vates furore correpti, & mentis impotes fuerint, cum futura cernerent? Montani dogma, & muliercula fanatica, quas instruxit ille. De Delphicis vatibus, deque impostura, & artibus, quæ illis in usu. Ficta cum numine

mine colloquia. Hereticorum veteres doli: & de Valente Arrianorum dace. De Esaia, deque Ieremia. Iudaorum vesana opinio, Daniele vaticiniis non esse annumerandum. Inutilis aliorum contentio super ea re. Cratetis affectata pauperies. Eliæ & Ioannis Baptistæ comparatio.

DVabus rebus, ante Messiae adventum, ad recta compellebatur sacer populus; legum sanctionibus, & oraculorum terrore. Itaque potissimam sacri codicis partem cum edicta Moisaica, tum vatum scripta occupavere. In divi Lucæ Evangelio dicitur divi cuidam purpurato, *Habent Moysen & prophetas. illos audiant.* Ac de legibus quidem antea dissertatio nobis fuit. nunc postulare res ipsa videtur, uti etiam de vaticiniis aliquid dicamus. Vates ii erant, qui iram numinis peccanti populo denuntiarent; quique miracula ederent, & futuros rerum prædicarent eventus. Inter vates insigniter eluxit sanctitas & celsa quædam virtus Eliæ, qui, uti Deum totum admitteret, hominem exuerat: & cum in desertis locis duram atque asperam ageret vitam, ad civium cœtus non adibat, nisi ut corrigeret. Eliæ vaticinia plera-

pleraque, cujus generis fuerint, difficile dictu est. pauca duntaxat in libris Regum sunt, sed quæ de Messia nullum perhibent testimonium. Scripta illius, si quæ fuere, Achabus suppressit. Non enim extant in manibus hominum. Cæteri ferme, quos sequens tulit ætas, oracula sua literis consignauere. Habent autem eorum libri tam infallibiles prædictiones earum rerum, quæ multis post seculis contigerunt, uti non alio argumento magis defendi sacræ scripturæ debeat diuinitas. Non ea scientia constare studiis, arte, aut præceptis potuit. quicquid dictum illic est, à numinis instinctu fuit. Zacharias quidem, Daniel, Ezechiel, quid aliud, quam cœli commercia habebant? Sæpe inter angelos esse se cernunt, loquuntur cum iis, populorum fata discunt. Ad summam, vere illis contigit, transilire mortalitatem suam. Atque hæc causa est, cur in libris eorum, sermo numinis ad eos ferme cum hac præfatione sit, *Audi, fili hominis.* periculum enim erat ne insolescerent, & caducæ sortis suæ fierent immemores. quicquid leve, atque inane in animis est, inter res tantas atque tam inusitatas, sese extollit. Cæterum ne utiquam est existimandum, fuisse vatum men-

mentem extra se raptam, plane uti impos sui esset, atque ut ipsi ea nescirent, quæ loquerentur. *Spiritus vatum*, ipsi *subiectus est*, ait divus Paulus. quod secus esset, si frænos morderet, & rectorem suum raperet, ferretque extra rerum terminos. Celebrè est illud Messia, *Multi vates cupierunt videre quæ videtis, & non viderunt; & audire, quæ auditis, & non audiverunt.* Sane desiderare non potuissent, quæ penitus ignorabant. Res quidem præsentibus oculis cernuntur: quod illis non contigit. at futuras mente intuiti sunt. Ioannem omnibus prophetis maiorem ideo prædicavit Lucas, quod, quem cæteri venturum cognovere, ille digito monstravit coram, dixitque, *Hic est.* Hoc unum discrimen est, non ecstasis in illis, non animorum alienatio raptusve fuit. Montani delirium olim hoc fuit, quod ille obtrudere mortalibus nitebatur, uti fraudibus suis nubem objiceret. Maximillam enim & Priscam, mulierculas insanas & bacchantes, velut in scenam adduxit, quæ in illo mimo partes secundas tractarent. Furere, & incompotis motibus agitari, eorum est, quorum os rabidum fatigat impurus genius, domatque corda & fingit premendo.

Et si

Etsi huiusmodi homines sane omnibus seculis pauciores fuere, quam vulgo creditum est. Dolus plerumque, & impostura fuit. facile sub persona furor simulatur: facilius quidem profecto, quam mens sana. Varibus Delphicis quæstui erant animi hominum superstitione capti. Habebant per omnem Græciam emissarios suos, qui res & fortunas cujusque discerent. mox consulti, respondebant cuique convenientia. Inerant tamen dictis latebræ, & poterat eventibus interpretatio apparari. Marcus Tullius, cum disputat cur jam pridem Pythii Apollinis cessaverint oracula, causam adfert verissimam, quia minus esse creduli homines cœpissent. Nam quod vetustate extinctam vim loci dicant, nihili esse, cum nulla vetustas vim divinam conficiat: ac Demosthenem vero, ante trecentos annos recte istud dixisse, *Pythium φιλιππίδην*. Non pluris fuerunt Ammonis responsa, Prænestinæ sortes, & alia de hoc genere. Atque in eundem ordinem igitur adscribimus Montani insanas fœminas. Fuere hæreticis nimium usitatæ istiusmodi artes. Qui opinionum fingunt portenta, nunquam illis bene procedit inceptum, nisi advocetur ex machina

Deus. Arrianorum dux Valens, postquam persuaserat Constantio, fuisse sibi cum angelo sermonem, altius dehinc semet extulit, principisque abusus simplicitate ad sua libita est. Sed facestant illi. non enim id nunc agebamus. Inter eos vates, qui de Messia scripsere, perquam disertus est Esaias. oratio ejus erudita ubique, & majestatis plena, facile ostendit, qua esset natus origine. Vir enim nobilissimus, & principum consanguinitate clarus, artes omnes scientiasque didicerat, quibus ingenia ad magnę fortunę cultum excitantur. Liber autem ejus non tam vaticinia continere, quam Evangelia videtur. Res esse pridem gestas, non futuras, putes. Ieremię omnis majestas posita in verborum neglectu est. adeo illum decet rustica dictio. multa ille effatus in Assyrios est, quos identidem per columbam designavit. quippe fuerat hoc Semiramidis *בְּרִית אֱלֹהִים* *symbolum*, uti erudite censuit autor Iudæus, cujus liber *מִלְכָּם* extat hodie. Cæterum, vaticinandi virtute nemo præ Daniele est. docet enim quo tempore sit venturus Messias, & regum edisserit sequentium seriem, annosque numerat; &, ne quid desit, etiam prænuntia addit signa.

Quæ

Quæ omnia ejusmodi sunt, uti Porphyrius, cui studium fuit isthæc eludere, nesciverit quo se verteret. quippe arguebat eum manifesta rerum fides. igitur ad calumniandum redactus est. quod ipsum adeo frigide fecit, uti cordatis hominibus gravedinem moverit & tussim. Defricanda hic nobis paulisper Iudæorum insulsitas est. Prodidit jam olim sanctissimus Hieronymus, Daniele ab illis non inter vates, sed hagiographos poni. Mea sic est ratio, & sic animum induco meum, esse hoc ab illis perquam inepte factum; siquid. ~~in~~ hercle tot & tam illustria sunt illius viri vaticinia. Et nuper quidem hæc res disceptandi causam dedit viris duobus hac ætate eruditissimis, cum vatem unus esse, alter haud sic sensisse Iudæos assereret. Quæ profecto contentio non est tanti. Ego, non quid fecerit olim vesana gens verporum, sed quam recte fecerit, id vero exquirendum arbitror. Quid autem affertur tandem, cur hoc laudemus? Ratio quidem aut causa nunquam à Iudæis exposita est. aut, si est, legisse me non memini nunc. At divinatur tamen, & conjectura fit, ut in re crepera. Nempe, audio, quia in aula atque in regum cultu ætatem egit: quia po-

liticus fuit, & vatem professus non est. Atqui nec professus hagiographum est. Et cur igitur illum hagiographis adscribere? Utique hoc friget. Iam vero, quæ res vetet eundem amicitia principum florere, & simul vatem agere, nondum intelligo. Ipsi Rabbinī, Iudæorum columina, vulgo illud ajunt, שאין הנבואה שורה אלא על אדם עשיר
Prophetiam non recubare nisi super divitem. itaque suo se gladio confodiunt. & nos scimus, Davidem olim, aliosque, qui summum imperium tenebant, res futuras sacro afflatu cecinisse. Miseros vero vates, si nominis huius honorem nemo tulit, nisi qui cum baculo aut pera ambularet. Apud Aristotelem Crates, ambitiosus sapientiæ affectator, paupertate & sordibus gloriatur illis verbis, ὅτι οἶδα, πῆρῃ δύνάμει ἡλίχῳ ἔχῃ, θέρμων τε χοίνιξ. *habet nescio quam vim pera, & lupinorum modius.* mendose profecto, me iudice. etsi ille veritus est peram quoque illam carmine celebrare, flexis leviter ad eam rem versibus Homericis, quibus nobilitata Creta est,

Πῆρῃ τις γαῖ' ἐστὶ μέσῳ ἐνὶ οἴνοπι
τύφῳ,
Καλὴ γὰρ πίερα, ἀρίστου δ' ἐὶν
ἔχουσα.

Tera

*Pera est tellus quadam in medio nigri
fumi sita,*

*Pulcra; pinguisque, & undique ma-
dida, sed nihil habens.*

scilicet, quasi illuvies sapientiam gi-
gneret, aut bonam mentem. pluris
erat una Creta, quam ter mille peræ.
Sed nobis fas haud est inter seria joca-
ri. Illud iteramus, solennia delirasse
Iudæos, cum Daniele ex eo ordine
eximerent, quem ille maxime hone-
stat. Nunc ad propositum reverta-
mur. Vaticinatus est Daniel in exilio
Babylonico, quemadmodum & Za-
charias, Aggæusque, & qui postre-
mo hos sequitur, Malachias. Qui vi-
ri ubi decessere, omnino vaticinandi
illa vis apud Iudæos cessavit. donec
tandem Ioannes Baptistes prodiit,
qui Malachiæ longo sed intervallo
proximus fuit. Is simul & vatum ul-
timus extitit, & evangelisantium pri-
mus. Vatem certe fuisse, significatum
est verbis cantici, quod apud Lucam
pater grandius ore mortali sonat, καὶ
οὐ ποιῶν ὡς φήτης ὑψίστης κλητή-
σῃ. ὡς πορεύσῃ γὰρ ὡς ὡσώπῃ
κύριος, ἐτοιμάσω ὁδὸς αὐτοῦ. Tu ve-
ro, fili, propheta altissimi vocaberis. Eris
enim Domini anteambulo, uti viam illi
pares. Extat Malachiæ oraculum in

hæc verba editum, *Mittam vobis Eliam prophetam, antequam veniat dies Iehovæ maximus & verendus*. Eliam illum optimus oraculorum interpretæ Messias non esse alium, nisi Ioannem, indicavit. Est autem alteri alterius nomen commodatum à vate, propter summam, quæ inter utrosque est, similitudinem. Cinctura & vestis eadem fuit. Iesabelem ille, hic Herodiadem offenderat libertate increpationis. Vasta ambo & inculta loca, procul à mortaliū profana multitudine, habitare; plane uti profectum ab illis videatur pium & laudabile veterum Eremitarum propositum. Adde, quod idem numinis afflatus, & eodem pacto utrumque inflammavit. Neque illud vane dictum ab angelo est, *in virtute Elie venturum*. Messias quidem, cum in monte quodam, discipulis coram, in cœlestem quendam habitum se indueret, Eliam ad familiarem sermonem adhibuit. id quod apprime gloriosum fuit. cæterum, qui Ioanni datus ab eodem honos est, haud minor erat. negat enim quenquam hominem natum esse, qui eum antecelleret. Ita ille acerrimus rerum iudex luculentum dedit testimonium ei homini, qui natus erat quidem omnium ultimus, sed

sed tamen vaticinari ante cœperat, quam natus esset: quî integritatis exemplar fuit, totus innoxius, totus sacer: denique, cujus apud sepulcrum Paula, fœmina sanctissima, vidit quondam dæmones cruciari. Hieronymo enim, qui illud indubitanter affirmat, haud deroganda fides est.

CAP. V. VIII.

De Cabala, sive, de lege, quæ scriptis mandata non est. Quo pacto ressecandi sint nodi, qui in locis parallelis latent. Quam sobrie utendum sit anagogis & mystica interpretatione. De Iudæis Karraitis, quorum factio præ cæteris cordata est, & fugitans ineptiarum. De opibus eorum.

Legem Iudæi duplicem habent, quarum altera scriptis mandata, altera autem verbis duntaxat edita quondam est. Et de ea, quidem quæ scripta est, pauca quædam, quæ offerebant se nobis antea, retulimus. Superest Lex altera, hoc est, Cabala, sive ea doctrina, quæ licet à summo numine tradita sit, tamen in tabulas relata non est, ob hanc causam, uti plebs Iudæica, quæ tunc adhuc rudimentorum decurrebat spatia, arcanos sacrorum

voluminum sensus admiraretur potius, quàm intelligeret. Didicerat Moses mystica quædam legis interpreta-
 menta, dum in monte Chôreb sermonem cum Deo fereret. Hæc post illum aliis data commissaque fuere, qui Spiritu sacro agebantur. Absit enim, uti nunc Cabalam appellem putida quædam deliria, & nugas plus quàm aniles, easve expositiones, quas ante Christi ævum, & diu post illud Iudæorum magistri quidam, febriculosi mortales, ceu mysteria alii aliis tradidere. Longè hoc aliud est. Ego veram Cabalam appello, mysticum intellectum earum rerum, quæ in sacris libris latent. Is intellectus, cum antea penes vates fuisset, sed non vulgandus mortalium seculis, tandem divino munere Apostolis & Evangeliorum concessus scriptoribus est, uti, quod diu latuerat, publica voce illorum præderetur universis. Itaque Cabalam, non cum vulgo eam dico, quam alii aliis tradidere, sed quam cœlitus acceperunt viri sancti. est enim קבלה *acceptio*. Divus Palus, qui ad pedes Gamalielis federat, eaque didicerat omnia, propter quæ superbi-
 rent Iudæorum eruditissimi, tunc demum Rabbinicam didicit Cabalam; cum jam Apostolus factus, didicerat
 veram.

veram. nesciebat enim antea, τὸν νόμον
εἶναι πνευματικόν, *legem spirituales*
esse. Danda est mihi paulisper opera,
uti hæc manifesta sint. In Numerorum
libro quædam de principibus & duci-
bus, deque tribunis & centurionibus
referuntur. Ea narratio historica est.
neque aliter tunc eam accepere He-
bræi. At D. Paulus sublimiore sensu
illa verba intellexit, &, quod illis inest
secretum, publicavit, cum ad Ephesios
scriberet, *esse in cælis principatus, esse do-*
minationes, esse potestates atque virtutes,
& alia ministeriorum vocabula. Etenim
nefas sit, Paulum, qui sacra volumina
accurate, si quisquam alius, perlegerat,
quidquam dixisse, quod in illis scrip-
tum non extaret. Non veremur nos
hîc Hieronymum sequi, qui planè sic
opinatus est. Verùm, age; proferamus
alia quædam, quæ pluris sint. Certè il-
lud confutari non potest, quod jam-
dicam. In Deuteronomii capite trice-
simo, sapientissimus legislator Moses,
extrema oratione, qua populum allo-
cutus est, sic inquit, *Præceptum hoc,*
quod ego precipio tibi hodie, non est occult-
tum à te, neque longinquum. non est in
cælis, ut dicas, quis ascendet nobis in cæ-
lum, & capiet illud nobis? neque est trans
mare, ut dicas, quis transibit mare,

& accipiet illud? propinquum est tibi
 verbum hoc valde, in ore tuo & in a-
 nimo tuo, ut facias illud. Nempe hoc
 ait, non esse Hebræis longe eundum,
 uti sciscitentur numinis voluntatem.
 quippe in medio eorum esse legem.
 Hæc omnia Divus Paulus in Epistola,
 quæ ad Romanos scripta est, in capite
 decimo, alio vorsum traxit, & de Evan-
 gelio interpretatus est. Ac primo qui-
 dem spectavit verba Moïsis, quæ in Le-
 vitici capite decimo & octavo extant.
¹ Itaque ait, *Moses describit iustitiam,*
quæ est ex lege, quod, qui præstiterit ea,
vivet per illa. Hic simplici sensu verba
 legislatoris accipit, uti sonant. Subji-
 cit dein alia ejusdem verba ex Deu-
 teronomio, non præter mentem qui-
 dem ejus, sed longe tamen aliter, quam
 intellecta non dicam ab Hebræis, sed
 à cunctis mortalibus fuerant usque in
 illum diem. ² At, *quæ ex fide est, iusti-*
tia, ita dicit: ne dixeris, quis ascendet in
cælum, aut descendet in abyssum? prope
te enim verbum est in ore tuo, & in corde
tuo. Hoc est verbum illud fidei, quod præ-
 dicamus. Valde errant, qui hic nihil
 nisi quandam esse verborum allusio-
 nem

¹ In epist. ad Rom. cap. 10. v. 5. ² Ad
 Hebr. cap. 10. vers. 6.

nem arbitrantur. Duplicem enim esse
 iustitiam Apostolus, autore Mose, ait,
 alteram ex operibus, alteram ex fide.
 Vnum testimonium legislatoris citat,
 על משה, *ut sonat*: alterum Cabalice,
 על מדרשו, hoc est, ex sensu quidem Mo-
 sis, sed mystico. nam postquam verba
 ejus retulit, addit, ¹ *Hoc est verbum illud*
fidei, quod predicamus. Nos hujusmodi
 expositionis modum etsi non intelli-
 gimus, tamen, quia à spiritu Dei est,
 rectum esse credimus & verum. Etiam
 in verbis, quæ extant in capite secun-
 do Geneseos, agnoscimus Cabalam.
 Quod enim ibi dicitur, *relinquet homo*
patrem matremque, & adhærebit uxori,
 ex illo ignotum mortalibus sacra-
 mentum revelat idem Apostolus, in
 capite quinto Epistolæ ad Ephesios:
mysterium hoc magnum est: loquor au-
tem de Christo & de Ecclesia. Plura ejus-
 modi in illo luculento scripto sunt. Est
 enim profecto Epistola ad Ephesios
 plena mysticis atque abditis sensibus.
 id illi singulare contigit. Cæterum
 haud credendum est, Cabalæ esse lo-
 cum in solis legum libris. Latius enim
 ea res patet. Quidquid fatidici vatum
 libri, quicquid hagiographa conti-
 nent, ejus est duplex significatio; una

¹ *Ad Rom. cap. 10. v. 8.*

nuda, quæ פשוט recte dicitur, altera
 obscura latensque, quam vel אגרות vel
 דרש appellare licet, quia eruenda, ve-
 stigandaque est. Vetus est Rabbino-
 rum verbum, אין מקרא יוצא מירי פשוט
 אבל יש לו פשוט עם מדרשו ואינו יוצא
 Sententiam duntaxat
 referre libet, ne nobis necesse sit ¹ Cap-
 טאעזען. Nusquam, inquiunt, scriptu-
 ra est absque sensu simplici. sed habet pa-
 riter, ut mysticum, ita & simplicem. his
 duobus non est ut careat. In octavo Psal-
 mo, de hominum excellentia agitur,
 qui dominatum in cætera animantia
 tenent, & propemodum dii sunt ter-
 restres. At D. Paulus ² Davidem lo-
 cutum ait de altero mundo, deque
 Christo, qui illic rerum potitur. Ne-
 mini istud post natos homines in men-
 tem venisset. adeo diversa sunt. nunc
 nihil indagemus ultra. expositio Ca-
 balica est. hoc satis esto. Eadem arca-
 na edoctus Matthæus fuit. Etenim
 beatam virginem, metu Herodis, in
 Agyptum asportasse filiolum, & mor-
 tuo rege rediisse ait, eaque re effectum
 esse id, quod olim prædixerat vates,
Ex Agypto vocavi filium meum. At-
 qui

¹ Barbare loqui. ² Epist. ad Hebr.
 cap. 2. v. 5. & 6.

qui Hoseas, quidquid se versant fatigantque eruditi quidam interpretes, non de Messia, sed de populo Israëlítico locutus illic est, quem eduxit ex Ægypto quondam Deus, quemque filium suum non semel alibi, & primogenitum appellat. Itaque expositio, quæ apud Matthæum est, tota est mystica & Cabalica. neque aliter profecto existimandum est, nisi vim facere apertæ orationi, aut fingere ipsi nobis quasdam chimæras volumus. Nihil nobis facilius esset, quam illud multis argumentis evincere. Sed breves esse laboramus. Profecto, nulla res omnibus cordatis viris plus negotii faceffit, quam recta interpretatio testimoniorum, quæ ex lege & vatum ex libris in sua scripta transtulere Apostoli. quippe multa aliena videntur atque omnino usurpata præter mentem Moïsis atque vatum. quæ qui defendere alia via, quam ista, student, frustra sunt. Et tamen haud ignave jam ante à præclaris viris elaboratum est, uti consonare omnia & quiddam habere convenientiæ inter se atque similitudinis viderentur. Sed pace eorum dixerim, non explevere nobis animum. Nam qui hæc nihil nisi allusiones esse quasdam volunt, næ illi haud intelligunt se ni-

se nimis frigide excusare Apostolos. Cur enim citant Mosis & vatum verba? nempe, si verum amamus, ob hanc causam, uti fidem faciant suis scriptis. At quam fidem facient, si mala fide usurpent authorum dicta? denique, si sensum eorum aut torqueant, aut, quod pejus est, pervertant? Adde, quod ipsi profitentur plerumque, se illos testes citare, &, factum esse illud, quod illi quondam vaticinati erant. Bene atque in tempore jam ante dixi, clausum usque in eam diem fuisse sacræ scripturæ librum, cujus signacula solvit leo ille de tribu Iudæ. Hoc iterandum fuit. Scitum est istud, *ὅτις καὶ τοῖς τὸ καλὸν*, *bis & ter repeta- tur quod pulchrum est*. Enimvero, leo ille, Messias est, qui divina vi atque quadam inspiratione Apostolis dedit mysticum intellectum earum rerum, quas nemo quisquam assecutus fuerat. Nos ea, ad quæ mens nostra imbecilla haud ascendit, sola admiratione veneremur: &, quoties causas rationesque istiusmodi probationum non cernimus, dicamus, Cabalam esse, non illam ineptam Iudæorum, sed hanc, cujus author Deus est. Hoc unum asy- lum superest, ad quod confugere licet. Secus, nodos video inextricabiles, &
implexa

implexa ænigmata, quæ dissolvere
 haud opis est nostræ. sed nec in alio
 quopiam esse eam ingenii vim opina-
 mur. Diximus de mystica interpreta-
 tione, quod sentiebamus. sed addimus,
 haud promiscuam eam esse, nec plu-
 rium, sed stare suis finibus. stat ea, in-
 quam, intra Apostolos & Euangelio-
 rum scriptores, quorum sunt com-
 mentationes *ἱερωνύμου*. Nam quod
 postea sancti Ecclesiæ antistites idem
 illud imitati sunt, alia res est. nullum
 enim eorum inventum probare cogi-
 mur, nisi probe nobis ejus intellecta
 ratio sit. Ad Cabalæ divinitatem opus
 est, uti in hominis pectus vis cœlestis
 descendat. Non potest res tanta stare
 sine numine. Origenes, maximus sane
 vir, in anagogis tantum sibi permisit,
 uti modum excesserit, neutiquam ve-
 recunde. at Augustinus & Hierony-
 mus pudentiores fuere. quare, ut nul-
 la eorum commenta authoritatem
 obtinent sacram, ita sunt pleraque ta-
 men pulcherrima. Vel illud Hierony-
 mi quam luculentum est, quod ideo
 referam, quia ad legis arcana, de qui-
 bus diximus hætenus, pertinet. Disce-
 rit super Matthæi verbis, quæ sunt in
 capite vicesimo & septimo, *Velum tem-
 pli scissum est in duas partes, à summo us-
 que*

que deorsum. Iuxta anagogen dicendum est, inquit, quod inclamante Iesu & emit-
tente spiritum, velum templi scissum sit,
& omnia legis revelata sint mysteria, ut,
quæ prius recondita tenebantur, universis
gentibus proderentur. In duas autem par-
tes, in vetus & novum testamentum: &
à summo usque deorsum: ab initio mundi,
quando homo conditus est, & reliqua, quæ
facta in medio, sacra narrat historia, us-
que ad consummationem mundi. Et qua-
rendum, quod velum templi scissum sit, ex-
terius, an interius? Mihi videtur in pas-
sione domini illud velum esse conscissum,
quod in tabernaculo & in templo foris po-
situm fuerat, & appellabatur exterius:
quia nunc ex parte videmus, & ex parte co-
gnoscamus. Cum autem venerit quod perfe-
ctum est, tunc & velum interius dirumpen-
dum est, ut omnia, quæ nunc nobis abscon-
dita sunt, domus Dei sacramenta videamus.
Hæc & erudita sunt, & pie excogitata.
Sane pleraque de hoc genere, quæ pri-
sci Patres scripsere, plus genii habent,
quam Iudæorum argutiæ. qui tamen
homines, plurima cum habeant erudi-
tionis præsidia, nihil intentatum reli-
querunt. Nimium ineptiunt plerique,
qui inter eos interpretati legem sunt,
superciliosi magistri, qui errores erro-
ribus tegunt, ne perpluant, & discipu-
los

los suos magna mercede unum hoc docent, *Nihil sapere*. Qui plurimos sui similes, hoc est, putidos & nugatores effecerint, ii primas tenent, & nomine admodum insolenti sese appellitant מרביצי תורה, quasi tu barbare dixeris, *Qui efficiunt uti lex recubet*, hoc est, quiescat inter eos, & sedem habeat in sola gente Iudaica. Est tamen eorum factio quædam cordatior. ii sunt Karraitæ, qui spretis hominum placitis, Talmudica præcepta pro nugamentis habent, & nihil admittunt, nisi sacri codicis contextum. Sed id hominum genus cæteris Iudæis invisissimum est. Itaque, cum sint oppido pauci, sed ad unum omnes ditissimi, filias suas cum dote summa vix dare nuptum queunt. Hoc, quia ab aliis proditum jam est, non referrem, nisi persæpe nobis movisset risum. Profecto usque adeo bonam mentem ejuravere putidissimi mortalium, uti malint pecuniam, rerum reginam, spernere, quam socerum habere non ineptientem.

CAPVT IX.

Quid de Messia perceptum cognitumve habuerint Hebraei in veteri Ecclesia. Tota res illa diligentius excussa. Quam pravo

pravo more omnia ad artem & ad formulas adstringantur.

IN superioribus libris, cum Iudæos, post Messiae adventum, spretos posthabitosque à numine diceremus, demonstravimus causam ejus rei fuisse summam illorum incredulitatem. Et sane quæ potuit esse desperatio perveritas, quam quod oculis ipsi suis, suisque auribus fidem haud habuerint, cum aderant jam non rerum testimonia signaque, sed res ipsæ? Vtique hoc vindicandum ultricibus pœnis fuit. Nunc libet nobis postliminio regredi in ea tempora, quibus Messiae beneficia per imagines modo figurasque, atque per vatum prædictiones significata quondam Hebræis sunt. Enimvero, cum insint in oraculis arcani sensus, cumque oppido arduum sit mortalibus res futuras, nedum earum umbras, intelligere, diu illud inter homines eruditissimos disceptatum est, quid de summo salutis auspice speraverit olim credideritve antiquior illa Hebræorum natio? Habet ea res magnum momentum ad rectam interpretationem totius sacri codicis. adeo late patet illius ambitus. est enim ubi Divus Paulus quædam diversa dicere videtur.

videtur. atque eadem est velut discrepantiæ species in aliorum scriptis. Itaque excutienda hæc nobis sunt, haud sane in transcurso. Iuvat enim interdum philologorum spatia relinquere, & in his consistere, quæ sunt sublimioris contemplationis. Eatur, quo nos rerum magnitudo vocat. Nisi semel statuerimus, quod consilium in illis sequamur, semper æstuabimus. Dignus hic vindice nodus est. Et opiniones quidem aliorum non percensebimus. positi enim in magna varietate sunt. & præterea, nemo dixit quod penitus placeret. Nos nihil cuiquam detrahentes, mediam quandam secuti rationem, patenti via pergemus ad verum. Ac primo quidem de patriarchis deque vatibus dicamus, quos animi sui fiduciam in Messia posuisse, scientiamque habuisse summi mysterii, utique scimus pro certo. Tantæ rei cognitio, quoddam beneficium singulare fuit, quod numinis quidem favor illis tribuerat, sed omnibus hæud ex æquo. Minus enim clare hoc quidam sciverunt, etsi sciverunt tamen. Inter omnes, qui per illa tempora vixere, nemo fuit quisquam, qui plus crediderit, quam Abramus. Itaque de illo perquam magnifice ait istud servator hominum,

minum, *Abraam pater vester gestivit ut videret diem istum meum: & vidit, ac gavisus est.* Quid potest pulchrius excogitari? Agitabat ille animo omnia magna atque excelsa: sed munimenta non habebat, quibus insisteret. Orbitas enim ejus, quia sine liberis erat, spernebatur. Id angebat viri animum. Audivit vota ejus propitius Deus, & progeniem illi pollicitus est, quæ late regnaret. at ille statim hinc altius aliquid meditatus est, & fore intellexit uti ex se Messias oriretur. ita enim divus Paulus¹ interpretatur, *Abrahamo dicta sunt promissiones, & semini ejus. Non dicit, Et seminibus, ut de multis: sed ut de uno, Et semini tuo, qui est Christus.* In eodem ordine Iacobum, Davidem, atque alios quosdam, sed paucos, locamus. Quæ cæteris contigit ejusdem rei cognitio, obscurior fuit. idque significatum est illo Messia dicto, quod antea quoque citavimus, *Multi vates & justī cupiverunt videre, quæ videris, & non viderunt.* Vtique, quem venturum sciebant, cernere desiderabant. Hæc fides illorum fuit. Desideravit & Abrahamus. Hoc inter eos commune erat. At diversitas in eo est, quod vidit ille, quæ

videre

¹ *Ad Galat. cap. 3 vers. 16.*

videre cæteris haud datum est. *Abraam cupiit videre, & vidit, letatusque est.* Hæc Abrami felicitas profecto non vatum modo, sed angelorum quoque excessit sortem. De qua re nos certos facit divi Petri isthæc oratio. ¹ *De qua salute inquisiverunt propheta, scrutantes in quod vel quale tempus prænuntius ille, qui in ipsis erat, spiritus Christi, declararet eventuras Christo perpeffiones, & gloriam illas consecuturam. quibus patefactum est, eos non sibi, sed nobis ea administrare, quæ nunc annuntiata sunt vobis, in quæ desiderant angeli introspicere.* De his, qui sanctæ gentis capita fuere, quique futura vaticinati sunt, ita habendum est, uti diximus. Atque id neutiquam obscurum est. At multitudinem & vulgus piorum si cogites, jam exquisitiore opus oratione est, uti expedias quid crediderint. Nobis haud commitendam est, uti ullo pacto sequi videamur quosdam delirantium sectarum duces, homines vanissimos & spiritu vertiginis actos, quorum opinio est, non esse Iudæorum plebem transmissam in eum rerum statum, in quem pios cunctos vindicavit Messæ virtus. Plane enim contra sentimus. Certum est;

¹ In I epist. cap. 1. v. 10.

est, indubitatumque, quod Apostolus ait Hebræis suis, in capite nono, *ob id novi fœderis mediator est, ut morte intercedente in redemptionem earum pravariationum, quæ fuerant sub priore testamento, promissam eternam hereditatem acciperent, qui vocati erant.* Enimvero ait expiatum esse, quod ante deliquerant Iudæi. Neque alio pertinet, quod scribitur ad Galatas, in capite tertio, *Antequam venisset fides, sub legis præsidio tenebamur, conclusi in eam fidem, quæ erat revelanda.* Hæc negare, id vero esset ad summum vecordix venisse. Non sumus tam imprudentes. Scimus illis obtigisse cœlestia bona. Sed de fide eorum, dispiciendum amplius est. Age igitur, primo consideremus, an non potuerint illis hæc omnia obtingere etiam sine sacra fide? Mox, ubi hoc palam fuerit, reliquum erit, uti & fuisse in illis aliquam fidem, & cujusmodi ea fuerit, ostendamus. De priori capite sic statuimus; etiamsi multitudo nihil cognitum perceptumve habuisset de Messia, nihilo tamen minus cœlestem beatitudinem dari illis potuisse propter patriarchas, qui Messiam mente intuiti sunt, & fœderis hanc promissionem accepere à numine, *Ero Deus vester & posteritatis vestra.* Hinc perfer-

persæpe Israëlitarum in sacro codice, cum veniam ab irato Deo, & insuper magna impetrant beneficia, cœlesti voce monentur, uti hoc totum acceptum ferant maioribus suis, Abramo, Isaco, Iacobo. Creber ille sermo est in Pentateucho, & in vatum scriptis. Porro fœderis illius, quod cum patriarchis sancitum diximus, sponsor Messias fuit, qui ob eam causam à vate appellatur *angelus fœderis*. Quare, quod si multitudini Israëlitarum data sic salus esset, propter Messiam data esset, profuissetque hoc illis, quod maiores eorum tantis promissis quondam habuerant fidem. Et vero, qui hoc diceret, nihil faceret insolenter, siquidem etiam bene esse infantibus illis existimamus, quorum nascentia fata mors abruptit in vitæ limine. valet enim illis ad salutem pietas parentum, usque adeo certe, uti divus Paulus dicat, liberos, qui nati ex altero parente impio sunt, sanctos tamen esse propter alterius fidem. Locus est in epist. 1. ad Corinth. in c. 7. *Maritus incredulus sanctificatus est in uxore, & uxor incredula sanctificata est in viro. alioqui certe liberi vestri impuri essent. nunc autem, sancti sunt.* Non ignoro equidem, extare scripta gravissimorum hominum,

num, qui in infantibus, uti captus eorum est, inesse quandam sacrae fidei vim tradunt. Sed hoc tam fatuum est, ut flagris castigari dignum sit. Apostoli enim vox est, ¹ ὅτι ἡ πίστις ἐξ ἀκοῆς, *ex auditione fidem esse.* addamus nos, *etiam ab assensu.* Agant vero illi, quorum est istud delirium, & memoriam pueritiae suae, quoad possunt, repetant ultimam. Sane haud dicent se vel illo tempore, cum inter æquales primulum ludere inciperent, quicquam magnopere compertum habuisse de summo religionis mysterio. aut, si dixerint, tum vero mihi incedant cum manicata tunica. Ita decet profecto. nam ab incunabulis sapiunt. Cæterum, haud abs re est, quod Israëlitas cum infantibus composui. Causa enim, cur numinis jussu in Arabum desertis per Mosen lata lex sit, hæc fuit, uti religionum ritus quidam cæremoniæque extarent, iisque se elementis infans solaretur populus, donec in terras venisset promissus majoribus ipso- rum Messias. Præclare divus Paulus ad Galatas ait in hunc modum: *Lex transgressionum gratia addita est, usque dum venisset semen illud, cui facta est promiss-*

¹ *Ad Rom. 10. v. 17.*

promissio. Et paulo post: Lex nos, velut pueros, manu duxit ad Christum. Sed apertissime, in cap. 4: Nos, cum essemus infantes, sub elementis mundi eramus in servitutem redacti. Ea elementa ibidem infirma & egena appellantur, quæ relinquere, & solidam veramque doctrinam capessere iussi sunt mortales, cum Messias venisset. quippe scriptum alibi est, Mortui cum Christo estis & defuncti elementis mundi. Quare, qui hodie supersunt Iudæi, non amplius pueri sunt, nec sub pædagogo vivunt. Atque adeo, non pertinent nunc ad eos illa beneficia, quæ olim rudi infanti-que plebi propter maiores dari potuisse diximus. Venit enim ille dies, qui virile quiddam atque consummatum ab illis requirit. Ex his, quæ retulimus, constat, fœdus olim duplex fuisse. Alterum cum patriarchis factum est, id-que sancivit Deus promissionibus, quæ de Messia sunt. Hinc illa sunt in epistola ad Galat. ^x Abrahamo dictæ sunt promissiones. pactiorem autem confirmatam ante à Deo respectu Christi, Lex post annos 430 lata non facit irritam, ut aboleat promissionem. Et in commentariis Actuum Apostolicorum dicitur, Nos vobis, lata

Z

portan-

^x In cap. 3. vers. 16. & 17.

portantes, annuntiamus eam promissionem, quæ facta Patribus est. Alterum fœdus cum multitudine pepigit Deus, sanxitque legistatione. In eo fœdere pariter, uti in priore, promissiones quasdam fecit Deus, sed earum rerum, quas ideo desperabat populus, quia vivere ex legis præscripto non poterat. Conanti enim officiebat naturæ infirmitas. Itaque quod scriptor Epistolæ ad Hebræos ait in capite octavo, *Christus excellentius ministerium sortitus est, quo præstantioris est fœderis intercessor, quod præstantioribus promissis sancitum est*: sane illic novi testamenti pactio non componitur cum fœdere, quod datum patriarchis est, sed cum eo, quod diu postea sancitum lege est. Locus ille obscurissimus est, & nisi commodè sic, uti jam subjiciemus, explicetur, tenebras offundet sacra scripturæ. Enimvero ita res est. Novi testamenti tabulæ hæud promittunt res meliores, quam olim promissæ patriarchis fuere, neque *novum* dicitur testamentum, quasi veterem pactiorem cum Abrahamo factam abroget, sed quia illius vi aboletur alterum illud fœdus, quod cccc xxx annis post priorem pactiorem sancitum legibus est, in quo promissiones quidem fiunt populo,

pulo, sed quas *deteriores* appellat Apostolus, quia conditionem illis adiecerat legislator, quam præstare nemo poterat, *Qui fecerit ea, vivet in eis.* At de Abrahamo, cui in priore pactione promissus Messias est, ait sacer spiritus in Genesi, *Credidit, & justus habitus est.* Hæc cum hunc in modum de priorē illo capite dici perquam probabiliter possint, pergamus ad alterum, probemusque fuisse olim quandam fidei vim in multitudine piorum. Ac primo quidem, quæ in universum vulgus Israelitarum credere necesse habuit, ea ferme istiusmodi sunt; Dei virtute res posse maximas & admirandas perfici; certa esse illius promissa: colendum illum non vultu & fronte, quibus simulatio facillime sustinetur, sed animi obsequio: eam gloriam, eas opes esse pulcherrimas. Plura ejus generis referri queunt, cum ejus rei multæ sint magnæque affinitates. Sed nos nullis terminis eam circumscribimus. Ridicula superstitio est, de definitionibus semper sollicitum esse. Quædam enim haud recte limitantur. Ita rerum indoles fert. Profecto doctores umbratici, qui omnia in formulas includunt, sæpe in arctum desiliunt, unde pedem referre haud sinit pudor, & incepti

lex. Hinc discordia, iræque, & nulla modestia contentionis. Apostoli & Euangeliorum scriptores, si brevi usuralucis ad mortalium cœtus redirent, mirarentur ad libros suos interpretandos tot esse analyses methodosque, & ex sophistarum nugis tot insanas moles convectatas. Divina quædam res est in eorum scriptis. horrida illa simplicitas, quam olim tanto quisque felicius secutus est hercle, quanto propius tempora illorum attigit. Nunc, in hoc mundi senio, postquam intra famelicæ artis spatia stetimus, levibus atque inanibus præceptis effectum est, uti corpus divinæ sapientiæ enervaretur & caderet. Sed non est hic nobis declamandum. Ad fiduciam illam, quam in universum ponere in Dei virtute promissionibusque debuit gens Israelitica, pertinent verba disertissima Divi Pauli in epistola ad Hebræos, aut quocunque nomine appellandus is author est, qui epistolam scripsit ad Hebræos: ¹ *Nobis evangelizatum est, sicut & illis. Sed non profuit illis auditus sermo: quippe qui fide contemperatus non fuerit apud eos, qui audierant. Oratione usus est haud admodum adstricta.*

¹ cap. 4. v. 2.

Etā. Nam, si veteres Israelitas spectes, Euangelismum appellat, promissionem quietarum sedium, quas in Cananæa sibi fore intellexerant ii, qui cum Mose Ægyptum reliquerunt. Illis autem sedibus plerique haud potiti sunt, hanc ob causam, quia in vastissimo deserto, inter varios casus, rerumque inter discrimina, identidem in querelas quasdam & seditiosas voces erumpebat incauta mortalitas, neque durare fortiter, aut semet rebus servare lætioribus poterat. Paulo ante ¹ dixit divinus scriptor, *Quibus autem iuravit, non ingressuros eos in requiem, nisi iis, qui non obedierant?* Nimirum hoc ait, exclusos fuisse eos, qui immorigeri fuere. Itaque fides, de qua ibi sermo est, fuit obsequium: incredulitas autem, contumacia erat & inobsequens affectus. Sed incredulitatis illius indoles manifestior est in illis verbis, quæ ibidem ² scriptor epistolæ recitat ex Psalmo nonagesimo & quinto: *In deserto tentaverunt me patres vestri, probaverunt me, & viderunt opera mea quadraginta annis. quapropter insensus fui nationi isti, & dixi: semper errant corde, ne-*

Z 3 quo

¹ Hebr. cap. 3. vers. 18. ² Ad Hebr. cap. 3. vers. 9. & 10.

que cognoverunt vias meas. Rursum vero ibidem, atque ex eodem Psalmo, alterum quendam melioremque eruit euangelismum : cui quisquis fidem haberet, is non Cananææ sedes animo contemplaretur, sed æternam cœlestemque quietem, quam non Iosua, sed Messias, summus rex, suis civibus conficit. Hoc est ¹ in illis verbis, *si Iosua eos in requie collocasset, nequaquam de alio posthac die locutus fuisset. itaque reliquus est aliquis sabbatismus populo Dei.* Enimvero ait eos, qui Iosua duce in Cananæam venerunt, tamen propterea non frui cœlesti requie. Atqui jam dixit eos per fidem venisse in Cananæam. Ex quo profecto palam fit, fidem eam, quæ in Messiam est, haud ex omni parte eandem esse cum ista, quæ in universum Dei adhibetur promissionibus. Certe quidem ipse Moses prohibitus tranquillis Cananensium sedibus est, quia numinis diffidebat virtuti, cum saxum feriret. Hæc fuit mera incredulitas, & expresse id scriptum est in capite vicesimo Numerorum. at idem tamen ille quantam spem in Messiae meritis habuerit, discimus ex illis verbis; ² *Moses majores divitias arbitra-*

¹ cap. 4. vers. 8. ² cap. 11. vers. 26.

arbitratus est probrum Christi, quam Ægyptiorum thesauros : concitabat enim oculos in mercedem, quæ sibi daretur. Itaque quidquid de veterum Israelitarum incredulitate in capite tertio & quarto dicit Apostolus, id vero caute accipiendum est. Monet enim sui seculi Hebræos, magnopere providendum esse, ne illis ad capeſſenda bona cœlestia obſit ſua incredulitas, quoniam profecto majores eorum, poſtquam Deum irritaviſſent, excluſi fuere beata illa regione, quæ meliorem hanc cœleſtemque patriam figurabat. Hæc eſt ſimpliciſſima interpretatio illius loci, ex quo nunquam fore ſperaveram uti me expedirem. Omnis iſte ſermo nihil aliud niſi levitatem vanitatemque Hebræorum ſignificat, qui in Arabum deſertis, vitio humani ingenii, ſæpe lapſi graviter ſunt, & mala ſibi ſua accerſivere. Quanquam haud fuit ſane majus animi robur in illis, qui terram promiſſam intraverunt, quique ſacra illuc & religionum tranſtulerunt cæremonias. Extant de eo populo querelæ numinis adeo multæ, uti in vatum libris utramque paginam faciant. Vtique, ſi omnia perſequi vellemus, magna nos circumflueret rerum copia. Sed breviter rem ediſſerit Sulpicius Severus, epi-

scopus sanctissimus, & , Augustino iudice , vir doctrina atque sapientia pol-
 lens. Ejus verba , quia elegantissima
 sunt , huc transcribam. *Semper Hebraei,*
inquit , in secundis rebus immemores cœ-
lestium beneficiorum, idolis supplicabant:
in adversis, Deo. Vnde, cum reputare in
animo soleo, populum tot beneficiis Dei ob-
ligatum, tot cladibus, cum peccaret, coer-
citum, expertumque & misericordiam &
severitatem Dei, nequaquam fuisse emen-
datum, & cum semper veniam erroris ac-
ciperet, semper peccasse post veniam: nihil
mirum videri potest, Christum ab his non
esse receptum, cum jam inde ab initio to-
ties in dominum rebelles deprehendantur.
magisque mirum est, illis semper peccan-
tibus, nunquam Dei, si quando eum im-
ploraverunt, defuisse clementiam. Satis
 diximus de fide, quam in universum
 Dei verbis commodare vetus Hebræo-
 rum debuit populus. Nunc tandem,
 quod caput rei erat, etiam illud dici-
 mus, plebem piorum olim, antequam
 Messias venisset, de Messia quiddam
 certum cognovisse atque credidisse. Id
 demonstrari paucissimis quidem testi-
 moniis, sed demonstrari tamen potest.
 In capite quarto Evangelii, quod scri-
 ptum à Ioanne est, muliercula Sama-
 ritana ex communi & recepta pridem
 homi-

hominum opinione, Messia, quem venisse ignorat, sic affatur, *Novimus Messiam venturum, cum venerit ille, omnia nobis annuntiabat.* Erant Samaritani residua pars Israelitarum, quos à ludæis olim Hieroboamus avulserat. itaque ignorare non poterant quod vulgo cuncti Hebræi super hac re senserunt. Luculenter Apostolus in capite undecimo epistolæ ad Hebræos, fidem eam describit, cujus vim ingentem in omnibus piis fuisse ait. Ejus descriptio est istiusmodi, *fides est illud, quo extant, quæ sperantur, & quæ demonstrat, quæ non videntur.* Subjicit exhinc, *ob hanc elogio ornati sunt prisci illi.* Post hæc, omnis ævi fastos percurrit. Fidei autem hujus laudem non summis modo populi ductoribus, sed plebi quoque Israeliticæ tribuit, quæ Dei jussis obsecuta, Ægyptum reliquit. ait enim: *per fidem transiverunt rubrum mare, velut per siccam terram.* Sane non possumus cogitare populum illum corporitantum & sensibus fuisse deditum, cum eadem fides illi adscribatur, per quam alii heroes, qui in illo capite recensentur, Messiam & cœlestia contemplati sunt. Extat hercle ibi¹ illud quod de

Z 5

Mose

¹ In Epist. ad Heb. cap. 11. v. 26.

Mose jam recitavimus, qui divitias praetavit esse probrum Christi. Et de aliis ibidem dicitur, Secundū fidem mortui sunt isti omnes, eminus promissa conspicati, ac professi se hospites & advenas esse in terra. meliorem enim patriam expetebant, hoc est, cœlestem. De Iosepho quoque illud ibidem haud de nihilo est; Per fidem Ioseph moriens de egressu filiorum Israel meminit: deque ossibus suis mandavit. Enimvero sciebat ille fore, uti in Cananensium sedibus olim Messiae infantia vagiret. itaque quiescere illic sua ossa voluit. Alioqui valde hæc profecto inepta sollicitudo fuisset hominis sapientissimi. Quid enim interest quo loco sepeliare, cum nec illud tua intersit, an sepeliare? Semel hoc beneficium dedit morientibus Deus. cœlo teguntur, quos urna non tegit. Mæcenas, cætera vita mollissimus, hoc unum viriliter dixit,

Nec tumulum curo: sepelit natura relictos.

Nondum illud retuli, quod amplissimis verbis de plebe Israelitica scribit ad Corinthios D. Paulus;¹ patres nostri omnes eandem escam spiritualem ederunt, & omnes eundem potum spirituales biberunt.


¹ In 1. epist. cap. 10. vers. 3. & 4.

*berunt. bibebant enim ex sequente spirituali petra. petra vero erat Christus. Etiam, quæ sequuntur mox, sine piaculo non possunt omitti: Ne tentemus Christum, sicut quidam patrum tentarunt, & à serpentibus perierunt. Iam pervenisse ad calcem videbamus, cum incidit in mentem nobis, nondum rem omnem nos enodavisse. Etenim extat Divi Pauli oratio ad Corinthios, quæ confutare id omne videtur, quod hæctenus dictum à nobis est. Verba sunt; ¹ *Moses imponebat velamen faciei suæ, ne intuerentur filii Israel eis τὸ τέλει* ἡ καὶ ἁρ-
*γυμνός, in finem ejus, quod aboletur. Iam dubium neutiquam est, quin velamen Moysis, cæcitas sit Iudæorum. τὸ καὶ ἁργυμνόν, est lex, cujus vis nunc cessat. finis autem ἡ καὶ ἁργυμνός est Messias. de quo scribitur ad Romanos; ² τὸ τέλει νόμος Χριστός, finis legis est Christus. Sed profecto hæc res nullum momentum trahit, neque causæ est, cur sententiam mutemus. Non enim ait eruditissimus Apostolorum, Iudæos nihil de Christo cognovisse: sed hoc vult, nescivisse eos quodnam fuerit Dei consilium, cum legem ferret. Lex**

¹ In 2 epist. cap. 3. vers. 13. ² In cap. 10. vers. 4.

ret. Lex enim cæremoniæque omnes Christum spectabant. idque erat mysterium admirabile, & quod Iudæi de plebe olim haud intellexere. & tamen venturum Messiam, atque res lapsas fessasque restauraturum didicerant cuncti, ex varibus utique, non ex lege. Hæc nos, quæ in sacro codice observavimus de re intricatissima, ingenue sic publicare neutiquam veriti sumus. Diximus autem neque omnia, neque nihil. De singulis operose disputare, atque argutias serere, nostrum haud est, sed nec cujusquam sani hominis. Non debet cœlestis sapientia in has angustias ex sua maiestate detrahi. Nec vero ii ipsi, quibus hoc facere cura est, quidquam magnopere proficiunt. Nihil enim sibi, nisi flexus disponunt, quos cum magna molestia debeant relegere.

F I N I S.



786284

